

故宮博物院
藏本

管

窺

輯

要

共三冊
第二冊



故宮博物院編

海南出版社

故宮珍本叢刊第 407 冊數學·占候

故宮博物院編

管窺輯要

第二冊（共三冊）

海南出版社

管窺輯要
PDG

圖書在版編目(CIP)數據

管窺輯要.第2冊/(清)黃鼎撰.一影印本.一海口:海南出版社,2000.10

(故宮珍本叢刊.數學占候之屬/北京故宮博物院主編)

ISBN 7-80645-741-0

I.管… II.黃… III.數學-應用-占候-中國-古代 IV.B992.2

中國版本圖書館 CIP 數據核字(2000)第 65654 號

故宮珍本叢刊第 407 冊

數學·占候

管窺輯要

第二冊(共三冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 10 月第 1 版 2000 年 10 月第 1 次印刷

開本:787×1092 毫米 1/16 印張:23.5 印數:1-400 冊

ISBN 7-80645-741-0/Z·19

定價:625 元(數學·占候 4 種共 4 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

管窺輯要卷之二十二

六安黃 鼎玉耳父纂定

男九命簡臣

侄九錫公位

九壽倫叙

九如冒介

侄孫珮琢成

珂先鳴

桐城方兆及子詒同闕


管窺輯要

卷之二十一



管窺輯要

卷之二十一



宋志曰紫微垣東藩八星西藩七星在北斗北左
右環列翊衛之象也荊州占曰有雲氣如雞雛出
此子孫之氣赤黃氣潤澤入天子有喜黃白氣如
旗起入主壽如杓破碗入有璧玉喜白氣出有喪
黑入有兵

天文錄曰北極五星在紫微宮中北在之最尊者其紐星天樞也黃白氣入兵起黑氣入大人憂黃白氣如飛鳥入神氣有喜

天文錄曰六甲六星在華蓋旁主分陰陽配節候

黃雲入術士與蒼白氣入太史官受賜

宋志同

樂緯執圖微曰勾陳六星在紫宮中主後宮巫咸

曰天子護軍黃白氣出不戰罷兵赤氣出將有功

蒼白青黑氣入皆主大司馬憂

宋志曰勾陳星

不欲甚明明即女王惡之

管窺輯要 卷之二十一

王

天文錄曰天皇帝一星在勾陳口中其神曰耀

魄寶主御羣軌萬神圖大人之象也黃白氣入連

大帝坐有喜出天皇上者改立王

宋志同

天文錄曰女史一星在柱史北主婦之微者主傳

漏黃白氣入女史有喜

天文錄曰四輔四星又名四弼在極星側所以輔

佐出政也黃白氣出將相有喜黑入有疾

宋志

曰黃白氣入四輔有喜白氣入相失位

天文錄曰柱史一星在北極東左右史之象黃氣

入史有爵祿蒼白氣入史官死

宋志同

管窺輯要 卷之二十二

四



天文錄曰五帝內座五星在華蓋之下帝所居也

黃氣入君有喜當立宗廟氣入不出六十日太子

即位 宋志曰黃氣入太子即位期六十日赤黃

人君有異

天文錄曰傳舍九星在華蓋上主賓客館舍黑氣

人胡兵侵中國 宋志同

天文錄曰天柱五星在東垣下主政教赤黃氣入

天子喜封廟陵事氣出天下喜三公受爵黑入將

相死 宋志曰雲氣赤黃入君喜黑入三公死

管窺輯要 卷之二十二

五

天文錄曰八穀八星在華蓋西五車北主歲豐歉

黑氣入萬物不收大荒 宋志同

天文錄曰御女四星在大帝北御妻之象黃白氣

入有子孫之喜黃氣入后妃受賜蒼白氣入后妃

多病 宋志曰雲氣化黃為后宮有子喜蒼白多

病

天文錄曰天理四星在北斗魁中乃執法之官赤

氣入兵大起將相行兵 宋志同

天文錄曰大理二星在宮門北主評判斷獄黃白

氣入有赦法官受遷黑入決獄不平法官受黜 宋志同

天文錄曰陰德二星在尚書西主周急賑濟黃氣入天子有喜諸侯受賜黑青入太子憂之 宋志同

管窺輯要 卷之二十二

六



天文錄曰天牀六星在紫微垣南門外主燕寢黃氣入天子有喜黃氣出主生子孫白入君不安青入君有憂 宋志曰雲氣入色黃天子得美女後宮喜有子蒼白主不安青黑憂白凶

天文錄曰華蓋七星在九星有柄下蓋所以覆蔽帝座在紫微宮臨勾陳之上黃氣入天子喜赤入侯王受賜 宋志同

天文錄曰相一星在北斗第四星南主總領百司掌邦教黃氣入諸侯有喜

管窺輯要

卷之二十二

七

天文錄曰文昌六星在北斗魁前紫微垣西天之六府也主集計天道黃雲入三公受賜蒼白入將相憂赤黑入三公黜

天文錄曰勢四星在太陽守西北主助宣王命內常侍官也白氣入中官受賜赤入中官受辱入中官憂宋志曰勢腐形人也其星以不明為吉明則闕人擅權

天文錄曰太子一星在帝座北帝之儲也黃氣入太子喜黑則憂




管窺輯要

卷之二十二

八

天文錄曰太陽守一星在相星西北主第三星西南大臣大將之象主設武備以戒不虞黃氣入大臣受賜蒼白入將軍戰死赤入宰相憂 宋志同

天文錄曰內五諸侯五星在九卿西主刺舉戒不虞蒼白氣入諸侯有喪 天文錄曰北斗七星在太微北七政之樞機陰陽之元本也有五色雲入立太子赤氣覆之黃氣入君喜黑入民憂赤入宮廟火黑入如禽獸狀北扇入塞



錄曰天半六星在北斗魁下貴人之牢也主
 禁暴黑氣大員長三四尺出貴人親屬有憂
 天文錄曰天一星在紫微宮門右星南主戰鬪
 知吉凶黃氣入君臣和萬物成朝中多賢士天下
 太平黑入宰相黜宋志同
 天文錄曰大乙一星在天一南相近一度王風雨
 水旱兵饑黃白氣入百官受賜赤入兵旱偏野蒼
 白入民多疾疫宋志同
 天文錄曰天樞五星在女牀北天子先驅也主分
 管窺輯要 卷之二十二 十
 爭與刑罰蒼白氣入兵起將死黃白入臣有拜賜
 黑入大人憂宋志曰雲氣犯蒼白黑爲凶
 天文錄曰內五帝座五星在太微垣中黃白氣入
 天子有子孫喜赤青近臣有謀蒼白則有喪事宋志同
 天文錄曰太微垣十星天子庭也左掖在端門東
 右掖在端門西白氣入太微垣有光人主益壽黃
 氣如箒入有婦人喜赤黃天子有劍喜氣如獸入
 天子以獸賜諸侯白氣如杯碗入有璧玉喜青黑


赤氣皆有憂如左右掖門有黃氣入天子喜蒼白氣出有喪事青入有兵起黑入有憂

宋志曰雲氣出入色微青君失位青白黑入左右掖為喪出無咎赤入東掖門內起兵黃白入太微垣人主喜年壽長入左右掖門天子有德令黑及蒼白入天子憂出則無咎黑氣如蛇入垣門有喪

管窺輯要

卷之二十二

土



雲氣犯
侍臣星

雲氣犯
郎位星



管窺輯要

卷之二十二

土

天文錄曰女戈一星又名天戈在招搖北至胡兵黑氣入胡兵退蒼白氣入胡人疾疫 宋志同 天文錄曰侍臣一星在帝座東北親愛之官侍太子者赤氣出五帝座入侍臣中不出六十日近臣謀君若氣不明者不成明則成宋志曰以暗為吉青赤氣入之近臣謀君不成 天文錄曰郎位十五星在帝座東北一曰依烏郎府也周之元士漢之光祿中散諫議郎是其職王衛守也黃氣入潤澤中郎受賜黑則中郎雙死

白中郎為亂赤則中郎兵起宋志曰赤氣入兵
起黃白吉黑凶

管窺輯要

卷之二十二

三



天文錄曰三台六星兩兩而居起文昌列抵太微
一曰天柱在人曰三公主開德宣符黃氣入將相
有喜黑則三公憂白則三公黜宋志曰雲氣入蒼
白民多傷黃白潤澤民安君喜黃將相喜赤為憂
青黑憂在三公蒼白三公黜

天文錄曰從官一星在太子北侍臣也主疾病巫
人黑氣入巫人受戮黃則巫人受爵宋志曰以不
見為安一曰不見則帝不安如常則吉

天文錄曰女牀三星在天紀北后宮御女侍從官
管窺輯要 卷之二十二 古

也主女事黃氣入后宮有祿曰則有喪黑有死者
青宮女多疾病 宋志同

管窺輯要

卷之二十二

主



天文錄曰天市垣二十二星在氐房心尾箕斗內
 宮之內天子之市天下所會也黃白氣入縉帛常
 集天市中有神氣如奇物入天子喜萬物賤蒼白
 氣入萬物貴赤則有火災宋志雲氣入蒼白民多
 疾蒼黑物貴出物賤黃白物賤黑爲齒夫死
 天文錄曰貫索九星在七公星前賤人之牢也一
 曰連索一曰連營一曰天牢主法律禁強暴蒼白
 氣入天子亡赤則兵起黑氣入獄多枉死黃則天
 子喜宋志曰雲氣入色蒼白天子亡地青兵起黑

多枉死自天子喜

管窺輯要卷之二十二終

十六

管窺輯要卷之二十三

六安黃 鼎玉耳父纂定

男九命簡臣

侄九錫公位

九壽倫叙

九如眉介

侄孫珮琢成


珂先鳴

桐城方池及子詒同闕

管窺輯要

卷之二十三

三公總光



東方七宿總論

晉時列宿起角唐時列宿起虛朱子曰天無體只二十八宿便是天體日月皆從角起天亦從角起日則一日運一周依舊到角上天則一周又過角此東方七宿三十星其屬三十九座共一百五十六星其精者龍氏胸房腹箕所箕也俗傳角為天門亢為天庭氏為天府房為天駟心為天王尾為天雞箕為天津此乃東方七宿

角宿二星為天關其間天門一曰維首其內天庭也故黃道經其中七曜之所行左角為天田為天獄為大理主刑其南為大陽道右角為天尉為將主兵其北為太陰道蓋天之三門為房之四表其

星明天下太平賢臣在朝其星搖動移徙主王巡不明則臣逆道不通五星客彗守犯左角上將災右角次將災又主兵喪大臣災火星守之忠臣誅大旱水星守之王者刑罰不中大滯民愁又鄭亮之分有災角中兩黑白星曰平道為治道之官也平道西一星曰進賢主舉逸進賢周鼎三星為神

器明則國安動則國危天門二星在平星北天之東南門也平星二星在下庫樓四星在角南其大星曰天庫兵車之府也中十五星二三而聯者柱也中央四小星衡也主陣兵庫中無星主天下有兵起南門二星在庫樓外天之外門也天田二星在角上為天子祭祀之藉田也亡主民失業已上五星客彗守犯並以所臨占休咎

角星論

角兩星一南一北星經曰去極九十三度半宋天

管窺輯要

卷之二十三

三

文志云角距南星去極九十七度半舊距星正堂赤道其黃道在赤道南不經角中今測角在黃道南二度半黃道復經角中即與天相符合角在赤道十二度十分在黃道十二度八十七分角為蒼龍之首鳥獸生角艸木甲拆言萬物皆有枝如角也布君之威信謂之天關其間天門也其內天庭也黃道經其中七曜之所行也明大則天下和平賢人在位動搖移徙則王者出行若生則國不寧日食右角國不寧月食左角天下道斷日月犯右

角將軍死月犯右角天下兵起金火犯有戰金守

大將持政火守左角則有戰金犯角羣臣有謀不成淳化元年七月辛卯太白在角西南一尺許司天言據纏以當行中道而南乘左角圭有謀不成按書太白形最大星中無比去太陽四十五度內晝見則占今占候太白晝見蓋去日遠自然之理也木犯角道路不通左角為天田為理主刑其南為太陽道五星犯之為旱右角為將主兵其北為太陰道五星犯之為潦漢高祖詔郡國立靈星

管窺輯要

卷之二十三

四

祠正義曰龍左角為天田天田為司農教人種百穀為稷靈者神也辰之神為靈星故祀用壬辰日蓋壬為水辰為龍就其類也彗見角色白者有軍不戰邦有大喪平道二星在左右角間當赤道為天子八達之衢明正則吉動搖則法駕有虞天田二星在右角之北主天子畿內之藉田金守之主兵火犯之主旱水守之主潦天門二黑星在平星之北角之南王天之門朝聘

待客之所明則四方歸化暗則兵革起邪佞生月犯角與天門半年始應若今年十月犯之則明年四月水災餘倣此凡天門陽門南門乃天之三門猶房之四表也天于是而闢戶人君子是而闢四門

平星兩星在天門東南庫樓之北平天下之法廷尉之象也平和改刑王者春生之意也廣狹有常則訟獄平移徙變常則國失政

進賢一星在平道西太微宮東華門之左主訪幽

管窺輯要

卷之三十三

五

人薦賢士明則興廉舉孝賢者在位又主卿相舉逸才周鼎三星在攝提之西國之重器也不見或移徙則運祚不昌

南門西犬星在樓南天之外門也主守兵若明則遠方入貢暗則夷狄叛客星守之主兵至南門不附庫樓以其不但爲庫樓門也

庫樓十星其六大星彎曲爲庫西南四星方斜爲樓一曰天庫兵車之府也天府太府在庫門之內者也主陣兵其中之十五星三三而聚者柱也最

中四小星衡也衡所謂關石和鈞王府則有也衡附庫樓凡二十九星爲一座若芒角及庫中星暗則兵四合庫中無星則下謀上明而搖動則兵出四方若盡不見則國無書文獻通考云庫樓十星步天歌以爲屬角而宋兩朝志以爲屬軫其異同固未有以訂其是非也史記亦以天庫樓屬軫

角星說

角宿主造化萬物布君之威信又左角主刑右角主兵度十二度一十二分其中爲黃道自軫十度

管窺輯要

卷之三十三

六

外末氏一度內於辰爲辰於分爲鄭於野爲充賦壽星鄭充角之與元自武牢之汴潁東抵壽域濱河濟逾淮源南及弋陽五月在元昏中西十一月在軫旦中東八月爲太陽躔次

角星歌

兩星南北正直看中有平道上天田總是黑星兩相連前有一鳥名進賢平道右畔獨淵然最上三星周鼎形角下天門左平星雙雙橫於庫樓上庫樓十二屈曲明樓中柱有十五星三三相聚如鼎

形其中四星別名衡南門樓外兩星橫

角星考

平道二星在南角間主道路○進賢一星在平道西主訪幽人薦賢士○天田二星在右角北主畿內封疆○天門二星在左角南平星北主朝聘待賓客之所○平二星在天門東南庫樓北主平獄訟○周鼎三星在提攝西國之計器主流亡○庫樓十星在角南其六大星為庫南四星為樓為兵車之府一曰天庫杵與衡皆主陳兵○南門二星

管窺輯要

卷之二十三

七

在庫樓南主守兵

東方七宿之星按青龍屬東方震震動重陰之下龜吐氣蛇落蟄出而善變化者龍也卦直春分之後辰為蒼龍之次動則變故龍以春分升而為雷出地奮之象以秋分降入為雷澤歸妹之象盛夏疾雷木拔龍起震木位於卯也故曰龍雷同類占家以甲乙寅卯為龍天文角為蛟亢為龍翼為蛇軫為蚓角亢辰也翼軫已也自春分至芒種震治也而辰已為翼故曰氣之散也房為天駟又為蒼

龍之次故馬亦曰龍馬志言五緯入房姬王肇迹

者亦與王之嘉瑞也五馬一化為龍說亦本此其象曰天田曰農祥曰多子皆以應東方之春

角二星為五帝座庭謂之天關黃道經其中七曜之所行也左角為天津右角為天門一曰維首一曰天陳一曰天相一曰天根主造化萬物布君威信又云左角為天田為理主刑右角為將主兵明正王道泰賢在朝日月蝕天下道斷金火犯兵起災惑犯天田旱郊祀志漢祖建靈星祠平道二星

管窺輯要

卷之二十三

八

位在角宿之中為天子八達之衢主道路搖動則法駕有虞明正吉

天田二星位在右角之北天子之藉田也主畿內封疆金火守兵起水火入旱澇不均

進賢一星位在平道之西太微垣之東主舉逸搜隱明則賢人在外暗則在野

周鼎三星位在攝提之西南天田之西北乃國之神器不見或移動則國祚不寧

天門二星位在左角之南平星之北天子待朝觀

賓客之所也主待宴應對不宜暗

平星二星位在天門之南大理卿之位也主正法平訟

庫樓十星位在平星之南其六大星爲庫西南四星爲樓一曰天庫金官也是爲兵車之府庫中十五星三三而聚者柱也中央四小星衡也主陳兵光不宜明搖動則寇生

南門二星位在庫樓之南天之外門也主外兵

角爲天門其內天庭壽星也○角二星十二度距

管窺輯要

卷之二十三

九

角南星去九十一度在黃道外半度金星也春夏爲水秋冬爲金爲天關故黃道經其中七曜之所行也左角爲天田其南二度爲太陽道右角爲將主兵其北二度爲太陰道行陽道旱陰道水其大明王道太平賢臣在朝不明而芒角動搖王者失政微細國弱水守之有大臣赦忠臣用○火守之賢臣及相受誅繒布貴有戰伐萬人兵死期三十日火入角君臣隔大兵起○土守之六十日內國有忿爭金守之天下大兵○金火共守太白居後

軍攻殺將水守之王者刑罰兵急有水災兵起

客星及彗孛入角間色白兵起國有大喪赤兵敗城陷

月入天門及暈三重火起天下道斷將軍失利角二星爲天壽蒼龍角也其間天門其內天庭黃道經其中日月五星之所行也一曰維首一曰天陳一曰天相一曰天根一曰天田金星也主造化萬物布君威信兩角之間陽氣所升左爲柱史爲大理主刑其三尺曰太陽道一作五尺又爲將主

管窺輯要

卷之二十三

十

兵其北三尺曰太陰道一作五尺蓋天之三門猶房之四表也七曜由其中則天下安寧或失行而入其陽則爲旱其陰則爲水角星直指辰卽是耕始以爲農官角星明大則王道平賢人用天下安微暗則王道失輔臣不信德令不行天下有兵動搖則人主憂移徙則入出角端門臣伐君入中華西門出中華東門若左右掖門而南端門有反臣入太陰西門而出太陰東門有喪天下亂大水入西門出東門君不安金火入爲臣謀主入南門出

東門逆行出西門大水逆入東門而出西門大國亡順入西藩而留不去楚國有殃入東藩門至帝座而出西華門欲謀主不成

五星東行入太微廷而出東門天下有忌兵若有犯守視其所主以命其人不犯則有大殃

五星從而南藩入留止南太微

五星逆行入天庭中巫咸曰大臣諸侯有誅死者

石氏曰五星逆行太微及出左右掖門者臣有逆謀天子將命征伐郤萌曰五星逆入在掖門臣劫

管窺輯要

卷之二十三

十一

主荊州占曰諸侯有逆以日言國

五星留太微中中日以上天下有亡徒起兵

五星行南河戌南爲刑法峻暴殺伐不當行北河

戌北主人主之昏庸驕恣奢淫失道近期三年中

五年遠九年國有殃

五星失行守陽門若陰皆爲諸侯有奸以其至日

占國○五星行不由天關不出其年有兵

五星逆行入守環繞勾已習共宿皆爲王者絕嗣

五星入軫中皆爲兵發巫咸曰五星入軫伺其出

日蝕月之期二十日起兵又從其始入日數之率一曰其十軍罷又曰五星入軫動不安垂芒則天下亂不見則國易政

日月變異占

日在角蝕尊有憂黃帝占曰將吏憂國門閉其國君凶甘氏曰農田之官京房曰其國不安一曰貴臣憂其邦不實

日暈於南王者憂或曰有謀王蕃曰陰國宜用兵得地

管窺輯要

卷之二十三

十二

日在角食刑法之官有當黜者陳卓曰其國君死黃帝占曰將吏有憂或天下道斷大臣獄事一曰天子惡之一臣爲亂兵

日暈角宿重多死一曰有兵先起不勝海中占曰

臣饑多風雨黃帝占曰日暈圓兩角大水石氏曰

月入角中而暈王者喜又曰有大赦暈一角小赦

甲乙日爲春丙子日爲夏庚辛日爲秋壬癸日爲

冬陳卓曰日月暈圓兩角大將有殃郤萌曰有兵

百日罷無兵後百日兵起荊州占曰天下有大兵

天子以軍自守或曰君不道巫咸曰月暈及角中
央王自將兵行百里士卒道亡及右角害大屬及
天微大亂郗萌曰日月暈左角將軍有殃暈右角
左將軍有憂又曰暈左角臣有謀暈右角臣背主
荊州占曰日月以正暈角將軍死歲飢正月戊巳
日暈角有喪二月暈角黃白色五月有赦經曰行
天門而暈三暈重兵起天下道絕將軍失利

月五星干犯占

月犯角海中占曰其國有憂天文錄曰大人惡之

管窺輯要

卷之二十三

主

乙巳占曰有獄事一曰有喪河圖曰月犯左角
左將軍戰死右角右將軍戰死荊州占曰月犯左
角大臣憂天下大獄國有大水犯右角兵起一曰
胡王死一曰天下多雨

月出左角南三尺多獄五尺及丈天子振動海中
占曰月出左角南國君驕恣多暴獄武氏曰大臣
不附月行右角北胡王死月乘左角兵強若將相
坐法死者郗萌曰大旱

月貫角星三年太子死若角星貫月三年君死

月食角星大臣憂有獄事都尉死天下大殃荊州
占曰月食威角星三年更赦

月掩其年強國有喪奄有角國君死

歲星犯角天下有兵憂郗萌曰臣爲亂一曰民多
疾疫天下災犯左角石氏曰天下道不通犯右角
右將軍死石氏曰王世絕天下更王

水星入角石氏曰有兵行疾期六十日行遲期百
二十日遠不出百八十日水守角爲中兵石氏曰
五穀熟歲善守之百日兵起甘氏曰水守角七日

管窺輯要

卷之二十三

占

有赦忠臣用守之久有兵一曰水留守兩角間久
不下關梁不通郗萌曰水守角處其北五穀不收
又曰水用一南北宜黍稷

水逆行角其君出入不時逆行守角政事急人君
有千里之行

水守角右六十曰君命衆于荊州古曰水守右角
有文德令又曰水守右角北大水五穀半收守右
角南大飢人相食一曰水守右角右賢亡

水守左角有大赦海中占曰水守左角其色黃白

小旱逆行卽旱還則雨

水乘右角兵起大將死一曰將相有坐法者郝萌曰爲水爲兵乘左角法官誅郝萌曰旱

水食角天子女子多死○水凌左右角國有憂○水出入留舍守角其歲大熟逆則大吉

熒惑犯角大人憂有赦一月石氏曰大臣爲亂有兵一曰貴臣憂有戰一曰左右臣有謀不成伏誅火入角石氏曰君道不通兵起若環繞勾己之國大飢有伏兵君勿出入右角大兵入左角大赦

管窺輯要

卷之二十三

五

火行角中道天下和平陽道旱陰道水陳卓曰出陰道多陰謀若逆行角官中大災逆行角中成勾己若環繞之人主憂有兵喪關梁不通

火守角有大戰洛書曰下土逆謀兵可出石氏曰火守角三月國有殃五月受兵七月其野又曰火守角霸者爭犁甘氏曰忠臣誅國海中占曰貴人中有擊者郝萌曰讒臣近政事急有千里之行又曰兵有罷無兵將軍爲亂一曰大旱一曰爲中兵荊州占曰大饑后族有誅者

火守左角有喪色白爲兵黃青憂赤旱黑刑官死國有喪郝萌曰臣謀其主荊州占曰兵緣續倍價石氏曰左將軍憂甘氏曰廷尉憂

火守右角兵起將死石氏曰右將軍憂甘氏曰大尉憂一曰五穀不熟

火守兩角黃帝占曰車道絕不通若出其陰陰國戰勝出其南人多病出其北多亡中國有殃行左負海國有殃守之一二日女主憂火守天門中二十日國有大喪大臣變誅一曰火

管窺輯要

卷之二十三

六

守天門芒角赤而光王者絕嗣海中占曰火守左角及右角其色黃小旱民小屬郝萌曰火守左右角已去復還守之天子行誅伐守左角左將軍發守右角右將軍發守前將軍發守後將軍一同五將俱發

火守居兩角間邊境不通

熒惑生角利女鋒刃經角間三十日而三留之人主無出宮一飾間有伏兵火守天門中有赤色光芒居之三十日天下有大征伐男子年十五至者

毛老三年乃止或曰三月郗萌曰火芒角而赤光守天門二十日天飢旱火經兩角多雨

火環繞兩角或勾已有芒如鋒刃天子失宮一曰后族及將有坐法死者火兩角合相死一曰不死則出走

火舍天門中巫咸曰人主絕嗣郗萌曰大放若入天門中復出之天下大亂火逆行留守角三十日萬家邑授千家邑授千家邑虜既居之復南北居之其國不可舉事用兵郗萌曰人反行留角國變

管窺輯要

卷之三十三

七

殃色黑爲疾爲喪青爲水飢亦爲兵一曰天下津梁不通

火居角陽國有喜居陰國有憂行不失次也居角亢間宮臣有謀兵舍於天子者或去而復還居之天子聽之兵俱起

鎮星犯角大人忌之甘氏曰臣不臣有更令左角有大戰將軍死土入角左去三尺若一尺與角兵並出其丙丁日地動

土逆行角郗萌曰女主出入不時土在角失行帝

王出入不時有誅戮

土起右角之左角廷尉大理憂

土乘右角后族或將相有坐法死者郗萌曰土乘左角爲旱乘右角爲水爲兵

土逆行凌乘左右爲日食國有大變土出入門中兵在外者罷黃帝占曰土星行角中天下兵出陽道旱陰道多謀陳卓曰土星行角陰道多陰謀舍角不明女主災留兩角間兵與國門閉邊境不通土出入留舍守于角六十日不下天下多暴獄七

管窺輯要

卷之三十三

七

十日不下天下有急令八十日不下國急石氏曰土守角萬物不成甘氏曰民有喜巫咸曰水災兵起海中占曰五穀傷人流亡郗萌曰將有憂有土上事一曰天微弱爲中兵臣作亂一曰國有急事土守天門中國弱四夷侵守左角國有直臣一曰貴人多死守右角天子好畋游亡其國色潤澤歲熟色黃小旱

土逆行角大旱其還卽守角土行一宿至二宿穀熟一倍至三宿貴三倍還卽止

太白犯角大戰不勝一曰天子自將兵于野臣有謀主者守右角兵起將軍憂有旱災鄒萌曰太白犯角道路不通石氏曰金入左角天子憂臣用事逆行左右角門有刺客天子慎之

太白乘兩角大臣有以家法坐一曰臣有謀兵鄒萌曰乘左角旱右角水

太白守角國有急道路不通天子兵大戰守之三十日有大赦海中古曰兵西北行太白色黃大臣有喜色赤臣欲反主

管窺輯要

卷之二十三

九

太白守右角黃帝古曰歲大水五穀不成一曰國君親小人巫咸曰國都圍大人自將兵疾疫起守之六十日相去一尺天子驕佚太白守左角兵不成兵無用若成兵所向無前石氏曰太白守左角居其下土凌王居其下奴婢大戰敗又曰太白守左角上一尺邊境不寧二尺有憂百姓亡七寸則國危亡守左角下芒成民不生主不主

太白守左角頃星未會國有忠將歲星未會國福德辰星未會龍下開池坐咸曰太白犯守左右角

與熒惑合有大戰破軍殺將若犯守左右角而熒惑從之則災不成石氏曰太白守左角天狗之六畜息枉矢千之四夷兵起彗千之皇后有知臣一曰后有知臣心一曰后有子流星千之主有好小妻海中古曰太白守左角色黃白小旱逆行大旱其復也即雨

辰星行角中天下和平出陽道旱出陰道水一曰多雨又曰多陰謀辰星乘左角水一曰有水兵戰乘右角一曰后族或將家有坐法死者辰星與角

管窺輯要

卷之二十三

十

間合女天下害大臣殺其主留兩角間關梁不通阻塞兵起國廷邊境不通辰星守角王者刑罰急大水滂滂人民往來舟船相望五穀不成天下有殃辰星入角獄有善令

客星流星彗孛干犯占

客星出角巫咸曰臣謀君從外來天下亂將相誅者一曰出兩角間有奸人在天子宮庭武密占曰客星出兩角間色白兵起不戰國有大喪青有憂

赤兵起有軍在外大戰有破軍殺將屠城黃土土
黑軍破客星出左角刑官易其色以占其故及其
吉凶若黃白星出左角獄齋遷客星出左角與連
相近大如鉅赤如血名禍星三日三夜入三年國
王以其日命國石氏曰客星出右角驚相色赤戰
不勝色青憂黃白不戰而去黑將死海中占曰大
赤星出右角國兵出黃星出右角國有驚兵不戰
受地白星不戰而退青黑戰不勝

客星出右入右角將有政吏者國有驚其星搖散

管窺輯要

卷之二十三

三

絕繞者兵自散客星入角郗萌曰將相后族家有

憂受戮者夏氏曰蝗虫生五穀傷

客星入右角兵吏自來擊者色赤以其兵事色黃

以其土工事色白以義青憂黑死巫咸曰客星入

左多獄多死囚荊州占曰黃色獄官有喜赤黑有

赦有憂

客星入右角石氏曰軍吏有易者色青以憂色黃

以好去白以義去黑以病去巫咸曰色黃君吉赤

黑憂

客星守左角赤天下大旱五穀不成一曰客星守
左角色赤天下大旱穀不成一曰客星守角左獄
多死

客星守右角黑有大水亦多暴虐事

客星守兩角間姦臣在宮庭石氏曰強國仇國命

一曰獄多訟巫咸曰大旱大飢郗萌曰臣謀主一

曰有賊從外來黃星守兩角間有赦期不出四十

日白星守兩角間天下中隔不通

客星止兩角天下有陷地郗萌曰黃出止天天門

管窺輯要

卷之二十三

三

中兵在外者罷客星經兩角間君道塞郗萌曰國

門閉一曰白星經兩角間軍在邊塞

客星出亢入兩角間君使人于諸侯有口令赤色

言兵事黃言土工事一白言義青言憂黑言死

客星數就兩角間色黃四四兵便有受地者色赤

過賊

客星出亢角間色赤國有圍邑一曰大臣盜色白

其分有兵

流星出兩角間天子使視出其色以言其色及吉

齒視其所止以命國流星入兩角間有外使來視其所起以言何所其星色黃有貴客來言土地事若納土地青言憂色赤言兵白言義黑言死喪之事一曰流星入兩角有兵關梁不通

流星色赤火缶如入兩角間止有來言軍事者星前赤後黑兵敗將死視其所起以知其所從來流星入右角兵更有來擊者色赤以兵色黃以土工事青憂黑死白以義擊者一曰兵起

流星色黃出右角而東極望人主將主行色青出

管窺輯要

卷之二十三

三

左角而東君憂色黑而光出左角國多疾病死亡流星抵角臣謀逆角星故失色成事角星不動作亂者伏誅若抵角不動而流星散散而復合不出其年宮中有大變貴人多死抵右角又爲后宮無子星出兩角間天下大亂更主一曰天子起兵于王庭一曰來入國一曰天子易都一曰暴兵起有戰近期三年中五年遠九年

彗星入兩角有陷地天下更政犯兩角色白軍起戰賊有大喪色赤者戰所指有破軍投城期三

雲氣千犯古

雲氣如刀劍出兩角間有陰謀天子無入殿廷期不出三十日青氣入角天子有疾出之禍除

赤雲氣入左角兵起入右角國驚兵戰不利赤氣入角而波揚者有火災如行者將奔命

赤氣從兩角過入亢有過兵

白氣出入兩角戰不勝白氣從兩角過入亢者有過客

管窺輯要

卷之二十三

三

蒼氣入左角有兵兵散蒼雲出右角兵在外者戰有憂蒼白氣出入兩角兵有憂黑雲氣出入兩角主兵偏將敗有水災黑氣從兩角過入亢有過喪

黃雲氣入兩角間天子有祀祠事黃白雲氣潤澤入角王者得地常以正月二十日五月八日十一月十四日候角天門中有雲氣或蒼或黑或赤或白皆以中外不通

晉惠帝永興元年七月庚申太白犯角古曰天下

大戰是時謂王倫內亂胡羯外亂天下交兵

永寧元年九月丁未犯左角占曰左衛將軍死入主憂天下有兵是時諸侯相承內作亂兵京師帝卒篡弑

穆帝永和元年七月壬寅日始出西方犯在角占曰大將軍死天下有兵七年劉顯殺石抵及諸將師山東大亂

角宿去極度數考

按角宿本居東乃位辰之次鄭堯州之分凡十二

管窺輯要

卷之二十三

五

度九月旦在卯十月旦在辰十一月旦在巳十二

月旦在午正月旦在未二月旦在申三月旦在酉

二月昏在卯三月昏在辰四月昏在巳五月昏在

午六月昏在未七月昏在申八月昏在酉

蓋天周旋環轉無一息停機故易曰天行健中庸

曰至誠無息運行不已之妙逐月昏旦各異焉餘

宿倣此

角二星十二度距南去極九十七度○半入角初

度主造化萬物布君之威信謂之天關

語曰萬物駢駢其生不窮孰其尸之造化其工孔子曰四時行焉百物生焉中庸曰天地位焉萬物育焉

其間內天庭也故黃道經其中淳風云黃道居兩角間亢外三尺氏外四尺房間心內皆二尺箕內六尺尾內十二尺南斗杓一尺牛上間女外皆四尺虛外六尺危外七尺室外十三尺壁外十四尺奎外十三尺婁外胃外皆九尺昂外五尺畢在角皆燭內皆八尺參內十三尺井中間鬼內皆四尺

管窺輯要

卷之二十三

五

柳肉五尺星內十五尺張內十八尺翼十六尺軫內十三尺為黃道黃道之南曰外黃道之北曰內天有三十六道惟黃道經絡周天之度赤道統天下之半七政之所行也七曜之所循也七曜乃日月木火土金水也章昭云循者循軌道不邪行也張衡云文曜麗乎天其動者七日月五星是也且者陽精之宗月者陰精之宗五星者乃五行之精體生於地精成於天各有所屬在野象物在朝象官在人象事以示吉凶

凡日之行曰黃道黃道所經曰天關或曰天街左角爲天田亦曰天津又爲天津獄爲大理主刑南爲太陽道右角爲天門亦曰天陳又爲天棍爲兵主兵北爲太陰道蓋角乃爲天之三門猶房之四表也角有三門一曰天門二曰南門三曰陽門今考主營三門皆在角步天歌陽門分爲亢又以天文志考之陽明距西星去極十三度入角十度所以陽門屬角索隱云房有四星若人之房三間有四表也

管窺輯要

卷之二十三

王

占曰角星明大則王道平賢人用天下安微小則王道失輔不信德令不行動搖則主兵主刑不見則君易政月犯后妃憂木守歲穰火守旱水守澇金守主兵主刑土守關梁不通彗孛守天下亂平道二黑星距西去極九十一度入角二度在左右角間爲天子八達衢主平道之官八達者一道路二岐旁言通旁出也三劇旁言道旁出岐多也四市旁言通商都會處也五山徑農畝處也六邦畿王者都也七劇駉駉者駉馬也八崇朝崇多也

言多會道稽於此也禮記月令云孟冬天子命百官固封疆備邊境完要塞謹關梁塞蹊徑此平道路官之責任占曰平道明吉法駕有虞

天田二黑星距西去極八十三度半入角二度在角北主畿內封疆亦爲籍田蓋天子躬耕之田也禮記月令云孟春天子乃以元日祈穀於上帝乃擇元辰天子親載耒耜耕帝籍註曰天子籍田千畝收其穀爲祭祀之粢盛故曰帝籍躬者親也如漢文帝躬耕籍田是也澈清考志云天田乃天

管窺輯要

卷之二十三

王

子畿內之田昨犧牲而供粢盛奉祭祀者蓋萬物齊乎巽而東作之極故田居之角宿屬巽方巽風也故撓萬物莫疾乎風巽居東南地缺東南東南乃地受氣之處東南之地乃氣之最先得者故田使居之天田籍田也籍田亦有賦之者賦曰播爲耒耜爲耜取其象也遠矣農爲本食爲天其爲利也大焉聖人利器致豐躬親莫重於稼穡軌物勵俗敦勸克厚乎率先千以奉神祇昭報之誠達於以祈社稷孝享之德宜則躬耕之義也從古以然

皇帝勤爲國本欽若人天所務惟農順動而取諸
 豫所寶惟穀時行而應乎乾洎正月之吉日將有
 事乎昊天列千官於近甸屯萬騎于遐旰當是時
 也其祭不戒而宿設其工職競以先後大禮備今
 和樂陳膏夫馳兮庶人走帝乃服慈帟秉御耜我
 疆我理禮正於三推必躬必親義存乎十畝四輔
 宰相六卿近臣大夫師長之族都鄙華裔之人聖
 人有作登萬物咸覩人胥效令天下歸淳且圖置
 者于其豐防險者于其逸有備所以無患克勤是

管窺輯要

卷之二十三

五

用終吉三推之禮廢則倉廩以之虛肆膏之恩廢
 則簡書以之佚欽哉欽哉能事斯畢夫然則農功
 可大農扈允臧以農爲本今國有常令以農率下
 今人知向方亦既奉宗廟亦既備蒸嘗一人垂則
 今萬國昌固有迷於日用於胥頌美兮聲洋洋
 占曰天田天子供祭祀之田明則歲熟亡則郊廟
 不享木守歲穰火守旱水守滂金守農業廢客守
 五穀不熟蠶重爲害葺亭守郊廟祖廟俱廢祀不
 享王者不敬天下飢荒

進賢一黑星去極九十一度入軫十四度在平道
 西主卿相舉賢逸言薦舉隱逸之賢才如論語云
 舉逸民是也

占曰進賢明則賢人進用暗則賢人退處月暈則
 野人獻策木守文士用金守武士用

周鼎三黑星距東北去極六十四度○半入角七
 度○半在攝提西主流亡亦主壺罇酒器國之神
 器史記云禹平水土聚九牧之金鑄九鼎以象九
 州曰禹鼎傳之周曰周鼎秦無道周鼎淪於泗水

管窺輯要

卷之二十三

三

其精上爲之升未可盡信且天地開闢而星已有
 何獨周鼎至秦而精上升焉識者詳之泗水出魯
 國陪尾南山過城又東南過下邳入淮激清考鼎
 賦再詳虛實焉鼎賦曰夫君所以爲天下重者以
 其寶位鼎所以爲天下貴者以其神器則君得鼎
 以祚長鼎應君以時昌故黃帝徵大匠稽舊章異
 國貢物遠人來王錘銅於雷首之下合冶於荆山
 之旁聲沓沓以海沸氣瞳瞳而電光乾坤於是震
 動日月於是昭彰剌然烟收而燼滅卓爾成功而

効祥煥以離文錯亂龍之鱗介騰乎瑞色礪天地之玄黃蓋聖人所以享帝養賢烹飪薦祉重以安國利以出否納之不以其道則君失其人聽之不以其聰則雉鳴於耳是以囊括衆彙恢模崇深苞木火於六爻之象鏤山川於九牧之金於是總百靈之異見萬國之心然美其影射金晶光飛玉鉉論者徒議其大小觀者寧識其淺深故道歸天命無勞楚子之言德自休明實賴王孫之辨爾其法剛柔之節順行藏之志乃有道則見生于汾水之

管窺輯要

卷之二十三

三

陰無道則隱沒於彭城之地可以斥奸慝可以禦魑魅應時而動吉無不利故曰作者之謂聖述者之謂明何明聖之至神契陰陽之至精德表先知火不然而自沸量含光大水不汲而自盈既去故以元吉終取新而利貞則知執虛以待物者正乎位體柔而進已者宜乎亨故能應王家之至德垂不朽之鴻名

占曰周鼎明國安不明國不安移徙寶器遷

天門二黑星距西去極一百零四度半入於軫十

六度在平星北天子東南門爲朝聘待客之所禮王制云比年一小聘三年一大聘五年一朝中庸云朝聘以時註曰朝謂諸侯見於天子聘謂諸侯使大夫來聘

占曰天門明則四方歸化不明則天下不朝彗孛守諸侯各據一方天下亂

平道二星距西去極一百九度○半入軫十六度半在庫樓北主平天下法典禁獄之事亦爲廷尉官王氏曰廷者平也治獄貴平故曰廷尉

管窺輯要

卷之二十三

三

占曰平星乃執法之官明則刑法平暗則獄訟多寃金火守刑嚴法峻

庫樓十星距西北去極一百二十三度入軫十五度在平星南爲天庫兵車之用也其六大星灣曲爲庫西南四星斜而爲樓其中十五星三三而聚曰柱中央四小星曰衛西去極一百二十八度入角四度主陳兵又曰藏兵之府○庫乃藏兵器之所柱乃出兵之具衛乃制陳之度漱清考淮南子云甲堅兵利車固馬良畜積給足士卒殷軫此用

軍大資藏兵之說也明于星辰日月之運刑德音
哀之數背鄉左右之便又有不原之智不道之趨
不同衆論除謹動靜時吏卒辨兵甲治正行伍
連什伯明鼓旗此行軍大資而出兵之說也善戰
者必擇其人技能其才官勝其任人能其事告之
以政申之以令使如虎豹厥有爪牙舉如飛鳥厥
有大翻故其動也神出而鬼行星耀而玄逐進退
詘伸不見朕整鸞舉麟振鳳飛龍騰發如秋風疾
如駭龍以生繫死以盛乘衰以疾掩遲以飽制飢

管窺輯要

卷之三十三

三

以水滅火如湯沃雪何往不遂何之不可達在中
虛神在外漠運於無形出於不意與飄飄往與忽
忽來莫知所之與條而出與間而入莫知所集卒
如雷霆疾如風雨若從地出若從天降獨出獨入
莫能應圍疾如鏃發何可勝偶一晦一明孰知端
緒未見其發固已至矣善用兵者迅疾如雷不及
塞耳射光之電不暇掩目若鎗之擊若聲之響睇
不及撫呼不及吸仰不見天俛不見日手不摩戈
兵不盡拔擊之若雷薄之若風炎之若火陵之若

波靜不知守動不知爲將卒吏民鼓鳴旗塵動靜
如身乃可以應敵合戰也此行陳之大機而制陳
之說也國家政治之極耀德不觀除戎是戒故上
天有庫有柱有衡象焉

占曰庫樓居常吉芒角則兵車用庫中星衆多則
天子兵強庫中星微少則天子兵弱搖動芒刺則
中外戎馬騷動五柱皆動則五將皆出軍一柱不
具兵半出五柱不具兵盡出月犯夷兵起金火犯
寇兵起彗孛犯天下亂赤氣如槍射庫樓天子自
將兵出

管窺輯要

卷之三十三

三

南門二星距西去極一百三十七度入軫十一度
在庫樓南天之外門主守兵禁

占曰南門西大星主夷狄明則遠夷入貢不見則
夷貢不來而門禁不守客守奸夷出入

陽門二黃星距西去極一百十三度入角十度在
庫樓東北主執兵器以戌邊守隘塞陽門乃邊塞
險阻之地激清考准南子曰陝路津關大山名塞
龍蛇蟠却笠居羊腸道發發門一人守隘而千人

不敢過也或曰人心不固雖屯萬夫而莫守何聞
全城與湯池人心若堅縱置一卒以常閑何用
巖與峭壁語曰在德不在險陽門之謂也

占曰客星守陽門則夷狄犯邊明潤則邊將英勇
微暗則邊臣不職移徙不見則邊兵不守彗孛守
邊臣叛而夷兵起角二星為天關蒼龍角也其間
天門者其內天庭黃道經其中左角為天田為理
刑為陽道右角為將軍為統兵為陰道蓋天之三
門猶房之四表角間二星曰平道為天子八達之
管窺輯要

卷之二十三

五

周鼎
角宿雜座

周鼎三星在攝提西南國之神器也星明則國安
移徙或不見則運祚有厄動搖就聚則神器將移
○彗孛出周鼎天下革命

天田

天田二星在左角北天子畿內躬耕以供祭祀之
籍田也主畿內封疆星亡則郊廟之禮廢農民大
失業歲星守天田五穀大豐○熒惑守天田天子
不敬郊社國有大災旱五穀不成太白入守天田
人君發大兵為殘賊五穀不收辰星守天田大水
傷五穀○客星守天田天下焦旱五穀不收多蝗
虫

天門

天門二星在右角南平星之北天子待朝聘賓客
之所也其星明則四方歸化不見則兵革起關梁
不通四方阻絕○熒惑入天門中去而復還關梁
不通火通天門國絕祀太白舍天門中人主無出
國門之遠官門之中有伏兵客星入天門諸侯有
謀○流星入天門有諸侯之使來

平道

平道二星在左右角間天子國中八達之衢主道
路其星明正其吉動搖則注駕有翼○歲星守平
道天下隱士陞用榮惑守平道天下兵亂太白守
平道天下兵亂○客星犯平道諸侯不朝奸人橫
行一曰天子戒行幸彗孛出乎道天子戒行幸

進賢

進賢一星在平道西太微東主舉逸民搜賢才星
明則賢人進用不明則賢人在野○月暈進賢野

管窺輯要

卷之二十三

星

人獻策五星犯進賢賢人廢棄○火星守進賢野
人多誹水星守進賢文上大用土星守進賢野逸
舉用金星守進賢野逸誅○蒼白雲氣入進賢相
黜野逸憂○白氣入進賢賢士喪黑氣入進賢賢
士憂○黃氣入進賢賢上有恩賜

平星

平星二星在左角南庫樓北大理卿位主正法平
獄訟其星欲明而正直大小齊同則君臣和政令
行不明或差戾不正則君臣不和政荒法亂石氏

曰平星執法之官欲其齊等廣狹有常高下不差
則萬物成天下治○歲星犯平星執法臣憂若有
罪誅○災惑犯守平星兵起國亂以亡一曰執政
臣憂有款太白犯平星主命領守之執法臣憂○流
客星出平星庫吏不忠有廢黜賦歛之臣憂○流
星入平星執法令者憂若出之臣有廢黜者彗孛
出平星執法臣憂政令不行國失綱紀石氏曰以
峻法爲威天下亂

庫樓

管窺輯要

卷之二十三

星

庫樓十星在角南其大六星爲庫四星爲樓二曰
天庫金官也是爲兵庫之府庫中十五星三三而
聚者柱也中央四小星衡也主陣兵庫庫樓明大而
芒角則兵起車騎用庫中星衆實則天子兵強虛
則諸侯謀反庫中無星則天下皆反動搖則戎馬
驚一曰天子征伐四夷庫樓五柱皆動則五將自
行五柱生角多芒則天子兵盡出庫中星不具則
兵半出五柱皆不見兵車悉出天子自將一曰庫
中無星臣下謀上盡空則國無君政石氏曰庫樓

之官兵所藏其中欲實恐空虛庫樓星上近柱則王者殿樓有飛鳥不知其處若有天火燒之者○月入庫樓天下兵並起○歲星犯庫樓兵出民飢八庫樓天下有旱災○熒惑入犯庫樓兵出視其出之所之以知兵之所往火入天庫兵大起歲旱天下有驚守之三十日國有急諸侯兵悉出一曰兵亂十年乃止○鎮星入庫樓王者舉兵出伐太吉○太白入庫樓守之三十日兵起西北方若舍之三十日太將兵出諸侯兵悉發○太白乘守天

管窺輯要

卷之二十三

三

庫中國兵所向無不勝有自來王將其民來中國有喜○辰星入庫樓大水國以水起兵斧鉞用大臣誅○客星入庫樓民飢兵飢一曰邊郡兵起天子有事于夷狄客星出庫樓庫兵大出車騎行若守之邊兵大起客星犯庫樓五穀大貴○流星出庫樓兵大起隨星所之天下空○流星犯庫樓兵大起王者大憂入庫樓兵發車騎出彗孛出庫樓兵動驚主近臣謀上石氏曰天下兵起庫兵大發民以飢兵起○赤氣如千尋槍竿冲庫樓天子自

將兵兵大動中外震驚武庫官憂天下不安

南門

南門二星在庫樓南天之外門主守兵其星欲明明則人主昌執法者正遠人入貢不明臣不忠夷狄叛兵起○歲星守南門王者出畋獵犯南門夷狄兵起道路不通○熒惑犯南門兵車大起天下戰一曰邊夷兵起道路不通○鎮星犯守南門邊夷兵起道路不通太白犯守占同辰星占同○客星出南門若守之關梁塞道不通人民憂石氏曰

管窺輯要

卷之二十三

甲

南門中有小星三芒出兵車大起○流星出南門大臣有外事○流星入南門四夷兵起關梁不通○彗孛出南門兵起道路不通

管窺輯要卷之二十四

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全閱

管窺輯要

卷之二十四



亢宿論

亢宿四星爲天子之府總攝天下奏事聽訟理獄錄功者也一曰疏廟主疾疫星明則輔臣忠天下太平金火誼亭侵犯主有兵喪人民流亡王者憂亢鄭災大角一星在提攝間帝座也又爲天棟正綱紀也亢南七星曰折威主斬殺提攝六星直斗柄所指之南主建時節伺機祥攝提爲盾以夾擁帝座也其星明見主三公恣客星入犯聖人受制頭頭二星在折威東南主考囚理獄察詐僞也陽

管窺輯要 卷之二十四

二

門二星主監塞也

亢宿說

亢四星去極八十一度半宋天文志距南第二星去極九十六度赤道九度二十分黃道九度五十六分亢外三尺日月之中道主天子內朝天下之禮法也又曰總攝天下奏事聽訟理獄錄功者也史記云亢爲疏廟蓋亢主奏章明目達聰廟堂通塞之候故曰疏廟外朝聽政之所也主大風揚砂石史記云主疹蓋時雖主物而太陽躔奎宿行壽

氣故主疾星明大則輔臣納忠四海歸王人無疾疫移動則多病不見則天下隴沸而旱潦作矣月犯之兵起將死太白晝見於亢爲朝廷兵喪又爲臣強歲與熒惑在亢則人臣叛土犯距星諸侯有失國者月犯亢南星將死於兵金犯距星逆臣叛上

大角在攝提間天王座也乃天王帝庭也又爲天子棟梁所以正天下紀綱主春王正月新政古明淵黃盛王者吉昌天下大同搖散失色天子凶或

管窺輯要

卷之二十四

三

煌煌如火王者當之金守則兵起日食天子憂宋兩朝志以爲屬亢中興志以爲屬角術家各持一說

攝提六星在大角兩傍各有三星鼎足勾之曰攝提直斗杓所指以建時節伺機祥協月令也攝提爲盾以夾攝帝座主九卿明大則三公忒橫不明則天下不安客星入則大臣受制

折威七黑星在亢南主斷軍獄禁兵止武星明則奸息暗則反是金火守犯爲災或夷狄犯邊將有

棄市者

頤頤二星在折威東南主考囚察誠僞赦過宥罪之意明吉暗則刑淫或作明則大獄

陽門二星在庫樓東北其色白主邊塞險阻之地五星入皆主盜起國無守兵客星出此夷狄犯邊亢宿主天子內府總攝奏事斷訟理獄錄功又主疾疫度九度二十分外三尺爲黃道餘見角宿下

亢宿歌

四星恰似彎弓狀大角一星直向上折威七子亢

管窺輯要

卷之二十四

四

下橫大角左右攝提星三三相連鼎足形折威下左頤頤星兩箇斜安黃色精頤下二星號陽門色若頤頤直下仔

亢宿考

大角一星在攝提間人君之象○攝提六星夾輔大角大臣之象○折威七星在亢南主斷軍獄考囚情察詐僞○頤頤二星在折威東南主察囚情僞○陽門二星在樓東北主邊塞險要

亢四星爲宗廟一名天府一名天庭主天子內朝

天下之禮法也又主奏事錄功聽訟統領四海又主疾疫明則四海歸動搖多病不見則旱澇作客彗犯主崩兵起

大角一星位在攝提之中上一曰格一曰天棟一曰天幢天王座也主正紀綱其色赤明金火守兵起日食凶

折威七星位在亢南天子執法之官也主斷獄斬殺金火守夷狄犯邊將有棄市者

頤頤二星卽頤頤位在折威之東南天子之獄官

管窺輯要 卷之二十四

五

也主考察情僞

攝提左右共六星位在亢北北斗之杓南一曰環

樞一曰闕丘一曰執法一曰三老一曰天鈇一曰

天獄一曰天盾一曰天武一曰天兵主建時節伺

機祥爲盾甲以擁帝座又司九卿之事其形鼎足

常東向則吉明大三公橫恣客星入大變

陽門二星位在庫樓之東北頤頤之西南主邊塞

寇犯不宜動搖

亢四星九度距亢西南第二星去極九十一度半

在黃道內二度太火星也春夏爲火秋冬爲水爲天子內朝中間爲太白廟總攝天下奏事聽訟理獄星明大輔納忠天下寧疎折主疾疫動則多病不明國弱微則天子失政

日月失亢中國君有憂○五星犯亢逆行君失政大臣不用○木守之留四十日已上有赦年豐久

守之米貴人多病○木與火同守水災五穀不熟米貴人死如草木○火守之多雨水天下盡叛兵

大起凶惡甚○土守之萬物不成人疫○水守之

管窺輯要 卷之二十四

六

其分米貴久守人疫大水爲災○金守之天下道

不通盜賊水災大兵起

彗孛干犯其國兵起臣佐亂其年出亢間爲大疫

天發雷霆擊物大雹如冬木無葉○月行犯亢太

兵起

亢宿總序

亢四星爲天庭爲疏廟爲天子之府其下八尺日

月五星所行之中道火星也主統鎮四海總天下

政奏事錄功聽訟理獄一統亢海中占曰亢者天

地廟宮天子內廟下者地一也中央丞相也主享祀主疾亢星齊明則宗廟有敬朝廷有序輔臣納忠民無疾病亢星不明則輔臣失職君令不行有內亂動搖踈折或移徙則人疾病垂亡則國政錯亂離落位直則兵起有戰不見則水旱為災天下鼎沸郗萌曰秋分視不見則五穀俱傷

日月變異占

日在亢獨君憂石氏曰其謀在朝廷臣之有罪者荆州占曰有反者伏誅武氏曰外諸侯有謀入內

管窺輯要

卷之二十四

七

者

日暈於亢大臣凶一曰多雨傷稼人疾疫一曰宗人死大臣戮

月在亢獨王者憂大臣有戮死者民大疫一曰刑罰之官有憂

月暈於亢兵在外八十日罷無兵後八十日起兵王者自將兵行不出百里卒亡散李淳風曰有兵先起者勝

月以秋三月暈於亢兵起大戰水中大臣有死者

郗萌曰有再赦暈亢大雨民流千里郗萌曰冬雷而雨水十月月暈於亢兵起民流一曰冬暈亢天子有不安

月五星干犯占

月犯亢兵起或曰其國將死黃帝占曰將軍旗鼓海中占曰其國亡荆州占曰朝臣有事一曰太人夏多病朝臣為亂一曰王者失政廷臣作亂○月入亢左星為右星兵大起乙巳占日月在有變王者病布政失理宜者刑罰

管窺輯要

卷之二十四

八

歲星犯亢黃帝占曰人主有德令五穀熟石氏曰君側有佞臣敗君事者荆州占曰有蜚蜚驚入疾或曰主大臣乙巳占曰君當之

木入亢巫咸曰歲早綠綿貴行疾國君受吊郗萌曰木入亢或東或西去亢一尺地大動期戊巳日食時乙巳占曰木數入亢其國疾疫○木守亢石氏曰年大熟天下有大令國有忠臣者守之去一尺若七寸有星隕又曰下田豐魚十倍有小倍海中占曰地動郗萌曰木守亢七日以上至四十日

管窺輯要

卷之二十四

九

五更者號大赦徵使行九州巫咸曰水守亢三十
 日以上兵起年飢一曰水亢十日而去國大豐久
 守則民多病石氏曰水守亢處其南其歲地動處
 其東有狗妖處其北來米大貴人流徙處其西島
 生妖處其中羊生牛海中占曰水守亢北貴人爲
 妖行祥多疾病大人亡郗萌曰水守亢左星旱物
 不生多虫守右星五穀多水傷有大兵○木入唐
 留舍亢六十日不下十月有兵進守之兵臣死兵
 不用退守之有外兵來期十月○水逆行亢其君

不親政事朝多非其人一曰逆行守亢中國兵起
 逆行乘臨亢右星大人憂逆行乘左星天下有苛
 令○水乘亢左星百穀萬物不成有大兵一曰木
 守亢其歲小水舍亢南地動水經亢韓地有兵○
 水同守亢五穀不成米貴人災○水同守亢水災
 人死

災惑犯亢有白衣之會天下大疫有芒角則災大
 一曰大臣當之○火乘亢右星爲大兵爲水粟貴
 一曰有苛令火乘亢左星大人憂火入亢兵起天

管窺輯要

卷之二十四

十

子延中有災石氏曰火數入亢其國大憂疫東官
 候曰火入亢北星天下白皎五穀大貴火入亢繞
 環之成勾已郗萌曰有謀主之臣有亡國火十二
 月入亢勾已環繞之天子御廷臣咸失其道一曰
 有火災逆行天子延中有兵火守亢甘氏曰天子
 樂民受爵守之久則爲兵災大水一曰五穀不熟
 民病死又曰土事巫咸曰小臣爲亂兵起天下旱
 萬物不成海中占曰天下易政道路不通白衣會
 一曰大將有喜一曰天下有火災郗萌曰貴人病

死留十日后忌之一曰天子有祠廟事天下病頭
 疾東官候曰米貴天下民憂水船急用芒角陵犯
 白衣暴聚麻麥倍價守亢三十日病疾火作海中
 占曰火守亢三十日勾已環繞之天下自將兵國
 易主火守亢色黑荊州占曰守十日水萬里不測
 二十日有疫國三十日澤成海又曰大赦火與亢
 合主命者凶火舍亢其歲小水河圖曰火舍亢陽
 有喜舍其陰其國有憂火留亢荊州占曰天子惡
 之郗萌曰天下大憂焦旱萬物不生多虫蝗起

鎮星犯亢朝臣爲亂諸侯有失國者土入亢國多盜賊萬物不成人多疾疫土逆行亢甘氏曰主女持政土星徙倚亢前後女主非其人其賤人女暴貴荊州占曰春夏爲災秋冬水災土守亢石氏曰五穀傷人流亡甘氏曰早有土功郝萌曰田宅賤又曰五穀以水敗重生人疫巫咸曰土守亢南多火災人疫有中兵萬物不成守亢北有水或曰上守亢色青有兵荒有土功已已占曰土守亢天下安土乘亢右星水災乘左星火兵起五穀貴一曰

管窺輯要

卷之二十四

十一

土成滅亢右星大人憂天下有兵起土出入留舍亢有失地之君一曰其國以威致天下國有兵果實賤賤人暴貴有水
太白犯亢有兵行疾一月行遲八十日黃帝占曰太白犯亢有芒角貴人戮死者陳卓曰太白犯亢廷臣作亂太白逆行犯亢亂兵起人主憂太白入亢國中有兵喪石氏曰其國多疾病乙巳占曰若行病凌犯而芒角朝廷貴臣有戮者期一百日遠八月又曰金數入亢其國疾疫金出入留舍亢鄭

地無天年多亡民一曰五穀霜死

金守亢爲兵天下道不通一曰天子自將兵於野石氏曰宜收歛邊城嚴兵以備北虜巫咸曰國有水軍憂荊州占曰有兵牛馬急有奸吏郝萌曰爲焦旱多蝗虫有亡國一曰五穀水傷多盜賊一曰有水賊

金行亢宿北起兵期六十日行亢南北道大旱一曰兵起

辰星犯亢名曰陰閉三光大水洋洋無有立墻一

管窺輯要

卷之二十四

十二

曰其下國疾疫巫咸曰諸侯有失國者一曰其分米貴民多流徙一曰逆臣爲亂犯亢右星有大兵國有苛令萬物不成穀貴

辰星犯亢大有憂天下亂守久之人變災多盜賊兵起人民交惡水逆行守亢大人主令不行兵起一曰爲兵守水入亢其國疫水乘亢左星萬物不成穀貴乘亢右星大兵起有苛令水舍亢歲有水且旱

客星流星彗星寺星干犯占

客星犯亢廿氏曰中國不安亂兵起期一年○客星出亢石氏曰有出使者以色占一曰多兵鄒萌曰愛臣以占口舌自殺海中占曰其國大亂旱穀傷貴人去其鄉若有芒角地動期三年客星黃曰色出亢中人有受賜者○客星入亢夏氏占曰人流亡鄒萌曰天下亂又曰有旱期二十日一月有小水傷八穀又曰士卒出有戰期不出九十日荆州占曰客星入亢天子有德令色黃期六十日色青期春色赤期夏色白期秋色黑期冬海中占曰

管窺輯要

卷之二十四

三

客星入亢有疾疫復出之疾已或曰有來使受命宗廟○客星入亢色黃有宗廟事色赤黑廟中有喪色青有傷色白有兵有暴亂黃帝占曰客星入亢廊廟間有兵武氏曰後宮有暴亂客星出氏亢中而散人主有病大赤星後角之亢金遇賊赤氣出入居亢氏間廊廟間有賊○客星入亢合宰相反國易政客星守亢巫咸曰德令黃帝占曰國臣有不祥者鄒萌曰臣謀不成而散天下不通多蝗蟲永帛貴有苛令一曰下傷海中占曰國多妖東

官候曰五穀頻不成荆州占曰客星守亢赤色爲旱色青飢人流亡色黃白無害人憂芒角地動流星入亢石氏曰有使者來受命於廟一曰幸臣有自殺者期一年王嵩曰幸臣與中官作亂一曰外國有使來乙巳占曰大兵有戰○流星色黃入角亢間有間貴客來見君廟流星入亢中大臣走死流星出亢天子遣使清獄有赦令流星犯亢在春夏妖言興秋冬盜賊起水災

管窺輯要

卷之二十四

古

不出三年一曰天子失德天下大亂一曰大水兵疫一曰天子更法令彗孛入亢氏民流亡彗孛犯亢國大災夷狄寇亂中國有不安兵起臣叛武氏占曰大飢

雲氣干犯占

雲氣青色入亢人疫出氏入亢人君有疾黑雲氣入亢有水災氣出氏

亢宿去極度數考

按亢宿本位居辰之次凡九度鄭亮之分九月且

在卯十月旦在辰十一月旦在巳十二月旦在午正月旦在未二月旦在申三月旦在酉二月昏在卯三月昏在辰四月昏在巳五月昏在午六月昏在未七月昏在申八月昏在酉

亢四星九度乃日月之中道攝提六星與斗柄相值恒指中氣攝提者大臣之象猶言提携也言能提斗柄角以接於天下恒值斗柄所指以運四時八節提調二十四氣故曰攝提漱清考云奇門集要星系取攝提乃天之六丁神將也即丁丑丁卯

管窺輯要

卷之二十四

五

丁巳丁未丁酉丁亥是也六星俱紫微垣外正夾居北斗杓兩傍法師嚶呪遣將得六丁攝提符最神速緊急蓋六甲居紫微中遣之傳遞尤遲六丁居紫微外遣之傳遞故速

亢四星距南第二星去極九十六度入亢初度乃日月五星中道主總理天下卿大夫之治曹猶尚書也曹者局也尚書古時言官也又主天子內朝又曰總攝天下春事聽訟理獄錄功也禮記月令云孟秋之月天子命理瞻傷察劓視折審斷決獄

訟也必端平戮有罪嚴斷刑註云理者治獄之言亦為疏廟又為疾病宋均曰疏者外也廟當為朝為天子外朝也一日外朝在闕門內決罪聽訟之朝

占曰亢星明則宗廟有敬朝廷有序輔臣納忠民無病疾不明則輔臣夫職君令不行人民疾疫芒刺則國政錯亂水守則五穀熟水守主滂火守主旱宗廟火災金守刑酷秋分視亢不見則五穀太傷書守朝廷惡之兵來並至在亢鄭分野

管窺輯要

卷之二十四

五

大角一星在攝提間距東去極六十六度入亢二度乃天王座也又為天棟正紀綱援神契云大角在坐候宋均曰坐帝座也正義曰大角在兩攝提間人君之象也棟者梁也漱清考大角乃紀綱棟梁象人君端居九重以綱紀四方是也正義即為人君之象其說遠

占曰大角明大光潤天下安寧昏暗不見天子災動搖則人君好遊不居正位金火守大臣逼上書守大人驚憂臣叛主

折威七黑星距西第三星去極九十六度入亢三
度在亢南主斬殺以斷牢獄折者斷也威武也因
其斷決威武所以主斷牢獄即今行軍斷事豐卦
大象曰君子以折威治刑

古曰折威移居積卒則兵起金火守夷兵起邊將
憂警守邊將逆謀戰不得利

左攝提三星距南去極七十二度○半入亢七度
右攝提三星距北去極六十六度入角七度直指
北斗杓建時節正義云攝提六星夾大角大臣之

管窺輯要

卷之二十四

七

象天官書云攝提者直指斗杓以建時節故曰攝
提格如斗杓指寅則建歲首之正月也建立也何
機祥顧野王云機祥吉凶之先見者也伺候也機
兆也攝提為盾所以夾擁帝座盾者干盾也即今
之長牌亦主九卿解見前一曰大臣之象元命包云
攝提者攜也言能提斗攜角

占曰攝提明潤則天子昌芒刺則大臣專恣西向
則天子失政北向則易姓受命月犯則后官專政
彗孛守天子有驚憂五星守臣逆君若木星守天

子福昌

頤頤二黃星距東南去極一百十二度入亢四度
在折威東南主考察囚情奸偽也旅卦大象曰君
子以明德慎刑而不留獄淳風曰此治獄之官
御史師吏

古曰頤頤明則獄訟平暗則獄訟冤金火守淫刑
督責天下

陽門二黃星解見角宿

亢宿雜座

管窺輯要

卷之二十四

七

大角一星在攝提間天王之棟梁亦為天子之坐
一曰格一曰天棟一曰天幢主正綱紀其星色赤
而明甘氏曰大角光澤明大揚芒奮角強臣伏誅
天下安寧芒之所指兵從之吉大角明則天子威
行星亡則天子失勢令大角失色青憂白喪黑疾
皆天子當之一曰大角不明則強臣凌主天子衰
弱不見則王者滅亡大角數動搖則人主好遊不
安其官動搖則臣下有以惡事欺主者
月犯食大角強臣戰不勝大人憂有大喪國亡○

氏宿論

氏四星爲后妃休解之府也前二星爲妾後二星爲適其星明則臣奉法月五星客彗守犯后宮災王者憂主兵喪兵起輦轂下宋豫分兵災梗河二星主國大喪之事一曰天鋒主胡兵星亡則其國主有謀其北一星曰招搖一曰天子動則近臣恣又主夷狄天乳一星在氏傍主雨露明則甘露降天輻二星在騎官之東客星守主輦轂有變帝座三星主宴飲酬酢星明則君臣歡洽亢池六星天

管窺輯要

卷之二十五

二

氏宿說

氏四星去極九十八度宋志云距西南星去極一百四度半赤道十六度三十分黃道十六度四十分黃道自氏一度十四分五十二秒入卯赤道自氏一度十一分六十四秒入卯天之行始於東故此爲天根太子爲天下根本故取象焉郭璞云角

亢下係於氏猶木之有根主風雨之調與變其外

四尺爲七曜中道象天子之路寢乃聽朝所居也后妃之府休解之所前二星適也後二星妾也明大則大臣后妃奉君不失節如不見或動移則臣將謀內禍亂生矣史記氏主疫日月食于此主大亂水犯立后妃若歲星逆行入氏主飢又氏爲天子宿宮主治宮室過度故將有徭役之事氏先動若明大則民無勞矣火犯之臣僭上火逆行入氏爲失火災惑掩西南星占賊臣在內荊州占曰災

管窺輯要

卷之二十五

三

惑入之主天子之宮非火即盜有內亂讒臣金犯之拜將荊州占曰金守之國君大災水犯之主暴憂法官有獄事荊州占曰辰見於氏小而不明負海之國大水巫咸曰辰守之多水海中占曰天下大荒月犯東北星大將當之月掩之則將死或國有誅將月及金人之君有哭泣事土星入兵喪土犯月於此則地主死之月暈人不安彗孛犯暴兵起或曰天子失政客星犯婚禮不整

天乳一星在氏北蓋后妃不自乳其子乳母也亦

主飴糟之事又主甘露明潤則雨澤均甘露降臨則水不均

招搖一星在梗河西北次斗柄端爲天子主胡兵以備不虞也芒角變色動搖移徙則兵甲大起又喪其星與北斗相應則胡來受命明而不正則胡不受命有星孛于此擊大宛等國又爲天庫星其去所則有庫開之祥

梗河三星在大角東北爲天鋒乃天子戟劍之星所以守國備不虞者變動有兵喪星亡則國有兵

管窺輯要

卷之二十五

四

客星入主胡兵入塞

帝席三星在大角北梗河西天子宴樂羣臣嘉賓之所明則吉不見則大臣失位

亢池六星爲泛舟楫通水之道主送迎移徙則關梁有變七曜犯多水災

騎官二十七星在氐南主國有大事太子合國子而用之者也星衆則安芒角不見兵起動搖則宿衛兵起

陣車三星在氐南兵車也星搖則車革用

車騎三黑星在騎官西南乘車之馬總車馬之將也變色動搖則兵革行金火犯爲災

騎陣將軍一星在騎官南主騎將也所以帥國子不領於司馬者也亦名天大將軍明則騎將書不見則騎將死動搖則騎將出古之命將者賜弓矢則王畿之外皆得專征賜鉞鉞則參將而下皆得專殺然則大將統兵於外無乃非國家所利乎周禮國有大事則國子皆屬於太子惟所用之治以軍法司馬弗與故大將統兵權於外以正軍法而

管窺輯要

卷之二十五

五

太子握兵權於內以遏亂源氐宿之下有騎官騎陣將天道示人明切如此

天輻兩黃星在房西氐東南車之三十輻也十大夫之車也主鑾駕變色芒角動搖或客星來守則輦轂有憂

氐宿主官室妃嬪度二十六度外四尺爲黃道初氐一度外木尾三度內於辰爲卯於分爲未於野爲豫州賦氐房心宿大火宋豫陸齊魯分襄邑小黃之臺壽當歸德盡曹單宿之邵徐於六月先房

心之昏中十二月爲旦中九月爲太陽躔次

氏宿歌

四星似斗側量米天乳氏上黑一星老人不識稱
無名一箇招搖梗河上梗河橫列三星狀帝席三
黑河之西亢池六星近攝提氏下衆星騎官出騎
官之衆二十七三三相連十欠一陣車氏下騎官
次騎官之下三車騎天輻兩星立陣傍將軍連裏
肅威霜

氏宿考

管窺輯要

卷之二十五

太

天乳一星在氏北主甘露○亢池六星在亢北主
水道○帝席三星在大角西北天子宴樂之所○
招搖一星在梗河北主兵胡夷之象○梗河三星
在大角北爲戟劍之星主誅伐又主胡兵○障車
三星在氏南革之象○車騎三星在騎官南主布
列行陣○騎官二十七星在氏南天子宿衛之士
○將軍一星在騎官東南騎將也○天輻二星在
房西主鑿輿

氏四星天之宿官也一名天根前二大星主正妃

後二小星主左右媵又主衛役明則臣妾奉君不

見或移動日月蝕主內亂木犯立后火犯臣僭上

金犯百官憂客星犯婚禮不整彗孛犯兵起

天乳一星位在氏北主雨露明則恩澤降

招搖一星位在梗河之北一曰常陽一曰天庫一

曰天子主胡兵芒角動色變兵起

梗河三星位在角北招搖之南一曰天盾一曰天

鋒天之劍戟主誅罪也所以衛天子以備不虞其

色變動有兵喪

管窺輯要

卷之二十五

七

帝席三星位在大角之北氏宿之西北天子宴飲
獻酬之所不見大人失位亦不欲大明

亢池六星位在亢北氏西主泛舟迎送濟渡之事

一曰代津移徙則凶

障車三星位在氏南主革車動則兵起

騎官二十七星位在障車之南天子宿衛之騎士

也主守禦以防不虞星不欲稀與車騎三星騎障

將軍一星同占

天輻二星位在房宿之西騎官之東主天子鑿輿

其星近尾則吉

氐四星十六度距氐西南去極九十九度中黃道
內土星也春夏爲木秋冬爲水爲天子宿宮后妃
休解之所一名天府一名天根主徭役動則人疫
前二星嫡也後二星妾也明大則王者安臣奉度
小則臣失勢動則臣出國○日月食氐中后妃惡
之○木守之皇后有喜守其地三十日以上有立
王者○火守之大臣相譖若逆行而赤色大臣亡
國久守六十日有赦○土守之則賊臣爲亂近期
管窺輯要

卷之二十五

九

期一年遠期七百日○金守之有兵起將軍受封
爵大人失位主大亂○水守之有水災漂沒宮館
百物不成○土守之有立太子久守八十日已上
其國有兵一日將相有賀大臣拜受○彗客入之
后宮有暴兵動不出半年

氐宿總序

氐四星曰天根爲天子宿宮休解之房后宮之府
一曰天府土星也皇后妃嬪前二大星主正妃後
二小星主左右媵其北二尺爲日月五星中道氐

又主徭役其星明大則臣妾奉法人君安天下無
汙馬之勞暗小則君失勢臣妾不度動徭役不時
移徙或不見則臣妾內亂兵起一曰氐星動大臣
去國

日月異變占

日月在氐蝕天子以疾死石氏曰卿相譏諛人君
留減無辜甘氏曰戒在公卿大夫且有譖誤主使
過刑者又曰后有憂一曰內亂

日暈於氐女主自恣臣下有兵謀甘氏曰大將有
管窺輯要

卷之二十五

九

殃人多病死王蕃曰君有女憂
月暈圍亢氐有兵有殃人多病死
月在氐蝕黃帝占曰天子有病一曰妃后惡之石
氏曰大臣死後官多病荊州占曰治耕之臣有興
者一曰內亂

日暈於氐人多病郝萌曰不出四十日有治道路
事一曰水重多使人不安王蕃曰國君女背憂月
以冬三月暈氐有大水天子不安有赦正月月暈
氐兵起武密占曰月與歲星同在氐而暈不出四

十日有赦令三月在氏而有變背爲中有陰謀君后不安

月五星干犯占

月犯氏天子起兵一曰其國有憂有君在外將死一曰宮有事大人女主居宿不安一曰刑政失天下兵飢天文論曰盜起將軍誅水虫海中占曰月犯左星左中郎將誅右星右中郎將誅

月入氏中天下兵起月乘氏方星天下有大兵天子自將兵于野月蝕氏弱其一星一將死於野戰

管窺輯要

卷之二十五

十

一曰月奄氏有陰謀大將死入亢君有疾死黑雲氣入亢廊廟間有陳兵赤而揚波大人憂人疫黃雲入亢有治事白雲入亢有土功人疾病

晉惠帝永興元年七月太白犯亢占曰有大兵人君憂是年有蕩蔭之役 日王 殺幽州刺史和

演師潰於是六光豫爲兵

唐帝延元三年十月甲辰月犯亢占曰兵起將軍死六月將軍陳達鎮壽春敗還七月氏屬餘寇反亂益土九月石季龍謀伐涼州五年征北大軍褚

裏幸

歲星犯氏石氏曰國無儲荊州占曰木犯氏左星左中郎將誅右星右中郎將誅若環繞勾巳之具國飢君命不行木乘左星天子自將兵於野乘氏右星天下有水大兵木入氏中不出其年有赦木逆行氏臣借主諸侯爲王者之事一曰其君治宮室過制木舍氏其國歲熟賤人有疾水居氏海中占曰五穀以旱傷郝萌曰木處氏西歲多飢傷處北有小賊貴人多徙多牛死其肉殺人處南馬多

管窺輯要

卷之二十五

十一

死人多病寒疾木出入留舍氏石氏曰氏者天庫之星也其國有疾令其歲則吉右還而守之其國以兵致天下木守氏石氏曰皇后有喜一曰天子立后甘氏曰君有喜守之二十日以上其國大利巫咸曰木守氏國飢人流民多疾病陳卓曰五穀虫蝗萬物不成荊州占曰諸君夫人有來入宮者行疾期六十日行緩期二十二日海中占曰有旱天文論曰孽妾有喜出照巫咸曰木守氏入居其南地動或曰木守氏三十日其地有立王者木逆

行守氏后妃有憂去兩星二尺期二十日去之十尺期六十日與兩星齊期二十日郝萌曰木逆守氏其君不居其宮乙巳占曰木逆行犯守氏國大飢人流亡赤爲多病

熒惑犯氏臣誅上人主憂一曰有內亂後宮有火災荊州占曰火犯氏左星左中郎將誅犯右星右中郎將誅犯期三年火入氏甘氏曰天子失其宮入守留三十日不下有賊臣在內有反者三十日不下國兵起人主忌之又曰天子之宮罰星不宜

管窺輯要

卷之二十五

三

入之是謂不祥守之其國君死石氏曰火入氏留二十日國君有繫餓死者及若毒死者荊州占曰火入氏留二十日大發兵戰起期三十日遠六十一日一曰火逆行氏國失地一曰多火災一曰後宮失火荊州占曰地動一曰大臣謀反入之其事成火守氏石氏曰大人憂強國當之有繫王餓死若近臣憂非一國也又曰大國憂天下不安甘氏曰大臣相諧有兵大戰巫咸曰君有疾病兵起其君惡之海中占曰國亂有反臣不出六十日發不徧

管窺輯要

卷之二十五

三

天下歲春早晚水不出其年人相食郝萌曰有緡役地震守二十日相死西北之夷來國家有小喪又曰臣謀主荊州曰火以秋九月守氏色赤黃有奪地死王期一年火氏已去復還守之其色赤黃白有赦與兩星齊期十日去之尺期六十日黃帝占曰火守氏既出復還守之強國之君惡之巫咸曰天子當之石氏曰火守氏去之旬日復還有大兵起國亡地火以戊辰歲內已入氏犯西南光星合者到已巳歲大將軍誅大赦天下火守九而入

氏中三十日大人當之遠氏者大將軍病南行國有小喪在其陽爲男在陰爲女火入天門至氏前進退人主喜出國無之遠其宮門有伏兵火出入留合氏天下大疾火乘氏左星天子自將兵於野乘右星天下有大水大兵火與氏合國失地火與本同守氏賊臣爲亂

鎮星犯氏左星左中郎將誅犯右星右中郎將誅

王入氏中陳卓曰期三十日彗星出其色西南指

一曰果實賤賤人女暴貴一曰其國有兵喪失地

管窺輯要

卷之二十五

古

土逆行氏女主不居宮土乘氏右星天下大水乘
左星天子自將兵出於野土徙倚前後於氏女主
左右有匪人土出入留舍氏天下用兵期不出四
年更立侯王一曰有亡地之國土守氏星后有賀
一曰賊人有暴貴者宮中有土功事一曰有立天
子有赦令一曰有賊臣爲亂石氏曰國有大賢武
氏占曰歲安土星色赤則四夷不服天下大疫有
裂土之君一曰天下徭役田宅大貴郝萌占曰土
守亢氏色黃潤澤太子有智慧天下安寧變色則
有死亡國荊州占曰土守亢奸臣有謀青色其國
君死守之八十日以上其國兵起土星東行而還
守亢皇后大人憂與兩星齊期二十日去兩星一
尺期六十日去之二尺期百二十日土入氏而守
之國有亡城者天下用兵更立王侯不出三年守
之八十日不下野有萬人家聚
太白犯氏左星左中郎將誅犯右星右中郎將誅
甘氏曰太白犯氏天下徭役兵起一曰有兵起一
曰其分疫有拜將荊州占曰大白犯氏有芒角有

管窺輯要

卷之二十五

圭

大兵王者亡地一曰其分君亡太白入氏天下大
疫石氏曰霜雨不時郝萌曰春羅大貴又曰國亂
大人憂君失地太白入氏而守之兵加其國五星
月太白入氏有變君失地一曰兵起將軍受封爵
荊州占曰天下大喪海中占曰兵起而不行甘氏
曰大臣受賜與兩星齊期十日有赦一曰乘氏左
星天子自將兵於野乘右星天下大水大兵荊州
占曰太白守氏房間大飢六畜死
辰星守氏大水漂浸城關萬物不成守之八十日
兵大起巫咸曰水守氏多惡風海中占曰天下大
旱五穀不收一曰爲水爲旱水犯氏甘氏曰有獄
事貴臣憂天下大疫國易政辰星入氏中負海國
大水水乘氏左星天子自將兵於野乘右星天下
大兵大水五星同

客星流星彗星孛星于犯占

客星犯氏後宮有亂暴兵起一曰有獻女者一曰
婚禮不正天文論曰其國憂○客星出氏人主憂
病有德令或曰邊邦獻女或曰君有憂於外國黃

帝占曰客星出氐黃白色與兩齊期十日有赦去之一尺期六十日二尺則百日○客星守氏人主憂病石氏曰天下中外不通馬有急行國易政郝萌占曰臣欲危其主巫咸曰兵起國亡天下俱動海中占曰有德令荊州占曰木器布帛倍價又曰麻麥牛羊貴武密占曰客星守氐五十日不下宮中有刺客黃帝曰黑星守氐大水客星守氐廟堂有憂黃星守氐后宮有喜赤星守氐近臣謀逆兵起宮中客星起氐中天子不安其宮女主失坐客

管窺輯要

卷之二十五

六

星出氐東有白衣之會○客星入氐石氏曰棺木貴黃帝占曰日蝕地震粟貴有苛令甘氏曰邊邦有獻女者郝萌曰主有疾復出之疾已陳卓曰兵從邊起后宮亂兵動五穀不成黃帝占曰客星入氐白色即將受賜青黃黑色不死則黜一曰客星入氐黑色大水其國有改立廊廟有憂赤色有兵有在廟中近臣誅殺貴人○客星入亢中而散之人主有疾中外不通馬急行大臣專權君失勢○客星乘氐左星牛馬大貴氐若守之諸侯有坐法

誅絕無後者守之久不去客入宮中逆行貴中主奪勢臣執權徭役大起

流星入氐天子有疾兵起國有大水一曰相星曰上卿憂又曰秘閣官有事石氏曰民飢疫死又曰后宮有喜天下有兵色赤黑者后妃不安流星春夏入氐大臣貶黜秋冬入氐爲水○流星觸氐國多淫女○流星出氐有使出布天子令○流星大如雞子出氐中西北流不出三年人主憂一曰有亡國

管窺輯要

卷之二十五

七

彗星出氐有赦石氏曰天子不安一曰有徙宮有易政一曰天子失德其國大疫米貴兵起○彗孛入氐兵起有臣殺主一曰後宮有暴兵甘氏曰彗孛入氐中後宮有異兵動彗孛犯氐其地兵起有大赦武密占曰羅貴黃帝占曰臣殺主兵起天下更改期一年荊州占曰天子寢疾宮中亂太疾疫雲氣干犯占

雲氣入氐黃色有土功黑色大水赤色有內兵蒼白色疫疹大行色白天下疫久不散宮中有女喪

黑氣入氏房間天子遣使於諸侯有口令

漢宣帝地節元年正月辛酉災惑入氏中占曰氏天子之宮災惑入之有賊臣後四年霍氏謀反坐誅

順帝永建五年憂災惑守氏占曰諸侯有斬者是冬定遠侯班始駁斬於市

晉穆帝永和五年六月癸亥月犯氏東北星占曰大將當之七月慕容恪攻冀州刺史呂獲於野王獲發榮陽時桓溫以大象次宛間護敗乃退

管窺輯要 卷之二十五

太

氏宿去極度數考

按氏宿本位居卯之次宋豫州之分凡十六度九月旦在卯十月旦在辰十一月旦在巳十二月旦在午正月旦在未二月旦在申三月旦在酉二月昏在卯三月昏在辰四月昏在巳五月昏在午六月昏在未七月昏在申八月昏在酉

氏四星十六度距西南去極一百十四度入氏初度乃日月五星中道爲天子路寢天子有六寢路寢一正朝也治事之所寢寢燕息之所周禮夏官

司馬云王有六寢一是正寢各路寢餘五寢列後通爲燕寢名爲小寢一在東北王春居之一在東南王冬居之一在西北王四季居之又曰爲后妃之府休解之房也言休歇解息之所

前二星嫡也后也後二星妾也妃也又爲天根主宮房椒室孫炎云角亢下繫之於氏若木之有根故曰天根

占曰氏明居常吉大明則后妃專權太暗則后妃失勢客入則姦臣亂官彗孛守則后妃逆謀土木

管窺輯要 卷之二十五

五

守后妃有喜金火守后妃有憂

天乳一黑星距東北去極九十一度入氏十五度在氏北主甘露又主餽醴之事甘露一曰天酒一曰神漿一曰玄露生於松柏間見日不消主天下太平瑞應瑞圖云王者德及於天和氣感則甘露降於松柏飴米醴醴甘酒漱情考漢書云甘露乃天之瑞氣凝結也世有柳子厚表甘露而又有張彥聖賦秋露兩絕實稱而併記之甘露表曰臣某言中使王自寧至伏奉宣聖旨出延和殿前丁香

樹甘露一大合示宰臣未時又出一大合令明日
示百寮甘露見降未止者玄化升聞靈貺昭答必
呈尤異之應以告天地之和臣某誠歡誠慶頓首
頓首伏惟皇帝陛下均煦育之功敷滂澍之澤太
和潛達闕瑞克彰發於天霄特降宮樹朝光初燭
方湛湛而不晞畏景轉炎更懷懷而未已綴葉而
珠璣積耀盈器而冰玉呈姿芳襲椒蘭味兼飴醴
然則零於庭而著異祀於帝以標奇徒矜往辰孰
並茲日況樹有丁香之珍殿即延和之號所以著

管窺輯要

卷之二十五

三

芳風之遠播期聖壽於無疆事絕古今慶傳遐邇
臣謬承渥澤獲覩殊祥忭躍之誠倍萬恒品蓋表
忠而賦韻何如賦曰夫露者陰陽之精氣也天地
之靈液焉秋冬潤而春夏清晞於朝而生於夕隨
時應變不疑不積遇物受彩因象而光滴滴瀝瀝
熒熒煌煌爾其爲大也澄九天而靜六合爾其爲
廣也清四極而洒八荒故能消歇氛埃生成草木
晞濯千品霑濡萬族其澤厚矣其潤深矣願聞其
試言厥初光自元氣生於太虛巨人飲之而不

死上古吮之而穴居天無雲今珠的礫野有青草
玉扶疎寫垂鳥兮爲篆懷蛟龍兮著書河洛建都
今氣均風雨甘泉築館兮名亞儲胥或泛灩池臺
或葳蕤竹栢鵲鳴兮色紫鴻鴈來兮光白露之
爲德也天乙所以爲王侯露之爲文也詩人所以
歌邵伯即因甘而作頌稱未晞而留客是詩鷺鳥
初擊鳴蟬向脫悲九節之相催恨三危之路遠或
乃幽閨織婦初下鳴機徘徊空院惆望秋暉洞房
月入羅帳螢飛看鴻鴈之將度愁良人兮不歸酒

管窺輯要

卷之二十五

主

交頤之玉筍苦寒露之沾衣至如關山氣寒瀚海
風急胡侵壠塞兵屯馬邑征人此時思歸下泣不
覺漣如沾我衣濕別有洛陽才子人間秀士遠自
岩曲來遊學市有恨驚心無人知己聞墜葉而歎
息對浮雲而愁起慟慟兮恍若有亡親兼葭之蒼
蒼惜白露而爲霜宋大夫聞而歎曰歲不我與一
寒一暑昔時春晚拂楊柳於南津今日秋深落美
蓉於北渚未達平生羈旅君何爲而絕絃敢仰寄
而相許重曰白日黯黯今秋風多綠川蕭蕭

水波聞野中之有曲試調露而爲歌歌曰天降氣
今地凝精皇德茂今芝蓋平金盤漬令玉杯清葉
有露今落有聲遼東之鶴中夜驚日南之雞凌晨
鳴華山相兮多珠露松子服之得長生

占曰天乳明則君有德國瑞生膏澤下民甘露降
招搖一星距 去極五十度○半入亢四度○半
在梗河北主胡兵亦爲矛盾之士矛有二種酋矛
二丈夷矛二丈四尺武藝十八事酋矛夷矛居二
焉盾解見前漱清者過秦論言鈎戟長鏃此矛盾類

管窺輯要

卷之二十五

三

也可以遠殺胡兵賴此精兵器焉嘗觀駱賓王賦
蕩子從軍暗與招搖矛士少合詞甚艷麗焉賦云
胡兵十萬起妖氛漢騎三千掃代雲隱隱地中鳴
戰鼓迢迢天上下將軍邊沙遠雜風塵氣寒草長
垂霜露文蕩子苦辛十年行回首關山萬里情遠
天橫劍氣邊地聚笳聲鏃騎朝恒響桐焦夜不鳴
抗左賢而列陣屯右校以疏營滄波積凍連蒲海
白雪凝寒逼柳城若乃地分玄微路指青波邊城
枝氣從來少關塞寒雲本自多嚴風凜凜將軍樹

苦霧蒼蒼太史河旣拔距而從軍亦揚麾而挑戰
征旆陵沙漠戎衣犯霜霰樓船一舉爭沸騰烽火
四連相隱見戈文耿耿懸落星馬足駉駉擁飛電
終取後而先鳴豈論功而後殿征夫行樂踐榆溪
倡婦銜怨守空閨靡蕪舊曲終難贈芍藥新詩豈
易題池前怯對鴛鴦伴庭際羞看桃李蹊花有情
而獨笑鳥無事而恒啼見空陌之草積和閨牖之
塵棲蕩子別來年月久賤妾空閨更難守鳳凰樓
上罷吹簫鸚鵡杯中寧勸酒聞道書來一鴈飛此

管窺輯要

卷之二十五

三

時絨怨下鳴機裁鴛鴦帖夜被熏麝染春衣屏風宛
轉蓮花帳窻月玲瓏翡翠帷箇日新粧始復擺祇
應含笑待君歸
占曰招搖次北斗杓與梗河大角相直端正明潤
與北斗相應胡王來受命暗則胡不受命搖動起
兵彗孛犯王死金火守邊將憂蓋招搖乃劍戟之
星有變多主兵戈
梗河三星距大星去極五十九度入氏二度在大
角北一曰天鋒一曰天盾爲矛盾以備不虞亦爲

胡兵又主喪事書費誓云銀乃戈矛礪乃鋒刃一
占曰梗河居常邊鄙安芒角邊兵起梗河與玄戈
相向兵火起不見國有喪金人守邊將憂流星出
入天子發兵計胡與夷葦字守兵不利於夷梗河
主殺在北斗杓端所向不前胡兵起

帝座三黑星距東去極六十七度○半入氏一度
半在大角西北爲天子燕樂獻酬之所酬者酢也
需九五云酒食貞吉

占曰帝席不欲明明則人君樂酒無厭而荒亡至

管窺輯要

卷之二十五

五

矣動搖則沉溺酒色葦字守酒食中防謀害

亢池六黑星距北大星去極七十度○半入亢三
度近攝提主泛舟楫舟者船也楫者棹也棹之屬
用以行船也詩鄘國風竹竿云檜楫蘭舟駕言出
遊漱清考易繫詞云剡木爲舟剡木爲楫本以通
楫之利故作舟賦曰昔者帝軒君臣道叶爲舟爲
楫徑度大川於焉利涉疑夏日之初蓮似秋風之
落葉居而必虛其心善蘭桂之得性惡泥滓之陸
沉清流徹影庠狹波深直容與而孤運非軌轍不

能尋動而何極居而不淺以謙虛而受盈尚朴素
而思歸爲而不有質而能文不以克已辭於功不
以利物矜其德夫潛行不辭於水有似智焉虛已
以濟於物有似仁焉不畏蛟龍之潛不恥魚鱉之
泉任規橈於匠者隨物理之推移橫不測之流無
慙於勇決指送歸之路有類於神仙爾其渡潦按
甲伏波受命絕島如雲長川似鏡值衝風之颶起
引孤帆而高映榜人奇唱棹聲不一赴海凌川箭
馳風疾監地角而長逝望天涯而迥出飄飄画鷁

管窺輯要

卷之二十五

五

決孤影而排風迢遞檣鳥轉危竿而就日且夫履
有常道濟無不通嘉守義於其伯慚棄人於衛公
安而不傾得性江湖之上悠哉獨運託質浮沉之
浪爲用也大爲德也廣操楫則津女輕歌畫土則
廩君孤往襄城帶其寶劍神亭飛乎銀仗惟傳岩
之版築監巨川而長想○又主迎送中庸曰送往
迎來嘉善而矜不能所以柔遠人也漱清考送往
迎來車輿是通往來之物牛任重馬行遠亦是通
往來之物不獨一舟船也然謂之亢池多切舟楫

矣若以嘉矜乘遠又是與亢池遠焉

占曰亢池明則天下舟楫通不見則關梁有阻水犯天下百川江河盈溢泛漲

騎官二十七星距西北去極一百二十度入氏初度在陣車南于天子宿衛之騎士淳風曰天子之虎背也如漢武帝始以公孫敖爲騎將軍

占曰騎官星衆天下安稀少守禦兵散芒刺離徙兵起彗孛守大兵起騎將憂

陣車三黑星距東去極一百十三度入氏四度在

管窺輯要

卷之二十五

壬

氏南爲兵革之車激清考歷代戰陣之車不同惟孔明木牛流馬最巧武王革車三百輔不戰而屈人兵最仁

占曰陣車動搖兵起彗孛守車騷滿野

車騎三星距南去極一百十四度入氏二度在氏

西騎官上主布陣行列車騎之事又曰主都督車馬之將軍魏黃初年始置都督諸州軍事唐以李靖爲安州大都督激清考布陣行列之勢不外於出師出師之光景有賦賦曰莫高匪天兮生我聖

人聰明運用兮不測惟神恩澤洪融覆幬彌淳實

窮陲沛無垠珍怪烟委而波屬蠻夷鳥狎而虫馴粵若鬼方兮獫狁孔狡固陰匝寒兮陵我河津於是按玉劍而憑怒耀金戈而雷震禡蚩尤誓勾陳會白帝騎蒼鱗天動地應羅羽衛而煌煌風咆雲鬩作笳鼓之殷殷別有哮悼之旅毅勇之賁爰自幽并而投石走巴楚而來臻鐵馬金甲虹旌電輪鳴弦者飛鴈由其殞越揮戈者白日所以逡巡國體兵勢殊容共身既出師於鄂杜亦獵虜於新秦

管窺輯要

卷之二十五

壬

野氣蒼茫而助殺軍聲慷慨以含仁奮威則鯨鯢切鱗流詠則梟獍懷親大荒搖落知單于之魄死層洋渙漫感天子之情春昆類雜種于何不臣寧直誇胡而北省亦當撫綏於叢榛悔岱攸類匪兵是遵固將歷三五而高視豈與夫費百萬於同勤占曰車騎動搖則車騎兵行客入則西羌來降彗孛守則車騎將憂不利○激清考本朝設都督戎政最多騎官前後小星無名者甚多屢查不清也天輻二星距南去極一百十六度入氏十一度在

騎官東主鑾駕乘輿之事○天子大駕八十一乘郊祀用之法駕三十六乘祀堂用之小駕十二乘祀宗廟用之又舜有鑾車夏后氏有鈎車殷有大輅周有乘輅唐制有三輿一五色輿二常平輿三腰輿總謂之鑾輿

占曰天輻近尾則吉客守則輦轂有變

騎陣將軍一黑星去極一百三十三度入氏四度在騎官東南主統軍騎將漢文帝時始以薄昭爲車騎將軍漱清考騎者馬也戰馬之最輕便而精

管窺輯要

卷之二十五

壬

健者喬彞有立走馬賦焉曰元戎帳外兮何者雄躡絕電踏追風於是千旗已合萬馬既匝槍疊環繞轅門洞開紛紛熒熒以照雪殷殷蝶蝶以隨雷嚴鼓齊蒼山破一人唱萬人和寒笳既鳴攢騎無聲左右交入奔騰近集鴻洞戢音陰森焱焱揮鏃騎以尖空上金鞍而屹立輪寶刀以直視拔長劍而端揖奔經絕海旋巨浪以尚遲餓鵲翻身寫長風而未急於是神仙恂恂鬼怪呼吸擺余甲而作寒噴玉花而半濕濟力旣剛雄風莫當擲紅旗以

顛倒按白刃以熒煌霍燄滅沒離披頓引山河

之奔走隨鏃翻以低昂訝夫懣懣累疾從容自適互擗易沸霹靂豁千重以萬重乃左射而右射餘掉青絲繫練影叫天闔揮落景雲旗一鏃翻古塞而半飛回戰雙盤寫長風而自冷沉復騰勇去耀紅塵倖精誠而張膽仗忠信以扶身妙能傑出其天絕倫感平生之顧遇觀性命之途廵既見知於援將寧有力於依因得逢堯舜之代以備爪牙之臣恨武楊之尚狹踢高步而難伸皆曰若更度交

管窺輯要

卷之二十五

壬

河絕大漠藏鉄羽銷金錯橫穿馬邑雷鼓出於地中直上龍城將軍忽如天落引皇風之披靡蕩殺氣以澄廓不離旗旆長隨衛霍鞭八方之戎羯豁萬里而開拓騁輕趨之俊藝突沙塞北取樂壯觀呈肅然清揚大旆入舊營

占曰騎陣明則兵強將勇不明則兵將不弱雪字守騎將憂有戰不利

氏宿雜座

亢池

亢池占星在亢北主泛舟渡水之事一曰伐津星不居亢度中則廟中大有怪以主司日見則主壽終一曰亢池敗則天下不通一曰亢池主水道微暗則水壞苗○五星犯守亢池天下大水百川皆溢火犯之海中大魚死○客星守亢池石氏曰國水重多死出亢池宗廟有盜

折威

折威七星在亢南天子執法之官也主斷獄和萌曰折威移居積卒間則兵起中國傷邊將死○月

管窺輯要

卷之二十五

三

行折威中天子滅亡○五星守犯折威邊將有棄主而反者○彗守犯折威邊將受戮蒼白氣入折威中大臣為亂兵起天子失威出之則禍除○赤氣入折威中大臣反天子出將兵○黃白氣入折威外國有來求和親者青氣出折威天子有德令○黑氣入折威天子惡之出則禍除

頡頏

頡頏二星在折威東南獄官也主考察情偽其星明刑獄平暗則獄濫○五星守頡頏貴人下獄有

謀者

陽門

陽門二星在庫樓東北主邊夷險要動搖移徙則邊地有變○客星入陽門夷狄犯塞出陽門兵敗○赤氣入陽門邊其起有戰

天乳

天乳一星在氐北主雨露其星明則甘露降

騎官

騎官二十七星在氐南天子宿衛騎士一曰輕能

管窺輯要

卷之二十五

三

金官也土守禦防不虞星聚天下安移徙則騎士叛微小不見則守禦撤出天下兵大亂芒角動搖則兵必大起○五星守入騎官兵大起馬多死○火入騎官若守之大將出騎官憂和萌曰有敵○客星出騎官車騎大發入守之同占○流星出騎官兵起車騎將出馬多死期一年遠二年流星出騎官石氏曰兵出從星之所之○彗守出騎官英雄起天下憂甘氏曰騎卒散若犯之將軍有死者○蒼白氣入騎官騎將死○赤雲氣出騎官兵大

出○赤氣入騎士憂○黑氣入軍中有疾病

陣車

陣車三星在氐南革車之象星動則兵車動○客星守陣車兵車滿野內兵無禁

車騎

車騎三星在騎官南金官也爲都車馬之將主部
陳行列變色動搖則車騎行○金火犯守車騎兵
大起○客星守之西羌其來降

騎車將軍

管窺輯要

卷之二十五

三

騎車將軍一星在騎官東南端騎將也星明則將盛微小則將弱不能禁其士卒勤搖則騎將出

天輻

天輻三星在房西騎之陣東主鸞駕其星近尾則
吉遠則天下有謀害主者○客星守天輻輦轂有
變

管窺輯要卷之二十五終

管窺輯要卷之二十六

六安黃鼎王耳父纂定

男九命簡臣

臣九錫公位

九疇論叙

九如眉介

侄孫珮琢成

珂先鳴

桐城方兆及子諡全閱

管窺輯要

卷之二十六



房宿論

房四星爲明堂天子布政之宮四輔也上第一星上相也次次相也下第一星上將也次次將也南二星君位北二星夫人位又爲四表中間爲天衢爲天關黃道之所經也南間曰陽環其南曰太陽北間曰陰環其北曰太陰七曜行乎天衢則天下太平由陽道則早喪由陰道則水兵又曰房爲天駟主車駕南第一星曰左驂次星曰左服次星曰右驂次星曰右服亦曰天廐爲開閉爲蓄藏之所

管窺輯要

卷之二十六

二

房星明則天子明驂星大則兵起民流土星久守諸分皆爲吉兆惟久守房多喪國禍必有亂女主于政太白火客彗守犯爲兵爲喪大臣災王者憂豫宋分兵災守犯上一左相次一左將次一右將主將相災房北二小星曰鉤鈴鈴上曰鍵天之營鑰主閉鍵天心也星明而近房天下同心鉤鈴星間有星及疎析則地動河溢東咸西咸各四星在房星北日月五星之道房之戶也所以防淫佚也星明則吉月五星守犯之有陰謀罰三星在鍵之

上房居邪分震主震方怒故有罰星房爲明堂天子聽政之所故有從官二星邪爲日升之所故直一星爲日也

房宿說

房四星去極百十度半赤道五度六十分黃道五度四十八分天子之後寢御羣陰之處乃布政之宮也其下第一星上將第二星次將也第三星次相也其上一星上相也亦四輔也南二星君位北二星夫人位又爲四表南門曰陽環亦曰陽道其

管窺輯要

卷之二十六

三

南曰太陽北門曰陰間亦曰陰道其北曰太陰太陽之道在陽環之南三尺太陰之道在陰間之北三尺中間爲天衢之大道亦謂天關黃道所經也七曜由乎天衢則天下和平由上二星之陽道則主旱主喪由下二星之陰道則主潦主兵蓋房有三道月當春夏南行在南第一星此表道也秋冬北行在北第一星此裏道也月若妄行出陽道則旱而風出陰道則陰而雨其春分秋分與日同道者謂中道也此三道七曜所由也主駕風雨明則

王者明德又爲天馬主車駕史記作房曰天駟南星曰左驂次左服次右服次右驂若驂星大則兵起星離則民流移徙則人散右氏曰歲守房良馬出廐月犯之將相憂河圖云月犯房天下憂四足之虫死疑謂馬也亦曰天廐王者祠房星謂其爲馬祖也又爲蠶祖蓋蠶爲龍精月建卯則浴蠶種又房星爲農祥國語曰農祥晨正所謂晨正者立春日房晨見正南方也其古百穀熟日月食於房主昏亂權臣橫孽孛犯之兵起五星守之憂在近

管窺輯要

卷之二十六

四

臣惟歲星守有大赦金入之爲兵喪歲星掩之將相憂客星守之羣臣有吞藥而死者又主開閉爲蓄藏之所由也

鈞鈴二小星在房陽道之東天之管鑰主鈞距以脩非常防神府也王者孝則鈞鈴明近房則天下同心遠房則天下不和王者絕後若房與鈞鈴其間有星或疎折則地動火逆行犯之王者死火守之天子御者死太白入房不曰犯而曰入蓋鈞鈴間也鈞鈴鍵閉不附房則以屬吏自爲官故也

鍵閉一星在房東北史記作牽音轄掌管主開藏天心也司腹心喉舌古若不居其所及亡則宮闕不閉津梁不通火犯之主人君憂土犯之天子不宜出宮月犯則人君惡之

東咸西咸各四星在房北七曜之道爲房之戶所以爲淫佚謹內外之辯也明吉暗凶犯則心腹之臣誅火守兵起七曜凌掩皆有陰謀

罰三星在東西兩咸間近東咸之正西南北相列主受金贖罪蓋利者人所同欲而易犯故罪之者

管窺輯要

卷之二十六

五

輕則罰贖所以禁之於微若正而直刻則法令平曲而邪則刑罰不中不見則賞罰不明

日一星在房之西南中道之前乃太陽之精人君之象金火犯守人主有憂甘氏曰日一星在房之西氏之東爲難三足鳥二足雞在日中而鳥之精爲星以司太陽之行度日生於東故麗於此從官二星在房之下積卒之西北主天子巫醫掌疾病禱祀之事明大則巫醫擅威郎官得人

史記云水星出房心間地動及房心自生芒角則

王者惡之○房心真形皆有陰陽兩形

房宿主爲明堂布政之官又爲天駟主車駕度五度六十分中爲黃道餘見氏宿下

房宿歌

四星直上主明堂鍵閉一星斜向上鉤鈴兩個近其傍罰有三星直鍵上兩咸夾罰似房狀房下一星彌爲日從官兩星日下出

房宿考

鉤鈴二星在房東天子之心腹喉舌○鍵閉一星

管窺輯要

卷之二十六

六

在房東北掌管鑰司腹心喉舌○罰三星在二咸間主受金贖罪○二咸各四星在房心北七政之道也爲帝側之屏表障后宮防奸私○日一星在房中道前太陽之精主明德○從官兩星在房西南主天子巫醫

房四星位在府又爲明堂天子布政之宮均明則吉國語曰農祥晨正日月底於天廟土乃脉發隋志曰五緯入房摩姬王迹

鉤鈴二星位在房東近右服右驂之間天子之腹

心喉舌也主閉藏王者孝則鉤鈴明近房則天下同心遠則天下不和

鍵閉一星位在鉤鈴之上○罰三星位在鍵閉之

上

東西咸八星位在罰之東西爲房之戶所以防淫佚也明吉暗凶金火守兵起

太陽一星位在房之西主明德金火犯主憂

從官二星位在日之下天子理政所從之官也明

正吉

管窺輯要

卷之二十六

七

房宿房四星鉤鈴二星五度距房西南第二星去極一百四度半在黃道外一度少土星也春夏爲水秋冬爲火星明則王者明臻星大則兵起星離則民流○日月犯房中王者昏亂臣專權

本守之天下和平留五十日以已上五穀大熟人民安無疾病天子有德令期四月一云正月火守之有兵起守七日有大喪有赦守十日大水災二十日不去主臣叛君子叛父天下大亂王者惡之大旱兵起守一百日大臣有亂逆土守之有立女

至樵旱爲地動又守之兵華旱大荒金守之臣脅
至土功起布帛貴又守之人飢國易政水守之奸
臣謀主暴誅臣佐○客守之米貴十倍

月五星犯之色青國有憂兵喪起色白大兵相殺
臣弑君子弑父積尸如岳○彗孛入房國邑人亂
禍相殘出房天子自將兵出爲旱米貴

常以三月祠房日月出表南王旱王喪出表北水
災及萬里爲兵亂起爲陰雨多水災米貴人饑出
中道天下太平○月暈房心王災病疫暈三重兵

管窺輯要

卷之二十六

八

大起

房宿總叙

房四星曰天狀總管四方一曰天旗一曰天市一
曰天龍一曰天倉一曰天表一曰天冲一曰天府
水星也其氏曰房爲明堂天子布政之宮也石氏
曰房爲四輔其位上第一星上相也次星次相次
三星次將也南下第四星上將也南二星爲夫人
位北二星爲君位房又爲四表中間爲天冲大道
亦謂之天關黃道所經五星之所行也南二星間

爲陽環亦曰陽間其南爲太陽道北二星間爲陰

間亦曰陰環其北爲太陰道七曜由天冲則天
下平由陽間則多旱由陰間則水多或失行而南

由太陽道則爲太旱爲喪失行而北入太陰道則
爲大水爲水又曰房爲天馬亦曰天駟主車駕其

南爲左驂次上爲左股北星爲右驂次下爲右股
又爲天廐主啟閉畜藏之所房星均明則王者明

臣奏職天下太平兵革不興星暗則王道不行臣
亂政驂星欲明而不欲大於中二星則兵起星雜

管窺輯要

卷之二十六

九

則人流星亡則兵大起左驂左股爲東南右驂右
股爲西北房星動分則財寶出動內則財寶入

日月變異占

日在房鰐石氏曰大臣專權人主憂一曰大臣有
黜者一曰大臣有相諧而坐法者

日暈於房天下大凶王蕃曰女主凶君失國一曰
兵起臣失位

月在房鰐石氏曰王者憂臣專政京房曰天子有
喪御前曰人以兵亡一曰大臣有黜者

月暈房宿國起兵於廟堂之上有戰禍諺曰名實
出穀貴荊州曰月暈園房四方兵起暴骨於野又
曰其地大疫水虫多死暈勾三宿有大風小赦勾
五宿大赦武氏曰月在房暈貫箕大風拔木地震
期百日有赦○月變於房車騎滿野

月行房環多暴事黍稷不登月行陰環多陰事將
軍出伐月行四表之南大旱稻粟不成多暴獄驚
駭內亂一曰有女喪三君憂河圖曰月行太陽天
下亂民心離月行四表之北陰人將軍禍不可免

管窺輯要

卷之二十六

十

又曰大水有亂臣河圖曰月行太陰天下兵悉起
民流亡凡候水旱專同月行至房各由中道則時
和歲豐若行太陰環小旱行太陽大旱且有喪行
太陰環小水行太陰大水且有兵又曰月行房南
一尺多暴獄大旱天下亂民事失老幼啼哭陽道
未窮而日月行房北一尺天子旁有亂臣陰道未
窮而作歲且多雨大風水爲災臣下謀亂殃及萬
里

月五星干犯占

月犯房上將上將誅死犯上相上相誅次相次亦
如之黃帝占曰天上殃大主憂一曰月犯房有亂
臣不出三年臣伐君有亡國陳卓曰兵起荊州占
曰爲死亡之道辱將相一曰足之虫多死

月乘賊房左右官有誅官廟中有伏甲陳兵天子
不可下殿郝萌曰月中乘房左驂背爲君死中乘
右驂背爲夫人荊州占曰月中犯乘凌房星君
有憂色赤兵戰青色喪黑色將相誅白色哭泣事
歲星守房有德令耳氏曰天下和平海中占曰他

管窺輯要

卷之二十六

十一

國有獻馬者魚鹽貴十倍又曰天下諸侯相謀道
不通又曰人主不可一日下堂一曰胡兵發郝萌
曰國無粟倉儲虛又曰太饑人死不葬有大赦荆
州占曰木守房王者心平百姓得情一曰有友臣
大臣死天下易主石氏曰白衣之會男子盡發又
曰其國多禍殃吏民相尚大臣滿道而行又曰五
穀熟黃帝占曰木守房七日不出有死亡三十五
日不出大兵起木守房將相憂其分有災石氏曰
有暴貴者荊州占曰王政失道近臣叛木入房天

管窺輯要

卷之二十六

主

子有子一曰有更令荊州占曰五穀熟天下安一
曰大將受封木經房南面犯守之大旱由房北犯
守之大水木出房東行而復還守之若環繞勿已
天子惡之一曰后夫人有喪不與房合郝萌曰有
兵戰有白衣之會一曰木與房北星合大水與南
星合大旱水合房黑色不明有大水有喪木星不
由天衢王者不居明堂北舍房南五穀多傷民多
暴熱病舍房北多病五穀水傷牛多死其肉殺人
舍東馬多死舍西民饑木中犯乘凌房國君憂色
青為喪色赤兵色黑將相誅一曰有芒大哭木逆
行犯守乘凌房以其所中論之又曰臣有陰謀天
子失位而亡木星順行留房中道其色明潤而無
所犯人主將相俱有喜人和歲豐王道大行守之
愈久國祚愈昌
熒惑犯房有亡君將相憂后妃有憂視其所中命
之春秋文曜鉤曰將軍為亂王者惡之黃帝占曰
火犯房芒角怒有大兵改正朔天下俱憂火乘凌
房國君憂色怒芒角大憂色青疾疫色白死喪色

管窺輯要

卷之二十六

主

黑將軍誅色赤有流血積屍火入房大臣反天子
憂兵起宮中一月有白衣之會一曰馬貴貴出之
則還賤一曰地震有大赦將相憂郝萌曰君殺火
入房三道天子有子一曰火入房出其北主憂出
其南臣憂出中道而留天子有喪期九十日若一
百二十日天下大赦火行房南旱若守之為喪行
北道水若守之為兵
火逆行於房宮中失火一曰地震逆行成勾已其
國有反兵臣弑主一曰熒惑勾已房主命者凶熒
惑環繞房心來往徘徊宮廷中有伏兵
火與房合車馳人走天子為諸侯所逐火貫房中
央天下兵悉起出其南男子災出其北女子災火
守大臣作亂天子被圍天下交兵五年石氏曰天
下更政黃帝占曰貴人疾有兵喪居之三日車駕
有驚十日不出山崩天子失宮一曰天子宮火災
有易位石氏曰火守房木近於水子滅其母十日
不出國有喪十五日不出兵大起二十日不去臣
弑君子弑父民居邦邑陰陽相克天下大動期不

出一年又曰火守房大饑人死不葬良馬出巫咸曰多水災一曰土功興留三十日胡兵發地震兵大起荊州占曰火守房兵起大兵盜國寶后宗大臣凶秦燕趙大殃海中古曰火守房三日見火夜行人驚多死喪郗萌曰火以九月守房兵車滿野父子盡給軍事家無留者耳氏曰火守房天子之車馬敗火行不由房道中石氏曰不出其年有兵火守房已去之復還勾已環繞之國有兵喪諸侯起霸天子失其宮火守房間直心而留房天下大

管窺輯要

卷之二十六

古

亂西方殃東方昌火守房北燕趙凶守房中魯衛凶守房南楚吳越凶

災咸守太白合於房明堂空天子哭

鎮星犯房石氏曰天下相誅荊州古曰國君死右股爲秦魏左股爲楚右驂爲齊左驂爲趙土犯房成勾已后夫人死土八房三道天子有子海中古曰土入房君犯之有失地之君其分國有兵女主憂土入房君之左右有去嫡王庶之事土入房五穀置土入房耳氏曰旱人有兵石氏曰天

子更起宮室工役煩興國多禍殃又曰國有女喜巫咸曰有獻馬者曰貴人多死一曰地震人疫郗萌曰有兵大赦一曰胡兵發大饑天下諸侯相謀道不通荊州占曰有反臣大人死國易主石氏曰土守房左國交易守房右天子多鯨寡土守房左有去復還庶子乘國土逆行於房成勾已女至恣君淫佚郗萌曰土逆行守房女主干政若逆行乘守左右驂主萌臣有陰謀逆行乘凌中道天子失位而亡土失行出房天子出入不時一曰有誅殺

管窺輯要

卷之二十六

古

土中犯凌乘房左驂右股其君死中將誅中犯凌乘房皆爲君憂以色占之太白守房臣脅君土功大興國亂布帛貴人守之大饑國易主黃帝占曰國有大喪大臣有戮死者石氏曰良馬出廐兵車滿野中國有殃王者失位期二年巫咸曰國有更令相作亂兵四起又曰旱多火災五穀萬物不成郗萌曰有奸謀人主無下堂荊州占曰天子馬多死有反臣六畜多死石氏曰太白守房左去復還天子去復還其國有奔立

天子太白守房右去復還臣益主命黃帝古曰太白守房南旱天子有良輔守北水天子有良友太白運行守房天下多死喪郗萌曰太白逆行犯房成勾已大臣憂一曰天子忌之

太白守房犯凌乘房四夷起謀中國有憂李筌曰有兵戰一曰將相誅牛馬疫一曰天子憂色青憂喪色赤有兵赤而芒角積骨成山色黑將相誅赤黑同色白大喪一曰太白犯星天下相誅太白出入留舍干房霜雨不時人饑馬牛多死

管窺輯要

卷之二十六

天

辰星八房三道天子有子八十日成勾已天子忌之水星守房其氏曰奸臣有謀主大臣相暴誅臣天下乖離郗萌曰人多暴死一曰良馬出廐天下道不通一曰天下大水一曰諸侯相謀有易主有反臣有大喪石氏曰兵起將帥却掠一曰胡兵發一曰白衣會一曰馬貴

水逆行守房天子中毒宮人食糟糠

水守房東去而復還成勾已后夫人死一曰大饑人相食死不葬大水兵起

辰星犯房馬大貴一曰有赦穀貴人饑奸臣謀天下相誅一曰大臣誅以其所中命受誅者一曰將軍作亂天下大水

辰星中犯凌乘房左右驂若左右股皆為人主崩臣有陰謀所中將相被誅逆行則天子失位而亡一曰辰星中犯房皆為國君憂以其色命所憂者五星同然辰星入房星之間地大震

客星流星彗星孛星干犯古

客星犯房其氏曰王國空兵起人饑骨肉相殘

管窺輯要

卷之二十六

七

客星出房郗萌曰名實出又曰近臣謀主君暴死期一年荆州古曰客星出房而散人主牛馬奔走郗萌曰客星出房表北大水出表南大旱出其中道馬貴黃帝古曰客星出房若守之在陽為旱為喪為饑守之在陰為兵為饑為水

客星入房米貴人相食多荒徙石氏曰諸侯有獻馬者郗萌曰大臣為逆天下有急令亦有更令荆州古曰有德令有賊臣兵起天下有大喪郗萌曰客星入天廐中滿三日有赦一曰馬貴出之即賤

白星入房下北門有攻戰排門者在近臣期百二十日赤星入房宿馬貴國被圍天文論曰客星入房歷陽道旱歷陰道水若入房在左驂右股有獻馬者若出之人君以馬賜諸侯

客星入房而守之臣弑主○客星守房米貴十倍一曰宮中有謀近臣爲逆一曰有急令馬疫一曰人主以馬爲憂

客星舍房左右羣臣奪爵邑者一曰有飲藥死○客星出房心間地震

管窺輯要

卷之二十六

天

流星出房天子有使出賑饑一曰流星出房左右月天子遣使之諸侯以馬爲幣○流星入房天子殺忠臣○流星如蛇曲行入房臣爲逆輔臣亡流星抵房外國有貢異獸各馬者一曰其國君死宰相出鎮流星中房水災○流星犯房將相有黜者天文志論流星春夏犯房土官憂土功興秋冬犯房相憂人饑

彗孛出房天子失德諸侯舉兵并氏曰天下大旱人民饑死邾萌曰兵戰不止蜚虫交下一曰名山

崩天子宮中有大災天下有喪戴麻紡天子亡彗孛犯房若貫之王宮有大兵亂石氏曰人亂國危天下相殘有亡國

雲氣千犯古

雲氣入房赤黃潤澤有寶入出房寶有出者○黃雲氣入房外國入貢○黑雲氣出房宮中有憂黑氣入房諸侯有使來言口令之事且有大水又曰內亂大兵起

赤雲狀如人入房后有娠下不然好事起又曰如

管窺輯要

卷之二十六

天

波揚入房宮中大災兵起廟庭紅雲氣諸侯王多死期三年蒼白雲氣入房中將相憂又曰白氣如大道入房委蛇如漢國有大水兵起宮中人民流亡餓死路旁屍骸不收不近二年帝王崩婦女傭客不還雲氣入帝經兩角間入房關門閉再經之兵至三經之天下不通

漢明帝永平十六年正月丁丑歲星犯房右驂第一星不見辛巳乃見古曰房右驂爲貴臣歲星犯

之爲貴臣誅其年殺司徒邢
知逆謀自殺

和帝永元五年火犯房北第一星古曰爲將相六年正月司徒丁鴻薨

晉惠帝光熙元年九月己亥鎮星守房心古曰鎮星守房多禍喪國大亂天下赦是時司馬越專權終以破滅十一月帝崩懷帝卽位大赦天下

房宿去極度數考

按房宿本位居卯之次宋豫州之分凡五度強十

管窺輯要

卷之二十六

星

月旦在卯十一月旦在晨十二月旦在巳正月旦在午二月旦在未三月旦在申四月旦在酉三月昏在卯四月昏在晨五月昏在巳六月昏在午七月昏在未八月昏在申九月昏在酉

房四星五度距南第二星去極一百一十四度入

房初度爲天子明堂布政之宮四輔也索隱云房以輔心故曰四輔四輔正言房之四星下次四星上上將也次次將也上星上相也次次相也

解見前

所以理陰陽而教化也書舜典云分命羲仲以殷

仲春春分陽之中也分命羲叔以正仲夏夏至陽

之極也分命和仲以殷中秋秋分陰之中也分命

和叔以正仲冬冬至陰之極也已上四時言曆既

成而分職以頒布且考驗之恐其推布之或差也

禮王制云明七政以興民行一父子二兄弟三夫

婦四君臣五長幼六朋友七賓客也南二星君位

北二星夫人位又爲四表

解見前

中間爲天衢亦曰

天關黃道之所經也南間曰陽環亦爲湯道其南

曰太陽道北間曰陰環亦曰陰道其北曰太陰道

管窺輯要

卷之二十六

星

又爲天廐○關亦作闕環者周循也廐者天子養

馬之所也又爲天駟亦爲天馬主車駕四馬曰駟

王者常祠之以爲馬駕也漱清考廐焚于退朝曰

傷人乎不問馬卽此之廐南星曰左驂次左服右

驂曰次右服天子之駕六馬有左右驂右曰服左

曰驂周禮疏云服謂車平輶也皆鑿孔以軫子貫

之謂之軻服說文云驂駕二馬也輶車耳也軻車

闌也詩鄭風篇云兩服上襄兩驂鴈行此之謂也

漱清考史記傳晏平仲知越石父賢在縲絏中晏

子出遭之途解左驗贖之載歸可見謂之驗必有左右○又主開閉為蓄藏之所澈清考古語云布政居房順時閉開乞言講德資詢民岩宜八風而配律齊七政於靈臺爾其大體盡設明堂洞該興亡之跡厥德不回見周公之負屨鑑紂王之罹災設殷監於既往垂大軌於將來達字九房採唐堯之茅茨神官十二懲夏癸之瑤階總為勤求庶政延訪英才不諱蓄聚特為民懷又考史漢二書云水星若留房心二宿間不行主地動

管窺輯要

卷之二十六

三

占曰房星明則天王奉天如法天下平兵革息昏暗則王道不行臣下不奉職不見則兵災並起離徙則人民流亡金火守則將相憂日月五星行中道天下和平行陽道多早行陰道多水水土入房歲豐木土入房土木興土逆入房女主驕恣客星入房奸人匿朝書字入房臣奸君流星出入將相進退不常

鍵閉一黃星去極一百零八度入房四夷在鉤鈴土主管鑰閉開事鍵者戶鑰也即鎖匙又主鍵閉

天下邪心一曰牽徐廣云牽車軸端鍵也禮月令云孟冬天子命有司壞城郭戒門閭修鍵閉慎管鑰也即今之尚寶司卿是

占曰鍵閉星明則中外關防嚴密移徙則官無禁關梁不密客守宮門防暴客書字守天子出入有憂

鉤鈴二星距大星去極一百零九度半入房二度半在房北附於房為房之鉤鍵天之管鑰淳風曰管鑰主關鍵天心

管窺輯要

卷之二十六

三

占曰鉤鈴明潤近房則天下同心客守則奸人出入宮門火災土木守則土功興

罰三黃星距西南去極一百零八度入心一度在東咸正西上下南北而列乃主罰金贖罪淳風曰房居卯分乃震之方也震屬雷霆司怒之神故有罰星焉非罰無以示警戒而罰所以居房之分也書舜典曰金作罰刑註云以黃金贖其罪也蓋亦罪之輕者而情法猶有可議者也至周穆王雖大辟亦金贖之豈理也哉澈清考易噬嗑得金矢註

云得用刑之道聽訟之宜周禮獄訟入鈎金束矢而後聽之故大象云雷電噬嗑先王以明罰勅法雷者震也威也電者離也明也勅法用明以罰罪之輕小可矜者故仁人君子軫念斷而難續特采緹繫之言尚德議獄緩刑深納溫舒之奏有心滅寃重施不赦之條無心誣誤薄取罰金之議楚國赦獄蓋受取信金長陵盜土允合犯蹕罪後世亂政滋章網密凝脂文深刺骨威逾夏日苦烈秋荼或酷甚棄灰或深刑盜士遂使棘林之下鬼哭呈

管窺輯要

卷之二十六

五

杖函谷之前冤魂表沴雖漢文易肌膚之痛孝景滅鞭朴之科竟未革弊除煩焉能救焚拯溺至德泣辜深仁解縛廢彼黃沙赦茲丹筆德刑遐施寬猛相濟棄乳虎之屠伯損蒼鷹之酷吏三光列景罰星燦爛於中天五材錯用王化昭明於有象非若刑期無刑殺以正殺蓋以治化作刑化刑化為德化此乃贖罪罰星之說

占曰罰星主繩罪愆正而直列則法平曲而斜欹則法枉明靜為吉芒角動搖則淫刑督責過遲金

火逆行於罰星誅殺太甚

東西兩咸東咸四星距西南去極一百十一度入心一度在房南西咸四星距西南去極一百零四度半入氐十五度在房北日月五星之中道為房之戶以防淫泆○書多士云誕淫厥泆罔顧於天顯民祗淑清考易咸卦云交感也男下女男女之正婚姻之時天地感而萬物化生聖人感人心而天下和平觀其所感而天地萬物之情可見矣故傳言有天地然後有萬物有萬物然後有男女有

管窺輯要

卷之二十六

五

男女然後有夫婦有夫婦然後有父子有父子然後有君臣有君臣然後有上下有上下然後禮義有所錯是禮義乃防淫泆之善物也人君椒房離帶之間女謁爭妍獻媚未有不無過制者故設兩咸以夾房特謂此耳世有因淫泆喪志而作惟皇誠德賦而并序之者序云嘗謂理忘亂安忘危逸忘勞得忘失此四者莫不皆然是以夏桀以瑤臺瓊室為麗而不悟鳴條南巢之禍殷辛以象箸玉杯為華而不知牧野白旗之敗當其盛也謂四海

爲已力及其衰焉乃匹夫之不制故當其信也謂天下爲一心及其疑焉則顧盼皆爲讐敵是知必有其德則誠結戎夷化行荒裔有失其度則變生骨肉釁起腹心是以爲人主者不可忘初度殿堂者則思前王之所以失朝萬國者則思今已之所貴廵府庫則思今日之所以得視功臣則思其爲已之始見名將則思其用力之初苟弗忘舊則人無易心則何患乎天下之亂故朝行之則爲堯舜暮失之則爲桀紂豈異人哉序畢而又賦曰

管窺輯要

卷之二十六

三

墳籍以退觀總宇宙而一窺結繩往而莫紀書來而可知惟皇王之造代信步驟之恒規莫不慮失者常得懷安者必危是以戰戰慄慄日慎一日守約守儉去淫去佚外無荒裔內無荒色唯賢是授惟人斯恤則四皇不足五六帝不足七若夫恃聖驕力狼戾強屈忠良是棄諂佞是獎構崇臺以造天穿深池以絕壤厚賦重斂積寶藏鏹無罪加刑有功不賞則夏桀可二殷辛易兩在危所恃居勿忘想功臣無逐故人無放放故者亡逐功者喪

管窺輯要

卷之二十六

三

四海岌岌九土漫漫覆之甚易存之實難是以一人有悅萬國同歡一人失所兆庶俱殘喜則嚴寒爲熱怒則盛夏成寒一動而入方亂一言而天下安舉君過者爲忠述主美者爲逆苟承顏以順音必蔽視而掩聽動雖非而謂神言縱失而稱聖故曲者亂直邪者醜正改華服以就胡變雅音而入鄭雖往古之軌躅亦當今之龜鑑崔嵬鸞殿赫奕鳳門包四海而稱至冠天下而獨尊既兄日而姊月亦父乾而母坤視則金翠溢目聽則絲竹盈耳

信賞罰之在躬寔榮辱之由已謂義皇而易匹言堯舜之可擬驕志自此而生侈心因茲而起常懼顛而懼覆必思足而思止勿戒潛龍之初當懷布衣之始在位稱寶居器曰神鍾鼓庭設玉帛階陳得必有兆失必有因一替一立或周或秦既承前代當思後人唯德可以道無常觀

占曰兩威明則人主精明壽昌暗則昏憤土金守則將相不職客守兩威則人君縱欲敗度臣下陰謀彗孛守則人君荒淫肘腋有兵戎黑白氣入不

散人君多以色荒戕生

日星一星去極一百十三度入氏十四度半在房中道前爲太陽之精主昭明令德井德曰日一黑星在房之西氏之東日者乃陽精之宗也爲雞蓋有三足爲金鳥在日中而爲鳥精爲星以司太陽之行度日生於東故於是在焉激清考雞屬酉鳥亦屬酉宮乃畢月鳥也月陰也鳥亦陰也但太陽乃極陽也孤陽不能成生育之功故用房日兔於其中焉日陽也兔亦陽也正是陽中有陰陰中有

管窺輯要

卷之二十六

天

陽陰陽相濟而天地之氣化行焉月中用兔此其理也淳風曰房居卯卯乃日升之處故有一星爲日也昴居酉酉乃月出之鄉故有一星爲月也日乃鳥精月乃兔精古律云鳥飛飛兔蹶蹶朝來暮去催暗節女媧只解補青天不解煎膠粘日月益日烏月兔又一徵也宋人有歐陽珣者嘗作野人獻日賦云昔宋人有野人負日之暄兮獻君不知天下流光以所見爲未見不信人間委照以所聞爲未聞當其愛景稍融農民乍悅謂國內有無謂

巾前自別恐弱水之光遽大慮扶桑之影將滅於

是未耜潛棄耘鋤暫輟指天路而貢誠適君門今効節紅輪在上無欺皎爾之心赤羽相隨可驗昭然之說乃曰臣生於隴之畔長於隴之傍朝播其穀暮植其桑絲不得上體粟不得充腸以藿爲食以蓑爲裳體凍乎雪骨窺乎霜因取適於中野潛舒於太陽照不厭暄不忘而恐率土之尊未識民間之樂一氓之賤敢私天外之光所以貢其所知陳其所覩願日之彩致於君之館願日之輝及於

管窺輯要

卷之二十六

无

君之宇南畝而曾無寸澤猶稅於身東方而幸有餘明敢忘只主主乃閱其甚樸嘉其至誠一則警於驕逸一則念及黎氓安知萬室豪家更有追歡之意六宮長夜仍多縱樂之情嗟夫人各有生生而有異爾豈不以種植爲業通相爲事上或逼於狼政下或臨於虎吏汲汲焉營營焉意遂使朝光不辨誰知勞者之情暖景爲祥忍奪生民之利乃知貴之逸者有之何稼穡而能知賤之至者不一則陽和而豈失彼見其公人而因忘其曉出三尺

之童子猶嗶何於日而獻日又考日星主明德因居日出之地故得名之也易晉卦象云明出地上晉君子以自昭明德

占曰日星居常吉不見則太陽不行軌道由人君不行正道彗孛守君憂

從官二黃星距南去極一百二十二度入氏十四度在房之下主醫巫病禱祝之事周禮天官冢宰有醫之政令凡邦之有疾病又有女祝掌王后之內祭祀禱祝之事淳風曰房爲明堂乃天子理政

管窺輯要

卷之二十六

手

之所故有從官星激清考醫者醫也巫者巫覡也男曰覡即今之端工也女曰巫即今之師婆也亦云男曰巫女曰覡論語云人而無恒不可以作巫醫從官二星附房一星即今之太醫院醫官一星即真人府天師法官再考史記五利公孫卿等皆顯於朝安期少翁新垣平文五利公孫卿等皆以巫顯於朝巫雖不得其死由於已之不正也謂其不顯不可也愚獨有取於醫者之有仁心焉嘗玩沈亞之紀述表醫者郭常郭常恒人其術而聖

人其心蓋常之術可以學可以不學常之心不能學不可不學何也叙郭常乃饒人也業醫居饒中以直德信饒江其南導自閩頗通商外夷波斯安息之貨國人有轉估於饒而病於饒者歷請他醫莫能治遂請常診曰病可去也估曰誠能生我我酬錢五十萬常因舍之先以針火導其血關繼以奇藥療其病原誠曰第慮鬼居月餘估稱愈欲歸常所許財常不聽估曰先生以爲寡歟常曰否也吾直吾之藥計吾之功不損于錢而所受非

管窺輯要

卷之二十六

手

任反禍爾已卒不納人以常爲詐而責常常曰夫販賈之人細度而見狹終日營售權買較量於毫銖之間所入不能補其所望今暴奪之息財五十萬則必追悵鬱惋寧能離其心且藥加於人久病新去而六腑方憊復有怛然之氣自內而伐即不可復救柰何彼方有疾時知我能治算我能生我幸免渠因利其財仍使之是獨不畏不仁而神可欺者吾何敢欺沈亞之曰仲尼蓋言我未見好仁者惡不仁者而後學之徒未聞明好惡豈其言之

積不足畏耶今世有那土之寄者專心聚斂殘割
饑民之食以恣所欲忍其死而不愧淫其刑而不
耻是亦不仁之甚也終無有惡心者若郭常之賤
而行之又焉得不稱於當時哉觀沈生之述醫者
醫之正而不譎尤勝巫之譎而不正也

占曰從官居常吉動搖則天下疫病多醫巫用彗
孛守則庸醫殺人巫祝以妖術煽禍主白衣會金
火守從官憂

房宿列座

管窺輯要

卷之二十六

三

鈞鈴

鈞鈴二星在房東近右服右驤兩星之間天子之
腹心喉舌也二星去房上星七寸近則君臣同心
星不明及去房遠皆為天下不和王者絕後二星
衣折則地動河清○月犯鈞鈴駟駕將有行一曰
喉舌臣憂王者憂○月犯乘鈞鈴大臣有誤天子
不敬天以致火災宗廟有匿謀在朝中○五星犯
守鈞鈴大臣誅王者憂一曰太僕奉車當之火逆
行犯鈞鈴王者憂一曰天子侍臣俱亡○客星守

鈞鈴君失天下出鈞鈴地動犯之人主有奔馬敗
○彗孛犯鈞鈴王宮大亂不出三年

健閉

健閉一星在房東北主管輪關閉之官星明則吉
不明則人主暗亂宮門不禁星亡則關梁不通○
月犯健閉天子憂大臣誅王者不宜出宮有兵有
火災有匿兵於宗廟者五皇犯守健閉兵起天子
憂○土星犯健閉王者不宜出宮下殿○彗孛出
犯健閉道路不通兵車滿野

管窺輯要

卷之二十六

三

罰星

罰三星在東咸正西南北列主誅罰星直而正則
法令平曲而邪則刑罰不中一曰罰星主贖刑○
月犯罰星誅貪臣木星土星犯罰星貪臣亂政金
水犯罰星貪臣誅彗孛出守罰星天下多枉法

東西咸

東咸四星西咸四星皆在房心之北日月五星之
道也一曰大明為房之戶常為帝側之屏以表障
後宮防好私星明而列正則王者威令行后妃安

其星微小而行列不正若亡不見則人主弱后妃
自恣奢淫無度防守者憂東咸上近鈞鈐則有賊
臣害主西咸前芒角動搖有人以知天數入爲害
者○月犯東西咸女主因淫致禍有陰謀不通一
曰有賊○五星犯守東西咸臣有不從令者有陰
謀○火星守東西咸有兵起先樂後憂一曰女主
憂若貴女有戮死者一曰有兵戰客星出東西咸
人主淫佚客星犯東西咸女主淫佚自恣一曰貴
人女主憂若有黜者一曰宮門不禁○流星入抵

管窺輯要

卷之二十六

星

日星

日星一星在房中道前太陽之精也主明德月掩
日星臣謀君位不出一年○歲星守日星王者得
忠困陰陽和守之二十日至四十日不去四夷賓
服年穀大豐○熒惑犯日星大戰守之人主憂○
彗孛犯日星人主失位一曰主命者惡之

從官

從官二星在積卒西北房宿西南至天子疾病巫
醫星明大則巫醫弄權○火星守從官巫醫有戮
者彗孛出從官巫人作亂○黃氣入從官巫醫受
爵

管窺輯要卷之二十六

星

星

管窺輯要卷之二十七

六安黃 鼎玉耳父纂定

男九命簡臣

侄九錫公位

九如眉介

侄孫珮琢成

珂先鳴

桐城方兆及子詒全闕

管窺輯要

卷之二十七

一



心宿論

心三星天王正位也又曰明堂爲天子親密之大臣主天下之賞罰明則賞罰明心星直則王者失勢前星太子也月五星客彗守犯宋豫兵災積卒十二星在房星下爲守衛也月太白客彗火星守之近臣誅

心宿說

心三星去極百十一度宋志云距西前星去極百十四度半赤道六度五十分黃道六度二十七分

管窺輯要

卷之二十七

二

心上二尺七曜中道天子之象蓋人者天地之心而天子者人之主故爲明堂乃天王之正位主天下之賞罰公羊傳曰大辰心星也孫炎云龍星明者以爲時刻故曰大辰心在中間最明時刻主焉又爲大火乃火廟也建辰之月昏見東方故曰三星在天六月之昏見於地之南方爲昏中星建申之月下而西流故曰七月流火戌月心伏在下不得見則禁民放火是爲內火亥月昏伏日在尾故尾星伏而不見卜偃所謂龍尾伏辰也季冬旦中

故曰火星中而寒暑退其上四尺爲七曜之中道有尊卑夫婦之象又爲二月之合宿故嫁娶者以爲候焉中一大星曰明堂前星爲太子暗則太子失位後星爲庶子明則庶子繼世中心明大則天下大同化成道昌變黑色大人有憂離則民流心不欲直若直則天王夫計又爲地動移徙不見則國亡金火犯血光不止洛書云金守之九年後人飢熒惑守之國無主萬韓楊占多火多地震洛書云熒惑守心逆臣起黃帝經云逆行守心二十日

管窺輯要

卷之二十七

三

則大臣亂客星及孛犯天下兵荒月暈則兵起月掩中一大星災不在王者必在豫州月掩前星太子憂鉤命決曰歲星守心年穀豐洪範傳曰重華者謂歲星在心蓋歲星一名重華故土木犯之則吉律書云心言萬物始有華心也主雨潤萬物積卒十二星在心之南天子五營軍士主宿衛卽宮人所掌六寢之修掃除糞洒之事也微而小則吉國安明大動搖則兵火起一星亡則兵出二星亡半出三星亡兵盡出客星守之兵火起近臣謀

心宿主爲明堂又爲天王正位度六度五十分內二尺爲黃道餘見氏宿下

心宿歌

三星中央色最深下有積卒共十二三三相聚心下是

心宿考

積卒十二星在房心西南一曰衛士所以守衛則堂掃除不祥

心三星一名大火中星曰明堂爲大辰天子之正

管窺輯要

卷之二十七

四

位唐志曰易雷承乾曰大壯房以象焉心爲乾精而房升陽之駟也房日月之所在鉤命決曰歲星守心年穀豐左傳心爲火五月火始昏見詩三星在天

積卒十二星位在心宿之南一曰衛士金官也細明吉明大動搖兵起

心宿心三星五度距星西第一去極北一十度在黃道外三度半火星也春夏爲木秋冬爲水爲天王主憂慮動則憂前曰太子後曰庶子中曰明堂

天王之正位中星欲大赤明天子明德照天下不欲暗直則王者失計又爲火喪主天下之賞罰天下變動心星見異明而天下同心若動搖天子憂

○火守之地動守二十日已上臣謀主

水守之父母有德令天下安吉久守有亂臣謀主兵大起土守之聖帝出世臣謀至天下有亡國有赦○久守不去憂賊大旱○金守之則主崩四方兵起若金去三寸爲劍戟上殿期八十日有火災重蝗人飢米大貴 守之有大水又或大旱兵起

管窺輯要

卷之二十七

五

布帛大貴

客犯之大旱赤地千里兵起米貴大人憂國易政近臣叛○日月五星經心失精赤暈虹蜺背向食兵起人飢臣下及國易政有喪○月貫心主內亂彗孛入心有憂主大喪大臣廢黜○心變期急過七日緩則一百八十日遠一年○月暈心易將軍宋州大梁

心宿總序

心三星曰天文一曰天辰一曰天司空一曰天相

火星也心爲明堂中央大星天王正位其北四尺

爲日月五星中道前星爲太子後星爲庶子心者木中火故其色赤心爲天之關梁中央火星欲赤而明則天子明德服天下暗小青黑則天子微弱不能斷制星不欲直直則天子失計心主天下賞罰故天下有變則心星見其不祥欲其俱明前後星不欲過其中星而後又不欲過其前星明過中星則太子僭位後星明過前星則庶子奪嫡前星暗小則太子憂後星暗小則庶子憂心星動搖則

管窺輯要

卷之二十七

六

國有急芒角則天下有大兵離徙則民流散失色則人主太子俱憂色黑則國有大死喪消不見則江河爲害期九年天子滅傍多小星則天下乖爭主威令不出宮一曰心星直則地震強國起兵天子以弱亡後星爲庶子亦爲親密大臣之位搖動則庶子大臣死

日月變異占

日在心蝕兵喪泣起甘氏曰君臣相疑政令乖錯將相異心刑罰不中石氏曰臣謀叛武氏曰易國

政人主惡之○日暈於心國易政人飢兵起○日在心宿而有虹蜺背瑞同于之人飢兵起國有大兵喪有叛臣

月在心獨石氏曰人主易之太子庶子俱有憂三公有死者鄒萌曰臣伐主內亂荊州占曰大臣有黜者海中占曰國有兵喪

月暈於心石氏曰有大戰大水出山崩谷塞一曰國有兵災海中占曰人主有殃一曰大旱荊州占曰主憂將死又曰有兵三十日罷無兵三十日起

管窺輯要

卷之二十七

七

石氏曰粟大貴天文論曰四足虫爲害鄒萌曰月暈在心三日不風不雨不出三十日有大喪有苛令月以正月暈心驚不繭國將易主死赤地千里月一歲再暈圍心有大火天旱將舉兵國易相期二年

月暈心五重女主死月暈心三重赤雲貫之國有喪戮侯王圍暈心中有赤雲若白雲如杵貫月大人當之有大兵起○月變於心人主憂兵在外大將憂無兵則天子有事天子計失於刑罰

月五星于犯占

月犯星其國有憂君有大喪鄒萌曰大人憂海中占曰月犯心中星天子惡之已巳占曰有內亂天子宮中有亂逆之臣石氏曰月犯心火星國人爲亂人主遇賊又曰女執行臣弑君犯前星太子不得立憂賊臣有亡國犯後星庶子惡之○月以六月辛酉犯心國君亡

月乘心石氏曰其國相死出心北其國旱 火焚

官廂出心南其將相起兵一曰月乘心大人凶天

管窺輯要

卷之二十七

八

下大旱萬民備火月奄心三星俱翳國內亂賊臣起兵大將死大飢天子太子皆有憂月宿心而翳霧大小山崩谷塞

歲星中犯凌乘心大星天子惡之前星天子凶後星庶子凶一曰木中犯凌乘心宿有內亂井氏曰

臣謀主若旱土功興春夏米貴秋冬米賤若守之六十日不下國有急令鄒萌曰大人憂近期十月遠三年一曰有亡國人主太子俱憂巫咸曰戰不勝將死一曰天下旱多火災又曰大臣災海中占

曰木犯中心星王者絕嗣石氏曰木近心七寸以內有暴貴者不出百八十日

木乘心石氏曰其國相死出其北爲旱火焚宗廟出其南兵起木經心其色潤澤光明烈照不失直道天下和平人主壽昌木行心不由正道王者不居明堂木入心郗萌曰天下諸侯有慶賀事

木居心海中占曰五穀以旱傷其色潤明王者有禍人和歲豐色黑不明有喪○木出入留舍於心有德令春夏米貴秋冬米賤平二十日不下冬兵

管窺輯要

卷之二十七

九

大起負海國大敗

木守心石氏曰年豐天子有慶賀事巫咸曰有火災郗萌曰貴人多病死一曰五穀萬物不成荊州占曰木守心七十日以上陰陽和四夷服一曰木守心東南馬多死其肉殺人守心西萬物不成人多餓死守心南多病寒熱守心北多牛死其肉殺人

木逆行心若環繞勾已之大人忌海中占曰木逆行犯守心賊臣謀逆王宮內亂天子易權在大臣

之得勢者

熒惑犯心王者戰不勝大將圖死一曰人主亡海中占曰王者絕嗣貴人有餓死者郗萌曰有一反臣有死君巫咸曰萬物不成土功興民憂火災犯太子太子憂犯庶子少子憂

火乘心石氏曰其國相死○火入心大臣反天子憂入前後星太子庶子憂兵起相死於野

火守心石氏曰大人易政主去官移又曰有流血其國兵悉出天下人死牛大旱布大貴一曰有逆

管窺輯要

卷之二十七

十

臣又曰將爲亂甘氏曰大臣爲變天下諸侯並起巫咸曰萬物不成土功興大水災海中占曰天下災聲吟吟居之三月國有殃五月受兵十月其國亡民流郗萌曰天下兵四起天子軍破玄冥占曰大飢人相食國主死天下大潰海中占曰火災在心南爲水在北爲旱郗萌曰火守心南有男喪女北有女喪又曰火以十月守心北不出期年國有大變又曰火以十月守心期六十日有辱主一曰火守心是謂浸陽幸臣驂乘有事火守心已去之

復還守之有大赦一曰主命者凶甘氏曰榮感守
心勾已環繞之天子失其官石氏曰大臣反大將
戰死

火守心色怒赤芒角天子廷中有伏兵色黑有亂
兵事不成而敗伏其辜占曰火守心色赤兵起色
青有喪在心東爲齊晉在西爲秦晉在中爲周在
南爲楚在北爲燕趙又曰火心色赤臣謀主兵起
色白臣有賜爵者色青大人憂色黑天子兵在外
火逆行而西守心石氏曰國有大喪兵起國易政

管窺輯要

卷之二十七

土

郁萌曰早有火災地震守之二十日大臣作亂哭
泣吟吟

火舍心石氏曰天下大兵色黑爲喪已已占曰大
人振旅天下兵大留心近臣爲亂留二十日主病
晉三十日主病困○火貫心天下大飢○火與心
合主死不測出走又曰天子易○火與心閭天下
有暴喪○火芒角起雙鋒及磨心以行天子宮中
有陳兵

火中犯凌乘守心明堂巫咸曰大臣當之在陽爲

燕在陰爲胡一曰有火異又爲旱○火逆行心王
宮內亂臣下謀易主權在宗臣得勢者

鎮星犯心天子絕嗣其年萬物不 太子太子

不立犯戾子少子憂○土乘心其國相死一曰有

天殺○土中犯凌乘心爲內亂臣欲弑主一曰有

失地之君期十月遠二年荊州占曰大人凶東官

候曰萬民備火巫咸曰天子兵敗將軍戰死一曰

旱石氏曰大臣當之乙巳占曰天下大赦土奄食

心天子因何有憂土入心五穀熟天子大臣有憂

管窺輯要

卷之二十七

土

○土經心行正道光明潤澤照天下同心人主壽

昌

土居心黃帝占曰人主任賢天下有慶巫咸曰君

明臣良郁萌曰和氣應五穀熟○土出入留舍心

二十日不下有急令三十不下有名人死四十日

不下其國空民亡

土守心石氏曰主帝出臣伐天子一云國有赦久

守之有水且旱一曰有火災萬物不成一曰其國

相死一曰義士多烈節庸夫立義一曰太子廢子

出

土守心色赤黃光明吉色黃無故色赤兵起其國內亂土功興民多病色

土逆行守心勾已環繞之其國內亂天子忌之海中占曰天子宮有賊臣謀易主

太白守心星大飢黃帝占曰天下有大怪國有大喪一曰多虫巫咸曰君弱臣強有逆臣石氏曰中國有殃車滿野有軍在外客軍大敗日久人多死喪其年蝗虫敗穀海中占曰不出一年貴臣左右

管窺輯要

卷之二十七

圭

有兵郝萌曰天子亡大臣死

太白犯心爲喪甘氏曰天子却兵將亡歛戰上戰羣臣遊奔海中占曰天子絕嗣犯太子太子不立犯庶子庶子憂郝萌曰太白犯心左星女主失勢太子不立則去荊州占曰太白犯心君后走藏一曰穀貴○太白舍心色黑不明有喪

金逆行守心國有大喪臣憂天下多死人軍在外客軍大飢○金逆行守心環繞之勾已大人憂李筌曰有大獄天子將死軍敗

太白中犯乘凌心一曰相爲亂兵四起大臣○太白出入留舍心三十日不下兵大起

辰星中犯乘凌心大人當之一曰內亂臣弑主有亡國若環繞勾已則其禍成

辰星犯或乘之大雨地震海中占曰民去其鄉甘氏曰水旱俱作甲兵大動石氏曰辰星犯水滅火三十日不去主憂臣戮百川大溢一曰犯中星王者絕嗣犯前星太子憂犯後星庶子憂

水守心布帛貴石氏與占同巫咸曰穡役煩賦歛

管窺輯要

卷之二十七

圭

重民不堪命多賊盜武氏占曰王政失紀民反惡大臣受殃天下謀易其主辰星在陽爲燕在陰爲胡一曰水守心大人以外兵死色赤爲大兵旱色黑大水且喪水舍心色不明有喪○水犯行守犯心天子中毒死宮中食糟糠

客星流星彗星孛星于犯占

客星出心石氏曰君遣使於諸侯以色占其事及其吉凶以其所至命所之國甘氏曰天下大旱兵起國易政期三年郝萌曰客星出心左右或上下

有抵罪而死者色黃白無事青黑色赤以兵隨之
客星入心石氏曰諸侯有役來以五色占何事以
起何國夏氏曰占有得令一曰相有憂疫甘氏曰
赤星入心留回之天子以兵死鄒萌曰客星入心
十日成勾已有大赦黑星入心近臣謀主赤星入
心兵起宮室入右星天子起兵入左星庶子起兵
青黑星入心天子憂入右星太子憂入左星庶子
憂黃白星入心天子有喜入右星太子受賜入左
星庶子受賜赤星如大杯盤赤如雞冠入心中人
管窺輯要 卷之二十七 主

主遇賊其出心也行道最遠主人戕於千里之外
青星入心中人主遇盜期年中

客星犯乘心大旱天下大役一曰人主以宮室臺
榭廢政一曰米貴兵起近臣叛大人憂國易政

客星犯心而守之石氏曰宮中大憂斂賊交橫大
臣相疑天下舉兵近期七日中十日遠百日八十
日

客星舍心兵起鄒萌曰心上有星去一尺所有中
謀心下有星去心一尺所有外謀星多人多星少

人少上下俱有星中外俱有謀星遠人遠星近人
近期百日中期半年遠在一年○客星逆行掩滅
心官內有亂有貴臣謀易主者

客星守心黃帝占曰不過三旬有善令巫咸曰粟
貴人飢兵起有好臣鄒萌曰土功興有大人喪天
下人病或曰其國亡天文占曰蜚蝗大起人流亡
有反者春秋聖洽符曰客星守心五十日不去兵
大起國有喪米貴十倍

流星入心不出其年國有大喪一曰臣弑主不出
管窺輯要 卷之二十七 主

三年天文論曰外國使來色赤以兵黃土功白喪
青憂黑凶○流星出房入心天子遇盜○流星自
外入心宿分遠國使來星大爲大國使小爲小國
使

流星出心大臣出使以五色占之流星犯心兵起
官中一曰大臣相賊大人憂視其所中流星春夏
犯心有火災

彗孛出心是謂天地謀易天下主黃帝占曰天下
相射夷狄勝中國賊臣爲君一曰天子使德令不

下蝗虫作五穀傷人流亡期一年遠十年○彗孛入心星有大喪太子不立石氏曰大臣造亂兵起一曰兵起宮中流血廟廷大臣相戕天下被甲近期七十日遠八十日

雲氣干犯占

雲氣出心青白天子使人諸侯 赤色有兵出赤黃氣出心王就國 黑雲氣入心天子憂入左星廢子憂入右星太子憂一曰黑氣入心右星廢子受賜祿 白氣入心左太子受賜 赤氣入心

管窺輯要

卷之二十七

七

有立王 赤氣出心南行天左有亡去者 赤雲氣鋒鋦正刺心天子憂 蒼白色入心中天子憂 黃氣入心天子有子孫喜入右星太子喜黃白氣潤澤如布疋抵心下外國有來歸者 雲氣狀如雪孛色赤如血入心天子遇賊出心天子有殺伐若出遠則殺伐人於千里之外秦始皇熒惑守心及天市芒角色赤如雞血始既死嫡庶相殺二世卽位殘戮骨肉將相秦國遂亡○漢高帝十二年春熒惑守心四月宮車晏駕

成帝陽朔元年七月壬子犯心占曰其國有憂君有大喪房心爲守合楚地十一月楚王有薨元和二年春熒惑守心二月乙丑丞相方進欲塞災異自殺三月丙戌宮車晏駕

安帝永初元年五月戊寅熒惑逆行守心前星占曰爲反臣時帝未臨朝鄧太后攝政司空周章謀閉宮門廢太后及帝事覺自殺三年正月庚戌月犯心後星占曰不利心星爲宋五月丁酉沛王子薨

管窺輯要

卷之二十七

七

孝桓永壽二年七月丁丑太白犯心前占曰爲大臣後一年大將軍梁冀使太倉令秦宮刺殺議郎郗尊又欲殺鄧后母官事覺收印綬自殺誅諸梁反異妻孫壽宗族皆徙邊塞

光祿三年四月熒惑逆行守心後星十月戊午月蝕心後星占曰爲大喪後三年帝崩中平六年八月丙寅太白犯心前星戊辰犯心中大星其日未冥四刻諸黃門殺大將軍何進於日中已巳車騎將軍何苗爲部將吳臣所殺

晉武太康八年三月熒惑守心古曰王者惡之太
熙元年四月乙酉帝崩

唐太宗天寶十三年五月熒惑守心五十餘日古
曰王者去其官明年安祿山反帝出奔蜀

心宿去極度數考

按心宿本位居卯之次宋豫州之分凡六度十月
旦在卯十一月旦在辰十二月旦在巳正月旦在
午二月旦在未三月旦在申四月旦在酉三月昏
在卯四月昏在辰五月昏在巳六月昏在午七月

管窺輯要

卷之二十七

九

昏在未八月昏在申九月昏在酉

心三星六度距西去極一百十六度入心初度一
名大火天王位也主賞罰天下賞有功罰有罪書
云用命賞於祖不用命戮於社此之謂也

中星曰明堂爲天子正位前星爲太子後星爲庶
子此星各曰明堂大辰大火也心主火故曰
大辰左傳昭公十七年冬有星孛於大辰何休曰
大辰大火也天所以示民時早晚天下取以爲正
謂之大辰

古曰心星明大則化成道昌不見則人君有憂

贊云心爲天王之位故置積卒以衛心者水中有
火其色赤中央大星欲赤明則天子明德服天下
昏暗則天子微弱不能斷制不欲直直則地動天
子失計天下不安三星欲其俱明前後星不欲過
明中央星後星不欲明過前星前星明過中央星
則太子踐祚後星明過前星則庶子偶嫡中星微
天子憂前星微太子憂後星微則庶子憂彗孛守
兵喪起

管窺輯要

卷之二十七

十

積卒十二星距西北大星去極一百二十六度入
辰十五度在房西南爲五營軍士之象主掃除不
祥古者天子有五營左右中前後漱清考積卒乃
衛土主掃除天下大凶聖人乘時治不忘亂聖人
御宇安不忘危故除戎器械不虞修文事恢武威
備五材之用設五營之軍不黷武亦不弛武不窮
兵亦不去兵士馬囂囂而雲萃旌旗閃閃而風飛
思邊地胡馬肥寧控弦而習戰觀長城塞鴈飛且
講武而弄威現弓滿寶劍揮傷弦之鳥聞虛弓而

下墜抱木之猿見利刃而魂歸不必耀武而威鋒
自振不必討遠而遠人自服欲為真真太寧景象
當玩燦燦積卒星維

占曰積卒微小吉明大動搖兵起三星不具兵出
六星不具兵半出十二星俱不具兵大起彗孛犯
守五營兵俱出天下騷動

心宿雜座

積卒

積 十二星在房心西南一曰衛士金官也所以

管窺輯要

卷之二十七

彗

衛卒暴所以守衛明堂掃除不祥其星細小而明

吉明大動搖則君臣不寧朝廷起兵芒角動則聚

兵事一星亡兵少出二星亡兵半出三星亡兵大

出俱亡兵盡出國敗士卒滿野○歲星入積卒若

守之兵大起士卒多死亡石氏曰期二年鎮星○

熒惑入守積卒兵大起士卒多死人君失位太白

同○客星出入積卒主兵起官憂石氏曰兵士為

亂近臣有謀受誅士卒多死者○流星入積卒兵

起將死近臣有謀○彗出積卒為謀星去疾則謀

不成者 之大將有憂一曰彗出積卒衛士為亂
亂不成

管窺輯要卷之二十七終

管窺輯要

卷之二十七

彗

管窺輯要卷之二十八

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全閣

管窺輯要

卷之二十八

一

垣市天



尾宿論

尾九星爲後宮后妃之府也第一星后也次三星夫人次五星嬪妾末二星傍一星曰神宮解衣之內室尾之九星宜均明大小相承則後宮有序多子孫月五星客守犯女主憂主損嗣天下大亂燕分兵災龜五星在尾南占主吉凶魚一星在尾河中主陰事知雲雨之期傳說一星尾後巫官也主章視天江四星在尾北主太陰江星不具天下河津關道不通若動搖天下大水亡則兵起參差

管窺輯要

卷之二十八

二

尾宿說

尾九星去極百二十四度宋志云去極一百二十七度半赤道十九度十分黃道十七度九十五分黃道自尾三度十一分十五秒入寅赤道自尾三度十五分四十五秒入寅尾上十二尺七曜中道主后妃御敘於王所北去一丈爲天之中道其上近心心之第一星后次三星夫人也次二星爲嬪妾末一星相比者爲妾尾爲九子星乃生生之源也

第二星傍一小星曰神宮解衣之內室也其色均明大小相承則后宮無妬而多子孫暗則后有憂疾疎遠則后失勢不常則妃妾失序動則后妃不和大臣亂就聚則大潦水犯之及月暈則后妃有死者火犯之宮中乖亂歲守之人主以嬪爲后月犯歲在尾則大臣死五星聚若熒惑先至而先去其占燕地有德昌無德亡客星出大臣誅彗見燕有兵喪流星來百姓流離金晝見燕有兵喪月掩此爲飢日月食王飢金火守後宮兵起土犯吉

管窺輯要

卷之二十八

三

傳說一星在尾後入河中主後宮女巫祀神靈禱祈孕子故曰主王后之內祭祀以求子孫其星明大則多子孫小而暗後宮少子動搖則後宮不安亡則天子無嗣謂之傳說者古有傳母保母今傳而說者謂傳母喜之也詩云克禋克祀以弗無子此之謂也今之婦人求子皆祀婆神亦此意也商家傳說之名偶與此同音諸子百家不詳審其意則曰傳說騎箕尾而去殊不知箕尾專主後宮故有傳說焉耳今疑其不類而改以爲傳說謂太

祝傳說於神宮不復讀爲傳字說字則過矣太抵軒轅造父奚仲王良社稷在天爲星辰在人爲聖賢於理有之何獨疑於傳說乎

天江四星在尾之北斗出入黃道舊在黃道外唐志則正當黃道主太陰不欲其明明而動則水暴出動搖則大水至大兵起其星不具則津梁不通熒惑守之則兵起客星入則河津絕參差則馬貴史記云江星動涉水

魚一星在尾後入河中狀如雲主陰事知雲雨之

管窺輯要

卷之二十八

四

期明大則陰陽和風雨時暗而小則風雨不節魚多亡搖動則大水暴至若出漢中則大魚涸死魚龜及鱉皆水族故附於天江火守則魚南則旱守在北則兵龜五星在尾東南入河中明則君臣和睦則乖戾亡則赤地千里不居河中則有決衆流者火守之兵起若在外守之則兵罷

江淮者淮河之精注諸東南大海者也江淮河涉爲四瀆江淮見箕之下天河見昴之下涉水絕流故天文亦不見至於井宿復有四瀆則以天下滋

之爲養也步天歌關天淮

天漢起東方尾箕間謂之漢津乃分爲二道其南經傳說魚天驚天弁河鼓其北經龜貫箕下次絡南斗魁左旗至天津下而合南道乃西南行又分夾瓠瓜人星杵造父騰蛇王良附路閣道北端大陵天船卷舌而南行絡五車經北河之南入東井水位而南行絡南河關丘天狗天記天稷在七星南而沒

尾宿主后妃之府亦主君臣又主八風主水度一

晉窺輯要

卷之二十八

五

十九度一十分內十二尺爲黃道自初尾三度外末斗四度內於辰爲寅於分爲燕於野爲幽州賦尾箕折木幽燕是稱濱渤碣高麗暨三韓之所盡自北平之保定終薊北之所穹七月在建昏中西正月爲旦中十月爲太陽躔次

尾宿歌

九星如鉤蒼龍尾下頭五點號龜星尾上天江四橫是尾東一個名傳說傳說東畔一魚子尾西一星是神宮所以列在后妃中

尾宿考

天江四星在尾北主太陰○傳說一星在尾後河中主王宮女臣祈祀○魚一星在說東河中主陰雨○龜五星在尾南漢中主贊神明吉凶○神宮一星在尾第二星傍天子解衣內室

尾九星爲后宮天之行宮也占曰尾宿主八風又曰九江主水天蒼龍之尾爲九子色明大小相承後宮有序無妬忌多子孫搖動君臣不和就聚則大水微暗踈遠木犯月暈后妃不利土犯言水火

晉窺輯要

卷之二十八

六

客犯凶左傳丙之辰龍尾伏辰律書尾言萬物始生如尾

天江四星位在尾北主大陰司水明動則暴水出火守客犯津道不通

傳說一星位在尾後河中主祝章祈保元命包曰傳說主祝章巫官也又曰主王宮祝祭祈禱也明大則主者多子

天魚一星位在尾後河中傳說東北主雲雨其狀如星如雲忽忽不明常居漢中列吉

天龜五星位側尾南漢中一曰連珠主旱澇

神宮一小星在尾宿後第二星之內相去一寸名曰神宮天子解衣之所也

尾九星十七度距尾第一星去極一百二十四度在黃道外十五度少水星也春夏爲火秋冬爲水爲后宮后妃之府○木守之有立太子守三十日爲君族逆兵起妾賞權臣亂政守六十日亦然火守之有兵相向○火守滿六十日車騎出兵起米貴人飢○火入之大臣反有兵起○土守之魚鹽

管窺輯要

卷之二十八

七

貴兵起大將軍出征一曰后宮有黜○土火俱入之大將軍出征繒帛布鹽米等皆大貴○金守之國失政○金入之大亂臣爲變岡易政○火守之入之妖兵起天下大飢民相食爲後年災疫死人多逃竄地方男不耕女不織男子貨衣小人賣男女

日月食尾中貴臣有刑暈尾虹蜺背向將有憂亂皇后有喪○彗孛犯之貴臣誅內寵亂後宮有伏兵

尾宿總序

尾九星蒼龍尾也一曰天雞一曰祈水一曰天狗一曰風后一曰天廟一曰天一曰龍龍一曰九子水星也尾爲後宮后妃之府其北十尺爲日月五星中道其上第一星主后次三星主夫人又次三星主嬪妃次二星主媵妾其第二星又爲后族傍一小星相去一寸曰神宮天子解衣之內室也尾又主八風箕尾之間謂之九江口故尾星又曰九江主水九星欲其均明大小相承則后宮有序后妃不妬忌天子多子孫微暗則後宮后有疾動則后妃不和騰躍折絕不居其所則君臣乖天下亂有災早就聚則有大水直則皇后失勢大小不齊則妾媵奪嫡蓋天曰蒼龍之尾陽陰之所交風之所興也主禁宮祈祀蒔養之事星明則五穀熟不明則五穀大傷

日月變異占

日在尾蝕后有憂甘氏曰有疾風發屋折水人主占出入天文論曰有喪將死一曰貴臣有刑者武

氏曰後宮有憂燕地飢北夷侵境

日暈於尾陰國弱或曰將相憂巫咸曰主女喪

日在尾蝕御乘人有黜者甘氏曰后族若遇妾有

坐法者一曰貴臣犯法乙巳占曰君族有刑武氏

曰女主惡之

月暈尾其分益玳有疾疫荊州占曰后妒有廢郗

萌曰歲不登不出期年有赦武氏曰女主死不死

則病

月暈心尾無骨及四足重爲害國易政山崩麥貴

管窺輯要 卷之二十八

九

月暈尾其分疾民多病寒熱大風至有大水

月在尾食有變后宮不安一曰后妃有不才與在

官中有亂王蕃曰女主亂虹蜺背殃將相有憂

月五星干犯占

月犯尾君臣不和郗萌曰貴戚有討者其國有軍

在外則將死一曰后有爭人主有不令子嗣在官

中

歲星入尾石氏曰天下諸侯有慶事期九十年巫

咸曰王者立太子后宮有賜若后族有升顯者東

官候曰妾爲嫡臣專權災禍由起乙巳占曰有易

太后子不出百八十日

木入尾而守之巫咸曰人君以后爲政宮中一日

政在大臣下

木守尾早多火災河圖曰臣謀逆兵起車馬出石

氏曰爲災大臣反逆亂從大將家起一曰宮中有

悅諛之臣急戰一曰穀貴天子欲封寵后族郗萌

曰天下牢開有大赦一曰名妖后有恐守之三十

日以上天子立后或生太子○木逆行尾星天子

管窺輯要 卷之二十八

十

淫泆○木守尾逆行成勾已女君天人死○木食

尾處其東馬多死處其北牛多死內皆殺人其西

傷穀處其南民病寒熱一曰政暴急○木乘尾民

乏食○木留守陵乘中犯尾后夫人有以珠玉簪

珥惑天子者巫咸曰貴臣誅死官人出走宮中大

亂兵起官門○木出入留舍尾其國當以義致天

下尾者燕星也留三十日不下有大水留五十日

不下其國大臣有出之者

災惑入尾三月客兵聚郗萌曰宮中有讒臣石氏

曰天下有藏兵荊州占曰縑帛貴將相人民離其城東官侯曰后宮有憂女主惡之一曰幸臣亂宮○火留尾箕臣下淫亂○火中犯陵乘尾皆為天下有兵大戰一曰后妃夫人忌之視其所中言○火逆行尾宿後宮失火天下有大火荊州占曰君淫洩逆行守尾兵起車騎聚於道大人宮中內亂國易政火繞尾踟躕不去人君以妾為妻○火出入留舍尾齊伯曰其國且無人兵雄起不用土功興留二十日有火災○火舍尾居其陽吉居其陰國

管窺輯要

卷之二十八

主

有憂

火守尾石氏曰歲多妖祥甘氏曰后有恐民為變國易政兵始動巫咸曰天下大飢人相食鄒萌曰馬多死芻藁大貴一曰君弱臣強其上一曰臣謀主后宮干政民多死喪天下士卒行一曰大臣作亂有反逆從大將家起一曰宮中有逆謀妃妻有讚后者若光相反主女凶荊州占曰太守九江赤地千里穀貴民流布貴藥草倍貴三公九卿為奸大將反一曰有大水鄒萌曰火入尾箕九州當其

禍以其入日辰占甲乙日為東方丙丁日為南方戊巳日為中州庚辛日為西方壬癸日為北方火與水星同在尾箕有赦○火與土同在尾大將出征鹽米貴

鎮星守尾色黃石氏曰自禽獸多暴於民玄冥占曰后夫人有喜一曰天子立后巫咸曰兵起海中占曰高田不得食下田荒人大飢鄒萌曰大臣誅○土星守尾芒角動搖天下更主易政人不安居○土逆行入尾妾為女主一曰女主不居其官女

管窺輯要

卷之二十八

主

多以色進者○土出入留舍尾大將出師魚鹽大貴○土犯尾國多盜賊石氏曰天下旱人飢兵起乙巳占曰女主犯夫人惡之○土入尾人飢兵起○太白犯尾民為變國易政一曰女主憂天下亂國乏糧

金守尾甘氏曰官人有犯罪者巫咸曰有兵亂多水災五穀不成一曰宮中有罪者為亂鄒萌曰蝗大作軍無糧士卒滿道不行一曰金守尾近女主去遠女主死巫咸曰太老去官人多死之

太白出入留舍尾兵起於野一曰米貴其歲仍荒
○太白中犯陵乘守尾犯后有以誅之惑天子讒
誣大起后與相受誅宮人出走兵起宮門太白抵
尾人主惡之

太白入尾大臣起兵人民受殃石氏曰兵起西方
一曰近爲亂○太白入尾而守之兵大起民多妖
言期三年○太白失行入尾或犯之不有破軍必
有屠城

辰星入尾天下大水江河決溢魚鹽貴三倍米貴

管窺轉要

卷之二十八

主

○水守尾大人女君惡之一曰太飢入相食民離
其土君子賣衣小人賣兒又曰后妃有亂執政得
事有水災多病疫一曰以水兵起一曰后宫有得
罪者一曰用事者殃有失赦者海中占曰兵起臣
下賤易貴○水中犯乘陵逆守尾占同太白

客星流星彗孛干犯占

客星入尾甘氏曰天下飢人相食流徙他所疾病死
亡男不得耕女不得桑一曰忌之春秋聖洽符曰
大水石氏曰北夷大飢來降又曰國多土功有尾

之獸大災一曰多風雨宮人災皇后去其宮賤女
有暴貴者石氏曰蒼星入尾故臣有從他國來使
者○太白入尾邊城有兵司空死之一曰備賊臣
客星入尾歲多大風大雨爲災一曰後宮有憂一
曰君使人於諸侯備賊臣陳卓曰兵革罷敵天下
大飢黃帝占曰天下人民多死○客星入尾賤女
入官

流星出尾君臣相伐色青黑臣有逃者○流星入
尾后妃有憂一曰有黜者一曰賤女暴貴一曰故

管窺轉要

卷之二十八

西

臣有歸國者前赤後白主死將軍行從西昏期
十日從昏主人定期九十日○流星犯冲尾后妃
有貶黜春夏妃宮口舌起秋冬妃有妖言者被誅
一曰佞臣受誅○流星抵尾后妃死天子不安
彗孛出尾歲多惡風暴雨天下大水大飢后相貴
臣皆有憂○彗孛入尾后妃有以珠玉簪珥惑天
子而起讒誣者后與相皆有殃兵起宮門貴臣誅
國易政土功大興期百八十日犯之同占

雲氣干犯占

青雲氣入尾故臣有來歸者出尾來臣有死者○白氣入尾故臣有謀來歸而受誅者○黑氣入尾故臣有來歸骸骨者赤黃色氣入尾有使來言兵事○黑氣入尾流之青氣出尾臣作亂赤黃氣出尾君遣使於諸侯言兵事

晉惠帝永興元年七月太白犯尾箕占曰女主憂又曰天下大亂是時劉聰石勒李雄等並起跨州郡皇后羊氏數被廢黜

尾宿去極度數考

管窺輯要

卷之二十八

五

按尾宿本位居寅之次燕幽州之分凡十九度十月旦在卯十一月旦在辰十二月旦在巳正月旦在午二月旦在未三月旦在申四月旦在酉三月昏在卯四月昏在辰五月昏在巳六月昏在午七月昏在未八月昏在申九月昏在酉尾九星十九度距西第二星去極一百二十度入尾初度亦曰九子星宋均曰尾屬后宮場故得兼子子必九者取尾有九星也爲后妃之府後宮之場場者場字也字孕也勝也所謂蒼龍之尾尾東

星故蒼龍名之焉主陰陽之交泰風雨之乘輿

尾十二支屬寅寅爲正月三陽開泰天氣下降地氣上升陰陽交萬物咸亨尾蒼龍之象故乘風而雨之以興焉者因也漱清考寅屬虎虎嘯風生雨亦因雲亦行焉月到尾必暈風雨自生焉又查乙巳占正月建寅朔至七日上半月二相日或寅申日若月暈者虎生子非可言其災異上第一星后也次三星夫人也次則嬪妾也漱清考古天子立后宮后乃皇后掌昭陽正宮立三夫人九嬪二十

管窺輯要

卷之二十八

六

七世婦八十一御妻皆天子內之佐陰教之司故尾屬陰故多風雨古曰蒼龍尾也色欲明大小相承則妃后無妬后宮有序子孫衆多昏小則后妃有憂疾踈折后妃失勢就聚有大水五星犯日月食后妃災土星木星守后宮有喜客星守犯宮中有內亂事等字守后妃惡之

龜五星距大去極一百四十度○牛入尾八度○牛在尾之南漢中主贊神明定吉凶史記云堯沉

璧於洛玄龜負書出焉背上赤文朱書云天錫禹
書神龜負文而出禹因之而開九疇洛書云靈龜
者玄文五色神龜之精也能見存亡明於吉凶洪
範云龜之吉凶也千歲而靈此禽獸而知吉凶也
周禮春官龜人掌六龜之職各有名物天龜曰靈
屬地龜曰繹屬東龜曰果屬西龜曰雷屬南龜曰
獵屬北龜曰若屬各以方之色與其體辨之漢中
天漢之間也後言漢中河中也贊猶助也漱清考
莊周云神龜有七十二贊能見夢於元君而不能

管窺輯要

卷之二十八

七

避漁且之網爲人能知其吉凶而不能自爲吉凶
孔子曰臧文仲君蔡明仲爲不知也後有裴度賦
神龜之作焉賦曰茫茫積流祚聖有作動上天之
密命假靈龜以潛躍蓋欲以慶遙源敷景鑠寫物
象之精密化人物之朴略豈不以河之德兮長龜
之壽兮會昌載順符先呈於古帝稱大寶後遣於
寧王故將出也感天地動陰陽浮九折之澄碧散
五色之榮光然後蹈前流而沫花浪露玄甲而明
繡裳初若沉圓璧未沒稍以乏孤鳬而欲翔旣而

降芳蓮蹈清沚五老遊而共覩列聖過而每喜出
朝日如耀其實圖伏靈壇狀陳其饌簋布父象之
糺紛蘊天地之終始負謀謨之畫將化洪荒當授
受之時豈思綠水非臆對之可迷諒鉤深而有致
所以出河宗作天瑞馮夷倚浪以相送神魚鼓舞
而旋避於戲冥數杳然自我而傳外骨明貢中心
善泉將後天而思永豈爲贊而居前至如魚託素
以達情鳳山詔而展禮未若墻開八卦兆動四體
闡文教寧承鐸之足倚贊貞明與日月而同啟洎

管窺輯要

卷之二十八

七

乎形貌既著品物類分榮萬化之茫昧合一氣之
緼緼識用光於夏葉繇每煥於義文此乃天理用
彰神道設教故躍波而委質殊以文而飾貌觸綸
誠怪於文鱗隱霧徒嗟乎文豹此悠久也可可是則
而是効

占曰龜主知國家吉凶明則君臣和兆祥不明則
君臣不和兆不祥亡則天下旱赤地千里黑氣入
主風雨

天江四星距南去極一百四十度○半入尾十度

在尾北三太陰淳風云主津渡河梁澈清考江水出蜀合氏激外岷山其照可以鑑物鑑觴及其至於江不可以涉江有二一曰文江一曰流江又有三一曰崑江一曰松江一曰浙江又有九江一曰烏江一曰秦江一曰烏白江一曰嘉靡江一曰猷江一曰源江一曰稟江一曰提江一曰茵江占曰天江不欲明明大動搖則大水暴至天下澇水守主大水

傳說一星去極一百二十六度入尾十五度○半

管窺輯要

卷之二十八

五

在尾後河中主后宮巫官又主巫祝

解見前

魚一星去極一百二十五度入尾十六度在尾後河中主陰事知雲雨之期魚生於水水屬陰雨為水故主陰也澈清考魚乃水重鱗物種類甚多不一也世有如棠觀魚惠子觀魚臨淵羨魚賞花釣魚支辭紛紛膾炙人口不既副錄獨取盧照鄰作窮魚一賦事義雖不切文辭甚麗都此君亦有為而發也賦曰有一巨鱗東海波臣洗靜月浦涵丹錦津映紅蓮而得性戲碧浪以全身宕而失水屈

於陽瀕漁者觀焉乃具竿索集朋黨晃趨雀躍風馳電往競下任公之轄爭陳豫且之網嘒蟻見而甘心猿獼聞而抵掌於是長舌利嘴曳綸垂釣拖簪挫鬣撫背扼腕動搖不得勝躍無由有懷纖澗寧望洪流大鵬過而哀之曰昔子為鯢也與是游乎白子羽化之子其孤俄撫翼而下負之而趨南浮七澤東汎五湖是魚也已相忘於江海而漁者猶悵望於泥塗

占曰魚主水旱陰雲風雨明大則風雨多如常則

管窺輯要

卷之二十八

五

風雨時若動搖則大水暴至主多魚多米火守主旱水守主澇

神宮一星去極一百二十三度入尾一度在尾西第二星傍為附座解衣之內室后妃夫人解衣之宮澈清考神宮附尾尾乃妃后嬪嬙之處神宮又天子燕寢解衣之所謂之曰內室嘗味曰居易長恨一歌摩擬神宮內室多有不遠逕庭者歌云漢王重內恩傾國御宇多年求不得楊家有女初長成養在深宮人未識天生麗質難自棄一朝選在

香苑輯要

卷之二十八

圭

君王側迴頭一笑百媚生六官粉黛無顏色春寒
賜浴華清池溫泉水滑洗凝脂侍兒扶起嬌無力
始是新承恩澤時雲鬢花冠金步搖芙蓉帳裏度
春宵春宵苦短日高起從此君王不早朝承歡侍
寢無容暇春從春遊夜專夜後宮佳麗三千人三
千寵愛在一身金屋粧成嬌侍夜玉樓宴罷醉和
春姊妹兄弟皆列土可憐光彩生門戶遂令天下
父母心不重生男重生女驪宮高處人青雲仙樂
風飄處處聞緩歌慢舞凝絲竹盡日君王聽不足

漁陽鞞鼓動地來驚破霓裳羽衣曲九重城闕烟
雲生千乘萬騎西南行翠帶搖搖行復止西出都
門百餘里六軍不發無奈何宛轉蛾眉馬前死花
鈿委地無人收翠翹金雀玉搔頭君王掩面救不
得迴看血淚相和流黃埃散漫風蕭索雲棧紫迴
登劍閣劍閣玲瓏五雲起其間綽約多仙女中有
人兒名玉妃雪膚花貌參差是金闕兩廂叩玉扉
轉敎小玉報雙成聞道唐家天子使九華帳下夢
中驚攬衣推枕起徘徊珠箔銀鈎迤邐開雲鬢半

香苑輯要

卷之二十八

圭

偏新睡覺花冠不整下堂來風吹仙袂飄飄舉猶
似霓裳羽衣舞玉容寂寞淚闌干梨花一枝春帶
雨含情凝睇謝君王一別音容兩渺茫昭陽殿裏
恩愛絕蓬萊宮中日月長迴頭下問人寰處不見
長安見塵霧空持舊物表深情鈿合金釵寄將去
鈿留一股合一扇釵擘黃金合分鈿但教心似金
鈿堅天上人間會相見臨別殷懃重寄詞詞中有
誓兩心知七月七日長生殿夜半無人私語時在
天願爲比翼鳥在地願爲連理枝天長地久有時
盡比恨綿綿無盡期此白生爲尚柔媚者誠而非
爲尚方正者談也世有誦美人賦者有曰願以進
佳冶者爲薦士之端徵艷色者爲聘賢之本闕下
駿奔王庭康至野無遺材山無逸士官府借道中
外生春此謂淑美豈同夫玉顏絳唇巧笑工嘖迷
感有國之君

占曰神宮明則后妃吉暗則后妃有疾病慧字守
後宮有陰謀黃氣入后妃有喜

尾宿雜座

神宮

神宮一星在尾西第二星傍爲附座解衣之內室也

天江

天江四星在尾北主太陰其星不欲明明大則天下水災微小如常則陰陽和水旱調明而動則水暴出江河溢五穀不熟民以水飢參差不齊則天下馬多死中河而居則兵起如流沙人死如亂麻川人渡河星不具則津梁不通芒角動搖則大水

管窺輯要

卷之二十八

星

沒城郭

月犯天江天下有大水入城郭民飢去其鄉

彗守天江有王賊起水中有水火守天江赤

地千里太白犯守天江渴津不通客星歷天江有

大兵攻王國

流星出天江有大水河海溢人飢彗守天江出軍於野青氣出天江大水黃白氣八天江天子用兵出之兵罷

傳說

傳說一星在尾後河中主祝章爲後宮祈神明保子孫一曰傳說主祝巫官也章請號之聲也一曰傳說女巫也主王宮之內祭祀祠鬼神祈禱子嗣詩云克禋克祀以弗無子此其象也其星明大則王者多子孫後宮安暗小則後宮不安不見則後宮多疾病子孫不昌多死者傳說星亡社稷無主入尾則天下有詛說人主者若有巫醫之害五星犯守傳說王者簡宗廟廢五祀後宮無子國絕祀○客星出傳說主少子孫有絕嗣

管窺輯要

卷之二十八

星

流星入傳說王者有子孫之憂出之有子孫之喜彗守傳說王者以失其失禮爲內外所謀一曰巫祝起讖臣宮中石氏曰王者少子孫若守之有絕嗣之君赤氣入傳說巫祝之官受誅

魚星

魚一星在尾後河中一曰據日一曰蒙星主雲旌繞陰事知雲雨之期其狀如星如雲忽不明常居漢中則陰陽和風雨時明大動搖則風雨失節有大水魚星居河東傍近箕爲常所若中河而居則

兵起又曰魚星動搖則水暴出魚星出河則旱大
魚死魚星中河而居則天下大水津道塞若出河
外則天下大旱五穀不成

五星犯守魚星居其陽大旱魚鹽貴居其陰大水
魚行人道巫咸曰火星暴出魚星天下旱五穀不
成民大飢○客星出魚星魚鹽貴出之魚行人道
○彗孛出魚星后黨反大海出魚若守之大水魚
行人道○赤氣入魚星車騎滿野軍大動將軍憂
○黃氣出魚星天子用事兵起八之兵罷

管輅輯要 卷之二十八 三
龜星

龜五星在尾南漢中一曰連珠主讚神明定吉凶
其星明則君臣和奉祀虔神明享不明則上下乖
離臣逆於君不事鬼神國不安主有憂其星不處
漢中則川有易者一曰天下水旱萬物不成星亡
則赤地千里

五星犯守龜星天下有水旱之災守其陽爲旱守
其陰爲水火星守龜星天下有大水大疫不則旱
萬物不成人飢火星入龜星兵起在外守之則兵

罷

客星入龜星兵起在外守之則兵罷一曰天下倉
粟發出之珠玉貴若守之則君臣不和上下乖離
流星入龜星天下有水珠玉貴出之天下大旱五
穀貴流星出龜星色青黑所之國大水色黃赤所
之國大旱赤氣入龜星巫祝之官有誅

管輅輯要 卷之二十八 終 三
管輅輯要 卷之二十八 三

管窺輯要卷之二十九

六安黃 鼎玉耳父纂定

男九命簡臣

侄九錫公位

九疇倫叙

九如眉介


侄孫珮琢成

珂先鳴

桐城方兆及子詒全闕

管窺輯要

卷之二十九



箕宿論

箕四星一曰天津一曰風口一曰天雞主八風日月五星在箕東壁翼軫者風起又主客又主口舌又主蠻夷胡兵動則燕分兵災三星在箕南名曰杵主庖春客星入杵天下有急糠一星在箕口客彗守犯主饑

箕宿說

箕四星距西北星去極百二十一度半赤道十度四十分黃道九度五十九分尾而受之以箕示婦

管窺輯要

卷之二十九

二

道也字書云女執帚為婦周禮春桃苴掌於女采玉篇云丁箕承帚掃除蠶穢又為簸揚五穀之器感切擊也箕承帚掃除蠶穢又為簸揚五穀之器木杵主春而糠者穀粃也箕止糠杵二星屬之可以知婦無外事矣天子后妃之寢麗於此者嗣續無窮之意東方屬春產萬物者也故太子謂之東宮又主太子問安視膳以孝養其親也其上六尺為天之中道亦謂天津以其近河也故主高麗諸國箕星好風蓋東方主風此星簸揚故主八風凡日月水躔箕則風起正義云土氣為風水氣為雨

木克土爲妃故箕星好風是尚妃之所好也蓋風爲土之冲氣而木克之則飛騰之象應之是以好風史記箕爲教客曰口舌蓋箕爲天口出氣下二星有舌象詩云嗟兮後兮成是南箕謂讒言也朱子云註箕四星二爲踵二爲舌其踵狹而舌廣則六張矣又受物有去去來來之意客之象也王蠻克胡貊故客兵將動先喪箕焉明大而直則五穀熟君不信讒暗則五穀貴君信讒間東北夷狄叛就聚細微天下有憂動則蠻夷有使來離徙則人

管窺輯要

卷之二十九

三

流亡若移入河中人相食月犯將軍死又曰國有軍兵月暈金火犯則兵起金犯土於此主亡地災或入主失位兵起太白妄行入箕不有破軍必有屠城太白犯女主憂芒角則有戰陣流星犯則大臣叛一作天雞

杵三星在箕南主春之用也直則豐年橫則饑歲移徙人失業不見則人相食客星入之天下有急變杵之下或有白四星煥矣

糠一星在箕口前杵之西北主簸揚明則豐暗則

饑不見則人相食客星守穀貴猪犬死箕宿主爲嬪御又主八風又主口舌又主蠻夷度十一度四十分內六尺爲黃道餘見尾宿下

箕宿歌

四星形狀如簸箕箕下三星名木杵箕前一粒是糠皮

箕宿考

杵星在箕南木官也春杵之用○糠一星在箕口前主簸揚給犬豕

管窺輯要

卷之二十九

四

箕四星一名天驥主津梁一名風口主八風一名狐星主狐貉一名天雞主時一名女相爲教客主口舌經曰天后後宮之別府也明直則豐年又主四夷動則夷使至遷徙則人流若移入河失國月暈金火犯兵起

杵三星位在箕南主春白縱爲豐橫爲饑移徙人失

糠一星位在箕口之前主簸揚給犬豕糠批明則年豐客豎犯守主風雨未糧缺

箕前二星爲舌若動有大風不出三日又三蠻夷有變凡五星在箕東風起○水守之宮中多口舌事○火入之守之天下大饑○火久守之環繞勾已者大臣有誅有大水災若以十月守火大水人饑米貴五倍○土守之人饑水災萬物不成久守兵起人流亡○金入之守之有兵起有赦更王久守憂早有風須防內亂兵起政改○水守之大人有憂○客守之天下大饑兵起東來勝南來自如○彗守之后宮有伏兵臣叛大旱

管窺輯要

卷之二十九

五

箕宿總序

箕宿曰天津一曰天漢王津梁一曰風口一曰風星主八風一曰狐星主狐貉一曰天雞主時一曰天陣金色也又曰女相主口舌又曰天后後宮之別府也其北六尺爲日月五星中道又主蠻夷成霸四夷將動必占於箕星明大則五穀蕃熟饒諛不用四夷來廷暗小不明則君爲國亂四夷不服四夷有騷動則蠻夷有使來拆則大風爲災且有口舌相殺事離徙則人流亡君失地就聚細微則

凶歲粟貴其中小星少亦入之移八河側歲大惡中何而居則人相食箕前星謂之天舌芒動則有風不出三月

日月變異

月在箕食有疾風發屋折木大臣諛佞忠臣有誅者日暈於箕大風爲敗

月在箕食大風爲災郗萌曰車騎發陳卓曰人相食一曰君族有刑者若卿妾有坐女主憂

月暈於箕五穀以風傷郗萌日月暈圍司空不出

管窺輯要

卷之二十九

五

十里必有守倉求食者以千計之荊州占曰大風三星有坐口舌死者又曰北夷燕趙皆大饑荊州占日月暈歲星在其中王者納妃妾不出百八十日月在箕有變一宮政教失妃嬪乖怨有暴風月失行於其風平起

月五星干犯占

月入箕粟米貴天下果餓死過半人君暴虐政令不平民失其所石氏曰後宮干政大風爲災郗萌曰國亂君死有赦月在箕躔期二十日箕口期六

十日

月犯箕有讒臣不和女主憂郝萌曰其國有兵起將死

歲星守箕石氏曰宮中有口舌事多惡風歲旱饑人相食郝萌曰貴人多病死又曰歲有大水多土功又曰大人守衛失又曰水守箕在東歲熟在南旱在北水在西饑東官侯曰木守箕七日以上去之七尺以內貴女有尊進者○木犯箕其歲多惡風五穀貴郝萌曰女王宮人有憂天下大殺也乙

管窺輯要

卷之二十九

七

巳占曰木守犯箕天下大旱人相食餓死者過半凡火星中犯陵乘箕皆為惡風○木入箕石氏曰天下大亂且箕中有一星民莫處其室春秋緯曰木入箕若犯之兵大起郝萌曰木入箕糴貴三倍又曰宮中有口舌荊州占曰歲不熟盜多闔死者巫咸曰木入箕中同其出入而數之期二十日兵起又以其始入日數之率一日期十日兵罷五星同木入箕多旱居其踵則歲熟○木出入留舍箕者守之六十日不去其國以武致天下其燕星也

木之箕其年多風○木逆行箕君淫佚

災惑犯箕后妃有憂郝萌曰天下國相擊男不得畊女不得織牛馬大死○火乘箕牛馬死北夷大饑來降○火入箕中天下大亂民莫居其室春秋織緯曰兵起主失位荊州占曰后族有口事期六月一曰倉粟發一曰盜起大人憂又曰歲星多饑死乙巳占曰火入箕天下大亂穀大貴大旱人多死○火入箕中若守之天下兵起吏人相攻士卒半死人死流亡不居其鄉又曰國失地○火守箕

管窺輯要

卷之二十九

八

石氏曰人主惡之郝萌曰有大赦黃帝占曰火守箕在歲惡天下勞其分君有疾國有內變井氏曰火守箕天下大饑久守及環繞成勾已大臣誅有水且旱平澤溢如海李經授神契曰火守箕多土工霜雨不時春秋文耀鉤曰主恐其國更市又曰人主自恣天下分離臣子各自為謀郝萌曰貴臣亂國有淫事政急地動守之二月彗星出荊州占曰火守箕有大搖事九卿當之又曰胡貉又曰火守箕前其國惡守箕後糴貴三倍火以十月守箕

天下大赦海中占曰是人入水萬民饑死穀貴五倍○火舍箕邠萌曰用事者坐之○熒惑舍司空三十日車大出牛馬大死芻大貴又曰後宮干政君有憂一曰臣下有淫亂○火出入留舍天下有兵吏民相攻國失地饑○火留止箕口中有兵兵罷無兵兵起吏民相攻人去其鄉宮中相讒內外皆亂○火入箕去復還守之巫咸曰大臣亂國土功興貴人死道不通天下大饑

鎮星守箕水災萬物不成人民饑死久守兵起米

管窺輯要

卷之二十九

九

貴人流有赦石氏曰妃夫人有喜君立后一曰王者陵發宮有亂一曰多萌出有空國有死亡客水至海中占曰有大喪土工興一曰人主有謀○土犯箕女主憂有赦春秋緯曰天下大亂兵大起巫咸與石氏荊州占皆同○土出箕石氏曰穀太貴天下旱饑死者過半○土出入留舍箕其年多蝗蟲留之九十日人流亡兵大起期一年東官候曰小人為政有空國有死亡客水至人饑客亂亡○土舍箕角動色黑有土功赤色大兵起青色兩軍

相當先起者敗中起者昌後起者亡

太白犯箕石氏曰天下大饑邠萌曰女主憂一曰王者亡地一曰後宮有喜○金守箕兵起有赦更立人主守久旱有大風國內亂兵起巫咸曰多土工民疾疫海中占曰天下有兵芒角搖動天下無所定邠萌曰歲多水萬物不成米貴天下德令不行一曰執法者為亂大人衛守○金守箕口民多謗訛○太白入箕荊州占曰人主自備下有兵巫咸與石氏占同歲邠萌曰天下有兵戰又曰有赦

管窺輯要

卷之二十九

十

出之米貴君有土工○太白出入留舍箕五十日不去井氏曰天下大恐多蝗蟲不入燕燕國且有義致天下○太白逆行箕成勾巳石氏曰主大臣為亂兵起天下憂人主當之期一年金太相隨而變火舍天門西津舍天津中人主無出門若之遠宮○辰星守箕五穀少收一曰其歲水災女主憂一曰大旱多水災萬物不成一曰中國有大兵執政者當之一曰有惡風陳卓曰河水溢有赦乙巳占曰水守箕七日以內災禍起若有疾風解之則

水○水守箕角動黑色貴臣相戮亦曰有自戮死者○水入箕天下米貴十倍人流他鄉死者不羣一曰大人當之有大赦巫咸曰同水星出之穀貴天下大旱饑餓者過半○水入箕色赤有內亂大風爲災○火中犯凌箕大水江河溢兵起有大赦歲多惡風

客星流星彗孛干犯占

客星入箕宮人主憂民饑大臣有棄捐者一曰客星出箕南早出箕北水

雷範輯要

卷之二十九

土

客星入箕天下大饑人相食民多徙棄國多土工一曰北夷大饑來降荆州占曰多暴風雨宮中不步

客星守箕工役大興秋冬水災石氏曰天下饑色赤爲兵

客星合箕秋多水來犯同黃帝占曰客星守箕北小熟守東大熟守南小饑守西大饑

流星出箕宮人有出者一曰大臣有棄捐者

流星入箕多雨一曰有獻女者若色青則外國入

貢

流星犯箕春夏秋犯金玉貴秋冬犯土工興天子大作宮城天下大勞

流星交對抵箕宮中不安多疾病口舌

流星大如斗沒箕中其下有流血

彗孛出箕大水出人大饑米貴五倍一曰夷狄入

中國兵大起海溢河波且有旱米貴十倍海中占

曰天下多死喪詩含神霧曰彗孛出箕君子之東

夷下燬與水居將爲亂

雷範輯要

卷之二十九

土

彗孛入箕若犯之大水海溢後宮爲亂

雲氣干犯占

黃白雲氣入箕蠻夷有使來○黃雲氣入箕有

美女者變而色黑道死不至色蒼道上爲風所覆

○黃雲氣出箕天子出使者一曰宮中美人有出

者○赤雲氣出箕有出入之兵○晉惠帝太安二

年八月熒惑入箕占曰人主失位兵起明年趙王

倫篡位改元

箕宿去極度數考

按箕宿本位居寅之次燕幽州之分凡十二度十一月旦在卯十二月旦在辰正月旦在巳二月旦在午三月旦在未四月旦在申五月旦在酉四月昏在卯五月昏在辰六月昏在巳七月昏在午八月昏在未九月昏在申十月昏在酉

箕四星十二度距西北去極一百二十一度○半入箕初度亦曰天津又曰天雞爲後宮府嬪御之象一曰南箕詩云維南有箕註云以其常見於南方故曰南箕又主八風八風八方之風也祥異賦

管窺輯要

卷之二十九

十一

云立春風從艮來曰條風條者達也達生也東北艮卦用事此方風來達生事物亦曰融風謂斯時陽氣在上未能條萬物者也春分從震來曰明庶風明者萌也萌生也庶者衆也言東方震卦用事此方風來衆物生也亦曰穀風立夏風從巽來曰清風清淨也明潔也言清淨芒挫特麥之秀也備穀生絳芒收挫使成實也亦曰東方風巽卦用事此方風來吹舒萬物也夏至風從離來曰景風景者強也強以成之言南方離卦用事此方風來萬

物強成也亦曰景大也言陽氣長養也又曰颯風

言陰氣道竟也竟畢竟也立秋風從坤來曰涼風涼薄也寒也言西南坤卦用事一陰方生此方風來沉奪萬物之氣而收藏萬物也秋分風從兌來曰閭闔風閭闔倡也闔藏也言陰氣倡道萬物收藏也西方兌卦用事萬物肅殺藏歛也立冬風從乾來曰不周風不周不交也言西北乾卦用事北方風來陰陽不合化道不行故曰不交亦曰至殺生也冬至風從坎來曰廣莫風廣廣大莫莫無之義

管窺輯要

卷之二十九

十二

謂曠遠也言北風坎卦用事一陽始生陰漸無而陽廣大也漱清考古人據風音六情占休咎最驗第今人不得此訣也惜哉後帶風賦一首云惟茲風之興寂獨玄妙而無形託萬物以成象隨八卦而立名大則宇宙普洽小則纖毫必經是所以炎清順夏勁厲隨冬入金滕而彰聖道通蘭臺而表雌雄飄玉蕊於濃草零圭葉於衰桐候吳範於帷內御列子於空中爾乃下振方輿上飛圓蓋懷壯士之適泰悅高皇之過沛乍霍靡於衆卉時颯颯

常規輯要

卷之二十九

五

於棗籓若乃乘陵高迥出入幽微搖寶釵於雲鬢
動環珮於羅衣飄遊絲以陰映舞輕雪以零飛銅
鳥迎而廻翼胡馬聽而思歸乍來復往有聲無象
驚塵則白日晝昏卷霧則珠星夜朗肅瑟長松之
下噓嘆高樓之上送夕鼓而傳音掃晨鍾而成響
出幽谷而搖拂擊華堂而清激浸淫遷延散漫聯
綿送清聲於琴上落細粉於窗前乍卷通天之霧
時飄覆水之烟勃起則大木折拔暫息則洪波肅
然或動或靜時來歛失聆之今有聞察之今無質
形乃虛無體兼散逸○又主口舌又主客蠻夷將
動先表箕焉天官書曰箕爲教客主口舌宋均曰
教調弄也箕以簸揚調弄爲象箕又受物有去有
來客之象也詩云惟南有箕載翁其舌又詩云箕
爲天口主出氣是箕有舌象讒言又詩云嗟兮後
兮成是南箕謂教客行謂調也箕常居東方故
蠻夷將動先表箕焉激清考史記云箕居于封於
古之高麗今之朝鮮朝鮮有變箕亦變
占曰箕上六尺爲天之中道凡日月起量於箕風

常規輯要

卷之二十九

六

生焉箕又主口舌主胡夷故夷將動而觀箕大明
則五穀熟君無讒間不見則歲荒穀貴外夷動搖
外夷使來又有大風移入河中則國有人相食金
火守犯后妃凶宜兵起水犯有口舌陰謀事亦主
水滂前二星爲天舌芒動大風彗字守穀貴十倍
人相食
杵三星距中大星去極一百三十一度入箕二度
在箕南王春白以給庖厨之用激清考杵卽易繫
詞曰厥木爲杵掘地爲臼皆熟禾穀以給厨
占曰杵星明大則歲熟移徙則農人失業不見則
國有大饑
糠一星去極一百二十七度○半入尾十七度在
箕口前主播揚糠粃以給黍養說文云養馬牛曰
芻犬豕曰豢又曰牛羊草食曰芻犬豕穀食曰豢
激清考孟子云七十非肉不飽又云孔子嘗爲乘
田牛羊茁壯皆豢之謂也養在其中
占曰糠星明則歲豐不見則穀貴六畜多死

箕宿離座

糠星

糠一星在箕日前至簸揚給犬豕糠粃星明則天下豐熟暗則荒歉不見則人相食○客星守犯糠星主風雨

杵星

杵三星在箕南木官也主春白之用其星小而明則五穀成天下安不明則歲惡明而動則天下有兵杵白用事軍糧急民失釜甑去其鄉杵縱則天下民食足橫則人饑移徙則人失業不具則民棄釜甑○五星犯守杵星天下有急發粟火守杵星國有賦米之令○客星出杵星而守之天下兵起有說米粟之事○流星出杵星五穀貴杵不用○雪亭出杵星歲大饑兵起

東方七宿雜座

平道主除道路塗轍天田乃躬畊之田野周鼎神器也爲運祚而主流亡攝提斗罡也伺機祥而建時節天門爲朝聘待客之所居平星主執法平刑之典獄庫樓爲天庫以藏兵陽門主險隘而遠戍

南門天子之外門守兵禁備戎之處亢池乃舟

津渡大角爲紀綱棟梁帝度宴樂獻酬便河子鮮與喪招搖矛盾番戎玄戈夷狄胡兵折威人斷軍獄頭頭考察囚情天乳飴醴之事陣車兵革之車騎官主宿衛而衛王者騎陣爲統攝而帥萬夫車騎主布陣行列天輻主鑒駕乘輿賤人之牢星名貫索鍵閉主管鑰以掌開閉七公主刑罰以別善惡西咸以防淫泆日爲太陽之表積卒爲衛士而掃除不祥從官主醫巫而疾病禱祝罰星金作贖刑東咸亦如西考天紀理獄訟天江主太陰女狀御女侍從傳說巫祝神靈魚主雲雨風氣龜贊神明吉凶天籥主開閉關鑰農丈人稼穡老農糠星以給參養杵星以給庖春

管窺輯要

卷之二十九

七

管窺輯要

卷之二十九

七

管窺輯要卷之三十

六安黃鼎玉耳父纂定

男九命簡臣

侄九錫公位

九壽倫叙

九如眉介

侄孫珮琢成

珂先鳴

桐城方兆及子論全閱

管窺輯要

卷之二十一



北方七宿總論

北方七宿共二十五星其屬除天鉞止七十座共三百七十二星其精玄武宋真宗時諱玄故改爲真武斗有龜蛇蟠結之象王奕曰龜不獨介蠱之長冬令含氣伏蟄有縮藏之象焉俗傳云斗爲天廟牛爲天機女爲天女虛爲天卿危爲天錢室爲天廩壁爲天市

斗宿論

南斗六星天廟也丞相太宰之位褒善舉賢秉受

管窺輯要

卷之三十一

二二

爵祿又主兵一曰天機南二星魁天梁也中央二
星天相北二星天府也南斗乃受天之期將有天
子之事必請受命焉星盛明王道和平爵祿以行
又主赦月星客彗守犯王者惡之太白熒惑客彗
守犯中央二星則上相次相災又兵喪惟土宿守
之日久吉驚爲水蟲太陰之長感神而生客星守
之水災農丈人一星在斗西南主稼穡事狗二星
在南斗魁前主吠守狗國四星主解卑鳥桓熒惑
客星守之夷爲變北二星曰天雞主候時天籥八

星在南斗柄西主開閉建星六星在南斗北天旗也天之都關也爲謀事爲天鼓爲天馬南二星天庫也中央二星天市鐵鎖也上二星旗附也斗建之間三光道也若衆星動搖則衆勞月暈之蛟龍見牛馬瘦月五星客彗守之大臣相譖亦爲開梁不通有大兵天弁九星在建星北市官之長以知市珍也星欲明吉彗守之經貴囚徒起兵天淵十星主灌漑客彗守犯則江河決

斗宿說

管窺輯要

卷之三十

三

斗六星去極一百十九度宋志謂距西第三星去極一百十九度赤道二十五度二十分黃道二十三度四十七分黃道自斗三度七十六分八十五秒入丑赤道自斗四度九分二十六秒入丑斗柄一尺七曜中道南二星爲魁天梁也中央二星天相也北二星爲杓天府也五星貫中日月正道爲丞相太宰之佐斗者宗廟酌酒器也爵人必於廟故主薦賢良而受爵祿斗爲量器所以斟酌之也掌於司尊彝故曰酌量政事之官褒賞進賢爵受

爵祿又爲天廟乃太室鎮星廟也天子之星也將有天子之事占於南斗夏秋之間見於南方而詩云維北有斗者以其在箕之北也亦曰天機其星盛明君臣一心天下和平爵祿行芒角動搖天子愁大兵起移徙則臣逐七曜逆入斗天下流蕩守犯之兵起星小而暗則宰相廢及死火入斗赤如血者旱火在斗中赤怒如五斗器非常也火逆行入斗其地有死君火守之其國絕嗣災感入斗黃道經曰必以期年有大亂海西占云多盜火早月

管窺輯要

卷之三十

四

犯斗女主憂太白金星見在斗去地一丈而墜占曰兵聚其下山摧石裂大水竭月掩斗占大臣太子辱風雨不時土星守之地動客星在斗有兵有赦金入斗口黃帝經曰國易政金犯斗大喪有赦金盡見於斗吳越有兵喪南斗亦以四星爲魁故月入南斗魁占曰吳饑疫水星入斗魁中大赦金犯第一星天下有兵又曰大臣憂金犯南斗西第二星小人在位兵革欲興客星在斗第二星主饑主水災惑犯第三星兵火起中國饑一曰赦火入第

管窺輯要

卷之三十

五

三第四星兵饑月犯第四星因入斗有兵又主赦金入斗第四星將軍爲亂丞相死又云有赦天下受爵祿若月掩第四星不出三年大臣誅死月犯第五星將軍死大臣去月掩第五星國憂兵火若熒惑犯第五星兵起元史斗四度三十六分六十六秒入吳越王奕曰南斗六星合距杓星爲度而今曆家距魁第四星爲度杓二星則入於箕矣蓋杓二星不當日之度而魁第四星當度故距於魁而得二十六度今按赤道止二十五度又南斗主

壽昭公八年歲星當在析木而在星紀盈一次矣故傳曰越得歲凡歲所在其國有福吳先用兵故反受其殃闔閭死焉建太星在斗背亦曰天旗臨於黃道天之都關正月之吉和布法象於其上者也舊去黃道半度唐志測去黃道四度半斗建之間七曜之道南二星天庫也中央二星市也鐵鎖也上二星旗跼也爲天鼓爲天馬建主謀事動搖則人勞月暈則蛟龍見牛馬疫月食五星犯守九臣相譖臣謀主亦爲

管窺輯要

卷之三十

六

關梁不通有大水月令仲春旦中孟秋昏中天弁九星在建北入河中天子之弁冠掌於弁師又市官之長也主列肆闌闔若市藉之事以知市珍也星明則吉彗孛犯守羅貴兵起

天籥八星在斗杓西南主鎖鑰闌闔門戶凡國家秘書藏之金櫃石室若大盟約開籥見書之類皆天府之所職也此皆春官宗伯之事故列象於丑寅之間明則無盜暗凶

農丈人一星在斗西南老農主稼穡者常以立夏

夜半占之明則稔暗則饑不見則人相食客星守則農艱食彗見大饑故曰遠望南方星老農獨爲尊圓光似明鏡主國大豐盈

驚十四星在斗南爲水蟲歸太陰占居漢中有水災有星守之主潦白衣舍火守之則旱

天雞二星在狗國北主候時以催耕也金火守入兵大起

狗二星在斗魁東南主吠以守禦好同也不居常處爲大災雞狗農家畜畜所謂制其田里教之樹

畜者也

天淵十星在鶩東南主海中魚鱉一曰天海一曰天池主漑灌火犯守天旱水守之大水地動魚鱉出天淵是九坎之泉或又有天泉十星在天淵之西候矣

狗國四星在建東南主鮮卑烏桓獫狁之屬四夷雖入類而其性之異於禽獸者幾希以其得天地之偏氣也火守則外夷爲亂大且明則邊寇入暗則安金逆行守之其國亂客星犯守有大盜其王

管窺輯要

卷之三十一

七

且來朝

斗宿主天廟宰相又主薦賢良而受爵祿度二十五度二十分柄一尺爲黃道初斗四度外末女初度內於辰爲丑於分爲吳越於野爲揚州賦斗中星紀吳越隸揚負淮水南及瓊厓之雷萬濱彭蠡東逾兩浙蘇杭於八月在牛昏中西二月在建旦中西十二月爲太陽躔次

斗宿歌

六星其狀似北斗魁上天建六相守天升河中建

上九斗下圓安十四星雖然名鶩貫索形天雞建背雙黑星天籥柄前八黃精狗國四方雞下生天淵十星鶩東邊更有兩狗斗魁前農家丈人斗下眠天淵色黃狗色玄

斗宿考

建六星在南斗北爲謀事爲天鼓爲天馬南二星爲天庫中二星爲天市上二星爲旗鼓斗建之間三光之道陰陽始路之門○天弁九星在建星北市官之長也主市利商賈之事○天雞二星在狗

管窺輯要

卷之三十一

八

國北主候時令以催耕○狗國四星在斗魁東主三韓鮮卑烏桓獫狁之屬○狗二星在斗魁前主守御○丈人一星在南斗西南主稼穡○天籥八星在南斗狗西主開閉門戶○天淵十星在鶩東主漑○鶩十四星在斗南主水族

北方七宿之星按玄武屬水居北斗本北方爲坎北方龜形乃其本象又分爲龜蛇兩物于寶以坎爲狐虞翻以艮爲狐天文以心爲狐互發也運斗樞曰玉衡散而爲星玉衡斗星亦坎也牽牛在丑

北星河鼓亦名牽牛言陽氣行而萬物出也女須四星賤織女三星貴妾與天女異分也天牛六星貴人之牛也貫索賤人之牛也北七宿中多言宗廟禱祠者以北方幽陰鬼神之窟宅也言宮室女工以應冬候陰極陽生是以列宿皆起於牽牛之初○又云河鼓將軍象也非牽牛孫曰河鼓在牽牛之北

斗六星天廟亦為壽之期為丞相大宰之位酌量政事之宜主褒賞進賢稟授爵祿又生兵南二星

管窺輯要

卷之二十

九

天璽中二星天相北二星天府庭明正王道和平爵祿行芒角動孛犯兵起傳曰辰在斗柄日月會南斗

建星六星在南斗背南二星天庫也中央一星天市也上二星旗附也天之都關也主三光七曜所行之事其星欲均明

天弁九星位在建星之北入河中市官之長也主列肆商賈賦稅之事明大則市中物盛

天雞二星在建之東主候時金火守兵起

狗二星在南斗前防奸回主卿臣也不宜移徙天籥八星在斗杓第二星之西主關鑰開閉明吉狗國四星在狗之東南主鮮卑易桓之夷星不宜明金火守兵起

農丈人一星位在斗南主農官督耕之事

天鰲十四星在農丈人南主大陰司水蟲不在漢中即凶

天淵十星在鰲東一曰天池主灌溉溝渠之事

斗宿南斗六星二十六度距斗魁第四星去極一

管窺輯要

卷之二十

十

百一十七度半在黃道外度半木星也春夏為水秋冬為土北方玄武之宿一名天府一名天關一名天帝壽之期中二星天相也為天廟為時象上褒賢進士主兵動則兵起明則王道平將相同心不明則大臣失位芒角動搖國失忠臣天下愁兵起將有事占於斗

木守之經六十日有大臣增壽爵祿○木逆行入斗魁中大臣為逆君火守有兵水災大饑人相食凶惡火守之國有變宰相不安兵大起○火逆行

順守環繞成勾已者國有大災將相出走主崩久守國少嗣○火入斗兵起吳越魚鹽大貴○土入斗中有王者用共聚而昇天位守之九十日有兵起水災○金守之執政大臣爲逆國亂兵起有赦

金與火俱入斗名曰燥必有臣子爲逆若經過速出者禍難速在九十日○水守之有水災土亦然客守之有兵絕道有大賊盜多亂有喪弟殺兄子殺父臣謀君或主崩米貴久守國絕嗣○客守斗

管窺輯要

卷之三十

土

第二星大水人相食○日月入斗大臣失位或殺戮○日月食斗中日帝惡之月后惡之○月暈食斗人流千里兵從東勝南負

斗宿總序

南斗六星曰天廟一曰天立一曰天關一曰天機一曰天府一曰天庫一曰天同玄龜之道丞相太宰之位木星也立天子壽命之期主酌量政事稟授爵祿日月五星貫之爲中道其南首二星曰魁爲天庫又爲天梁主兵中二星爲天相主傳祿北

尾二星曰杓爲天府主壽命將有天子之事占之於斗其魁第一星主已火第二星主會稽第三星主豫章第四星主廣江江杓尾第六星主九江斗北大星亦曰天關天子之政旗也土官也六星欲其均明明盛則君臣同心天下安寧爵祿不僭風雨順時人主壽康五穀蕃昌暗小則君臣失位天下不安芒角動搖則忠臣失勢天下愁怨大小不齊則上下乖違移徙則賢臣逐天下病變色失常則陰陽不調宰相調之

管窺輯要

卷之三十

土

日月變異占

日在斗蝕人主惡之春秋感精符曰將相有憂國饑凶兵起甘氏曰其國反叛武氏曰吳地有兵日暈守斗宗廟不安宗臣囚死又曰宰相易有誅戮人流亡

月在斗蝕女主惡之一曰國饑有小兵天文錄曰妃嬪有黜者一曰相將有憂兵起國亂

日暈於斗人流千里祢萌曰大將死牛馬大病陳卓曰大臣災大將爲亂五穀不成

日暈箕斗兵起東北方來者勝從西南方來者不勝一曰五穀不成易大將

月在箕而暈箕斗兵在外戰月在斗兵罷

月在斗有變國易相爵祿失大臣憂刑戮人非理食祿更易天子法令者一曰近臣死

月五星干犯占

月入南斗大臣失位有誅死者郗萌曰天子有殃一曰宮人中有自賊者荊州占曰吳越有災期不出三年陳卓曰兵起大赦

管窺輯要

卷之三十一

主

月入斗魁中大人憂天子辱宮中有賊月以子丑中入南斗京房占曰後百八十日有赦無餘囚黃帝占日月以四月三月入斗中天下大赦近期六十日中期六月遠期一年月一年三入斗魁中有兵起有德令

月犯南斗大臣誅大將反兩邊臣去女主凶一曰相死陳卓曰風雨不時兵起○月乘南斗色惡相死○月犯斗有風雨

歲星犯南斗吳越有福其歲大豐守之六十日臣

有增爵者石氏曰歲星守斗久則貴穀君臣乖失道者死

水犯南斗石氏曰有赦郗萌曰兵起大臣死春秋圖曰大臣有逆謀歲饑人拒食○水凌乘南斗大臣有謀反伏誅者

水入南斗郗萌曰天下受爵祿近期六十日遠百二十日海中占曰人多死者荊州占曰有大水陳卓曰歲旱卿相有憂太后惡之一曰絲麻賤水經南斗吳國大稔經魁中失道之君亡大臣死

管窺輯要

卷之三十一

古

水逆行入南斗陳卓曰有亡國死王春秋籍符曰大臣君國相爲逆天下難君臣幸水逆行於斗宿人君嘗非其人逆入斗魁中大臣謀作亂兵起水災穀貴○水順行守斗已去之後還居之行色不失天下同心爵祿不僭時和歲豐其國大昌○水出留舍南斗六十日天下大饑若有兵來伐其國則客軍大敗

歲星居南斗海中占曰五穀以旱傷居其北不利小兒一曰牛多死其肉殺人居其西歲多饑傷民

多死北官侯曰虎狼入國居其南人多病寒熱一
曰多亡狗居其東馬多死肉殺人一曰歲星居南
斗北其歲旱水晚旱郝萌曰歲星居南斗旗國不
用衆而有天下旗者杓尾第六星也

熒惑守南斗國有憂相不安兵起黃帝占曰有亡
國失地兵大動又曰國出婦女轉漕君有諸侯客
來見天子者糴貴一曰太子疾吳越有憂五行傳
曰爲亂賊爲喪爲兵守之大國絕嗣海中占曰早
多火災郝萌曰大人憂有赦一曰有內變一曰五

管窺輯要

卷之三

主

穀不成地動嬰兒多死關梁不通有廢臣天下亂
乙巳占曰火守斗二十日有大赦又曰宰相出兵
起已去而復還守之宰相死

火以干月守南斗三十日民介胄不出一百國有
兵亡○火犯南斗有破軍殺將一曰有赦海中占
曰有反臣道路不通丞相有事天下饑

火入南斗將相有謀反者石氏曰大國之臣內外
謀大亂一曰其地有死君又曰越人相食甘氏曰
兵大起大臣誅郝萌曰國饑又曰玄天子立天下

受爵祿一曰天下先撈後旱

火入斗而守之三月吳王死二月后死一月相死
不死則出走○火晨出東方而入斗因守之其國
絕嗣○火留南斗無功者賞○火過南斗出斗上
行疾天子憂出斗不行疾臣憂○火逆行南斗土
功興若芒角怒動天下大震○火逆行入斗口中
天子惡之○火逆行經南光去及之其國君薨○
火出入留舍斗魁中五日不去天下起兵國易政
○火合南斗西大梁不實舍斗東天下大戰若還

管窺輯要

卷之三

主

繞勾已之大尉幸相死已去而復入大人忌之
鎮星入斗中有王者出不用兵而升天位郝萌曰
天下受爵祿春秋聖浴曰鎮星入斗口而守之人
背其主天下雍滿在陽爲天子在陰爲諸侯荊州
占曰將軍戮司馬處天文志曰貴臣將相死或曰
外國有使來見○土失行入斗中國失地又曰有
喪兵起國中又曰天子不可出遊不可見諸侯
土守南斗王者賞諸侯上官有受賜者石氏曰國
多義士郝萌曰地裂山崩天子失制有大赦荊州

曰大逆奸人謀君在陽田宅貴在陰田宅賤一曰大臣有黜者一曰有暴水火之災○土星犯斗石氏曰大赦乙巳占曰先水後旱若守之一旬名水有溢者否則水暴出

木出南斗兵起四方○水逆行南斗地動祁萌曰王者賞賜失節一曰女主淫佚賜子不下一曰臣謀君○土居南斗河成間祁萌曰道路不通○土出入留舍斗三十日不下有大喪五十日不下彗星出九十日不下天下有動兵○鎮星行南斗不

管窺輯要

卷之三十一

由中道大王嫡子失位

太白守南斗執政大臣作亂兵起有赦黃帝占曰大人當之國易政一曰所守之國凶一曰將戮一曰夷狄內侵有兵戰

太白犯斗小人在位有赦一曰有喪天下受爵祿

○太白犯斗而守之石氏曰有兵戰破軍殺將一

曰國有兵事大臣有反者誅死

太白入斗國更政石氏曰將軍作亂大臣御守主

大赦有兵在外罷甘氏曰將軍誅國易政期三年

海中占曰將相有破殺者祁萌曰不出三十日有天兵相死陳卓曰君死否則疾疫

太白入犯南斗已去之復還守之有兵戰將死一曰大臣死名士憂○火同入南斗臣子爲逆久留則禍逆而事入去速而易平

辰星守南斗水災祁萌曰有兵易政陳卓曰萬物不成五穀傷敗洪範傳其國不可舉事用兵必受其殃荆州占曰鐵鉞用黃帝占曰辰星守斗赤而角天下敗白而大諸侯俱裂動相敗爲和黑而小

管窺輯要

卷之三十一

太

所守之國亡石氏曰辰星守斗在北民凍死在西虎狼入在南多死在東女子多死甘氏曰辰星守斗角動而青黑色天下水橋梁不通大人死

辰星失行守斗將相誅○辰星犯斗有赦一曰有戮將死相天文錄曰有水災辰星入斗南至咸曰大臣誅祁萌曰天下受爵祿辰星入犯斗而晉守之有兵大戰破軍殺將辰星入斗南天下大水傷穀人饑

客星流星彗孛干犯占

客星守南斗有兵絕道大水盜賊起國有喪君臣父子相殺久守之國絕嗣黃帝占曰君臣不相親兵起五穀先賤後貴郗萌曰諸侯有謀工役與軍士走一曰大旱人疫宗廟憂災天下易政土官憂春秋耀鈞曰客星守斗五十七日臣謀主兵大起天子死國易政期三年色青白大水色赤大將戰死客星出斗石氏曰天子使人於諸侯色青憂事色赤兵事黃土功事白義事黑凶事又兵大起大水天下饑人相食關梁不通期一年郗萌曰赤星出

管窺輯要

卷之三十一

九

南斗魁前宮中兵起出斗中將戮死○客星舍南星爲水爲饑道路不通

客星犯南星其國亂兵大起期一年陳卓曰王省病臣謀君子謀父弟謀兄諸侯不通天下易政遠不出三年

客星入南斗石氏曰諸侯來見天子者以五色言其事巫咸曰下伐上夏氏曰諸侯相攻郗萌曰多盜賊陳卓曰穀不登人相殺黃帝占曰客星入斗中三月不去城郭門閉道路不通貴人受其殃外

兵殺傷外國來而不降一曰獄官受誅有赦赤星入斗中宮人生子非其子也

流星入南斗穀貴民勞有易王一曰外國有使來色赤言兵黃言功白言易青言憂黑言死喪事○流星出斗天子使出以色占其事以星所抵之宿占其所之國○流星犯南斗宰相災一曰春犯天子災夏犯有水災宰相出冬犯斗魁大臣遷主命○流星從南斗起入北斗有赦

客星出南斗天下有勢者皆有謀甘氏曰大臣反

管窺輯要

卷之三十一

十

兵水並起有戰流血天文錄曰主憂一曰宮中失火陳卓曰天子病諸侯睽不通○彗星入斗大臣反宮室焚○彗孛滅斗人主亡斗星明有者誅彗孛犯斗主爵祿臣憂王者疾病臣謀君子謀父弟謀兄上下無禮諸侯不通易政大亂兵起則八十日遠不出一年一曰吳越兵起有自立者三年而滅一曰吳越有大水

雲氣干犯占

蒼白雲氣入斗多大風 赤雲氣入斗兵起如波

揚大旱多水災 黃白雲入斗諸侯來見天子
不測有使者來貢 異雲氣入斗宗廟中有憂
赤雲氣入南斗外兵出入斗內兵出 黃白色出
斗天子使人於諸侯 青氣入北斗遂勾南斗不
出一年其下有流血將死營中客勝主人
漢元帝元鼎中熒惑守斗占曰為亂賊喪兵守之
久其國絕祀南斗越分也其後越相呂嘉其土及
太后漢兵誅之滅其國

和帝永元五年九月金在南斗魁中占曰大將死

管窺輯要

卷之三十一

三

十二月車騎將軍鴻坐追失制下獄死

順帝永和二十八月庚子熒惑犯南斗占曰斗為

星絕祀熒惑犯之不期年國有憂有亂又曰冬火

災明年五月吳興太守行承牟珍等及江賊蔡伯

流攻廣陵繞城郭殺郡尉

永和四年熒惑入南斗犯第三星斗貴相為揚州

火犯之為兵喪其六年大將軍梁商處九江丹陽

賊周生等有工役郡縣

靈帝景平元年十月熒惑入南斗其十一月會稽

許昭等聚眾自稱大將軍攻破郡縣
晉惠帝永興元年九月水金入南斗是後陳敏復
亂揚州

康帝建元三年閏月乙酉太白犯斗占曰為喪天
下受爵祿九月帝崩太子立太叔賜爵

斗宿去極度數考

按斗宿本位居艮丑之次吳越揚州之分凡二十
五度夏秋見於南方故謂之南斗激清者斗宿居
北出見於南但北屬陰南屬陽北居子南居午而

管窺輯要

卷之三十一

三

陽生於陰午生於子猶針雖指午南其實悉子北
故斗宿雖見於南其實屬北是陰中有陽陽中有
陰天地之道不外乎陰陽而已孤陰不生孤陽不
成星宿亦然○十一月旦在卯十二月旦在辰正
月旦在巳二月旦在午三月旦在未四月旦在申
五月旦在酉四月昏在卯五月昏在辰六月昏在
巳七月昏在午八月昏在未九月昏在申十月昏
在酉

斗六星二十五度距西第二度去極一百一十九

度入斗初度爲龜之首北方北宿有龜蛇之象而斗居其首亦爲天廟亦爲天機機者樞機也五星貫中日月正道爲丞相太宰之位漢有三公丞相居一商有六大夫太宰居一酌量政事之宜褒進賢良稟授爵祿故斗爲量器所以斟酌而授賞也又主兵南斗有天樞天機故主兵○南二星魁也爲天梁中央二星天相也北二星杓也天府也亦爲壽命之期南斗有司祿司命故主壽初曰北亭又曰天關又曰鉄鉞中庸云不怒而民威於鉄鉞

管窺輯要

卷之三十一

三

主吳蘇州屬地主君壽次主會稽紹興屬地次主廬江廬州屬地次主豫章江西南昌屬地次主丹陽鎮江屬地次主九江九江之名不同今江西鄱陽爲九江又曰烏江蟒江烏白江嘉靡江歙江源江廬江提江茵江爲九江又曰浙江揭江松江吳江楚江湘江荆江漢江南江爲九江蔡九峰以爲九江者洞庭之別名也蓋太水入洞庭名九江一沅水出蜀郡由牂柯東北入武陵北至長沙入洞庭二水漸出武陵索縣東入沅水三沅水出武陵

無陽縣南入沅水四辰水出武陵充縣西原山南入沅水今沅陵縣也五淑水出武陵充縣南入辰水今淑浦縣是也六源水出武陵充縣西入沅水卽今桃源縣也七醴水出武陵充縣歷山入洞庭八資水出陵陽海山合沅水至長沙入洞庭今以九湘水出陵陽海山合沅水至長沙入洞庭今以南斗考之洞庭爲九江近是○將有天子之事占於南斗淳風曰南斗主德在焉

占曰南斗六星欲其均明明盛則君臣同心天下

管窺輯要

卷之三十一

雷

安寧爵祿不僭風雨時若人主壽康五穀蕃昌暗昏則君臣乖戾天下不安芒角動搖則忠臣失勢天下愁慘大小不齊則上下乖離移徙則賢才遂變色失常則陰陽不和宰相憂日食犯則君憂月犯則大臣后妃憂火守火災水守水災金火犯大臣憂兵起水留則天子福天下安土守則賞罰不平女主淫佚彗孛守犯則將相誅戮黑白氣入則大風黃氣入則將相有恩賜之慶

建星六星距西去極一百二十三度入斗四度在

斗背亦曰天旗爲天馬南二星天庫也中二星天市也鉄鑽也上二星旗階也鉄鑽斧也旗階旗足也木之受鉄者是也建斗之間七曜之道也古者七曜冬至起於此因伺之候之

占曰建星動搖則民勞兵起月暈其間蛟龍見牛馬死彗孛守犯則大臣謀叛水犯大水

天六九星距西大星去極九十九度半入斗初度在建星河北中市官之長也主列肆闐闐及市籍之事可以知市稱也肆鋪面也闐市垣也闐市外

管窺輯要

卷之三十一

星

門也籍簿也

占曰天弁明則天下通商金火守則司市之官有憂彗孛守犯則商賈因稅叛

鬻十四星距東北極一百三十三度入斗十三度在斗南爲水重屬太陰主水族龜鼃黿蚌介殼之類

占曰鬻星乃明物司水水守主水

天雞二黑星距西去極一百一十度入斗十六度在狗國北主司氣候察時節也候者伺也鎮二十

四氣候七十二候時乃四時節乃八節淮南子云

桃都山有大樹曰桃都枝相去三千里上有天雞日初出照此樹天雞卽鳴天下雞皆鳴此亦談識者詳之又曰天雞在天號天都星在人家之中

有五德一曰頭冠爲文二曰足距爲武三曰雄則闐爲勇四曰鳴不失時爲信五曰有食相呼爲義雞者靈禽也太陽入地轉到地下子位而鳴又

云東海中有扶桑山地方萬里中國去九萬里中有木如桑長者數千里大者數百里圍樹兩相扶

管窺輯要

卷之三十一

星

倚同根而生故曰扶桑上有金鳳雞鳴則天下羣雞皆鳴兩說未知孰是存之澈清考雞者酉也日交地下之西方上對地上時之丑則雞鳴焉此說近是

占曰天雞候時五星犯則寒暑不時爲災彗孛守風雨失時天下疫病國不安

天籥八黃星距西去極一百一十四度入箕初度在斗柄西主鎖鑰之關閉也鑰乃鎖鑰之鑰籥乃管籥之籥考之禮記及步天歌皆爲籥意古鑰籥

通用

占曰天籥明吉暗凶不見則門禁不謹出入無禁忌謹字守犯則門防暴刺客金火守掌籥之虞有憂災

狗國四黑星距西去極一百二十度入斗十七度在建星東北主三韓○東夷有三韓國言三種也一馬韓二辰韓三弁韓馬韓在西其地有五十四國與樂浪南倭接辰韓在東十有二國其地與濊貊接弁韓在辰韓之間其南亦與倭接凡七十八

管窺輯要

卷之三十一

七

國百濟是其一也○鮮卑史記云初炎帝之裔曰葛鳥兔世雄朔漠號東胡後匈奴冒炎帝之裔曰國之餘衆保鮮卑山因爲號○烏桓頓單于襲故漢初匈奴冒頓滅之餘類保烏桓山亦爲東胡也獫狁之屬史記云唐虞以上有山戎因爲號也○日淳維商曰鬼方周曰獫狁秦漢曰一日獫狁夏突厥其實一也獫狁作獫詩云赫赫而匈奴隋唐曰又詩云薄伐獫狁以奏膚公此之謂仲獫狁於義占曰五星守外夷有變火犯守東夷也

夷國亂彗孛犯守有大盜其王且來其星不宜明大大明則冠中原

天淵十黃星距東北去極一百二十九度入斗十七度在蠶星東南一曰天泉一曰天海一曰太陰主灌漑溝渠之事灌漑者注也廣四尺溝渠者通渠水所居也深亦四尺

占曰天淵明吉暗凶不見則天下溝渠不通動搖則天下江河漲溢主滂金火守則都水之官有憂狗二黑星距東去極一百一十八度入斗一十三

管窺輯要

卷之三十一

天

度在斗魁前主吠守防奸回也格物論云狗畜以吠守也回者邪也書曰崇信奸回

占曰狗星如常則天下無奸淫邪盜失常則奸邪並起盜賊叢生

農丈人一黑星

在斗西南爲老農一曰農正之官也主稼穡之事論語云樊遲請學稼子曰吾不如老農農正教民耕稼之官也說苑云木之秀實爲稼又曰種之曰收歛之曰穡又曰穀可收曰穡詩云不稼不穡又

詩云好是稼穡力民代食稼穡爲實代食爲好書云勤勞稼穡皆此之謂也漱清考農丈人謂之曰丈人決非農正官乃荷篠丈人長沮桀溺荷耒之流也若是農正官決不名爲丈人其星又不欲太明明則天下高隱衆矣世道又可知焉

占曰農丈人如常吉木土守則天下歲穰火犯主旱水犯主澇彗孛守則農人因兵失業田地荒蕪

斗宿雜座

天弁

管窺輯要

卷之三十

星

天弁九星在建星北入河中市官之長也主列肆關闔市藉之事商賈賦稅其星明大則市中物盛不明則萬物衰耗天弁星微其明大不明則天下空虚五穀不成弁星羽也壬子候之羽亂危其財有以女樂見主而爲害者○月犯天弁粟貴一犯一貴○五星犯天弁囚徒兵起一曰五穀不成糴貴民大飢客星犯天弁若出之有四徒兵起五穀大貴○流星八天弁糴貴人飢若犯抵之兵起將士行○彗孛出天弁實玉大貴穀貴五倍萬物不

成國大飢若守犯之囚徒兵起

建星

建星六星在南背下臨黃道一曰天旗一曰天關土官也爲天之都官爲謀事爲天鼓又爲天馬南二星天庫也中央二星市也鉄鑕也上二星旗幟也爲天之府庭斗建之間參光之道陰陽始終之門七政所起其星均則大臣忠王者得天心不明則天子失道忠臣不明參差不齊則天下亂動搖則民勞一星不具人主惡之○月犯建星大臣相

管窺輯要

卷之三十

星

諸一曰有亂臣更天子之法令一曰大將死易相月掩建星有降兵易將月暈建星之口有德令月在建星中食后妃姪姊黨有黜者○月暈建星五穀不成大將死蛟龍見牛馬疫○五星守犯建星大臣相諸死臣謀主關梁不通天下有水水星守建星大旱民飢人相食天下物多暴貴一曰牛貴一曰地氣泄貴人多死○水星入建星諸侯有謀入關者遠不出百五十日○火星守建星大臣黜貴人死馬貴宰相憂太早一曰有叛臣三十日有

兵荊州占曰歲水民飢有自賣者諸侯有謀大臣有讖臣者火星色青守建星北天下有辱主西去天下有女主治者火星犯建星三十日色赤火星赤地千里民流滿道色赤黑天下有水女主憂臣謀主大臣不親其君上下相疑兵起天子憂一曰天下嬰兒多死火星入建星臣有逃走者津水大出關梁不通和萌曰火星入建星人主謀罷兵出建星乃戰火入建星留守之二十日已上諸侯謀反期一年火星舍建星有置王馬大貴土星守建

管窺輯要

卷之三十一

主

星居其陽田宅賤居其陰田宅貴○金星守建星外國使來出則有出使外國者一曰萬物不成久守彌惡守滿二十日有大赦入建星兵起關梁不通○水星守建星大水災穀貴○客星犯建星天子失道忠言者誅賢士逃亡尊李犯占同○客星入建星年穀熟君不親大臣上下相疑主令不行又曰水大出橋梁不通○客星守建星人主自臨府事多盜賊客星來舍建星留不去有兵馬貴○流星入建星關梁不通兵起四塞民思多盜賊天

下有謀色赤者昌李出建星占同流星入色青者昌

驚星

驚星十四星在南斗南水虫也常居漢中主水候其星微而不明則澤時天下和星不居漢中則陰陽不和天下旱且有水災有易川驚不具有白衣之會以其去日占國○五星守犯驚星有白衣之會有火水守陽則旱守陰則水○水星入驚星天下大水去之則旱○火星守驚星天下有易水之

管窺輯要

卷之三十一

主

事流星入驚星國有大水○流星出驚星色青黑水大色赤黃大旱視其所之命地若犯冲驚星水虫死魚大貴○客星守驚星有白衣之會若犯之有水災○赤星雲氣入驚星有白衣之會天下易政

天雞

天雞二星在狗國北主候時動移失常則多失水○災惑舍天雞天下旱守之三十日雞夜鳴人盡驚若犯之兵起金星犯天雞兵起土星犯天雞民

流亡○客星入天雞西北之夷且來降守之大水
山摧○流星犯天雞兵起方伯彗字出天雞雨暘
失節水旱不時

狗國

狗國四星在建星東主呼韓鮮卑烏桓獫狁之屬
其星明則邊兵起不具則天下有大益○月犯狗
國鮮卑烏桓匈奴之國亂五星守狗國外夷有變
○火星犯守狗國東方兵起太白順行守犯狗國
天子出兵伐鮮卑烏桓太白逆行則國爲亂○

管窺輯要

卷之三十一

重

客星犯守狗國天下有大兵入之夷人貢奇物○
客星守狗國外夷之君長來中國犯之天下有大
逆

狗星

狗二星在南斗魁前主守禦星失其常所戒在守
禦之臣一曰狗星移動則臣庶爲亂○熒惑舍狗
星早災羣狗嗥天下驚○太白守狗星守衛之臣
作亂○客星人狗星多土工北夷大亂守之占同
太白

天淵

天淵十星在熒星東南一曰天海一曰太陰主灌
溉又主海中魚鱉○月行天淵中臣踰主五星守
天淵海水溢大魚出江河決火星犯天淵大旱焦
枯○客星犯天淵天下地動水出海魚出水與城
平○流星犯天淵天下大水江河溢百川決○流
星出天淵色青黑所之地大水色赤黃所之地大
旱○彗字犯守天淵百川流溢人多徙死

天篇

管窺輯要

卷之三十一

重

天篇八星在斗南杓西主鎖鑰開閉其星明則吉
不明則管篇無禁○客星彗字守犯天篇天下關
門閉塞不通路

農丈人

農丈人一星在南斗西南箕星之東老農也主稼
穡其星明則天下豐稔暗則飢不見則農失業一
曰農丈人主歲豐耗在箕東則歲熟在箕西則歲
耗箕南小穰箕北大穰○彗字客星中犯農丈人
天下不耕

卷之三十一終

管窺輯要卷之三十一

大安黃鼎玉耳父纂定

男九命簡臣

臣九錫公位

九疇倫叙

九如眉介


臣孫珮琢成

珂先鳴

桐城方兆及子詒全閱

管窺輯要

卷之三十一



牛宿論

牽牛六星天之關梁也主犧牲事北二星一曰卽路一曰聚火主道路關梁星動搖變色則五穀不成星明大王道昌關梁道通月五星客彗守犯吳越之分兵飢羅堰三星在牽牛東拒馬也以壅音水潦灌溉溝渠也月五星客彗犯之主大水天田九星主天子畿內田天田南九星曰九坎主水旱事河鼓三星在天桴上天鼓也主軍鼓主鈇鉞一三武主天子三將軍中央大星爲大將軍右星

晉苑輯要

卷之三十一

—
—

右將軍左星爲左將軍左星南星也所以備關
衆而拒難設險捍敵也動搖則兵大起直則將有
功曲則將失勢左右旗各九星在河鼓左右傍星
色黃潤則將軍吉色不正有兵憂星芒則馬貴星
動則兵起星差亂則上下相凌旗端四星南列曰
天桴主漏刻其星不明漏刻失時移近河鼓則軍
敵用織女三星在天紀東端天女也主募祿絲帛
之事明潤則天下和平大星芒角布帛大貴東足
四星曰漸臺主屠漏律呂之事西足五星曰輦道

王者遊戲之地彗星守犯宜戒改遊

牛宿說

牛六星中央大星去極一百八度半舉牛之全體言之合距西二星爲度今曆家距中二星爲度而西二星則入於斗蓋牛之西星不當日之度而中二星當度故牛距魁而得六度牛之上爲中道乃七曜所從起曆數之元三正之始易傳亦云日月五星起於牽牛古曆以牛上星爲距太初曆改用中星入古曆牛太半度郭守敬測赤道七度二十

管窺輯要

卷之三十一

三

分黃道七度五十分七曜之中道也其北二星一曰積路二曰積火又曰上一星主道路次二星主橋梁次三星主南越甘氏曰上二星主道路次二星主關梁次二星主南夷中一星主牛馬犧牲移動則天下牛多殃明人則王道昌關梁通暗則反是又曰明則牛貴細則牛賤殆非也中星移於上下牛多死若移入漢中多亂動搖色變則有災小星亡則牛多疫芒角亦然月暈損損金火犯兵金犯將軍凶土木犯吉一作水犯南星國有憂左

將軍死月犯熒惑將軍死月犯牛口國有憂客星出於牛臣謀反彗出有改元之象

天田九星在牛南井田之象主天子畿內之田占與角之天田同火守則旱水守則潦

九坎九星在天田東南主溝渠所以導達泉源流瀉盈溢明盛明有水災夷狄侵邊暗則吉五星犯之溝梁不通

左右旗各九星在河鼓兩傍天子之太常皆巡行之所有事者也兩旗相爲旌表星明則將軍吉搖

管窺輯要

卷之三十一

四

則兵起怒則馬貴不居其所則津梁不通差戾則相侵凌奪

天桿四黃星左右旗之端南北相列所以擊鼓亦主漏刻之事舊在黃道北唐志測當黃道暗則漏刻失時動搖則鼙鼓用近河鼓則凶與鼓相直尤凶

河鼓三星在牛北天之路鼓也主軍鼓及鉞鉞一曰三武主天子三將軍中央大星爲大將軍南一星爲左將軍北一星爲右將軍所以備關梁設險

阻以拒難也正直明大色黃光潤將軍吉不正而暗爲兵憂若動移差度亂兵起直則將有功曲則將失律奪勢古雅云河鼓謂之牽牛天原發微云河鼓星亦名牽牛古樂府歌云東飛伯勞西飛燕黃姑織女常相見黃姑卽河鼓也乃俗聲之轉耳容齋洪氏隨筆曰宋蒼梧王七夕今楊玉夫伺織女渡河曰見當報我不見當殺汝錢希白洞微志載蘇德哥爲徐肇祀其先人曰常夜半可以蓋候鬼宿渡河之後翟公巽作祭儀十卷云或祭於春

管窺輯要

卷之三十一

五

或祭於旦皆非是當以鬼宿渡河爲候而鬼宿渡河常在中夜必使仰古以候之葉少蘊云公巽博學多聞援証皆有據不肯碌碌同衆所見必過人予按天文經星終古不移鬼宿隨天西行春昏見於南夏晨見於東秋夜半見於東冬昏見於東安所謂渡河及常在中夜之理織女晨昏於與鬼宿正相反其理則同蒼梧王昏悖小兒不足笑錢希白翟公巽葉少蘊三公皆名儒碩學亦不深考如此杜甫詩云牛女漫愁思秋期猶渡河又詩云牛

女年年渡何曾風波生梁朝劉孝儀詩云欲從黃昏至含嬌淺渡河唐人七夕詩皆有此說乃率俗遣辭之過故杜甫又有詩云牽牛出河西織女處其東萬古永相望七夕誰見同神光竟難候此事終朦朧蓋自洞曉其實非他人比也

織女三星在河北當天紀之東端乃天孫貴女也主東顏絲綿寶玉王者至孝神祇咸喜則織女明明則女工善天下和平暗則兵起星怒而角則布綿貴暗而微則女工廢周禮典婦工后妃夫人無

管窺輯要

卷之三十一

六

不勤於絲麻故主貴女織又主嫁娶漸臺四星在織女東足臨河之臺讀作漸民以仁之漸占驗必登高遠眺故有漸臺主漏刻律呂之事明則陰陽示

輦道五星在漸臺東北織女西足天子馳道所以渡神通四方主巡行天下水陸之道也動搖及金火守則御路兵起

羅堰三星在牛東舊當黃道今測在黃道北主堤唐舊書爲灌溉之渠大而明則水泛濫天原發微

作九星誤矣天文略作三斜星或作鼎足之形
牛宿主道路關梁南城犧牲度七度二十分外七
尺爲黃道餘見斗宿下

牛宿歌

六星近在河岸頭頭上雖然有兩角腹下從來欠
一脚牛下九黑是天田田下三三九坎連牛上直
連三河鼓鼓上三星號織女左旗右旗各九星河
鼓兩畔左邊明更有四黃各天桴河鼓直下如連
珠羅堰三島牛東居漸臺在何許欲得見時近織

管窺輯要

卷之三十一

七

女

牛宿考

織女三星在河鼓北主瓜菓絲綿珍寶足常向扶
筐○漸臺四星在織女東足臨水之臺主替漏律
呂之事○釐道五星在織女東天子戲嬉遊之所
○河鼓三星在天桴北主軍鼓中央大星大將軍
也南星爲左將軍北星爲右將軍○二旗各九星
列河鼓左右皆天之旗鼓主設備知謀○天桴四
星在河鼓南右旗端南北列主漏刻○羅堰三星

在牛宿東主堤塘水源灌溉田園○天田九星在
牛東南天子畿內之田○九坎九星在天田南主
水旱備渠水泉

牛六星主犧牲事一日天鼓一日天關上二星主
道路次二星主關梁中大星主牛後一星主南夷
明大則吉暗則民失業牛多死五星犯兵起後志
云七曜之起始於牽牛律書牽牛言陽氣行萬物
出也博物志張騫乘槎窮河源嚴君平占客星犯
斗牛又云太白犯牽牛將軍凶

管窺輯要

卷之三十一

八

天田九星在牛之南畿內之田苗實式思之
九坎九星在天田之南主溝渠明盛有災夷犯邊
河鼓三星在天桴之北天鼓也中大星爲大將軍
右爲右將軍左爲左將軍明大光潤將軍吉動搖
差度兵亂直則將有功曲則將失律
左右旗各九星在河鼓之東西枕河中皆天子旌
旗也明潤將軍吉動搖兵起
天桴四星在牛之北主刻漏之事明吉動搖軍鼓
用

漸臺四星在河鼓之北織女之東足上晷漏律呂陰陽之事經曰漸臺飛灰而候呂是也

輦道五星在織女之東漸臺之東北主天子遊宮嬉戲之事經曰輦道清塵而候駕是也

織女三星在漸臺西天女也主瓜果絲綿珍寶及乞巧之事經曰察日月之行以揆歲星詩終日七襄

羅堰二星在牛東主灌浸不宜大明

牛宿牽牛六星入度距牛中央星去極百一十度

管窺輯要

卷之三十一

九

在黃道內四度太木星也春夏為木秋冬為火上二星如連李名曰即路一曰聚火主七政之行路次一星主關梁次三星主吳越之分野中動則牛疫遠漢下牛貴及疫直米價平曲米貴昏則賤色變動搖五穀不成牛多死明大王者昌關梁通亦主犧牲之事中星高下牛殃入漢中多牛疫死中星大明為七政始日月五星行起於此○木守之人牛多死天下平以守有水人多飢凍而死賣男女有虎狼害人臣謀君上○木逆行守之有水災

道不通○火守之垣氣淺有兵起至城下人多死

○土守之牛賤有賊謀主君失土○金守之兵起人多死○水守之冬期牽牛若不朝來年五穀不熟人多損害○客守之二十日有兵起彗孛行歷牛星吳有白衣立王○彗孛出牛七十日收更象大兵起四夷不通○日月蝕牛中大有賊兵起虫蛇出牛分中有壞城月暈圍牛損小兒也

牛宿總叙

牛六星曰牽牛一曰天鼓木星也一曰天關為關

管窺輯要

卷之三十一

十

梁主犧牲之事陽氣始於牽牛日月五星常貫之為中道中央大星之始七耀之行起於此其上二星一曰即路一曰聚火主道路次二星主關梁次一星主南夷其中大星主年年星明大則王道昌關梁通天下寧不明則五穀不成牛多災其小星大則牛貴小而明則牛賤色怒則馬貴移動則牛多殃星亡則牛盡死小星芒則小牛死星始見多色黃則大豆賤色黃則大豆重傷色白則大豆貴星近漢則天下牛貴入漢中則牛疫死星直則穀

價平星曲則米貴失常變動則五穀不成甘氏曰
牛上二星主道路次二星主關梁次一星主南越
動搖色從而占之牽牛亦爲將軍中央大星左右
出則大將心不正前星左右出則前將軍心不正
後星左右出則後將軍心不正所謂前者大星南
星也後者大星北星也

日月變異占

日在牛蝕其國兵甘氏曰戎在後夫人嬪婦有犯
視幸者曰日暈於牛陰國憂暴兵起

管窺輯要

卷之三十一

土

月在牛食其國叛兵起天文論曰其分飢一日後
宮有當黜者

月暈於牛小兒多死軍暴將亡郗萌曰五穀不成
黃帝占曰有兵戰牛兒多死荊州曰牛牟貴武氏
曰有水災乙巳曰月暈牛女子貴月以冬三月暈
牛一百四十日有赦亦爲有賜之令

月變於牛關梁閉塞將有農令犧牲之事四足重
多死

月犯五星干犯占

月犯牛牛疫馬牛羊暴貴賤犧牲之官憂將軍奔
道路阻關梁塞天下有詐殺大貴大國有憂將軍
死陳氏曰天下有大誅牛多死○月乘牛天下大
水人相棄於道一曰兵起多死武氏曰犧牲傷其
主官有憂

歲星守牛天下和平石氏曰守之三十日至九十
日四夷來朝海中占曰木守牛臣謀君米貴三月
乃復巫咸曰馬災五穀多傷一曰陰陽不和農人
死野孝經授神契曰木守天關在其北民流在其

管窺輯要

卷之三十一

土

西民多以風災死者又爲虎狼入國在其南狗多
狂亡在其東不利嬰兒郗萌曰木守牛東其春牛
大疫守南夏牛疫守西秋疫守北冬牛疫又木守
牛南三尺旱守牛北五尺水陳氏曰木守南五穀
以旱傷守牛東萬物不成人流亡六畜多疫死中
爲甚大臣有謀事守牛北人多煉死守牛西地氣
發洩歲多水天文曰木守牛光明潤澤則粵人來
貢木犯牽牛越人有獻金銀者○木犯牛而留之
有兵戰破軍殺將一曰牛多死○木入牛農死於

野陰陽不和五穀多傷郝萌曰天下牛車行諸侯有失期者荊州曰歲多水虎狼害人又多寒人凍死一曰臣謀主民飢貴人多死小兒亦多死○木經牛石氏曰越人以金銀來貢一曰金華貴歲飢人有自賣者○木逆行牛君不愛其親戚一曰官中火災水乘牛女郝萌曰有大水兵起人相棄於道○水舍牛虎狼入國邑歲旱○木出入留舍牛大將出客兵來大臣有誅死者不出三年○木逆行犯牛環繞勾已之大水災道路不通○木舍牛

管窺輯要

卷之三十一

三

虎狼入邑歲旱○木出入留舍牛大將出客兵來大臣有誅死者

熒惑守牽女有逆臣牛貴千倍人飢相食兵起將軍起大水津梁不通黃帝占曰民爲亂貴人多死巫咸曰多火災天下牛多疫道無行牛一曰當有脫牛之事海中占曰旱一曰有急行一曰有犧牲之事有反者從中起有走軍死將期一年郝萌曰月火以十月守牛六十日兵大起一曰越王死米大貴天子有疾火犯牛郝萌曰國君外其大臣陳

氏曰臣謀主甘氏曰諸侯將兵人飢國亂大人憂之○火犯牛而守之甘氏有破軍殺將○火入牛巫咸曰米大貴石氏曰越王至死不死則逐一曰歲大水津梁不通五穀傷○火入牛而守出其南而守之有大赦○火乘牛天下大水米貴人相棄於道○火出入留舍牛居其無居其國爲憂海中占曰春旱秋水關梁不通齊伯占曰牛大貴新勸急留三十以上客兵來○火逆行牛有反者兵起大飢

管窺輯要

卷之三十一

南

鎮星守牛有逆臣欲謀君在陽田宅賊在陰田宅貴石氏曰天下有急諸侯亦多忠烈者有大赦牛牛南爲天子憂守北爲吳國有憂郝萌曰土守天關氣洩貴人多死春秋合誠圖曰大人有疾牛馬疫死海中占曰兵起憂寒人疾郝萌曰殺貴又曰山崩地震冬雷人病湧水出其急令陳氏鹽貴○土逆行牛女生爲好○土乘牛天下大水兵起人相棄於道○土入牛天下車牛大動一曰有盜賊○土經牽牛春秋圖曰天下求皮革筋革出入留

舍牛有失地之君○土犯牛天下土役興○土犯牛而守之甘氏曰有兵戰破軍殺將

太白守牛土氣洩有兵至城下人多至黃帝占曰吳越兵起牛多死十日不下牛大貴石氏曰有急令海中占曰有大赦巫咸曰五穀不成兵革起人多妖言荊州占曰有兵戰人死一曰犧牛死甘氏曰將爲亂大人憂國易政一曰關梁不通石氏曰太白守牛北民流亡守其西虎狼入邑守其南多狂狗守其東嬰兒多死○金入牛海中占曰天下

管輅輯要

卷之三十一

五

牛車急行郗萌曰大臣爲亂一曰天子車馬在道路荊州占曰兵起人多死○金入牛而守之大人犯將軍失衆關梁不通國易政將軍爲亂大人憂國有大兵○金犯牛而守之有破軍殺將○太白出入留舍十三日留舍不下牛大貴五十日不下有兵至越城下

辰星入牛五穀不成○水守牛湧水爲敗守之外牛多死一曰人飢有凍死者臣謀君虎狼害人巫咸曰五穀不成一曰牛度犧牲死海中占曰大水

民棲丘陵齊燕尤甚郗萌曰人流荊州占曰關梁不通○水犯牛湧水出五穀不登有敗將軍將爲亂貴人死民多死喪關梁道路不通牛多死○水犯牛遂守有破軍殺將○水乘牛大水大飢人相食棄於道○辰星急遇牽牛水出一度一出五度小出六度大出地爲之震○辰星恒以冬朝於牛當朝不朝名曰失律二時不朝名曰失政三時不朝五穀不登

客星流星彗孛干犯占

管輅輯要

卷之三十一

末

客星守牛有兵石氏曰越人有獻犀象者郗萌曰天子外其大臣地軸占曰地大震一曰水族起牛馬貴甘氏曰赤星守牽牛民爲亂○客星犯牛石氏曰吳越兵起有自立者○客星入牛有兵一曰有諸侯客來以四足幣以邑言其吉凶郗萌曰大臣交諸侯其色赤黃白謀成青黑敗乙巳占曰臣謀主五穀不登歲多水盜賊在江海客星出牛君使入於諸侯以四足爲幣色青道病黑死不主一曰客星出牽牛兵起大將出關梁阻塞地大震牛

馬貴三倍期二年海中占曰人多死郝萌曰兵北行或曰諸侯有反者

流星犯牛其地將死一曰大將出期六月有四足
 乙巳占曰王欲收敗事春犯五穀燕秋冬犯五穀貴一曰水災○流星出斗牛天下民流亡入牛色黑牛馬疫死色黃牛馬昌關梁通四夷入貢乙巳占曰赤流星入牽牛將受命出之將軍從星所止

彗孛出牛天下有改更之事不出七十日一曰四

管窺輯要

卷之三十一

七

夷兵起人主憂果貴牛死○彗孛犯牛國兵起吳越有亂牛死火災一曰天下更革有易姓○彗孛行歷牽牛其分國亡石氏曰吳越有自為守而敗者

雲氣干犯占

蒼白雲氣入牛多死出之則災消○蒼白雲氣入牛橫革有兵喪除舊鼎新

黃白雲氣入牛牛蕃息一曰諸侯有以四足重入貢者○黑雲氣入牛天下牛多死

赤雲氣入牛牛馬多以漕轅死者出之則兵出○赤雲氣如波揚入牛有兵大戰牛馬大損

白雲氣入牛有兵喪○虹出南牛之度有崩城期二年

晉元帝升平三年七月戊子月犯牽牛中央大星占曰牛大星為大將月犯之將軍死十月諸葛攸舟師入河敗沒豫州刺史謝萬入朝衆潰而歸除名司徒會稽王以三鎮兵敗

孝武寧康二年閏月己未月掩牛大星占曰左將

管窺輯要

卷之三十一

七

軍死三年五月丙午中郎將王恒之薨

牛宿去極度數考

按牛宿本位居丑之次吳越揚州之分凡七度十二月旦在卯三月旦在辰二月旦在巳三月旦在午四月旦在未五月旦在申六月旦在酉五月昏在卯六月昏在辰七月昏在巳八月昏在午九月昏在未十月昏在申十一月昏在酉

牛六星七度距大星去極一百零八度牛入半初度為天之關梁日月五星之中道主犧牲色澤曰

犧體全曰牲又曰未殺曰牲亦曰天鼓主四足之
重說文云有足謂之重

其北二星一曰卽路二曰聚火又曰上一星主道
路故曰卽路次一星主關梁故曰聚火關者關津
梁者橋梁次三星主南越交阯女直閩廣皆南越
之屬地澈清考牛乃丑分吳越皆屬其地古姑蘇
會稽皆稱蠻夷若指閩廣則遠指交阯女直則又
遠矣次三星屬姑蘇會稽是甘德曰上一星主道
路次二星主關梁次二星主南夷亦屬姑蘇會稽

管窺輯要

卷之三十一

九

地中一星中間一星也格物論云牛大牲也

占曰陽氣始於牽牛日月五星常貫之爲中道中
央大星七政之始七曜之行起於此牛移於河中
天下大亂中星主牛移動則牛多災明大騷王道
昌星曲則糴豐天下寧不明則五穀不成牛多災
○彗孛行立牛吳越自立爲王移動則牛多死牽
牛又爲將軍中央大星左右出則大將心不正前
星左右出則前將軍心不正後星左右出則後將
軍心不正前者南也後者北也金火犯兵災

天田九黑星距西北去極一百一十六度入斗二
十三度在牛南主天子畿內之田也亦主農器畿
者邦畿王者京都之內地也詩云邦畿千里惟民
所止農器耒耜之屬

占曰天田明則五穀熟稔盛旣成暗則歲歉不熟
祭祀不備火守主旱水守主澇水土留則年穀豐
登

九坎九黑星距西北去極一百四十一度入牛初
度在天田東主溝渠所以通達泉源也泉者源頭

管窺輯要

卷之三十一

十

活水也活水自山谷出曰泉源

占曰九坎明大動搖則主水澇夷狄侵邊如常則
吉而川源澤通不見則百泉不通江河枯竭天下
旱水犯則天下澇

河鼓三星距中大星去極八十三度入斗二十二

度在牛北天鼓也主軍鼓及鈇鉞一曰三武主天
子三軍中央大星爲大將軍在南星爲左將軍在
北星爲右將軍

解見前

皆所以備關梁設阻險而拒
難也爾雅六河鼓謂之牽牛故歌曰東飛鳥北飛

飛燕黃姑織女時相見黃姑卽河鼓也詩云杼柚
牽牛不以服箱其謂此也

占曰河鼓正直明大光潤則將軍吉動搖差戾則
兵起直則將帥有功曲則將帥失律又曰河鼓易
次亂兵起芒角則將帥雄猛不正則兵憂孽孛犯
則將軍叛

織女三星距大星去極五十二度入斗五度在天
紀東天女也主瓜菓絲綿寶玉也張衡云牽牛織
女也七月七日渡河相見者卽此故杜詩云牛女

管窺輯要 卷之三十一

三

謾悲思秋期猶渡河劉孝儀詩云欲待黃昏至含
嬌淺渡河張文潛七夕歌云東河美人天帝子河
西嫁與牽牛夫故後人七夕詩皆有此說自是道
詞之過理不可信也詩云跂彼織女終七襄

占曰王者至孝神祇咸喜則三星俱明天下和平
其星大怒角則布帛貴又曰明則女工得暗則女

工廢

左旗右旗各九星左旗距西第一大星去極七十三

牛初度右旗去極八十八度入斗十五度在

河鼓左右天之旗鼓也主聲音設險以知敵謀也

周禮春官大宗伯司常云旗有九旗所以爲尊卑
貴賤之表幟也一日月爲常王建之二蛟龍爲旂

諸侯建之三通白爲旛孤卿建之四雜白爲物大

夫士建之五熊虎爲旗師都建之六鳥隼爲旟州

里建之七龜蛇爲旐縣鄙建之八金羽爲旞道車

載之九析羽爲旛旂旂車載之敵者敵對也從文從

商者商屬金屬秋有殺伐之意激清者有文旗武

旗二旗左黑微屬文右旗明顯屬武列國有懸旌

管窺輯要

卷之三十一

三

漢有赤幟皆武旗類孟子云庶人以旂士以旂大
夫以旌皆文旗類第右旗文武各有九今之文武
旗又不止九矣後靡相高過分違制豈止於九
占曰兩旗如常則文武各安其分職搖動芒角兵
起金火守犯犯左文凶犯右武凶孽孛守犯凶更
甚

天杼四黃星距大星去極九十四度入斗二十四

度在牛南北橫列杼鼓也主漏刻杼鼓事按漏刻

法以銅爲壺受水有二天池一夜天池一晝天池

又一曰平壺又一曰萬水湖下有水海又爲渴泉以引水玉龍口吐出入灌器漏水一斤稱重一斤時經一刻晝夜百刻水重百斤此其大略也若定四時加減晝夜又別有書澈清考壺龍口用玉者取其冬天極寒不凍水晝夜能長滴也故名爲玉漏

占曰天桴如常則四時正風雨時若天下豐稔失常則水旱爲災

羅堰三黑星距北去極一百零九度入牛四度

管窺輯要 卷之三十一

圭

牛東主堤塘壅塞水潦灌田苗之事壅者塞也蓄者聚也潦者無源之水也禮月令云季春天子命司空曰時雨將降下水土騰循行國邑周視原野修利隄防導達溝瀆開通道路母有障塞壅關亦爲拒馬言築堤塘以拒止牛馬雞兔至傷田苗占曰羅堰明大則天下水漲泛流溢水守天下水災火犯主旱土守津梁壅塞黃河竭塞

漸臺四星距東南去極五十八度入斗十一度在織女東足臨水之臺也主漏刻律呂事澈清考音

有五律有六律呂正則天下斗尺權度皆準於此占曰漸臺如常則天地陰陽和四時順暗而不見陰陽乖戾權量有差刑法倒置綱紀解紐輦道五黑星距西去極四十七度入斗一十一度在織女西足天子嬉遊之道也莊子曰含哺而嬉鼓腹而遊者戲也

占曰金火守則御路兵起葦葦守則輦轂下皆敵國

牛宿離座

管窺輯要

卷之三十一

圭

織女

織女三星在天市垣東一曰天女一曰東橋天帝之女也主經緯布帛絲枲之事又主瓜果主收藏珍寶以制衣裳成文繡天之官也星足常向扶筐牽牛亦常向織女之足移徙則布帛貴倍且有表一曰大星爲母后二小星爲女子王者至孝神亦咸喜則織女三星俱明天下和平布帛賤不明反是其大星怒而角則布帛大貴一星不明則兵起女子爲移星不居其處天下以女子爲憂織

女之道與貴索相直不相直則天下有急布帛貴
織女入漢則天下婦女皆水行移動變色則地動
牛疫微暗天下女工廢織女一足亡則兵起女子
為變一曰女病常以冬十月視織女晨出東方色
黃赤精明則女工善不明則惡月犯織女女主凶
月暈織女兵起○歲星守織女天下有女憂兵起
不出其年○火星入犯秉守織女兵起十年方解
一曰貴女憂布帛絲帛貴天下有女喪產婦多死
○土星犯守織女有女憂兵起○金水犯守織女

管窺輯要

卷之三十一

主

占同土星一曰后妃有憂○客星犯織女布帛五
穀俱貴天下旱守其南南方貴守其東西北皆然
有兵十年乃解一曰有女使來若乘犯之君死客
星犯織女天子女諫死后族有亂黑星入織女淫
婦愛赤星入織女天子伐一國殘之黃星入織女
女子受地青星入織女女子有憂來○客星出織
女宮人逃后族為亂有戮臣一曰貴人有諫者黑
星出織女女子多懷子死○客星守織女有嫁娶
之事若乍入乍出前後左右迴還之者以五色占

前御萌曰客星守織女山搖地動色黃白則宮
人有喜石氏曰客星出入織女有誅臣臣降主客
居織女天下兵起有戰不出十日○流星入織女
女主憂若有白衣女來會一曰后族有黜者有大
水流星犯冲織女女主不寧諸侯大憂○流星出
織女有賊自內出有白衣會有兵民飢流亡○彗
孛犯織女后族為亂貴女有誅若出之有降王后
為政○蒼白雲氣入織女女主憂病一曰人主憂
出則禍除○赤氣入織女有以女子故而家受誅

管窺輯要

卷之三十一

主

者○黑氣入織女王者為女所害一曰女子多病
死○赤氣出織女女子多死外兵白氣入織女有
女喪黃氣入織女天子以女幸家出之天子外得
美女

漸臺

漸臺四星在織女東足主漏律呂之事臨水之臺
也其星明則陰陽和律呂調不明則反是○彗星
客星犯漸臺陰陽舛逆一曰帝出走○流星犯漸
臺火災天子出走

輦道

輦道五星在織女西足天子嬉遊之道也其星動搖疎折則天子戒出遊○金火守輦道御路兵起流星犯冲輦道天子出獵○彗孛出冲輦道御路中伏兵天子宜戒敗逃備不虞

河鼓

河鼓三星在牽牛北一曰天鼓一曰三武一曰三將軍中央主大將左星左將軍右星右將軍左星南星右星北星也河鼓金官也主軍鼓又主斧鉞

管窺輯要

卷之三十一

壬

主外關主軍喜怒所以備關梁設險禦難其星正直而明大黃潤則吉易次則亂兵起怒則馬貴亡角則將雄猛動搖則兵大出河鼓直則將有功曲則將失計河鼓不正或變色皆爲兵憂○月犯河鼓左星左將軍死犯右星右將軍死犯中星大將軍死有軍在外則敗無兵起○歲星犯河鼓將有誅者視其所中若守之將有罪○歲星入河鼓諸侯之將出大兵起主憂期一年○熒惑犯河鼓大將死以其所中命之○河鼓軍食絕大將出有

戰守中星大將憂守左右星左右將軍憂去速則兵罷速去遲則兵罷遲不出其年居河鼓中若守之兵大起○鎮星入守河鼓大將有錫土受封者若犯之將軍憂○太白辰星犯守河鼓皆爲兵起將軍憂以其所中命之○客星出河鼓皆爲兵出旗鼓大用穀貴軍乏糧大星出河鼓所之國將驚○客星入河鼓三軍出野軍吏憂驚色赤有兵戰色黃帝安色蒼軍不用赤星入河鼓大將驚黑星入將死若守之軍絕糧將軍戰死○流星入河鼓

管窺輯要

卷之三十一

壬

兵起大將出若抵之有死將以所中命之○流星出河鼓旗鼓出諸侯作亂兵車四出犯河鼓天下雷非時鳴水虫出○彗孛出河鼓天下兵起旗鼓出天子敗○彗孛入河鼓兵起將憂若犯之有將死以所中命之○蒼白氣入河鼓將有憂君在外敗天子之軍將死出之則禍除赤氣入河鼓兵起客軍入赤氣出河鼓軍出戰不勝黃白氣入河鼓有衆來降者出之將有喜黑氣入河鼓將死青氣入河鼓將憂

左右旗

左旗九星在河鼓之左右旗九星在河鼓之右河鼓之旗也主設備知敵謀其星明潤則將軍吉動搖則凶起怒則馬貴不明將軍憂旗動搖而舒者大將出不可逆當隨其所指繫之大勝為星戾軍政亂士卒相凌國受兵○月五星犯左右旗兵起將憂○彗孛客星守犯左右旗將死兵在外者敗

天桴

天桴四星在左旗南北列天之浮也主漏刻其星

管窺輯要

卷之三十一

彗

不明則漏刻失時動搖則桴鼓用桴鼓相直亦然天桴移近河鼓則軍鼓用○太白守犯天桴兵起客星守天桴漏刻失時

羅堰

羅堰三星在牛宿東主堤塘以蓄水灌溉一曰控馬之象也主渠堰其星明大則大水為災○彗孛客星干犯羅堰大水暴起

天田

天田九星在牛宿東南天子畿內田也與角北天

田同古○歲星守天田年豐歲熟火星守天田旱五穀不成○水星守天田大水太白提天田出入大水五穀霜死○客星入天田天下飢○彗孛犯天田農失業

九坎

九坎九星在天田南水官也主水旱之事九坎主溝渠水泉盈溢其星小而明陰陽和川澤通不明則川泉不通河海枯竭天下大旱人飢明大角張則有水災○月暈九坎水災○五星守犯九坎天

管窺輯要

卷之三十一

彗

下大旱五穀不登大飢一曰行其陽旱行其陰水火星守九坎各水不流一曰水災○客星出九坎在陽為旱在陰為水○流星犯冲九坎有水旱之災從南入旱從北入水○彗星入九坎南大旱北大水○赤雲氣入九坎天下大旱黑雲氣入九坎大水

管窺輯要卷之三十二

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全閱

管窺輯要

卷之三十二

一



女宿論

須女四星天少府也須賤妾之稱主布帛裁置嫁娶星明黃濁主後宮婦有禮儀生賢嗣之慶以賤為貴者也月五星客主守犯布帛貴後宮憂東吳之分兵災水旱蝗瓜敗瓜各五星星明則瓜菓大收不明則不收為饑災天津九星橫河中一曰天潢一曰天江主四瀆津梁所以度百神通四方也一星不明津梁不通奚仲四星主蔬菜之畦星變色或客星犯之主大饑離珠五星在須女北后之

管窺輯要

卷之三十二

二

女宿說

女四星距西南星去極一百四度半赤道十一度三十五分黃道十一度十二分黃道自女二度六十分三十八秒入子赤道二度十三分七秒入子其下四尺為七曜中道天之少府也一曰須女賤妾之稱婦職之卑者也其星知婦之工又主布帛

裁置嫁娶一曰娶女杜預謂既嫁之女非若織女
爲處女也明則女工昌國充富暗小則庫藏虛穢
則婦受殃產死者多變色則后妃廢日月食則國
憂月及五星犯齊地有兵災李犯亦主齊有兵災
李犯損蠶土犯亦然木犯則立后火犯女喪金犯
災水守萬物不成火守布帛貴人多死土守則女
喪金守兵起月暈婦人災

十二國十六星周秦代趙各二星餘皆一星齊在
女之最下九坎之東齊北曰趙趙北曰鄭鄭北曰

管窺輯要

卷之三十二

三

越越東曰周周東之南北列者曰秦秦南曰代代
西曰晉晉北曰韓韓北曰魏魏西曰楚楚南曰燕
其星有變五星入守各以其國論災祥按十二國
天下之諸侯天子巡狩之所至也十二月朔巡狩
而一終矣故麗於此夫三垣皆天子在國之事非
巡行則四海之大不無壅閉之處故舜五載一巡
狩周制十有二歲王乃時巡後世此禮既廢凡天
子出遊之地至等於兵災仰觀乾象所謹在道路
津梁所嚴在旗鼓車御所重在人民溝洫樹畜代

天子民天下其家當如是也善乎漢章帝之詔曰
車駕行秋稼觀收穫皆精騎輕行無他輜重不得
輒修道橋遠離城郭遣使逢迎刺探起居出入前
後以爲煩擾動務節省但患不得脫粟瓢飲耳可
謂暗合天道者矣文獻通考云鄭夾際因牛女間
有十二國星而以爲華蓋夏所占者只牛女二星
且引釋氏謂華夏爲南瞻部洲以證之然牛女雖
屬揚州而華夏之地所謂十二國者則不特揚州
而已又揚州雖可言東南而牛女在天則北方宿

管窺輯要

卷之三十二

四

也南瞻部洲之說異矣且北斗七星其次舍自張
而至於角星書以爲一主秦二主楚三主梁四主
吳五主趙六主燕七主齊又五車星其次舍在畢
星書以爲西北一星主秦東北一星主趙燕東南
一星主魯衛西南一星主魏中央一星主楚然則
北斗五車所主者亦此十二國而二座星初未嘗
屬乎牛女也謂牛女專主華夏可乎
離珠五星在女之北女所獻之工須女之藏府也
失其常則后宮亂客星犯之後宮凶客星守則綿

絲貴王應電作驪珠

匏瓜五星在離珠北葉類之至故古葉之豐
後宮主陰謀明則葉熟微則后失勢瓜葉不登
記云有青黑星守之魚鹽貴

敗瓜五星王應電作匏瓜蓋敗與匏聲相似而悞
也在匏瓜之旁主葉與匏瓜略同

天津九星在虛危北橫漢中一日天潢一日天江
至四瀆津梁所度通四方也明動則兵起如流沙
死人如亂麻參差不齊馬貴一星不備關津不通

管窺輯要

卷之三十二

五

三星不備覆陷天下星亡則大水河海溢盜稱王
奚仲四黃星在天津北主軍征大御之官古車正
也至尊行幸道路舟車猶加嚴謹故天道詳焉金
火守之兵革必起

扶筐七黑星一作扶箱與天廚相近乃盛桑之器
后妃親蠶以勤勸天下之象也明吉賄或移徙則
絲綿不成不見則女工失業

女宿主布帛裁制又主嫁娶度十一度三十五分
初女二度外未危十三度內於辰爲子於分爲齊

於野爲青州賦垣女虛危玄枵齊青循岱嶽北濟
滄濱棟之傳德涉平陰東萊夷論曜之青登於九
月在虛昏中西三月在午旦中東十二月爲太陽
曜次

女宿歌

四星如箕主嫁娶十二諸國在下陳先從越國向
東論東西兩周次二秦雍州南下雙燕門代國向
西一晉中韓魏各一晉北輪楚之一國魏西屯楚
城南畔獨燕軍燕西一郡是齊鄰齊北兩邑平原

管窺輯要

卷之三十二

六

君欲知鄭在越下存十六黃星細區分五箇離珠
女星上敗瓜之上匏瓜生兩箇各五匏瓜明天津
九箇彈弓形兩星入牛河中橫四箇奚仲天津上
七箇仲側扶筐星

女宿考

扶筐七黑星在東藩之外與天廚相對主蠶桑
奚仲四星在天津西北天子之車正 天津九星
在女虛之北橫河中天潢之河梁以度馬神通四
方 匏瓜五星在敗瓜東北 敗瓜五黑星在離

璣北主掌瓜果 離珠五星在女西北后宮之藏
府夫人環珮之飾女子之星也 十二國共十六
星在牛女之南近九坎分土而居列國象也

女四星一名嫠女一曰須女賤妾之稱天之少府
也主布帛裁製嫁娶其北織女天孫女也明大女
工昌小暗國藏虛移動婦人受殃才犯立后火犯
女喪金犯災土字犯損蠶

離珠五星在女之西北司貨府御後宮女子之星
失常后亂客星犯後宮凶

管窺輯要

卷之三十二

七

敗瓜五星在離珠北主魚鹽司瓜果不明靜則賊
起

匏瓜五星在敗瓜東北所司與敗瓜同

天津九星在匏瓜東北為四瀆津梁明動兵起參
差則米貴星亡水災

奚仲四星在天津西帝王東宮之宮也

扶匡七星在奚仲西王桑蠶明則蠶盛

列國十六星越一星在嫠南鄭一星在越南趙二
星在鄭南齊一星在越南周一星在趙北楚一星

在魏南燕一星在鄭東南秦二星在周東魏一星
在秦東南韓一星在晉北晉一星在韓南代二星
在秦東諸星不宜變動

女宿須女四星十二度距女西南星去極九度太
白五度在黃道內水星也春夏為火秋冬為水賤
妻之稱婦職之卑為天子少府主寶藏絲綿布帛
裁製嫁娶一名嫠女天工也正婦之紀綱星大女
工有就天下甚熟布帛豐不明不足庫藏空 且
月食女中其邦有憂患天下女功不為 水守之

管窺輯要

卷之三十二

八

歲多水國有女喜人多凍死 火守之產婦多死
布帛米大貴 水守之有大災萬物不成布帛貴
金守之臣謀主兵起萬人死寡婦府藏出布帛
珍寶 客守之諸侯進帝女布絹貴有女暴貴
事李行犯之其國兵起女人為亂 月暈圍女寡
婦多死

女宿總敘

女四星須女亦曰嫠女之少府也一曰天文一曰
天少府一曰臨官女水星也主布帛為珍寶庫藏

其下九尺爲日月五星中道須女 賤妾之稱婦
職之美者也故又主嫁娶知婦工其星明則天下
豐女工就府庫充暗則女政失職府庫空虛國用
不足移徙則后妃廢天下婦女多淫產死郝萌曰
女星不明則法令易詩書絕甘氏曰女星動則天
下有嫁娶須女又主麻其色白則麻爲色黃不爲
色青則麻以出傷

日月變異占

日在女觴天下女子憂女王不成甘氏曰宮中有

管輅輯要

卷之三十二

九

禱祠求幸者戒在巫祝日暈於女後宮有憂一曰
女主憂武氏曰後宮有因病者

月在女觴女主憂天下女工廢郝萌曰宮中有憂

武氏曰有兵旱石氏曰女主弱國有憂

月暈於女天下婦女多死有兵謀不成有圍有兵

進而不聞一曰不戰而降河圖帝覽嬀曰大戰將

死荆州占曰布帛倍貴一曰民多去其室絲綿貴

女宿有月來暈兩重以上女主死 月在女有憂

有兵不戰而降一曰有嫁娶事亦爲女布帛

五星干犯占

月犯女河圖帝覽嬀曰天下多女患陳卓曰將軍
死國有憂一曰大人死女主病乙巳占曰女子多
疾患人主有女惑有改易高下貴賤女工興有女
令一曰多露蟄蟲死

歲星守女國有女喜歲多雨水凍死黃帝占曰大
饑米貴三倍人有自賣者石氏曰有女喪大水且
至巫咸曰王者欲發財寶若廢女工依期不出七
十日又曰萬物不成寡婦多死海中占曰天下有

管輅輯要

卷之三十二

十

嫁娶布帛之事郝萌曰后夫人有變武氏曰有水
災

水逆行女其君下重桑農 水逆行守犯陵乘女

天子大臣俱憂有苛令布帛貴賤不時 木經女

石氏曰越人以金銀來貢 木留女郝萌曰宮中

有火災一曰五穀水傷一曰布帛貴 木出逆行

留舍女黃帝占曰三十日不下小人有慶五十日

不下更立侯王六十日不下兵起於野遠起不過

冲郝萌曰不出二年天下用兵 水犯女有內亂

一曰外國有進美女者后妃喜宮中受賜甘氏曰
有立后太子 木逆行女人君不務農桑 木逆
行守犯陵乘女天子大臣俱憂有苛令
熒惑守女黃帝占曰皇后病宮中有火災文曜鉤
曰人主以陵爲后一曰有難者甘氏曰布帛出守
之二十日布帛絲綿貴陳氏曰大人不安五穀不
成民多病多饑巫咸曰邦有主喪宮女憂牛角大
貴鄒萌曰后夫人有變一曰女子爲政法令亂更
國有嫁娶事臣下衣服僭侈守之三十日有叛逆

管窺輯要

卷之三十二

土

君憂之 火守女國多妖大臣當之荊州占曰火
守女爲政急火色青有女主喪宮中憂色黑宮女
多憂死黃帝占曰火以冬十二月守女西南奸人
入邑守女北諸侯有嫁女絕國者一曰火守女北
大水民棲木上 火犯女貴女多死者 火犯女
遂守之女主死府藏中有伏兵一曰大臣憂 火
入須女石氏曰主后妃鄒萌曰天子納美女一曰
羅貴人多饑死荊州占曰布帛貴一曰多火災太
白陰經曰兵大起火出須女國有憂出其中人主

憂出其兩旁羣臣憂留守之則有大憂 火出入
留舍女至十日不去刀劍不大貴五十日不去大
愁國兵大起一曰吳越受兵 火入須女上承女
火舍女體不成留之有反逆者從后夫人家起
火逆行女至牛而還千里無稼穡 火犯守陵
乘女皆爲有反者從女家起若有女家起至喪死
其年米貴三倍一曰宮中有變有苛令 火逆行
守之其殃尤甚火與土同有女宿女主惡之
鎮星守女人相食有惡疫有賤人暴有女喪一曰

管窺輯要

卷之三十二

土

政在後宮臣有變有苛令

客星流星彗孛干犯占

客星犯女鄰國有進奇女者一曰妾爲后武氏曰
宮中有讎女有女亂客 客星守女諸侯進奇女
女暴貴一曰女有喪布帛絲綿貴鄒萌曰女子亂
國陳卓曰米貴甘氏曰人民爲亂妾媵爲后有急
兵大饑人有自賣者一曰宮中憂國中貴人有死
者一曰有兵江淮不通 客星入女麻泉貴鄒萌
曰天下諸侯有不通者荊州占曰天下有嫁娶事

絲綿人君因納女亂國若入女而留不去天下阻
塞青星入女天下女子多以兵死赤星入女有女
喪 客星出女宮人有謀女主憂兵起宮中貴人
多死遠不過二年或曰女御有出者石氏曰有女
氏色黃白吉青黑凶赤憂暴出女女主兵死期一
年 客星舍女留不去有苛令

流星抵女女主憂事乙巳占曰女主有事于軍有
流死者期不出一年流星犯女貴女有下獄者天
下蠶麻不成布帛貴春夏犯之大雨 流星出女

管窺輯要

卷之三十二

三

宮人有出者一曰女御有出使者 流星入女天
子納美女北地有兵一曰流星入女色黃白天子
玄后色黑天子女多死色白宮妾死
彗孛犯女陳氏曰有進奇女者國以女亂兵起乙
巳占曰王者無信妾爲后國大亂期不出三年黜
之則禍消又曰女主爲政王者受其殃將軍幾死
若以戰死期不出三年 彗孛出女主者以女亡
一曰有水災鹽米大貴一曰國有女亂兵起大戰
入女其國憂蠶麻不成王者惡之

雲氣于犯占

黃白雲氣入女國有嫁娶事 蒼白雲氣入女天
子女子多疾病由之則災消 赤色雲氣入女婦
人多產死者一曰多兵死 白色雲氣入女女子
多疾病疫 黑色雲氣入女天下多女子之喪
黃色雲氣入女天子天下多喜事

女宿去極度數考

按女宿本位居子之次齊青州之分凡十二度正
月旦在卯二月旦在辰三月旦在巳四月旦在午

管窺輯要

卷之三十二

五

五月旦在未六月旦在申七月旦在酉六月昏在
卯七月昏在辰八月昏在巳九月昏在午十月昏
在未十一月昏在申十二月昏在酉

女四星一十二度距西南去極一百四度半入女
初度謂之須女者須乃賤妾之稱婦職之卑史記
云東至於須女言萬物變動其所陰陽氣未相離
尚相如胥故曰須女 又爲天之少府主布帛裁
製后妃御服及嫁娶史記云上古男女無別大昊
伏羲氏始制嫁娶以儷皮爲禮正姓氏通媒妁以

重人倫之本而民始不瀆周禮小司徒之職有媒氏掌萬民之判凡男女自成名以上背書年月日名令男三十而娶女二十而嫁一名曰娶女爾雅云須女謂之娶女亦作娶左傳昭公十年有星出于娶女杜預云娶女爲既嫁之女織女爲處女占曰娶女小暗則國藏虛布帛貴移動婦女災咎多產死若月暈婦人災日月食主後官災木入后妃有立皇后者火犯女主有喪金犯后妃災彗孛守后妃內亂水犯萬物不成

管窺輯要

卷之三十二

五

十二諸國合十六黃星在女南齊一星去極一百二十八度入斗六度在九坎之東齊北一星曰趙距西去極一百二十三度入牛四度趙北一星曰鄭去極一百二十六度入女一度鄭北一星曰趙去極一百二十七度入牛四度越東二星曰周距東去極一百一十六度入牛六度秦南二星曰代距西去極一百一十六度入女六度半代代州上谷郡今屬山西代西一星曰晉去極一百二十八度入女八度少晉北一星曰韓去極一百二十三

度入女八度韓北一星曰魏去極一百二十一度入女四度半魏南一星曰楚去極一百二十三度入女二度半楚南一星曰燕去極一百二十七度入女四度其星有變各以國占如齊有變則以齊國占之他國倣此 漱清考十二諸國列土之王至朝聘納貢陳服藩屏天子在孔子時十二國已無臣天子之國到孟子時諸國各據一方十二國又分爲十八國矣至秦兼併一統未幾總歸於漢大抵列國星不欲明大動搖明大動搖則名相攻

管窺輯要

卷之三十二

六

伐 占曰列國星如常則吉微小則弱有犯則以國占離珠五星距東北去極九十五度入牛六度在女北後宮之府藏也主后妃環珮之飾環珮璧玉也經解云行則有珮玉之聲刻女傳后妃進退必鳴玉佩環又曰主天子旒珠蓋日兔兔旒珠也漱清考離珠既副在女宿則離珠乃婦女環珮之飾無疑若又以爲日兔上旒珠乃天子飾必不副離珠於女宿况珠玉婦飾爲多

占曰離珠明大搖動則后宮奢侈無度如常則節儉有制彗孛守犯則后宮凶

匏瓜五星距西去極七十九度入女初度在離珠北乃天子之菓園主瓜菓蔬菜漱清考匏瓜乃主天下瓜菜豈獨為天子蔬菜矧天子玉食萬方未必注意在蔬菜若獨指在天子瓜菓則迂矣是蔬菜乃天下人民之蔬菜雖天子亦不可少者孔子亦行拾菜禮飯蔬食

占曰匏瓜明大則天下瓜菓豐熟微小則瓜菓貴

管輅輯要

卷之三十二

七

不熟土守木守則瓜菓大熟水犯則澇火犯則旱

瓜菓大貴客守則瓜菓有蟲食災

敗瓜五星距西去極八十二度半入牛六度在匏

瓜下占與匏瓜同漱清考匏瓜敗瓜自有不同之處占法烏同焉

天津九星距西稍星去極四十七度入斗二十三

度在虛危北橫漢中一曰天潢一曰天江主四瀆

津梁所以度百川而通四方也百川衆多之稱四

方東西南北

方東西南北

占曰天津明大搖動則兵起如蜂人死如山參差不齊為馬貴一星不具開津不通三星不備俱覆

陷天下星亡則水災河溢水賊稱王

箕仲四黃星距西北去極二十六度入斗十八度

在天津北右車正也車正官名也一曰主蔬菜之

畦也四五十畝曰畦漱清考箕仲既謂之車正乃

掌車駕之官古者兵車乘車以田賦出兵用車稅

畝出兵車非田畦之說若以田畦名車正率合謬

甚

管輅輯要

卷之三十二

六

占曰箕仲車正明大動搖則兵車用如常微小吉

金火守則兵大起

扶筐七星距北去極二十二度半入斗六度在紫

微東藩少弼東南主蠶桑盛穰扶筐乃養蠶蠶具

占曰扶筐明則天下蠶桑收不見則絲帛大貴

女宿雜座

扶筐

扶筐七星在紫微宮東藩之外近天厨主採桑勸

蠶又主藏蓋量出入知息耗其星明則蠶吉暗及

稔徙則絲帛不成女工失業星不正則天下有藏
空虛 客星流星彗孛犯扶筐王蠶事明見期吉
不見則絲帛大貴 彗星出扶筐將有叛者

奚仲

奚仲四星在天津北天子之車正也變動失常車
駕不安 金火犯守奚仲兵起

天津

天津九星在女虛之北橫河 中一日天潢一日橫
中一日江星一日玉桂一日格星一日天漢王河

管窺輯要

卷之三十二

五

梁以渡百神通四方其星明正則吉明而動則兵
起如流沙人死如亂麻參差不齊則馬貴不明亦
爲兵起天津覆洪水滔天天津亡河爲害天下不
通又曰天津張天下安一星不具則津梁塞三星
不見天下覆移徙則江河決百川溢天津星有變
則水賊稱王水道逆 月入天津兵起津梁不通
五星入犯乘守天津津梁不通兵起官吏憂
火星入天津大旱天下大亂有易世立王將相貴
人有渡江河事一日貴人溺水 火星守天津船

大貴火守天津五日相出走 火星舍天津中犯

青必有亡海失江天下備道路修橋梁火星舍天

津亦芒角津梁不可渡人主有憂國亡 大白犯

天津有易政立王犯天津三十日關梁不通王憂

客星入天津津梁不通關津吏憂守之同占

流星出天津有使隨星所之一曰大水犯天津有

水災 流星入天津水道不通關梁塞津渡有憂

流星出天津入漢中不出士卒不可渡水渡者

必不返若絕漢則可渡流星入漢中貴人溺死

管窺輯要

卷之三十二

五

彗孛出天津河津不通彗孛守天津天下大亂大
旱 彗孛犯天津賊斷道入漢中有亡國 蒼白
氣入天津中君有水災赤氣入天津天下大旱且
水黃氣入天津天子有德令赤氣出天津兵起黑
氣獨居天津漢中文如席名曰雲漢不出三日必
有大雨 黑氣如船若一匹布經河津間不出十
必有大雨

匏瓜

匏瓜五星在離珠北一日天雞一日天匏主後宮

管窺輯要

卷之三十二

主

主司中以和五味又主陰謀匏瓜主掌瓜菓其星明則菓實歲豐不明則歲惡菓物不成有大水川道不通匏明則後宮多子孫不明則后失勢失次則地動山搖匏瓜星非其故則山谷水出天下不通星不正或不見動搖皆爲有賊五星犯守匏瓜天下有憂菓實貴若有遊兵魚鹽貴十倍火星入匏瓜中人主攻一邑殘之火星出匏瓜天下有憂菓實貴若有兵不戰火星守匏瓜二十日羣狗嗥雞夜鳴天下盡驚若有兵太白犯守匏

管窺輯要

卷之三十二

主

瓜菓而亡食守憂守之菓實不成魚鹽貴十倍犯入之近臣相諧有死者蒼白氣入匏瓜瓜菓不可食出之其禍除赤氣入匏瓜攻一邑殘之黑氣入匏瓜食菓致害黃白氣入匏瓜天子以菓賜諸侯

敗瓜
敗瓜五星在匏瓜西主瓜菓其占與匏瓜同于犯皆同

離珠
離珠五星在須女北主后宮之藏府后夫人環珮之飾離珠玉女星也離桂衣也珠環珮玉珠也后夫人之盛飾也主進王后之衣服星明如常則后妃安微暗易處則后妃不安離珠非其故則后宮亂徙居危之陽大旱居危之陰大水五穀不登失色不明則后子不顯所近不正五星犯守離珠宮中有爭若有亂宮者若宮人有以罪黜者火星犯離珠兵起宮中客星犯離珠後宮凶宮人有以罪誅者流星犯離珠或入之兵起宮中宮

人有誅者 彗孛出離珠後宮有亂 彗孛犯離
珠宮人有誅者若守之居陽大旱居陰大水五穀
不成人饑

十二國

十二國合十有六星在女牛之南近九坎分土而
居列國象也齊一星在九坎東齊北二星爲趙趙
北一星爲鄭鄭北一星爲越越東二星爲周周東
二星南北列爲秦秦南二星爲代代西一星爲晉
晉北一星爲韓韓北一星爲魏魏西一星爲楚楚
南一星爲燕其星有變動失常或他星守犯各以
占之

管窺輯要

卷之三十二

重

管窺輯要卷之三十三

六安黃 鼎玉耳父纂定

男九命簡臣

侄九錫公位

九疇倫鑑

九如眉鑑

侄孫顯臻成

珂先鳴

桐城方亮及子詒全閱

管窺輯要

卷之三十三

一



虛宿論

虛二星冢宰之官也主北方居廟堂祭祀禱之事又主死喪哭泣月五星客彗守犯主朝廷冢宰災濟分兵及饑盜天壘城十三星如貫索狀主北夷匈奴壘城下有四星曰敗曰其星隱然明則人主愛不見則地有流民西三星曰璿瑜明盛則后官奢恣哭泣各二星夾虛明則多死喪四司各二顆八星皆冥官之職明大則天下多死

虛宿說

管窺輯要

卷之三十三

二

虛二星合距北星爲度而今曆家以距南星爲度北星則入於牛矣蓋北星不當日之度而南星當度故虛距南星得十度北星舊圖入虛宿唐志測在女九度宋志距南星去極一百度五十分赤道八度九十五分七十五秒黃道九度七十五秒天之道南爲陽明北爲幽陰人之事嘉禮屬陽凶喪屬陰故坐必南向寢必東首葬則於北方北首皆天道也故虛皆主死喪又主北方邑居廟堂祭祀祝禱之事又主風雲虛下六尺爲天中道又爲冢

宰之官主平理天下覆藏萬物明盛則天下安動

搖則有哭泣之應宋均曰蓋屋之下無人但空虛似乎嬪官故主哭泣日月食兵起五星犯有災流星犯賊害宗廟祁萌曰客入則大人當之黃帝經曰客守爲兵喪星占云近一年遠二年有流星自虛危入羽林占爲外兵歲等之有憂兵或饑火守則天子將兵金守則臣下兵起水守饑饉禮記月令註云日經虛危司命司祿司非司危爲鬼官之長

管窺輯要

卷之三十三

三

又墳四星在危東南墳墓四司之氣能爲厲鬼將來或爲災厲故饗饌以禳除之事或然也虛爲玄枵所謂枵者耗名也梓慎曰歲在星紀而淫于玄枵玄枵者虛中也故梓慎謂宋鄭必饑裨竈曰歲棄其次而旅於明年之次以害烏帑周楚惡之註云歲星所在其國有福失坎於北禍衝在南故周王楚子受其咎二人所見不同故備舉以示卜占曰一云天龍乃玄枵別名也

司命二星在司祿南主年壽又十舉過行罰滅不

祥之事○司祿二星在司命北主爵祿增年延德故在太宗之祀○司危二星在司祿北主驕佚則罹凶天○司非二星在司危北主過失四司宜暗若明大則災居常則安

哭二星在虛南主號咷多倚廬之事星不欲明○泣二星在哭東主喪星不欲明若明則國多哀金守亦然

天壘城十三星在哭南形如貫索主匈奴邊塞諸夷正北方之地也變動則夷人犯塞有星守之主

管窺輯要

卷之三十三

四

北伐征

敗四四星二星入虛宿二星入室宿在虛危之南司一年之災凶與咎聲同而通用也故星贊曰敗四四星知災凶不見則人有饑色背鄉邑客星牛之饑且兵

璿瑜三星南北相列在代晉之東主友也璿玉飾也皆婦人服飾也微則後宮儉約明大則婦人奢縱

火金闕於虛危大兵喪或鼓軍殺將於齊

虛宿為廟堂冢宰主理天下覆萬物主風雲又主死喪哭泣之事亦為祭祀所禱度八度九十五分七十五秒外六尺為黃道餘見女宿下

虛宿歌

上下各一如連珠命祿危非虛上星虛危之下哭泣星哭泣雙雙下壘城天壘圓十三星敗四四星城下橫四西三個璿瑜明

虛宿考

司命二星在虛危北主死生○司祿二星在司命

管窺輯要

卷之三十三

五

北主爵祿○司危二星在司祿北主喪亡○司非二星在司危北主讐過○哭二星在虛南主死喪號泣○泣二星在哭東危南主墳廬悲泣○天壘十三星在哭泣星南主北夷匈奴鬼方之屬○璿瑜三星在十二國東主婦人服飾○敗四四星在虛壁之南主司年災

虛二星一名玄枵一名北陸一名臨官一名鄉中一名中宮主死喪哭泣之事又主廟堂祭祀之事又主風雨明靜吉動搖有死喪日月食兵起流星

犯賊亂宗廟彗孛客星入蔽廩空書宵中星虛

司命二星在虛東主壽命又主舉過行罰滅○司祿二星在命北主爵增年延德○司危二星在虛西北主驕逸○司非二星在危東北主是非過愆四司皆黑明大為災

哭星二星在虛南泣星二星在哭東主哭死悲涕之事明則國多哭泣金火守亦然

天壘城十三星在哭泣南主北夷匈奴明大兵起○璃瑜二星在秦代之東南主天之饑糧衣服○

管窺輯要

卷之三十三

六

敗四四星在虛危之南主賣金饒出鄉宅之事

虛二星十一度距虛南星去極一百三度在黃道

內八度金星也春夏為水秋冬為木一名玄枵一

名顓頊一名北陸天卿臨官又冢宰之宮為天府

主廟堂祭祀請祝哭泣飲祀失禮主死喪北方邑

居廟堂星動搖國有大喪○木守之昭參穆失序

人饑多病○火守之旱女子多死萬物不成天子

自將兵出久守米貴○土守之風雨不時大旱多

風寒米貴○金守之臣謀主兵起殺人流血○水

守之旱萬物不成或為水災○客守之其分兵疾

若凌犯環繞國有兵亂○彗孛行犯虛分有兵相殺流血成川人死如奇○大星如半月守之名天賊為王者奉郊廟也消災○月暈虛兵動人饑

虛宿總序

虛二星一曰玄枵一曰顓頊一曰北陸一曰天節

一曰臨官一曰鄉中一曰申宮水星也虛為廟堂

為天子冢宰之官主死喪哭泣墳墓祭祀主天諒

闇之事主北方又主黃鍾律管其下九尺為日月

管窺輯要

卷之三十三

七

五星中道又主風雲將有死喪哭泣壅祭之事則

占於虛其星明靜則天下安不明則天下旱動搖

則有死喪哭泣飲斜則上下垂亡則享祀失禮郊

廟曰虛星動則有更國制者

日月變異占

日在虛蝕戒在玉市租稅文繒帛器物金玉之臣

黃帝占曰國有大喪天下改服期九十日武氏曰

大饑兵起○日暈於虛丞相下獄石氏曰民饑一

曰有死喪

日在虛餓有大喪天下改服郝萌曰民饑去其室
家一曰有兵戰一曰典衣服刀劍金玉之臣有坐
罪者日暈於虛黃帝占曰兵起有戰郝萌曰民饑
有哭泣螽蟴死一曰蜚虫多死又曰有土子荆州
占曰有白衣之聚一曰宗廟有兵民徙他鄉一曰
宗臣黜否則冢宰黜○月暈虛危兵革離宗廟○
月變於虛有土工軍在外饑

月五星于犯占

月犯虛天下大虛虛色復盛天下政亂國有憂將

管窺輯要

卷之三十三

八

軍死有哭泣一曰宗廟兵起一曰百姓饑亦為陵

廟事

歲星守虛其國饑昭穆失序多疾疫郝萌曰天下
兵大起若將離散士卒死亡

木守虛三月以上有列土爵者黃帝占曰大旱穀

大貴石氏曰女子多危萬物不成土工興天子自

將兵又曰木守虛七日以上盡三十日王者起宗

廟修陵家有白衣會不出九十日甘氏曰木守虛

失色天子改服不出六十日孝經緯曰木守虛東

民多暴死守其北無守其西歲少兩守其南天子
宮中二政宰相之宗坐誅

木入虛甘氏曰天下大虛郝萌曰國政急天下亂

大人憂有德令荆州占曰有封立國邑

木入虛而晉守之有政諸侯守之六十日不下國

有死將自日不下改元大臣戮死期二年

木經虛齊國多有獻美女者一曰其君納美女○

木逆行虛其國多有不恭祭祀

木中犯乘陵虛海中占曰天下饑王者改令一曰

管窺輯要

卷之三十三

九

宰相有德令

木犯虛遂守之荆州占曰居其東民饑且暴死居

其南宮中兩血宰相坐之居其西其月不兩居其

北其下有亂○木居虛郝萌曰五穀以水傷○木

出入留舍虛天下大苦

木犯虛遂守之海中占曰改服有白衣會不出六

十日天下大饑民流千里君臣離散

災惑守虛天下大旱女子多死萬物不成工役興

天子自將兵米貴十倍黃帝占曰赤地千里人相

食又曰大臣爲亂人人疾疫石氏曰將反兵發天下更令甘氏曰民爲變天下大水一曰民流死守之一曰二十以上諸侯會地將軍受封

火入虛有火災君有恐郗萌曰牛車貴荊州占曰天下有變有破軍死將天下更令諸侯有死者期一年天女錄曰有赦石氏曰大人虛中三月齊王死八十日相死不死即走巫咸曰火入虛中同其出日而數之期二十日兵發又以始入之日數之率一日期十日兵罷

管窺輯要

卷之三十三

十

火入虛成勾已郗萌曰政令急天下亂大人憂戰不勝○火入虛而犯之天子自將兵流血滿野火舍虛天子喜賜諸侯又曰火舍天府門中央天丁赦舍其東循旱舍其南楚地旱舍其西廬江旱舍其北遼東西旱○火舍虛國以喪徑郗萌曰天子不敬祭祀女主大臣不謹留三十日君臣俱憂火中犯陵乘虛天子自殺將兵有大戰流血有亡國死王期三子郗萌曰土工貞石氏曰大旱穀大貴一曰百姓多死

鎮星守虛風雨不時大旱多風穀貴春秋文曜鉤曰土甕水有土王一曰官人多死一曰多病瘡死一曰有兵災大水萬物不成海中占曰人不安全妖言郗萌曰臣有欲危宗祀者有亡國死亡一曰政急國亂

土入虛中而守之石氏曰水且急進而守之有客兵鉄鉞用一曰天下多空言○土入虛有舍舍大人憂天下大虛政急國亂一曰有兵五穀不成

土逆行虛荊州古曰君臣不敬祭祀女主心謹天

管窺輯要

卷之三十三

十一

下諸侯有官者宗廟血食益尾土之虛國有大憂土出入留舍虛中有急令行未當至而有客兵不過五日去當至不至其國兵起土中犯陵乘虛有急令兵起大旱有赦武氏曰星行疫有客兵即去不出三年巫咸曰土入虛中同其出入敬之與大同土與木同守虛名曰陰陽盡爲大水災魚行人道民流無居三年大旱赤土千里太白守虛國政急臣謀君兵起有流血石氏曰國

多孤寡甘氏曰是謂母覆其子承國有封拜賞賜者巫咸曰民疾疫天下亂石氏曰有兵兵罷一曰天下將兵農人荷戟海中占曰東北胡爲冠吳越楚兵大起石氏曰太白守虛去之一尺粟貴十倍太白犯虛天下兵起從齊始或有大喪。金入虛海中占曰不出九十日有大赦郝萌曰大臣下獄多土工民流亡臣謀君一曰國多孤寡。太白出入留舍虛國君有疾大人有陰謀

太白在虛出芒角如劍空國兵起巫咸曰太白入

管窺輯要

卷之三十三

三

虛中同其出日數之期二十日兵起又以其入日數至出日率一日期十日兵罷

辰星守虛旱萬物不成黃帝占曰多雨水人流亡

石氏曰國內亂政急太人憂天下虛海中占曰有

兵丁壯行淫婦獨居萬室空虚一曰春旱秋水卻

萌曰武臣誅國亡一曰山水出民無居甘氏曰水

守虛角動色青臣期有喪兵起國中

水犯虛甘氏曰其邦多水災天文錄曰視辰星所

在東南西北之方以爲春夏秋冬之期一曰水犯

虛臣謀君兵起國敗

水入虛中大水出巫咸曰伺其出日數期二十日兵發又以始入日數之與金同。水中犯乘陵虛海中占曰春旱秋水五穀不成若東守其陽色赤黃爲旱萬物不成天下兵亂

客星流星彗孛干犯占

客星出虛大臣爲亂兵大起國有喪天下多哭泣期三年石氏曰人主出一曰天子使人於諸侯。二客星出虛天下無主民無所依。客星入虛黃

管窺輯要

卷之三十三

三

帝占曰兵在外大饑將死兵散天下有大令郝萌

曰米大貴荊州占曰國亂政急天下饑大人憂石

氏曰客星入虛色赤有遊客入國色青黑有哭泣

一曰色赤有赦粟貴色白有客亦曰斃至。客星

入虛三日繞之有赦期七十日。客星出入虛天

子自將兵於野。客星犯虛有哭泣事有改制天

文錄曰有赦陳氏曰天下有謀若環繞之成勾已

國亂兵起。客星守虛兵起有亂臣人主不和一

曰國君憂甘氏曰有戮臣。客星守虛天下有急

行石氏曰憂三月視虛有二客將死三■相死四

星軍敗五星國亡乙巳占曰客星守虛其國兵起

近期一年遠期二年有哭泣

流星犯虛天下哭泣春夏祀廟憂秋冬祀天子將

兵出野●流星出入虛人主有大憂臣相有拔邑

有亡國一曰有哭泣春夏入之宗廟憂秋冬入之

人主自將兵海中占曰流星入虛兵聚其下天文

論曰流星入虛色黃有求賜者色青哭泣色黑相

死否卽還○流星出虛貴人疾病一曰君使出使

管窺輯要

卷之三十三

十

有求於人出虛色黃而光澤有德令相有喜○流
星數從虛危中出貴人使出求藥○流星出虛入
危小人乘政

彗孛出虛天下亂有叛臣兵大起國易政陳氏曰

天子自將軍大戰流血其光芒所指國亡期三年

遠五年○彗孛犯虛天下哭泣有改制宗廟起兵

國亡一曰多大雨無立垣○彗孛行犯虛有兵人

相食殺流血成川積骨如山○彗孛出虛危之開

有叛臣起於其國兵大起國易政期三年

雲氣于犯古

蒼白雲氣入虛有哭泣出之禍除○黃色雲氣入

虛天子以喜起宗廟祠祀○黃白雲氣入虛亨氣

也天子敬祀宗廟○赤色雲氣入虛有火災一曰

有兵在廟中出虛有兵廟外○白色雲氣入虛有

無災之客來出虛有使出外○黑色雲氣入虛有

水災一曰廟祀○雲氣入立虹出虛天下大虛多

火災

虛宿去極度數考

管窺輯要

卷之三十三

五

按虛宿本位居子之次齊青州之分凡九度正月
且在卯二月且在辰三月且在巳四月且在午五
月且在未六月且在申七月且在酉六月昏在卯
七月昏在辰八月昏在巳九月昏在午十月昏在
未十一月昏在申十二月昏在酉

虛二星九度少強距南去極一百度○半入虛初

度家宰之官也少強微多也書周官云天官家宰

六卿之長卽今吏部尚書也正義云虛天之冢宰

主平理天下覆萬物主邑居廟堂祭祀之事又主

風雲邑居言外也廟堂言內也虛危屬玄武故主風雲也又主哭泣死喪索隱云虛二星南北星主哭泣漱清考孔子云君薨百官總已以聽於冢宰三年故虛乃冢宰兼有哭泣事

古曰虛星明如常則天子壽昌動搖暗則有死喪哭泣日食則戒在市租稅繹繹帛金玉之官日暈則冢宰有憂驚月食犯則國空虛民饑饉流星犯賊亂宗廟五星犯天子憂金火守天子自將兵宗廟回祿金犯兵起葦亭守人相食血流成積

管窺輯要

卷之三十三

天

尸如山大兵起

司命二黑星距西北去極十二度入虛三度在虛北主舉過刑罰滅不祥又主掌生算死喪事言舉人之過行天之罰消滅不祥生算算在生之壽命古曰司命如常則天下人壽天子壽失常天下大折葦亭守天子命討有罪

司祿二黑星距西去極九十度入虛四度在命北主爵祿言周爵五等公侯伯子男故孟子云公一位侯一位伯一位子男同一位凡五等此班爵之

制也公侯制地皆方百里伯七十里子男五十里凡四等此班祿之制也又曰公五百里侯四百里伯三百里子男二百里雖與禮王數不同孟子所言亦必有據故讀此其大略也又曰子二百里男一百里焉增年延德故在六宗之祀六宗之說不同書舜典云禋於六宗禋名也一六昭祭四時也二坎壇祭寒暑也三王宮祭日也四夜明祭月也五幽宗祭星也六雩宗祭水旱也漢孔光劉歆以六宗為乾坤六子謂星也辰也司中也司命也風

管窺輯要

卷之三十三

天

師也雨師也又以天地春夏秋冬為六子賈逵以天宗三日也月也星也地宗三河也海也岱也劉邵以為太極中和之氣為六氣之尊六氣者陰陽風雨晦明也張髦以三昭三穆為六宗後魏以天皇大帝及五帝為六宗後漢以上下四方為六宗孔安國以寒暑日月水旱為六宗或以水火相建雲氣不相悖山澤通氣為六宗

占曰司祿居常則朝廷爵祿平天下諸侯王奉法百官有司奉職反是則凶金火守犯則公侯宰相

有貶黜者彗守犯則公侯宰相有叛逆者黃道入則公侯宰相有封爵受賜之喜者

司危二黑星距西去極八十五度入女八度在司祿北主驕佚驕矜高佚放逸又主臺榭死喪事築土曰臺榭臺上屋也築上為臺所以觀四方之高遠

占曰司危居常則居上不驕為下不悖天下安失常則臣下驕恣上木守則土木大興火守則火災水守則水淹彗守則人君失德壞官室以為汙

管窺輯要

卷之三十三

九

池棄曰以為苑囿以禽荒獸荒亡國者

司非二黑星距西去極七十九度入女九度半在危宿北主司過失書呂刑云五刑不服正於五過一官言威勢也二及言報德怨也三內言女謁也四貨言賄賂也五來言干請也周禮大司寇有三宥一宥曰不識再宥曰過失三宥曰遺亡過者言殺人不坐死也漱清考論語云道之以政齊之以刑又云赦小過

占曰司非明大為災居常則吉也人君過失納諫

不聽反誅諫臣五星守犯主者凶彗守則君不掩惡而百姓惡其君○以上四司皆冥官也言陰府之官

哭二黑星距西去極一百一十七度半入女九度在虛南主哭死喪○泣二黑星距北去極一百零四度半入危二度在蓋屋南主墳墓倚廬泣哀喪喪禮大記云父母之喪居倚廬言於中門外東墻下倚木為廬也又曰倚牆至地為廬無楣與柱也謂問喪居於倚廬哀親之在外也左傳襄公十七

管窺輯要

卷之三十三

九

年齊晏嬰父桓子卒嬰縗斬直經帶居倚廬杖管屨食粥

占曰哭泣如常則吉明大動搖則國多哭泣事天壘城十三黃星距西去極一百二十六度入虛初度在泣星南如貫索形主北夷夷即北胡也丁零西北夷國名在虛居國犯去匈奴七千里匈奴單于之號也王氏曰匈奴天子號猶華言皇帝也漢書音義云單于者廣大貌言其象天單于然也漱清考匈奴謂之奴奴之也烏得天子皇帝比之

何奴夷國頭目卽以夷王加之尤過分焉王氏之說非

占曰天壘城明大則夷狄侵邊動搖芒角則兵起金火守則大兵起大戰不寧彗孛守犯則夷王有死者中國兵勝

敗曰四星距西北去極一百三十九度半入虛八度在虛危南主敗亡災咎

占曰敗曰知凶災所以候興亡勝敗客星犯則人饑兵起金火守則兵荒彗孛守則更主天下亂

管窺輯要

卷之三十三

三

璿瑜三黃星距南去極一百二十八度入女九度在秦代東南北列主婦服飾言在十二國秦代星之東南隅璿者琉璃瑜者美玉皆婦人粧飾也唐末以琉璃作釵釧爲婦人飾今時尤以瑜玉爲婦人飾

占曰璿瑜微小則后宮儉約明大則婦人華飾相高奢侈無度其星光潤則后妃有玩好之寵賜

虛宿雜座

司命司祿司危司非

司命二星在虛北主舉過行罰滅除不祥主百鬼生死司祿二星在司命北主爵祿主增年延德司危二星在司祿北主矯失以正天下主察矯矯司非二星在司危北主祛多私主伺察内外過失八星皆庶官之職主天子以下至於庶人壽命爵祿安危是非之事制天下死生之命福善禍淫皆其所司其星微不明則無咎明大則天下人災○熒惑守司命天下多暴死者○彗孛出司命妖惑起王者憂

管窺輯要

卷之三十三

三

哭星泣星

哭二星在虛南主號哭泣二星在哭星東危南主怒泣其星皆不欲明明則天下多死喪國多哭泣事○月五星守犯哭泣人主有使者以死喪出若人之有以死喪事來者

天壘城

天壘城十有三星形如貫索在哭泣星南主北夷丁零匈奴鬼方之類所以候其興敗存亡也○金火入守天壘城夷人犯塞○客星入天壘城北狄

且操騎馬進中國若守之北狄侵邊○葦亭出天
壘城校尉以軍反○赤氣掩入天壘城北夷驚有
疾疫

璃瑜

○玳瑁三星在十二國東主婦人服飾離桂衣也玳瑁玉飾也其星微小則后官餒明盛則女人奢縱

敗回

敗四星在北落師門之南主凶災其星溫溫然

管窺輯要

卷之三十三

室

微而不明則天子吉人民安明大動搖人主有憂疾天下多災凶人愁苦多死喪敗曰一星不具則民棄釜餽俱不見則室無人居○五星犯敗曰除舊更新民不安其室憂失其釜餽○火星犯敗曰爲饑爲喪民去其鄉○流星入敗曰天下有急發米粟之事○彗孛出敗曰天下有急兵國憂民饑○彗孛入敗曰人主凶

卷之三十三終

守真

管窺輯要卷之三十四

六安黃鼎玉耳父纂定

男九命簡臣

侄九錫公位

九疇倫叙

九如眉介


侄孫珮琢成

珂先鳴

管窺輯要

卷之三十四

桐城方兆及子詒全閱



危宿論

危三星天府也。一曰天市主營造受藏之事。餘通虛星古熒惑星犯掃主火災於修造之所。又主土木工盛及有兵喪墳墓四星屬危之下主死喪哭泣之哀。月五星客彗守犯國有喪陵寢防盜蓋屋二星治宮室之官也。月五星客彗守犯董役之官災天錢十星主錢令月五星客彗守犯庫藏防盜錢令災上有四星四虛梁主園陵寢廟之祠人星在危之上如人形主萬民月彗客守犯天下

管窺輯要

卷之三十四

二

危宿說

危三星宋志距南星去極九十六度北星舊圖入危宿今測在虛六度半赤道十五度四十分黃道十五度九十五分黃道自危十三度六十四分九十一秒人亥赤道自危十二度二十六分十六秒入亥其下七尺爲天中道爲行營邑居祠祀甘氏

云爲天南廟堂主天府架屋受薦風雨又爲冢室之官動則天下大興土工歲守之有兵憂金火曰在虛危芒角兵火動占者以爲子午相沖宿在北方憂在南方客在危爲死喪哭泣之事占曰遠二

管窺輯要

卷之三十四

三

年近一年火守則天子將兵金守則有叛臣金掩之齊國亡或強國君死歲守徃役煩民多竭饑饉蓋危爲天符府六耗名也水守則下謀上一曰危動而不明兵革起月暈五星犯卽有災人星在車府西南其狀如人正北方子位于先天卦氣爲復貞下起元天道之所開人之事雖生於寅而實胎於子故懸象於北繼天而生也周禮獻民數而祭天之司民蓋卽此星註疏以爲軒轅角非也安靜則眾庶衆遠能邇一曰卧星主防淫佚不見則人有詐行詔書者明則吉暗則凶內并三星在人星東主給軍糧正直下白吉若不相當軍絕糧不直則民饑并曰者冬月治五穀之所有事也內曰四星在人星東南主春春者日之用也卽則

大豐俯則大饑隋志云客星入杵曰兵起天下聚米有青黑氣守之魚鹽貴曰不得以附杵蓋杵曰乃二人司之也

車府七星在天津東南首抵司非尾指天鉤近河邊天子五輅所藏主官車之府金火守之兵革大動

造父五星在傳舍南河之中乃御官也一曰司馬或曰伯樂星亡馬大貴明潤則吉

虛梁四星在蓋星南舊在黃道內四度唐志刻在管窺輯要 卷之三十四 四

黃道家人所掌公墓之地園陵寢廟之所非人所處故曰虛梁金火入犯守兵災大起

蓋星二星在危南主天子所居宮室亦為治宮室之官占金火守之則國兵起彗孛尤甚

墳墓四星在危下如墓形墓大夫所掌百族兆域主喪葬之事明則多死亡

天錢十星在北落師門西北主錢帛所聚主九府循環流通以權百貨之象坤主利故麗於此占明則府藏盈暗則虛耗金火守犯兵盜起

天鉤九星如鉤狀本紫微垣之星而入危初度在造父西入河中主乘輦服飾之法式直則地動明則服飾正也

危宿為天府主宗廟祭祀之事又為禮堂主死喪哭泣度十五度四十分外七尺為黃道餘見女宿下

危宿歌

三星不直是危形危上五黑號人星人畔三四杵曰形人上七鳥號車府府上天鉤九黃晶鈞下五

管窺輯要

卷之三十四

五

鴉字造父危下四星號墳墓墓下四星斜虛梁十個天錢梁下黃墓傍兩星名蓋星身著烏衣危下宿

危宿考

天鉤九星在造父西主輿服法式○造父五星在傳舍南河中御馬之官一曰伯樂○車府七星在天津東南首抵司非尾指天鉤主官車之府賓客之館○人星五星在車府西南主萬民○杵三星在人星東主給軍糧○白四星在人星東南主春

日之具○墳墓四星在危下如墓形主山陵死葬之事○虛梁四星在危南園陵寢廟之所○天錢十星在虛梁之南錢帛所聚○蓋屋二星在危南主天子所居宮室之官

危三星爲天市天府架屋受藏風雨主官室墳墓祭祀明動興土功火守兵起水守下謀上日月五星犯有災又云危爲玄楊耗神也

人星五星在危西北如人象主萬民靜則遠人服又主稽察僞行詔勅者明吉

管窺輯要

卷之三十四

六

杵三星在人傍曰四星在杵下俱主春軍糧直下曰吉傾覆則民饑○車府七星在天津東主官車金火守兵車動

造父五星在車府東北主御女之官一名伯樂明吉亡則馬賈

天鈞九星則紫微東藩外傳舍東造父北主輿服法式○蓋屋二星在危南主天子居室金守彗犯兵起

墳墓四星在危東南主山陵悲慘之事明則多死

亡虛梁四星在墳墓南主園陵寢廟○天錢十星在虛梁南主庫藏財物

危宿危三星墳墓四星十度距尾南星去極九十八度在黃道內九度大土星也春夏爲水秋冬爲火天之廟堂爲架屋主天府天市祭祀皇明則王者興官室動則有上功

日月食危中有殿崩官陷大臣殺逆天下改作○水守之祭祀不敬大哭泣事天子造官室人勞土工事○火守之人多疫死無葬者歲儉在南方久

管窺輯要

卷之三十四

七

守則東方兵起大臣逆國易政饑旱米貴十倍○土守之土功起旱損爲惡兵起○金守之臣下亂謀君軍敗破被刑法官有憂國多水災○日月五星入之天下亂來年大饑○客守之國政改立王侯米貴兵起○彗孛行犯之國叛兵起○月暈危人多疫死

危宿總敘

危三星曰天府一曰天市官也主墳墓官室祭祀架屋天子之廟堂也又爲百姓市其南下九尺爲

日月五星中道虛危者天子禮堂亦有冢宰之官主天下死喪哭泣之事星明則天下安暗而動則天子作宮室興土後移徙則天下謀作不鮮失色則客有誅者不見則山陵毀動搖則天下大動

日月變異占

日在危蝕宮廟崩陷大臣亂天下改作人主兵起有哭泣○日暈於危其邦有喪一曰其下有廢主月在危蝕甘氏曰有大喪天下改服石氏曰宮室廟堂有驚又曰不有大喪必有病君一曰大臣死

管窺輯要

卷之三十四

八

尚服之官有黜者○月暈於危黃帝占曰有兵一曰軍敗郝萌曰國主死民多病亡有兵謀不成荊州占曰有亂謀天下擾河圖帝覽曰軍所止民多去其宅乙巳占曰有喪天下哭武氏曰先舉兵者敗○月在危有變有死喪哭泣山陵墳墓蓋屋動眾之事月宿危而霧兵起士卒多死

月五星于犯占

月犯危有哭泣帝覽嬉曰天下多哭泣治居室者海中占曰國有憂郝萌曰兵在外將死○月入危

中宮殿陷大臣逆天下亂

歲星守危祠祀不享數有哭泣之事天子更造官室人民苦於工役甘氏曰有立諸侯天下民不寧巫咸曰役煩賦重天下困竭民役其上強凌弱兵起多盜賊石氏曰諸侯兵起又曰祠祀不共郝萌曰政在臣下荊州占曰天下有受爵土者又曰賊臣起天下亂木星在危春秋合誠圖曰民無寧處○木舍危南石氏曰天雨血高王室○

木出入雷舍危其國君死之

管窺輯要

卷之三十四

九

木犯危有土工有哭泣事天文志曰兵起一曰徭役煩天下怨天雨血

木入危守之三十日不立諸侯兵起六十日不下國其受兵百日不下殺貴客軍將死荊州占曰木守雷危七日以上去之四尺王者高其宮闕木舍民危相惡多盜賊

災感守危歲饑人疫死無葬者東南方皆有兵起大臣爲逆國易政大旱米貴十倍黃帝占曰民爲變一曰其國爲政者危海中占曰春旱秋多水災

鄒萌曰天子改常一曰賓客有事死一曰天子宫
 中地震裂荊州占曰有繕庫室事東方若南方諸
 侯有死者陳卓曰官中火災土工興亂兵起一曰
 諸侯相謀天文論曰有大赦守下星大臣死守中
 星諸侯死守上星人民死各期百八十日○火
 厄巫廟曰羣臣不恭留三十日至九十日歲旱兵
 起米貴○火舍危下天子有賜子諸侯王赦門中
 有赦○火出入畱舍危其國以繕城郭兵起巫咸
 曰國中有大亂吏民相攻一曰大臣爲亂○火犯

管窺輯要

卷之三十四

十

危荊州占曰天下大亂相出走君失地○火入危
 黃帝占曰大赦大亂萬民賊臣起又曰火入危中
 三月齊王死不死則走鄒萌曰天下有變分天子
 日臨府事黃帝占曰越地亡○火逆行危其君簡
 祭祀○火入危而守之侯王謀大臣兵起石氏曰
 三十日不下有立宮廟有哭泣六十日不下國易
 政荊州占曰火入危守之三十日至九十日東方
 兵起歲旱米貴十倍民食草木牛羊倍價一曰火
 入守危甚久而不去近臣叛兵大起○火入危

之以去復還居之人君惡之

鎮星守危有二役兵起星傾國有急兵有旱災五
 穀不實民疾病一曰彗獵天子歉春秋鉤曰兵起
 人民憂海中占曰兵起南方一曰野物入國民流
 亡鄒萌曰蓋事起荊州占曰人多病疽河圖秘微
 曰土守危去之一尺女主憂若貴女有死者石氏
 曰土守危芒角動天子彗獵天下飢色黃則土工
 興○土入危天下大亂賊臣起荊州占曰天子彗
 獵天下饑荒大水災兵起○土入危而留守之海

管窺輯要

卷之三十四

十一

中占曰其國破亡有流血將軍戰死亡地五百里
 有從亡期三年○土逆行於危女事政先人謹之
 土守危春秋占曰黍大熟民有憂○土出入舍危
 其國空虛之外有急有破軍失地有死亡期三年
 ○土未當至而至危其國有客不過五日去當至
 不至其國且用兵○土中犯裏危甘氏曰后愛疾
 兵喪並起有大戰工匠大用一曰土犯齋戒不謹
 有哭泣更造室言民勞兵起

太白守危旱多水災民多癰疽之疾鄒萌曰主急

大臣有謀石氏曰將軍憂甘氏曰太白守危去之一尺諸侯無忠者大臣以讒言相毀有黜者○金入危有兵兵罷無兵起多火災是歲旱五穀不實金犯危天下饑兵起巫咸曰有兵止無兵兵起○金入危而犯守之天下有急事兵大起國有憂一曰兵加於齊其國有亡城一曰大臣爲亂大饑○太白與危鬪不出其年國有叛臣

辰星守危辰下亂謀臣被刑執法之官憂多水災石氏曰粟大貴天下兵發甘氏曰皇后憂疾兵喪

管窺輯要

卷之三十四

主

並起郗萌曰官室工役興其國危石氏曰有大喪去之水滅官乙巳占曰奸臣有謀○水之危巫咸曰霖雨有國大水五穀不成人饑○水入危犯之賊臣謀主天下大亂甘氏曰大臣被戮官中有憂○水逆行於危國君失祭祀之禮

客星流星彗孛干犯占

客星犯危國有災泣事一曰有雨水五穀不成人相食於道有土工○客星出危甘氏曰大臣誅刑官憂多水災土工興出危中多雨水五穀不成人

相食○赤星出危中以大發國○客星入危有土工天子系官室不出一年大饑荊州占曰不出一年大水郗萌曰有赦○客星守危改立諸王侯五穀大貴甘氏曰王者遷都其地更立侯王郗萌曰天下易改人主失勢亡土強臣專命在后族又曰天風有所危敗又曰天子治官人流國危不出三年荊州占曰有哭泣天子改服不出百八十日流星入危乙巳占曰天下不寧下人謀上其國憂期八十日遠年武氏曰君子憂小人流天下奔亡

管窺輯要

卷之三十四

主

期百八十日小人居君子之位○流星入危左右皆爲有兵○流星入危色青黑水災白有四足蟲出爲害黃有土工赤爲兵乙巳占曰流星入危其國敝之危右兵爲敝之左水爲敝之○流星抵危色青赤爲兵黃土工白喪黑有分國○流星犯危祭祀事動春夏犯爲水火災溝洫秋冬犯之主口舌○流星交對抵危中國與北夷狄交兵天下騷動○流星出危有伐屋事色赤火發色黑水發色青以憂發色白以兵發色黃以好發○流星出入

危色黑大臣災天子陵廟有水患

葦宇出危土工興天下亂司空以土工事行誅叛臣兵起大水人饑流亡

葦宇出危間其國有反臣兵大起將軍出國易政期三年近一年○葦宇犯危其國有叛臣兵火起有哭泣

雲氣干犯占

蒼白雲氣入危天子大造宮室○青雲氣入危國憂有損屋○赤雲氣入危有土工蓋屋事大作一

管窺輯要

卷之三十四

古

曰官中有兵憂○赤氣入危以大伐屋一曰有大災○黑氣入危北鄉大水流東鄉其國君死百草不實西鄉人主憂死喪南鄉有疾疫期不出其年遠明年○黑氣入危自北來大水西來君死東來稻粟不實南來有兵皆不出一年○白氣出入危其國有兵○黃雲氣出入危皆爲土工興一曰黃雲氣出入危國有喜○白氣入危若黑氣皆有喪死哭泣事

危宿去極度數考

按危宿本居位亥之次衛并州之分凡十六度三月旦在卯三月旦在辰四月旦在巳五月旦在午六月旦在未七月旦在申八月旦在酉七月昏在卯八月昏在辰九月昏在巳十月昏在午十一月昏在未十二月昏在申正月昏在酉

危三星十六度距南去極九十六度入危五度主天府曰天市架屋甘德云危爲天市廟堂主架屋以受藏風雨也索隱云危上一星高旁二星墮下似乎架屋也又主營造亦爲邑居廟堂祠祀死喪

管窺輯要

卷之三十四

圭

哭泣之事亦爲冢宰之官前見激清考虛宿爲冢宰今危又爲冢宰是一官占二宿矣無是理焉自愚度之危亦主祠祀死喪此必少冢宰爲是占曰危星明則天下安動搖則天子作宮室土木之工徭役大典不見則山陵崩頽毀壞火犯則官室火災水上守犯歲饑土功不上日食男喪月食女喪葦宇守犯則兵喪並起

人星五黑星距西南去極七十度入虛六度半在危上有如人象亦曰卧星主安靜衆庶系遠能邇

衆庶百姓也。云在知人在安民安民則惠黎民懷之又湯誓云格爾衆庶又舜典云食哉惟時柔遠能邇註云柔者寬而撫之也能者擾而習之也其遠近之勢如此又文侯之命云柔遠能邇以定我王。又主巡夜防淫洗解見前

占曰人星如常則吉失常則權奸擅行主上威福讒害忠良國亂彗孛守則奸臣謀叛天下不寧客犯則奸細出入朝堂無禁忌

杵三黑星距南去極六十一度半入危三度在人

管窺輯要

卷之三十四

七

星東南主春軍糧易繫詞云斷木爲杵掘地爲臼白杵之制萬民以濟漱清考杵所以春臼所以盛上動下正。曰四黑星距西南去極六十九度半入危三度在杵之下

占曰杵正下白臼仰而合杵直則天下豐稔覆則人饑荒軍糧乏絕不直亦主荒

車府七黑星距西去極五十六度入虛四度在天津東西近河主官車之府也又爲客館淳風云車輿之府也亦曰官車掌車之官也

占曰車府如常吉有變則凶客守則輦轂有奸金火守則兵車大起

天鈞九黃星距大去極三十四度入危初度在造父西河中主乘輿服飾解見前

占曰天鈞直則地將動如常則服飾正失常則服飾失制

造父五黑星距西去極三十八度入危十一玄在傳舍南河中主御馬之官御古字作馭控馬也曰司焉或曰伯樂司馬周禮夏官司馬掌國馬政之

管窺輯要

卷之三十四

七

官也伯樂秦穆公時人即孫陽也善相馬有騏驎負鹽車而上太行虞坡一見伯樂而長鳴知其識已也今以伯樂名造父者特後人擬之耳非真以造父爲伯樂漱清考造父星乃上古星伯樂乃秦時人伯樂非造父明矣第造父乃掌馬官未必不應伯樂識馬之人蓋造父鍾應伯樂明矣詳考今之衙大僕即其官焉

占曰造父明則天下馬多不見則馬貴動搖則軍馬大起馬多死黑氣入則馬政失官

墳墓四星距中大星去極九十六度入危五度半在危下如墓形主兆域死喪哭泣事東漢獻帝興平元年詔曰皇妣宅兆未卜註云宅墓也穴也兆塋域也

占曰墳墓如常微暗則吉明大動搖則有死事土犯則入君鑿洩山川以陵寢後

蓋屋南主園陵寢廟詩云奕奕寢廟君子作之西漢元帝建昭五年復諸寢廟園註曰寢廟園寢謂

管窺輯要

卷之三十四

太

陵上寢殿園謂山林塋域師古云古不墓祭漢諸陵皆有園寢殿者承秦所爲也言天子之陵寢非人所處故曰虛梁亦主禱祝之事

占曰虛梁居常則吉水土守則宗廟大興水土之土金犯則兵起火犯則宗廟火災

天錢十黃星距東北去極一百一十八度入危三度在虛梁下主錢帛所謂聚軍之府藏淳風云主錢令澈清考錢法始自漢子權母母權子五銖半兩輕重厚薄歷代錢制不一傳至當今靡焚極矣

是純銅傳世金銀之貴幾盡沒焉

占曰天錢明則錢法行庫藏充盈不明則錢法不行庫藏空虛金火犯則有更鑄慧字守則有劫奪之舉

蓋屋二黑星距西去極七十七度入虛九度在危南主天子所居宮室亦爲宮室官宮室官乃營造事業之官說文云官者穹也室者實也言屋見垣上穹穹然也

占曰蓋屋如常則守仍舊貫之吉亦大明則大興

管窺輯要

卷之三十四

左

土木火犯則官殿火災土木犯則天子廣修宮室奢華盛

危宿雜座

鈞星

鈞星九星一曰天鈞在紫微官東藩之外傳舍之東造父北主輿服法式其星明則法正不明則儀服失度星直則地動○慧字于犯天鈞若客星守之或直皆爲地動

造父

造父五星在傳舍南河中御馬之官也一日西牆
 一曰司馬一曰伯樂星亡馬大貴明則吉徙移則
 兵起馬貴○熒惑入造父車馬貴水大出材官騎
 士出馬動兵起○客星入造父材官騎士出若守
 之兵起地大動○彗孛出造父僕御主有斬死
 者兵盡起若犯入之兵起廐馬出一曰御馬官誅
 ○赤星入造父車馬貴

車府

車府七星在天津東近河首抵司非尾指天鈎主

管窺輯要

卷之三十四

主

官車之府賓客之館也其星動搖則兵車大動○
 金火犯守車府兵車大動○彗孛犯車府天下兵
 車悉出

杵星白星

杵星三星在人星東主春糧正直下曰則不相當
 則軍糧絕不直則民饑不具則人棄釜甑不明則
 歲凶聚則豐疎則歉動搖則大饑人流亡

曰星四星在杵星南仰則歲豐傾覆則歉餘占杵
 星同○五星犯守杵曰天下有急發粟○客星守

杵曰歲饑民急於財天下會聚粟米一曰民失杵
 白犯之歲歉人饑有兵入之天下有急兵起○彗
 孛出杵曰有急出粟天下大饑

人星

人星五星在車府東如人形主萬民一曰四星主
 防滌土官也一曰人星主靜安眾庶柔遠能邇星
 立則天下人多死者不具則王者有子不成而死
 星亡不見則有詐者若訛言相驚之事且有婦人
 之亂天下兵起人流徙○五星客星彗孛守犯人

管窺輯要

卷之三十四

主

星天下兵疫饑荒人大災○客星入人星天下有
 詐詔誣傳相爭事○彗孛出人星尚書反

墳墓

墳墓四星下綴危如墓形主山陵喪葬之事星不
 欲明明則天下多死人失常則山陵毀敗○五星
 犯守墳墓國有死喪彗孛犯之山陵有變

虛梁

虛梁四星在危南主國山陵寢廟鬼神之神非人
 所處故謂之虛梁○金火守犯虛梁兵起彗孛犯

室宿論

營室二星天之宮也一曰玄宮一曰清廟又爲軍糧之府及土工之事星明國昌不明祠祀鬼神不享月五星彗孛守犯王者憂軍糧乏歲饑工役興離宮六星兩兩而居天子之別宮也騰蛇二十二星明則魚鹽賤羽林軍四十五星在室宿南一曰天軍主軍騎又主翼輔王室壘壁十二星在羽林北羽林之垣壘主軍伍五星入天軍中皆主兵起又主王師親行熒惑太白客彗守犯无凶主王師

管窺輯要

卷之三十五

二

室宿說

室二星宋志距南星去極八十度半赤道七十度

十分黃道十八度三十二分其下十三尺爲天之中道十月農工已畢此星昏而正中於是時可以營制宮室故謂之營室爾雅云營室謂之定郭璞云定正也天下作宮室皆以營室中爲正也詩云定之方中作於楚宮左傳註云營室水也故云水昏正而栽石氏曰謂之玄宮史記曰清廟乃水之廟也又爲軍糧之府及土工事動則有土工兵出野甘氏云爲太廟天子之宮也金戶玉局之司星明則國昌小而不明則祠祀鬼神不享國多疾疫

管窺輯要

卷之三十五

三

郝萌曰彗出室天下政易又彗出兵起大喪火金聚其地戰不勝金掩火有兵又爲後宮懷妊之象字出有兵喪後宮亂室爲姬訾之次亦曰豕韋也離宮三雙兩兩相比分布室之左右天子之別館亦隱藏休息之所故曰營室天子之常居離宮后妃之所居也不見及金火守則兵起土公吏二星在室西南主土功之官司室所屬動搖則有修築之事金火守爲災隋志云土公吏主司過度

天網一星在北落師門之西乃正北方與南北極相應氣機之所幹旋也故名舊作天網主武帳獵之會所與八魁同占則非矣

八魁九黑星在北落師門東主設機穽張羅網卽射人所掌服石氏曰羅氏掌畜等官也金火入守爲災客星犯入守盜賊兵起

鉄鉞三星亦曰鉄鎖在八魁西北軍中之所有事主諺夷暗則鉄鎖不用移動則兵起五星入皆爲大臣誅

管窺輯要

卷之三十五

四

北落師門一大星在羽林西南天之藩落也亦曰天軍藩之侯門今長安門曰北落門以象此也卽大司馬仲冬教大閱所謂以旌爲左右和門以敘和出軍令貴一師克在和也主備非常以候兵明大則軍安史記北落若微則亡軍星動甬益希及五星犯則軍起火金水守尤甚一曰有星守之則虜至塞史記又云火軍憂水患水土軍吉漢書音義曰木星土星入北落則吉也

壘壁陣十二星在羽林北橫列營室之南羽林之

垣壘也天子四時之田以講武事而冬則備軍禮以大閱故係於此卽今之團營也主軍伍其星衆而明則吉安寧希而動則兵革起不見則天下亂失其常處則兵起將有死者五星入皆爲兵起金火水尤甚

羽林四十五星三三而聚散在營室之南乃天軍也鄉遂之兵較閱而不調用主翼戴王室又主軍騎其占與壘壁陣同微則禁軍弱

騰蛇二十二星在室之北若盤蛇之狀居於河中

管窺輯要

卷之三十五

五

謂之天蛇北方水虫也微則國安明則不寧移於南則大旱移於北則大潦客星守之雨水爲災水物不收

雷電六星在室南主興雷動勢明則雷電震芒角動搖則雷電非時擊物王者之師如雷之動如電之明其鼓舞羣動神武如之宋志云甘氏曰雷電在室南霹靂在雷電南雲雨在霹靂南土工吏在壁西南蓋雷公電姥雲將雨師與夫霹靂金吏皆北方水府之精而姪訾爲天門故其神棲焉室不

得而司之也

天海十星狀如天錢在天綱之東北落師門之西
王應電有此星四海之精也又天淵亦爲天海故
步天歌缺天海

自室至婁天子之宮館苑周在焉所以待客講武
遊觀之所皆不可闕亦不可溺者也

室宿主宮室土工度十七度一十分外十三尺爲
黃道初危十三度外末奎三度內於辰爲亥於分
爲衛於野爲井州賦營室東壁之躔屺苦衛井之
管窺輯要 卷之三十五 朱
野自太行懷相東抵大名之鄆濮起白馬衛澶北
負河內之鄆鄴十月在危昏中東正月爲太陽躔
次

室宿歌

兩星上有離宮出繞室三雙有六星下頭六個當
電形壘壁陣次十二星十二兩頭大似井陣下分
布羽林軍四十五卒三爲羣軍西四星兩難論仔
細歷歷看區分三粒黃金名鈇鉞一顆真珠北落
門門東八魁九個子門西一宿天綱是雷傍兩星

土公吏室上騰蛇二十二

室宿考

騰蛇二十二星若蟠蛇之形在室北河中主水族
之類○雷電六星在營室西南主雷電動蟄蛰○
土工吏二星在室南主設備司過○壘壁陣十二
星橫列室壁之南天軍之垣壘○羽林軍四十五
星散在壘陣之南守衛天子之宮○北落一星在
羽林西南天軍之門主候非常○天綱一星在北
落西南主武帳官舍天子戈獵之所○鈇鉞三星

管窺輯要

卷之三十五

七

在羽林西主行誅罰○入魁九星在北落東南張
禽獸之官

室二星一曰玄宮二曰清廟又曰營室主宗廟軍
糧及上功之事室二星謂之定定正也主土功詩
云定之方中明大旨暗多疾戔動搖興土功兵起
離宮六星兩兩而居在室北之東西乃后妃六宮
之位也主閉藏休息之所明則王者有子金火乎
兵起

騰蛇二十二星在室北主司水虫獲水災徵則國

安移南旱移北水

雷電六星三三而居室南主風雨

壘壁陣十三星羽林軍四十五星俱在室南主擁

衛天子之軍明靜則安金火守兵起

土公吏二星位在室西主土功之官動搖則有修

築之事

八魁九星在鈇鉞東掌禽獸之官客北金火守多

盜賊

鈇鉞三星在北落東一名斧鉞主誅詐偽暗則吉

管窺輯要

卷之三十五

八

移動兵起客犯大臣誅

北落一星在羽林南主防夷候兵

天綱一星在北落西主張天繩又主武帳天子遊

獵之所金火守兵起

室宿室二星離宮六星十六度三百四分度之七

十五在一度之末二度之初距室南星去極八十

五度在黃道內十八度半木星也春夏為木秋冬

為土天子之宮一曰玄宮一曰清廟又為梁原土

工軍糧之府也離宮六星為天子別宮藏息之所

休解之房動搖則兵起軍糧用星明國昌小而小

明祠祀鬼神不享○日食室中王者自將兵征不

伏○月食室中大饑兆民絕糧

金犯乘守及入環繞勾已后妃黜或主崩但后黨

被誅或為官女通外人以時占之

水守之在南旱在東有喜在北有憂在西米貴○

火守之將軍凶若久守主室宮棄位大臣陰謀憂

旱米貴十倍兵起守二十日以上至九十日臣謀

君篡位惡之○土守之室若有軍出兵敗主人得

管窺輯要

卷之三十五

九

地又米貴人民散失○奎守之兵車解散若久守

兵敗滿野○水守之為水災天子欲敗王侯之國

不出三十日

客星守及彗孛犯之先起君弱不可戰必敗

月暈室壁下逆謀成起婦人多病死

室宿總敘

室二星曰管室一曰光星一曰玄宮一曰清廟一

曰玄冥一曰天宮一曰天庫一曰體官天子之宮

軍糧之府木星也主宗廟主三軍厚賞及土工事

其下九尺爲日月五星中道其上六星兩兩而居
曰離宮后妃六宮之內爲宮掖永巷或曰營室二
星上一星爲天子宫下一星爲太廟故置羽林以
衛之將有土功之事占於營室星明正則國昌不
明正則鬼神不享祠祀國多疾疫動則有土事芒
角則有兵疫星亡則輔臣死離宮不具則王者無
子營宮東壁四星爲天四輔其中正而實吉正方
也實則其間小星多也荊州占曰四輔至則輔臣
不忠越職賣權二舍不實則中搖佚出入不常嫡

管窺輯要

卷之三十五

十

妾相踰宮女怨曠

日月變異占

日月食室王者自將天下大擾黃帝占曰後宮出
入無禁一曰外戚擅權君戒出入有軍在外絕糧
士卒逃散一曰國憂主易
日暈於室人主好色外戚美權一曰後宮有變女
主黜一曰人君爲太子所制
月在室食年饑民絕糧郗萌曰天子無嗣女主憂
一曰土工興天下乏

月暈室婦女多病死天下有謀奸臣起亂不成海
中占曰兵起有屠城郗萌曰宮室敗一曰宮中有
喪一曰大風起天文錄曰有水災一曰宮中有陰
謀乙巳占曰有蠻夷使來貢荊州占曰常以七月
四月十月候月若暈玄宮不出六十日有妄營驚
聚百姓不則不出九十日天下有急事
月暈室壁風起大水至寡婦小兒多死
月變於室大臣爲亂國亡地時死相去兵在外者
敗一曰王者自將兵不安正寢

管窺輯要

卷之三十五

十一

月與五星于犯占

月犯室國有憂一曰有亂亡地宮廟有毀上工興
相死兵起天子自將
歲守室天下饑國有急石氏曰人君不安親戚官
中有火災巫咸曰人多病疾海中占曰王者避正
殿居別室旋恩有過則無咎郗萌曰土工興有遷
王者立后又曰室中有大死者一曰后夫人憂玄
宜古曰其邦有得地守之二十日至七十日則有
大賊天子自整六師兵軍大行天文論曰水室室

人君有晏賞爵祿及天下乙巳占曰有德者得地
歸於民爵○木守室處其東有赦令處其南春米
賤國有喜處其西米貴牛羊賤處其北國有憂天
文錄曰木守室有赦去陽之陰半獄盡空○木犯
室犯陽陽有急犯陰陰有急一曰土工興○木經
室而去人主有慶賜事天下有受爵祿者永之室
曰宅○木逆行室其國用兵不時君出不還○木
留處其北有其兵兵罷處其東食貴民多徙處其
南春食賤處其西有憂○木舍室行不由正道人

管窺輯要

卷之三十五

土

君用人失當○木出入畱舍八十日不下地半震
九十日不下有急令大將出齊伯占曰君危
熒惑守室將軍凶春秋元命包曰群妃闕文耀鉤
曰后妃專權石氏曰天子爲辟自守栗貴守之三
月王者崩有立王廿氏曰客燒主人將軍有誅又
曰民人爲變巫咸曰早五穀不成多火災海中占
曰人疾疫多死郝萌曰人主改宮室天下大饑○
火犯室有兵民死歲早郝萌曰犯其陽陽有急犯
其陰陰有急石氏曰賤人苦於役荆州占曰諸侯

相攻大戰粟貴倍常○火入室巫咸曰臣伐王一
曰有兵兵罷荆州古曰齊有兵民多死歲凶石氏
曰衛軍死一曰相死不死則走廿氏曰由大臣有
匿謀郝萌曰有賊非盜一曰天子宫中有凶二十
日以上天子惡之○火入室中天子改作其宮○
火逆行室石氏曰王者裏臣謀反若犯之兵大起
環繞之三十日有破國六十日不下有死王若太
子死期一年遠不過三年○火入室而守之四十
諸侯轉粟各虛其國○火入守室環繞成勾已人

管窺輯要

卷之三十五

土

主失官棄位大臣謀反夏旱米貴十倍守之二十
日以上至六十日臣爲逆有弑君篡國火經室中
諸侯起兵相謀○火出入畱舍室中有客來欲見
君者又多土工○火入舍室因畱舍之臣謀君官
中有大變期不出一年海中占曰畱二日天子凶
舍其南后凶舍其中太子凶舍其北諸侯有死者
○火居營室兩君相守相和則古否則俱殃○火
畱室大人憂陳卓曰后死一曰臣下爲賊色赤而
怒芒角火起后宮有變不怒無咎北官候曰火舍

室久居其陰方赤色拔千家危邑驅掠居其陽陽
千家邑拔萬邑亡○火犯室而守之天子好色君
后皆不以令終一曰宮中工役民死歲旱○火以
正月入守室賦歛重氏大饑○火守離宮正東爲
父正西爲母正北爲妻正南爲子守正舍爲身其
言赫其國離易期三年遠五年兵起

鎮星守室天子具造宮室起土工將軍益封石氏
曰天下不安百姓易處人主徙宮工匠大用郗萌
曰后夫人有憂巫咸曰關根不到時節人多死乙

管窺輯要

卷之三十五

占

已占曰大人惡以赦解之○土守室色黃白宮中
有賜金而去者○土守室而南人君有金寶之賜
○土宿室而逆行女主自恣○土犯室其下有兵
出入有斧鉞貴人憂石氏曰犯其陽陽有急犯其
陰陰有急荆州古曰土工興宮中有憂天子煥出
入○土之室田宅大貴○土出人舍室六十日不
下諸侯不通七十日不下天下土工大起○土逆
行留守室天子不親九族親戚離下謀上天下不
寧

管窺輯要

卷之三十五

主

太白守室則兵革散久守則兵滿野石氏曰太白
守室去之一尺威令不行又曰太白守室怒主大
臣謀兵起於內郗萌曰君有殃天下多賊甘氏曰
天下有大兵欲乘水攻王侯之國不出四十日荆
州占曰天下更合有破軍期三月若百二十日守
之六十日不安將軍死李筮曰太白守室有暴兵
金犯室犯陽陽有急犯陰陰有急一曰人君失政
兵起宮中○太白乘守室環繞勾已之女主廢一
曰有大喪宮中出入自恣○太白逆行勾已營室
太子宫中有兵○太白出入畱舍五十日不下衛
國一百日不下將軍戰死○太白畱舍室中期六
十日天下金賤○太白晨出東方上至室而返還
入東方強國不利出西方若東方過室強國君有
與者不及營室而及強國戰敗○太白犯守離宮
環繞勾已若逆行來往於離宮皆爲女主廢出或
主崩或后黨謀或宮人通外人以日辰星占之
辰星守室天下諸侯發動於西北一曰有水災天
子欲發諸侯之國不出四十日巫咸曰五穀不成

郝萌曰猶枝起一日后夫人憂有大喪大臣殃玄
冥占曰有大兵乘船而來○水守室北天下閼樓
恐不通○水守室危青宮女多死者夫人憂守之
一旬期三月相逐三旬期五月國君死○水之室
天下多徭役民無寧處○水犯乘愛室其國水災
殆難有愛一日水犯室有土工石氏曰犯陽陽有
忌犯陰陰有急水宿之懸○水入室防有水兵來
不出百一十日

客星流星彗孛干犯占

管窺輯要

卷之三十五

夫

客星出室國有土工人饑大臣作亂兵起九十日
其星色赤黃主去國貴人多死將軍國事郝萌曰
客星出玄宮城郭有壞者石氏曰有兵先起者敗
一日君使於諸侯以色占之赤星出玄宮廟中起
兵白星出室中入有管賜者一日赤星出室宮廟
之中有死傷客星入室巫咸曰天子有兵事海中
占曰有軍饑將士離散郝萌曰外夷兵入其國多
土工一日諸侯有變來以五色占之一曰邊兵起
人饑一日國亂人去其主又曰盜賊起一日有兵

起巫咸曰天下人流亡二曰多陰雨無立垣北官
候曰叛築事興

客星入室中天子有憂順行有德令逆行君凶黑
星入廟中天子以藥殺宮中人則有藥人主者
白星出入天廟廟中有兵赤星出入臣謀君赤星
若黑星出入官廟中有死者亦爲之有毀廟事黑
星從天廟南之北女主死

客犯室宗廟中有事天子憂○客星舍室其國日

作宮廟多土工雷之不去北夷兵入○客星入室

管窺輯要

卷之三十五

七

甘氏曰有軍則軍降主人得地荆州占曰多雨水
郝萌曰國亂主出工匠起其國絕祀一日三軍兵
動不戰牛羊驚不出七十日宮中有憂○客星守
離宮中宮有急事人主憂
流星入室有外使所起占其從城乘以五色占其
事流星出室有內亂宮中兵起主去其官一日天
子使出以五色言其事川星所言其所往之國
流星死室軍之糧春秋犯將敗出秋冬犯水溢有
土工事大奔星抵室其國貴人死上旬爲老年中

旬爲中年下旬爲少年期一月○流星川冬至後三日四出至國有急事

彗孛出室國亂有大水大喪易政不出五年有兵先起者敗一曰兵起人疫○彗見室中後官有亂一曰有赦○彗孛犯室先起兵者弱不可戰必敗失地期百十日遠三年若六年○彗孛出室壁間兵大起有大喪亡國死王期不出二年

雲氣于犯占

蒼曰雲氣入室大人憂喪○黃雲氣入室有土工

管窺輯要

卷之三十五

太

事○黃白雲氣潤澤入室諸侯有使來若出室天子有使出外皆言宗廟之事
赤雲入室有兵○赤雲氣大道來上下人主不可出官有逆臣有疾病不出三年其上大饑有軍在外則有大戰流血暴尸赤色如波揚入室兵入官有亡

黑雲氣入室大人憂死喪○青氣入室其國憂○雜氣入室各暴死喪○有氣明潤光澤日月之形出入室中男子之兆○黃氣光明潤澤出入室國

有喜

室宿去極度數考

按室宿本位居亥之次衛并州之分凡十七度二月旦在卯三月旦在辰四月旦在巳五月旦在午六月旦在未七月旦在申八月旦在酉七月昏在卯八月昏在辰九月昏在巳十月昏在午十一月昏在未十二月昏在申正月昏在西

室二星十七度距南去極八十四度入室初度亦謂營室元命包云營室二星垣陶精類始立紀綱

管窺輯要

卷之三十五

九

包物爲室爾雅云營室謂之定定者正也天下作官室皆以營室中爲正也埏陶者和土也言營定官室必用土包容也容其物乃可以爲室○一曰廟廷天子之官也一曰玄宮一曰清廟爲軍旅之府又主土工事周禮地官云五卒爲旅五百人爲旅

占曰室下九尺爲日月五星中道上一星爲天子官下一星爲太廟星明則國昌不明則鬼神不享祀國多疾疫動則有土工事亡角則有兵輔臣死

日食則外戚弄權月食犯則女主憂月暈天下婦人多病死土木守則天子大造宮室火犯主火災彗孛守犯則王室大亂

離宮六星兩兩居之布分於室上為附座天子別宮中藏休息游幸之所離明也離宮天子行幸之殿蓋取南方離明之象如漢高祖於五柞建離宮宋劉裕於凌歊臺建離宮漱清考齊宜王見孟子於雪宮離宮名離為火雪為水故以雪加之是取水火既濟

管窺輯要

卷之三十五

三

占曰離官后妃六宮之位為官掖永巷星明則后妃有序不明王者無嗣移徙則嫡妾相踰越官妃怨曠金火守后妃凶客守有內亂彗孛守官淫亂為災

雷電六星距西南去極八十七度入尾十二度在室南主與雷動蟄穀梁氏曰陰陽相薄感而為雷發於二月收聲於八月雷發聲後五日始電電者之光莊子曰陰氣伏重泉陽氣上通於天陰陽分平故為電公羊曰有聲曰雷無聲有光曰電淮南

子曰陰陽相薄感而為雷激為電驚蟄後雷乃發聲入蟄之物振動而出易噬嗑彖云雷電合而章言雷震電耀相須並見合而章漱清考水雷屯象革穿地是雷發聲不獨蟄蛰振動而出雖草木勾萌甲折者亦乘振動而生

占曰庶物萌動則雷電交作

壘壁陣十二星距西第一星去極一百一十五度入虛初度在室南羽林北羽林垣壘也又曰天軍營乃軍營垣壁

管窺輯要

卷之三十五

三

占曰星象明大則國安寧動搖芒角兵起不見則兵散將憂金火守兵起彗孛守犯天下亂大兵起羽林軍四十五星三三而聚距大星去極一百一十七度入危一十五度半散布室南天軍也主軍騎又為翼衛長豎輔也

占曰羽林星眾如常則天下安不見則軍弱少金火守則兵起大將憂彗孛守天下大亂將敗軍憂鉄鉞三黃星距北去極一百一十三度入室三度在八魁西北主行誅距南斬伐奸謀漱清考中庸

云不怒而民威於鈇鉞一字之貶威於鈇鉞是鈇鉞乃天子用威之凶器

占曰鈇鉞不明則臣民安芒角兵起金火守則大臣受誅彗孛守天子過殺失當天下亂

北落師門一星去極一百二十六度入危一十一

度半在羽林西南乃天蕃落亦曰天軍蕃落候門主備非常以候兵長安北門曰北落門以象此

占曰星明潤則軍安不見則兵敗散金火守兵起客入則胡虜犯塞彗孛犯則邊兵大起

管窺輯要

卷之三十五

三

八魁九黑星距南大星去極一百三十九度入壁

四度半在北落師門東南主設機穽張羅網知禽獸之官也機者機械穽者陷穽羅網者絲結網罟

皆掩取禽獸者也中庸所謂驅而納諸罟獲陷穽之中易繫詞作結繩爲網罟以佃以魚周禮秋官

冥氏云掌設弧張爲穽獲以攻猛獸亦此之謂占曰客星入八魁多盜賊而兵起金火守亦然

天綱一黃星去極一百二十九度入危五度在北落師門西南主武帳弋綱事武帳帳幕也書云幕

人掌帳漢武帝作甲乙武帳又曰蓋帳爲武士之象一曰置兵闌五兵於帳中弋者以生絲繫矢射鳥

占曰天綱明天子出游田獵金火犯守兵起

土公吏二黑星距西去極八十五度半入危五度在室西南主土功之官隋志云主司過失謂誤差

也徵清考土公吏乃鎮星分屬之吏四季每季主十八日旺相土事何得思過失精義云主季夏司

信

管窺輯要

卷之三十五

三

占曰土公吏明大動搖有修築事

騰蛇二十二星距中大星去極四十四度入危七度半在室北若盤蛇狀謂之天蛇主水虫風雨虫

謂魚鱉蝦蟹鼃鼉龜龍類潑清考騰蛇分見天河中謂之水虫可也若以水虫爲魚鱉蝦蟹類則非

也騰蛇二十二星謂之蛇則蛇豈止二十二種有水蛇有虺蛇有蝮蛇有黃蜂蛇黑蜂蛇赤棘蛇白

蛇蠍蛇香蛇財蛇茱萸蛇青竹蛇蛟蛇蟠蛇雄虺蛇兩頭蛇條蠅蛇蝥蛇亦蛇靈蛇毒蛇妖蛇等胡

可以泥水虫二字以魚鱉解

占曰騰蛇司旱澇居常則國安豐稔明太水澇不
見主旱火守亦然客守則雨水為災

室宿雜座

騰蛇

騰蛇二十二星在室北河濱若盤蛇之狀一曰天
蛇蛇之狀也魚龜鱉蛟水虫之長也主水族水中
之虫皆屬焉星明則水族茂魚鹽賤不明反是天
蛇徙而南則兵起徙而北則大水一曰天蛇明太

管窺輯要

卷之三十五

五

動搖水虫為孽天下有大水災徙而南大旱○五
星守犯天蛇天子前驅凶奸臣有謀前驅為變天
子憂○火星守犯天蛇魚鹽貴○金星犯天蛇水
災萬物不成○客星守騰蛇雨水為災水物不成
水虫為敗○流星出天蛇水旱俱作地震有兵喪
若入之雨水為害水物不成魚鱉貴○彗孛出天
蛇水道不通天下大恐○黑氣出入天蛇天下大
水

離宮

離宮六星兩兩而居在室宿左右天子之別宮主
隱藏休息之所星動搖則土工興不具則君憂一
曰君無子○月宿離宮君數移寢處○彗孛干犯
離宮宮室有修建事○金火干犯離宮成勾已環
背為兵起

雷電

雷電六星在室宿南主興雷動蟄其星明大動搖
則歲多雷電不明則否○流星出入雷電風雨不
出七日一曰赤色旱青白色雨

管窺輯要

卷之三十五

五

土公

土公吏二星在營室西南主設備司過失其星動
土工起○熒惑守犯土公吏有火災兵起○太白
守犯土公吏兵大起

壘壁陣

壘壁陣十有二星在室壁南橫列其中四星在兩
端合四方羽林軍壘也主天子軍營星明則國安
失常則兵起動搖則軍不安移徙則將死不具則
兵起亡則兵悉出大亂○五星入壘壁陣皆為兵

起熒惑入之將軍爲亂宮中兵起太白守之天下兵起左右幸臣作亂客星入犯之兵起○流星入壘壁陣色青入南則后憂入北則諸侯憂色赤黑入東后有諫入西太子憂色黃白諸侯受賜

羽林軍

羽林軍四十五星一二三而居散在壘壁陣之南一曰材官一曰天南庫一曰單于軍衛士之象也主翼王羽林爲天軍水官也主守衛天子之官故在室壁之南其星明而象實則國安稀疎不明則

管窺輯要

卷之三十五

主

兵士出不具則兵大出亡不見天下兵盡出一曰羽林動搖則兵起不出兩月車騎發○月入羽林軍中兵大起○五星入羽林軍兵大起若逆行或變色成勾已天下大兵起關梁阻塞不出其年一曰逆行入羽林軍有叛臣○歲星入守羽林軍諸侯悉發兵強臣謀主王者愛順行羽林軍興師者吉以始入日言國一曰木星守羽林軍有破軍殺將○熒惑入羽林軍中若守之有叛臣兵爲亂兵不可用守之二十日天子當之有大赦火星守羽

林軍三十日芒角赤色大國有急諸侯悉發兵一曰興兵者亡守二十日已上臣謀逆有破軍殺將逆行成勾已天下有大兵道路塞○鎮星入羽林軍有大喪大水○太白入羽林軍天子自將若守之大將出臣謀主有喪○太白逆行羽林軍成勾已有亡國○辰星入羽林軍天下兵起四夷入中國人主憂又曰國以水爲憂餘古同前○客星守羽林軍兵大起將吏憂若出之兵大起有亡國守之久將有謀主者憂期三年○客星出羽林軍色

管窺輯要

卷之三十五

主

黃白軍有喜色赤臣叛主若戊巳日見中兵起天子有大憂○流星入羽林軍色赤入東軍兵起入西太子起兵入北諸侯起兵兵出隨星所之流星色赤入天軍之南天子死入西太子死入北諸侯多死流星色黃白入天軍之西天子立太子入其中天子立諸侯王不則受賜○流星色白入天軍之南后憂疾色赤黑入其東后有謀○彗孛出天軍兵起官中臣弑主大人披甲守之一月國破○蒼白氣入羽林軍君有憂赤氣入兵起黃氣入天

子入軍中黑氣入大戰入其南天子忌之西太子忌北諸侯憂○赤氣出羽林軍兵隨之出○黃白氣出羽林軍南后有所獻出其北太子有所獻

鉄鉞

鉄鉞三星一曰鉄鎖在羽林軍西主斬殺枉詐星不欲明動皆爲鉄鉞用移徙失常則兵起○月犯鉄鉞金刀用將有憂一曰有戮臣○五星中犯乘守鉄鉞天下不安爲斬奸謀之事臣叛主○客星入鉄鉞士卒亂外兵擒殺其將鉄鉞用以入日占國若犯守之皆爲軍將憂○彗字出鉄鉞人主以妄濫殺人致臣謀反

管窺輯要

卷之三十五

天

北落師門

北落師門一星在羽林軍西南天軍之門也主候非常落者蕃落也其星明大則將武兵精天下安細微則兵羸將弱武備不修亡不見則天下有兵大將出國不寧人主憂芒角動搖則兵大起○月犯北落師門天下兵起○歲星守北落師門軍吉久守之或犯乘之或逆行守之皆有兵戰破軍殺

將期百八十日鎮星占同○熒惑中乘守之北

落師門大戰破軍殺將伏屍流血○太白入守北

落師門兵大合於軍門夷狄入塞犯之占同熒惑

辰星占同客星犯守占同金火若出之邊夷兵入

塞○黃白星入師門天子有喜赤星出師門兵出

○黃星出師門天子使出軍中有喜○流星抵師

門天子有兵北夷入塞大將出鉄鉞用○彗字出

師門大戰殺大將一曰夷狄作亂人主自將兵○

蒼白氣入師門有疾疫赤氣入師門兵入出師門

管窺輯要

卷之三十五

天

兵出○黃氣入師門中使至軍有喜黑氣入師門將死

八魁

八魁九星在北落師門東南主設機弄張禽獸之官金火入守乘犯八魁兵大起○客星出入八魁多盜賊

天綱

天綱一星在北落師門西北主武帳官舍天子弋獵之所○金火彗字犯守天綱兵起

管窺輯要卷之三十六

六安黃鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成


珂先鳴

桐城方兆及子詒全闕

管窺輯要

卷之三十六

一



壁宿論

東壁二星主文章天下圖書之府也星明王者明
 道德國多君子星失色大小不同主王者好武輕
 文不近文士星搖動則有土功五星守犯則王小
 人亂政為叛兵與賢人去并衛之分有兵災大廐
 十星為大僕之官若今之驛亭也主傳舍置驛逐
 漏馳驚謂其行速急與晷漏馳移也五星犯守馬
 令憂鐵鎧五星客星守犯大臣誅露露五星雲雨
 四星在土公南亡則大旱土公二星在壁南動搖
 則土功興

壁宿

管窺輯要

卷之三十六

二

壁二星宋志距南星八十度半赤道八度六十分
 黃道九度三十四分其下十四尺為天之中道在
 天門之東故云東壁史記云不周風居西北王殺
 東壁居不周風東主闢生氣而東之是也天下圖
 書之祕府所以崇文德也明則圖書集道術行君
 子進小人退暗及失色大小不同則天子重武臣
 賤文士圖書隱藏依邪用事詩疏云壁者室之外

院故動則與土功離徒就聚爲田宅事日月食損賢臣五星孛犯兵起歲守之至水傷五穀七曜躔之至風起

土功二星在壁南執役之民也一作至土功之宜恐非動搖則土功作

霹靂五星在土功西南雷電之南至與雷奮擊占明而動則兵興則吉

雲雨四星在霹靂南所以發生萬物者也主鬪生氣而東之爭和皆於此候焉明則多雨火守大旱

管窺輯要 卷之三十六

水守源王者之師如霹靂之威如雲雨之澤故曰

三代之兵若時雨

天廐十星在東壁北狀如天錢主司馬有職之官

所以養馬掌於校人者也蓋天廐之馬今之驛亭

也傳令置驛逐漏馳驚謂其行急疾與晷刻並馳

也不見則天下道斷動而明則多郵驛有兵事五

星守之王者當之

鐵鎖五星在天倉西艾割之具也王應電作鐵鎖

主斬芻鉗葉以飼牛馬明則牛馬肥暗則牛馬餓

不見則牛馬多死有星入之大臣誅

壁宿王文書圖府土工度八度六十分外十四尺爲黃道餘見室宿下

壁宿歌

兩星下頭是霹靂霹靂五星橫着行雲雨之次曰四方壁上天廐十圖黃鐵鎖五星羽林傍土公兩星壁下藏

壁宿考

霹靂五星在土工西南主奮擊雲雨四星在霹

管窺輯要 卷之三十六

靂東南土功二星在壁南至土功之官天廐

十星狀如天錢在壁東北天馬之廐也主傳舍

鐵鎖五星在羽林天倉西南斬艾之具主刈芻餉

牛馬

壁二星主文章天子圖書之祕府也亦主土功明

則王者昌道術行君子進小人退若失已或大小

不同天子重武臣親黨邪搖動則有土功日月食

損賢臣五星孛犯兵起歲星守五穀以水傷詩疏

云壁者室之外院箕在室則壁在室東故稱東壁

月令仲冬昏東壁中 土公二星在壁南至造宮
室起土之官 霹靂五星在土公南主行天威擊
萬物 雲雨四星在霹靂東南主雨澤 鐵鎖五
星在雲雨東南 天廐十星在壁北主天之馬房
廐苑今之驛亭也不明則道路不通

壁二星九度距壁南星去極八十五度在黃道內
十二度少土星也春夏爲金秋冬爲水主文章天
下圖書之祕府也一名天術星星明國昌王者興
道術行國多君子星失色大小不同王者好武經

管窺輯要

卷之三十六

五

士不用圖書隱星動則有土功文士用

日食壁中國用賢士失文字 月食壁中大臣謀

君大旱不熟人饑米貴有憂文字者

木守之五日文士用朝廷興王者宜 火守之臣

謀君人饑賢士不進大兵起 土守之久守賢士

用文章道術興國君壽天下豐 火入壁中主崩

入留五日則相死若不死必流斥 土逆行入壁

萬物不成若久守經九十日已上兵起百姓有立

王者 水守之水災道不通 金守之天下不通

王者急刑罰有兵起大臣有憂愁 客守之多風
雨及水災臣下賊主不明有內亂 月暈壁天雨
電其分國亂政 彗孛行犯之兵起火災木屆門
有叛者

壁宿總敘

壁二星曰東壁一曰天街一曰天地一曰天梁圖
書之府土星也主文章亦主主工興營室共爲天
之四輔其南下九尺爲日月五星中道星明正則
道術行國多君子若大小不同或失色則天子輕

管窺輯要

卷之三十六

六

經術賤文士動搖則土功興離徙就聚則天下有

田宅事星暗則王道失小人進用

日月變異占

日在壁食王者不從師有失忠孝道文章經術不
用王政不興國以亂亡 日暈於壁人君棄賢用
佞名士憂

月在壁食大臣憂文士執天文論女主憂文章不
用一曰有開閉之事大臣誅一曰陰陽毀傷不能
化生 月暈於壁風起有大水寡婦嬰兒多死一

曰其分有兵海中占曰工役大興黃帝占曰軍在外者敗鄒萌曰大龍見民流亡荊州占曰國有亂巫咸曰賢士囚戮庫藏火災 月暈壁三重其國舉兵不戰而敗 月變於壁損乳婦軍在外大驚近臣法一曰大臣爲亂人民多死又曰將死軍絕糧將軍有謀將有府庫土功之事 月宿壁中不風則雨南斗同

月五星干犯占

月犯壁大臣爲亂人多死乳婦憂土工興有兵天

管窺輯要

卷之三十一

七

文錄曰近臣憂一曰民饑兵在外將死 月掩食

壁大臣戮文章廢國有閉門事

彗星守壁賢士用經術行朝政大興一曰有德令

荊州占曰木東北去之九寸守之至四十日至百

四十日王者好經術文士用

木守壁若犯之有兵起夷狄叛 木守壁有惡色

人君施不加親戚天下諸侯有謀兵起 木居東

北乙巳占曰五穀水傷 木犯壁天下兵起夷狄

入犯中國 木入壁北官候曰天下男子有慶若

受爵祿 木逆行壁人君治獄不時教令不明若成勾已 木害土天下不寧 木出入留舍壁行不順道土工興有空國他徙五穀貴民流亡不歸其鄉

英惑守壁大臣謀君歲旱米貴人饑賢士不用內外相譏與邪干政及兵起黃帝占曰言政事者誅海中占曰官中有火災一曰兵民多死鄒萌曰夷狄兵起大人衛守歲晚多水有土工大役荊州占曰人主自將兵米石至于文一曰文士傷諸侯相

管窺輯要

卷之三十一

八

謀天下兵起 火守壁南王后死守其西太子死

守其北諸侯死守其東人主自將兵守中人主惡

之火入壁大臣憂一曰相死不死則逐春秋合

圖曰民服勞文曜鉤曰大臣有謀賊臣內起天子

以兵自守石氏曰衛君死甘氏曰有匪謀一曰民

疫巫咸曰萬物不成歲凶海中占曰臣陵君一曰

有土工北官候曰天下以食爲憂鄒萌曰火以甲

乙日入壁東方有殃丙丁日爲南方戊巳日爲中

央庚辛日爲西方壬癸日爲北方 火居東北壁

兩事相守不解則君有殃 火出壁米貴人流亡
火出入留舍壁三十日不下五穀貴民不歸其
鄉六十日不下外兵至三十日不下有火災民疫
火中犯乘凌壁兵起工役興一曰臣下弄法賊
起 火逆行東壁民疾疫一曰女王自恣 火
逆行犯壁環繞成勾已冲國受兵其君死不死則
走

鎮星守壁賢士用道術興天下豐熟人主壽昌石
氏曰遠人來貢若失行變色驟兵起有土工夷犯

管窺輯要

卷之三十一

九

人民多病水旱俱作萬物不成一曰有易市荊州
占曰土舍壁文士用 土出入舍壁有土工留舍
之九十日不下天下有立王 土逆行壁女立政
土逆行守壁歲旱民多病萬物不成 土逆行
成勾已其國有大兵土工大作六十日不下天下
有立王 土犯壁巫咸曰萬物不成人多病
太白守壁大臣嚮政天下有軍不戰久守之天下
不道天子尚刑罰有兵大臣憂黃帝占曰文武并
行術上用兵六人憂其國亡石氏曰多風雨水災

巫咸曰旱多水災都萌曰胡兵入天下兵起 金
犯壁有兵喪多風雨 金出入留舍壁五十日不
下大人當之 太白逆行守壁兵發於內太子后
妃有謀

辰星犯壁王者刑罰急朝廷憂國有蓋藏保守事
水乘壁臣有謀不成若凌之其分有兵喪起
水守壁兵起有水災道不通石氏曰國有大喪
都萌曰胡兵起有土工若凌之其分有喪兵起
水守壁石氏曰近臣憂入而守之奸臣謀上 水

管窺輯要

卷之三十一

十

星逆行壁大水出津梁不通民大饑
客星犯壁文章之士死荊州占曰有大喪一曰有
宗廟土工事一曰津梁不通 客星守壁多風雨
水災臣謀主邊有言政事以外猜內者石氏曰西
方有舉兵伐中國都萌曰臣有以子女惑天子者
命在后族執政大臣政令煩且數易事民不安其
居一曰君臣匿謀士食進毒一曰倉粟大出米貴
人饑且有城郭之事都萌曰天下且有大喪又曰

牛馬死一曰白衣滿野

赤星守壁在其東天子出爲君自守在其南后死在其西長子死在其北諸侯有死 赤星從西北入其東壁天子守戮其臣一曰臣殺主 客星入

壁人主凶宗廟多工役水火津梁不通一曰折鹿

皮貴北官候曰有建城郭立都者一曰臣謀主黃

帝占曰客星入壁色黃白水津爲災 客星來舍

東壁天子有慶河津事一曰后族執政多工役大

水 客星出東壁玄冥占曰兵起四方有大水五

管窺輯要

卷之三十六

土

穀不成人饑有壞城郭不出二年 客星居壁中

穀大貴遊其傍半貴

流星犯壁文章不用王天子憂一曰其國有兵一

曰大國分兵 流星入壁天子有宗廟事 流星

從西壁入東壁天子用故臣 流星抵壁婦人失

一曰四夷交兵天下亡婦 流星出壁其下有亂

兵乙巳占曰流星色黃白明潤出入東壁天下文

章進用道術與遠人來貢

彗孛犯壁兵起太白廟門廟堂流血天下降或曰

水災武氏曰宗廟壞大水民流 彗孛出壁王者

自用兵災及宗廟四門交兵流血濤濤人民惶懼

莫知其殃近期一年中三年遠五年一曰彗出不

用名士死

雲氣干犯占

若曰雲氣入壁大人憂死喪出之禍除 赤雲氣

入壁有兵 赤雲氣入壁如波揚兵火並起有燒

死者 赤氣從西壁入東北兵氣天子手殺其臣

黑氣入壁有破國亡一曰有太水 黃氣入壁

管窺輯要

卷之三十六

主

天子裂土建侯陳氏曰烈士出 青雲氣入壁有

兵起 黃白雲氣入壁外國有人貢一曰天子立

廟期一年

壁宿去極度數考

按壁宿本位居亥之次衛并州之分凡八度三月

旦在卯四月旦在辰五月旦在巳六月旦在午七

月旦在未八月旦在申九月旦在酉八月昏在卯

九月昏在辰十月昏在巳十一月昏在午十二月

昏在未正月昏在申二月昏在酉

壁二星八度距南去極八十度半入壁初度亦曰東壁主文章天下圖書之祕府禮記云日在東壁言壁主文章乃圖書之府文居東故壁位居東令壁屬北方者自次舍言亦主土功淳風云壁搖動主土功

占曰壁下九尺爲日月五星中道星明大則圖書集道學行君子進小人退若失常則國重武賤文圖書隱動搖有土功日月食損賢臣事掌守土功與兵起

管窺輯要 卷之三十六

星

霹靂五黑星距西去極九十三度入危十五度在室下主興雷奮擊霹靂乃奮迅雷又曰陽氣太甚擊碎萬物激清考孔子迅雷風烈必變註云敬天之怒

占曰明動則雷用事

雲雨四黑星距西北去極九十五度入室五度在霹靂南主興雲布雨澤易乾卦云雲行雨施天下平激清考孟子云天油然作雲沛然下雨

占曰雲雨明多雨水火守旱水守澇

天廐十黃星距西去極四十九度半入壁初度在壁東北主天馬之廐養馬之官廐養馬之所亦曰

閑廐一曰馬肆周禮夏官校人掌五馬之政凡頒良馬而養乘之乘馬一師四圉三乘爲皂三皂爲駟三駟爲廐漢有九廐一翠華二大輅三果馬四駟梁五騎馬六大苑七胡何八駒駉良馬也九大廐唐有六閑天子之馬左右六閑總十二閑一飛黃二吉良三龍媒四駒駉五駟駟千里馬也六天苑武后改爲飛龍祥麟鳳燕鵠鷺吉良羣鸞激清

管窺輯要 卷之三十六

古

考天廐在今時內有御馬監外有牧馬所又主驛亭

壁宿雜座

天廐

天廐十星在東壁北狀如天錢天馬之廐也

傳舍

傳舍其星變色失常則人主以馬爲憂不則馬病明而動則天下驛使繁多星亡不見則天下道路斷絕 月行入天廐外兵歸人主不安 木星入

天廐馬災若守之人主以馬爲憂上星占同 火

墮入天廐馬災若犯守之兵起馬出金水星占同

客星入天廐馬有驚鄰萌曰馬災廐車出滿三

日有赦若出守之有驚戒事 流星出天廐天下

驚 言出天廐各廐有火災車馬有忤臣執王

星有變法

土公

土公二星在壁宿梅王營造起土之官其星動搖

土工興 流星冲犯土公土木之官憂

管窺輯要

卷之三十六

五

雲雨

雲雨四星在霹靂南至雨澤成萬物其星明多雨

有水災星亡則大旱 火星守雲雨大旱水星守

守雲雨大水

霹靂

霹靂五星在土公南至興雷奮擊其星明動則多

震不明則否 五星守犯霹靂其歲多霹靂震擊

鐵鎖

鐵鎖五星在羽林軍東天倉西乃爰刈之具也王

斬芻食牛馬星明則牛馬蕃息暗則耗亡不見則

牛馬多死 客星守鐵鎖大臣謀 彗孛守鐵鎖

兵將憂

北方七宿雜座

河鼓軍之鉄鉞拒難亦名三武二旗設險以知敵

謀建爲謀事亦名旗鼓織女天女也瓜菓絲帛漸

臺晷漏也吹灰律呂輦道嬉遊之路天弁市官之

至矣仲車正天淵水府天雞明伺候狗星至守禦

狗國爲烏桓獫狁之屬驚星亦水族魚蟲之物天

管窺輯要

卷之三十六

七

秤主秤鼓刻漏天津至四瀆津梁離珠後官之府

藏羅堰渚畜之堤塘九坎溝渠水旱天田瀧畝農

桑鉏敗二瓜瓜菓園囿十二諸國列土之至璫瑜

珪衣玉飾哭星哭泣死喪司祿今官祿年德司危

今臺榭安危掌生算者爲司命主過失者爲司非

人星主萬民亦爲巡夜車府爲客館亦有官爲壘

壁陣天軍營壘天壘城鬼方北夷敗曰亡敗災咎

流移土公吏設備而至土杵與曰給軍而春糧造

父御馬也亦其官矣騰蛇水蟲也風水北方治天

子宮室者爲蓋屋主陵廟禱祝者爲虛梁綱爲弋
綱武帳泣主墳墓死喪天錢軍之府藏師門番落
夷荒雷電霹靂雲雨各以其事所主羽林翊衛之
天軍鈇鉞行誅而用戮玉良車馬也御車之官天
廐馬官也驛遞之廐土公主營造而起土功以魁
設機穿而張禽獸

管窺輯要卷之三十六終

卷之三十六

十七

管窺輯要卷之三十七

六安黃 鼎玉耳父纂定

男九命簡臣

任九錫公位

九疇倫叙

九如眉介

侄孫珮琢成

珂先鳴

桐城方兆及子詒全闕

管窺輯要

卷之三十七

一



西方七宿總論

西方七宿共四十七星其屬四十九座共二百五十星其精白虎奎象虎其胃昂虎之三子也畢象虎嘴參象麟嘴為首參為身也白虎亦瑞獸也爾雅謂之虺蓋騶虞之異名不食生物食自死者其性聖仁五靈之一也與龍虎龜俱為王者之瑞故西方七宿配焉俗傳奎為天將宴為天獄胃為天倉昂為天目畢為天耳嘴為天屏參為天水

奎宿論

管窺輯要 卷之三十七

三

奎十六星天之武庫也一曰天豕一曰封豕主以兵禁暴又主溝瀆西角大星曰大將星欲其明五星客彗守犯主徐魯之分兵饑大將惡之大水河決之災閼道六星在王良前飛道也從紫微至河神所乘也為天子遊幸之道也附路一星在閼道旁別道也王良五星在奎宿北居河中天子奉車騎官也其四星曰天駟旁一星曰王良亦曰天馬其星動為車騎遊野亦曰天橋主御風雨水道或占車騎或占津梁客星守之道路不通前一星曰

策王良之御也軍南門一星在閼道南動搖則兵起外屏七星在奎南天涸七星在屏南不明則民失業多疾病土司空一星地官也

奎宿說

奎十六星舊錯以西大星為距即損壁二度加奎二度今取西南大星為距即奎壁各不失本度宋志距西南大星去極七十二度赤道十六度六十分黃道十七度八十七分黃道自奎一度七十三分六十三秒入戌赤道自奎一度五十九分九十分

管窺輯要

卷之三十七

三

七秒入戌主溝瀆故曰奎中星明水太出其下十三尺為天之中道其西南大星謂之天豕自石氏謂奎為天豕亦曰封豕為大將主兵以禁暴天之武庫河圖云彗貫奎庫兵悉出禍出強侯外夷胡應逆首謀也土金合於此主內兵亦為邊兵明則天下安動則兵亂客星入守兵起暗則臣逆命闕闔無常則有白衣僭位於山谷者奎不欲圓若圓則兵起金火守為旱災水星入為滯隋志云若帝淫佚政不平奎有角搖動則有兵不出一年若有

光焰則近臣謀上亦主饑五星犯則權臣擅命太白守則胡貊憂可以伐之土木守則中國利外國不利可以興師伐無道火土合主憂失所守居其國得也奎又爲卑賤婦人奎未有文章之府者古云東壁二星乃文章之府悞以爲奎壁二星乃文章之府耳朱五星聚奎實在奎壁間故以爲文明之兆

外屏七星在奎南舊在黃道三度唐志漸在黃道所以天淵之穢也占與天淵同移徙不見則人不

管窺輯要

卷之三十七

四

安
天淵七星在外屏南亦天之厠乃豢豕之所也移徙不安則人不安

土司空一星在天淵南外屏之西南主土工之事百工惟土木爲大司空冬官主度地居民相景之職又主營建宮室工師之事土公吏其屬官也大而黃明則天下安若客星入則多土工天下大疫軍南門一星在天將軍西南乃軍馬也主津河出入占動搖則軍行若不見則兵亂

附路一星在閣道南旁道之便路乃別道也所以備閣道之敗覆而乘之也一曰太僕主禦風雨亦遊巡之義也占與閣道同

王良五星在奎北居河中天子奉車御官也旁一星曰王良其前漢中四星曰天駟亦曰天馬與王良共五星舊以房星爲天駟不若此四星爲從其類也但既有四星與王良共成一座又以四星爲天駟則悞矣王良動則爲策馬故曰王良策馬車騎滿野亦曰王良爲天橋主禦風雨水道客星守之橋梁不通金火守皆爲兵憂移徙主有兵亦曰馬病

管窺輯要

卷之三十七

五

王良上一星曰策乃王良所執以禦之策也在傳舍東南主天子僕御在王良之北傍若移在王良前居天馬後是真王良策馬主兵起周騰爲侍御史桓帝當郊平明應出騰仰觀曰官中星及策鳥星悉不動上明日必不出至四更皇太子卒遂丘閣道六星在王良前飛道也張衡云天子遊別宮之道也故從紫微宮絕漢抵營室神所乘也一曰

王良旗一曰紫宮旗亦所以爲旌表也不欲動搖若動搖則宮掖之內兵起其占一星不具則董道不通

又說奎宿主溝瀆兵戎度十六度六十分外十三尺爲黃道初奎三度外未胃四度內於辰爲戌於分爲魯於野爲徐州賦奎婁降婁分野魯徐循岱嶽衆山之陽濱於淮泗今濱沂密密之郡歷國皆屬於十一月在壁昏中東二月爲太陽躔次

奎宿歌

管窺輯要

卷之三十七

大

腰細頂尖似破鞋一十六星繞鞋生外屏七鳥奎下橫屏下七星天濶明司空右畔土之精奎上一宿軍南門河中六個閣道形附路一星道傍明五個吐花王良星良星近上一策名

奎宿考

策一星在王良北主執天子之御閣道六星在王良東北天子遊別宮之路陽路一星在閣道傍備閣道之敗缺王良五星在奎北河中四星爲天駟一星曰王良王天馬又爲天橋主禦風雨

水道軍南門一星在奎東天將軍西南主軍出入外屏七星在天濶東北以蔽濶也天濶七星在屏南養之處土司空一星在天濶南主水土之事

以上西方七宿之星按白虎屬西方居兌兌金稟收斂肅殺之氣有虎象焉履言履虎尾者內卦兌也革言虎變者外卦兌也頤言虎視眈眈者有伏兌也象言參爲白虎者參申也參據白虎之首有斬刈殺伐之威東有大狼狼亦虎類也是以爲天

管窺輯要

卷之三十七

七

之將星七宿中有取武庫天倉者亦以應擎斂之秋

奎十六星天之武庫也主兵西南大星名天豕自亦名大將又名女令石氏曰奎主庫兵禁不時故置將軍以領之又主溝瀆國家將有腴池江河之事皆占於奎明吉客守兵起金火犯水災帝淫泆則奎有芒角奎中星明水災月令仲春日在奎季夏奎口中

外屏七星在奎南主蔽內外天濶七星在外屏

南至除濁穢之事 土司空一星在外屏西主版築之事

軍南門一星在奎北主軍營之事搖動則兵起不見天下亂

閣道六星在奎東北天子遊別宮之道也一日王良旗一星不具則輦道不通經曰閣道優游而據中是也

附路一星在奎西北備閣道敗覆而乘之也主禦風雨亦從遊之義經曰附路備闕而居下是也

管窺輯要 卷之三十七

八

策星一星在王良之前天僕策御馬者

王良五星在奎宿西北河中漢中四星名天駟旁

一星爲王良王良主御天馬明則僕射行暗則道

路不通又曰王梁梁爲天橋故或占車騎或津梁道

奎宿奎十六星十六度距奎西南天星去極七十

六度在黃道內二十四度少金星也春夏爲金秋

冬爲水天之武庫也一日天豕一日封豕以主兵

禁暴又主溝瀆西南大星所謂天豕亦因大將爲

聚衆主文章軍庫又主水左大星爲左將軍右大星主右將軍星明大則水動則兵出有運輸

日食奎中國君不安 月食奎中大臣有憂 本

守之留三十日已上天子道大興若入之有逆謀

國君大憂 火守之其國人相譖父子不相親留

二十日已上臣謀反米貴人多病死婦人多產死

亦水災有兵攻擊有赦 土守之貴女執政 若

星出入奎中水道通國亂更立王侯 水守之水

災兵起大臣下獄 金守之大水橫流傷五穀出

管窺輯要 卷之三十七

九

八十日有兵起不成戰鬪 客守之赤色兵起外

夷動人流亡 彗孛行犯之其年大饑國君親征

月暈奎婁下有兵大人多死大將軍戰死

奎宿總敘

奎十有六星曰封豕一日天豕一日天庫一日天

邊奎星也奎馮天之武庫其下九尺爲日月五星

中道西南六星爲之天豕自亦爲大將又爲女令

石氏曰奎主庫兵禁不時故置將軍以領之奎又

主溝瀆故將有陂池江河之事皆占於奎奎大星

欲其明明則天下安芒角動搖國必用兵或曰有
赦奎星直則人主弑天下無文動則有溝瀆之事
芒角則人主淫泆廢政奎中小星明則天下大水
天豕目主水瀆動則有水以日占其國

日月變異占

日在奎食魯國凶其邦君不安曰有白衣之會南
邦不寧京房曰三公與諸侯相賊又曰爲水旱三
公失位一曰廐庫起兵武氏占曰邊境得上意之
臣起兵

管窺輯要

卷之三十七

十

日暈於奎府庫火災一曰其分守臣黜一曰其下
有兵疫

月在奎食大臣憂石氏曰邦不安有白衣之會海
中占曰大將有謀邊將有黜一曰兵乏糧一曰聚
斂之臣出者

月暈於奎巫咸曰米貴石氏曰民多疾一曰天下
有兵大臣多死郝萌曰妖星出大將戰死荊州占
曰魯國大敗柴大貴武氏占曰其年有妖若有星
墜爲石所墜之地兵起

月在奎有變大臣亂大人凶人多死將軍有謀安
子事犯奎同

月五星干犯占

月犯奎大臣爲亂郝萌曰邊地不安兵起人多死
有大水又曰大臣有憂有溝瀆若女子之事乙巳
占曰月犯奎大星乳婦多死邊民不安有大水
月食奎星中大將戰死 月入天庫中天下兵起
彗星守奎四十日已上王道大興忠臣進用黃帝
占曰北夷來降洛書甄曜度曰五穀熟石氏曰水

管窺輯要

卷之三十七

土

守奎大饑郝萌曰天下饑兵起有客軍荊州占曰
王者憂一曰多獄訟海中占曰水守奎南馬牛賤
水入奎郝萌曰居其南米粟牛馬繪帛皆賤居
其西百物貴人不安居其中有小赦 水入奎郝
萌曰五穀蟲傷一曰其分有匿謀期一年 水入
奎中而守之兵起主憂大起凶喪應之大臣 水
舍奎中石氏曰有土功郝萌曰有白衣之會海中
占曰水處奎南米賤處其東乍賤乍貴民移徙不
安處其西四月五月米貴處其北民憂 水逆行

入奎而守之其君好攻戰兵不息民流亡 水出奎光明潤澤吉變色入之有僞令來者若出之有僞令出外者 水逆行奎臣下有謀匿守之女子多死一曰水犯奎近臣爲逆一曰有滅諸侯 水出入留舍奎其年小早晚多雨水居左右不占若居中有客來其色光明潤澤主人勝

熒惑守奎國人相譖父子不和若留二十日已上有反臣兵起米貴人多死產婦多死水災有民相攻擊有赦黃帝占曰天下民不得息感精符曰庫

管窺輯要

卷之三十七

主

兵起國有死君歲多獄事石氏曰北夷侵邊海中占曰其國憂一曰女多淫佚一曰山盜起有水事荊州占曰王者憂貴人多死者救粟貴西官候曰大臣有謀君者魯國受兵期一年又曰諸侯爲厚國有大賊臣謀在近臣一曰兵官當之一曰二千石多調役之事 火留於奎郝萌曰下臣專獄訟關梁不通春秋文曜鈞曰王綱當不決 火久守留於奎動搖進退有赦天下火災民多死 火入奎民多疾黃帝占曰臣爲逆石氏曰魯國死入十

日相死 火入奎環繞成勾已宮中火災天子憂甘氏曰相死三月不去君死不死則出走期三年一曰有水災人流亡 火入奎留二十日已上大臣匿謀有伏賊期八十日八月火變色入奎有僞來者若出奎有僞令出使者火逆行從婁至奎兵起逆行守之女子多暴死者 火出入留舍奎天下有爭言者有伏亡魯受兵一曰諸侯爭霸天下有饑民自賣者 火抵若起之甘氏曰國人相攢天下懷憂君臣隔塞父子不相信民多疾病

管窺輯要

卷之三十七

主

鎮星守奎貴女執政黃帝占曰名士死石氏曰天子戒在邊境不遠出師巫咸曰有兵災萬物不成荊州占曰王者憂星色青黑有土功 土出奎中水泉通國亂更主一曰土星以奎女主攝政國有貴女郝萌曰兵起東方土入奎又曰起兵一曰國有水事 土入奎而守之有邊兵一曰齊魯有兵女變色入奎有僞來者出奎有僞出使者 土出入留舍奎有德令石氏曰有大水行道不通荊州占曰國大亂更制 土逆行奎郝萌曰女主爲賊

一曰女出入不時一曰邊境不可用兵出戰 土
來舍奎有喜令

太白守奎大水傷五穀不出八十日有大兵起終
不成戰石氏曰外夷兵入守之五十日不下有大
水有兵戰一歲不下三歲有兵甘氏曰歲多大霜
海中占曰國以水兵起巫咸曰萬物不成人疾病
海中占曰淫從天起至人出鄒萌曰有匿謀不過
歲中大將戰死若戮死期九十日民流有赦荊州
占曰王者憂 金犯守奎外兵來入國若去奎一

管窺輯要

卷之三十七

占

尺四夷共治中國期四年 金犯奎大霜物不成
有赦 金入奎中大水橫流不出百日鄒萌曰兵
起西方 金守奎出而復入米貴人流 金出奎
起兵於國外一曰有偽出使者 金出入留舍奎
其地兵起 金入奎中而將之水泉湧出五十日
不下庫兵大發兵加魯城有戰其地大殃 太白
垂芒守奎天下奮起相攻擊

辰星守奎水災大臣下獄者黃帝占曰臣謀主春
秋洽符曰有溝瀆之事石氏曰天下多憂外國之

王入御中國巫咸曰天下旱多火災萬物不成有
兵起荊州占曰大人當之一曰水出溢 水犯奎
江河決臣謀主水之奎天下賤人出貴女 水入
奎石氏曰溝瀆決名水絕

客星流星彗孛干犯占

客星出奎大水災中國亂一曰國兵出荊州占曰
溝瀆之事於中國外巫咸曰邊兵大起白衣自立
爲王刀劒貴期三參石氏曰有矯命出使者 赤
星出奎外夷動兵黑赤有破軍 客星守奎賊臣

管窺輯要

卷之三十七

占

在君側敗其事鄒萌曰臣有以巧僞惑天子者一
曰國以侯臣亡又曰天下脩兵有殺霜不時下生
疫六畜貴黃帝占曰米賤荊州占曰王者憂一曰
魯國起一曰軍在外者敗 赤星守奎兵起有變
事國君有憂殃 客星留舍奎不去天下饑布帛
貴 客星犯奎國有溝瀆事 客星入奎石氏曰
外夷起兵麻貴甘氏曰強國爭地兵起白衣自立
擾中國鄒萌曰四夷有兵起山水會荊州占曰邊
兵大起土工大興陳氏曰武庫之臣有罪無所受

命而來使者乙巳占曰有破軍殺將一曰人主憂
赤星入奎邊兵動有敗 黑星入奎天下有溝瀆
事 黃星入奎土工興宮中有變 赤星逆行從
妻入奎起兵

流星死奎下有破軍殺將一曰溝瀆起兵乙巳占
曰武庫用事春夏犯金華兵秋冬犯百川溢 流
星入奎有溝瀆之事於國內武氏曰有聚眾事一
曰爲亂爲饑白衣之會期三年乙巳占曰有破軍
殺將流星出奎有溝瀆之事於國外 流星色

管窺輯要

卷之三十七

天

白明潤出入奎中天子脩文偃武 流星色赤如
火光出入奎中天子下弓弩用

彗星出奎石氏曰西北兵起伐諸侯與夷狄相雁
兵大起天下有大水火喪一食千文近期一年遠
三年一曰有廢立國絕嗣魯地兵起 彗貫奎庫
兵悉出禍強臣 彗孛犯奎大饑國君出戰一曰
國無繼嗣

雲氣干犯占

蒼白雲氣出奎有兵入奎天下婦人多災 赤雲

氣入奎有兵入出之兵出一曰有病疫 赤氣入
奎有僞使一曰有無所受命而來者 赤氣出奎
有詐出使者 黃雲氣入奎中有貢珠玉者珍寶
者一曰天子納后夫人 黃氣出奎珍寶有出者
一曰有出宮人不然后妃有出者 赤氣入奎天
下婦人多血疾 黑氣入奎有疾疫三日夜不去
大人憂出之則禍出

奎宿去極度數考

按奎宿本位居戌之次魯徐州之分凡十六度三

管窺輯要

卷之三十七

十七

月旦在卯四月旦在辰五月旦在巳六月旦在午
七月旦在未八月旦在申九月旦在酉八月昏在
卯九月昏在辰十月昏在巳十一月昏在午十二
月昏在未正月昏在申二月昏在酉

奎十六星十六度距西大星去極七十二度入奎
初度天之武庫一曰天豕一曰封豕主兵所以禁
暴橫易繫辭云重門擊柝以待暴客激清考孟子
云抱關擊柝又主溝瀆其西南大星所謂大豕星
目眼目溝瀆 解見前

占曰奎下九尺爲日月五星中道居常則天下安動搖則兵起水溢人君淫佚其政不平奎有角角動兵起其兆不出三月又有溝瀆事又曰奎中星明大則大水日月食人主憂將相凶
外屏七黑星距西去極九十九度入壁八度半在奎南主障蔽臭穢遮擁天淵

占曰外屏居常吉不見凶彗孛守側內有刺客

天淵七黑星距西南去極九十七度半入奎初度在外屏南天之廁也又爲養所廁東廡

管窺輯要

卷之三十七

天

占曰天淵居常吉不見凶君不安客入防有刺客
好人

土司空一星去極一百一十五度入奎初度在天淵南主水土事淳風云水土主水土官

占曰土司空明大天下安土木守多上功事民勞

金火守功利官有憂彗孛守天下徭役虐苦致亂軍南門一黑星去極六十度入奎一十五度在奎上主禁出入防詐盜軍營盜賊詐僞

占曰星微明如常將軍安搖動軍行兵起不見兵

亂無紀律客彗孛入軍營出入有奸細金火守將兵災

閣道六星距南去極四十八度入奎四度半在王良前河中飛閣之道從紫微官主河天神所乘所以捍難滅咎乘者履也捍者衛也滅者消也咎者過也

占曰閣道乃天子遊幸別宮之道一星不具輦路不通搖動芒角官掖有兵戎彗孛客人主防刺客好人一曰主道里道路也五家爲鄰五鄰爲里言

管窺輯要

卷之三十七

天

二十五家爲里公羊氏云六尺爲步三百步爲里又曰天子遊幸別宮道亦曰王良旗一曰紫官旌所以爲旌表王良卽王良星乃天子車御官因王良星所以爲王良旗因紫宮爲紫微旗皆以旌表爲名

占曰王者宜居正殿爲安福不見人君不安客入宮中有奸謀彗孛守道路主防刺客好人否則國亦喪

附路一星去極三十五度入奎五度在閣道旁爲

閣道便路乃備閣道之敗覆敗覆傾壞一曰太僕主御風雨亦遊從之義太僕九卿官御馬是以有遊從義

占曰附路乃備閣道之覆敗爲道路之附占曰閣道

王良五星距西去極三十七度入壁初度在奎北居河中天子御車官御古作馭控也駕也激清考王良五星自開天有者是上古有其御車官未必有王姓良名者自戰國孟子云王良與嬖奚乘始

管窺輯要

卷之三十七

三

有王良是王良疑此時加之況甘德石申作步天歌此時不遠同時亦未可知也後人凡爲善御皆應此五星若王良至今名存則孔聖居德道之極至今將何星名焉第星列於上象物象官象事不當以人姓名加之自五帝已有車輿竟有形車舜有服車禹有乘橦殷有大輅周有戎車革車常車未必無御善者何獨王良名爲是王良後人加之無疑其駟星曰天駟天駟天馬也春秋元命包云漢中四星曰駟曰天駟旁一星曰王良亦曰天

爲其星動爲策馬故曰王良策馬車騎滿野策星宜在王良前或居馬後爲策馬激清考策前既有策一星此又爲策馬是註釋覺大混不明白一曰王良策爲天橋主禦風雨又主急兵因有王良策星故王急兵激清考既曰王良又曰王良是自相猜也既有閣道附路策星此爲善御官卽了然矣爲因王良姓名其人故多牽說

占曰王良居常天子安康動搖車駕興金火守當有覆車之戒書守車駟不留行

管窺輯要

卷之三十七

王

策一星去極三十三度入壁五度在王良近上至執鞭捧御乃天子之僕御策筆卽馬鞭用以擊馬故名筆僕者侍御官也書云侍御僕從罔非正人

占曰策星動搖主急暴兵明潤天子遊獵車馬不停金火犯烽燧緊兵興

奎宿雜座

下良

王良五星在奎北河中一曰天津一曰王濟漢中

四星謂之天駟旁一星曰王良王天馬又主津梁
禦風雨水道一曰天橋天子奉車渡水之官也荆
州占曰王良為西橋或占車騎或占津梁黃帝
占曰駟馬參差不行列則天下安若駟馬齊行王
良舉策則天下不安天子自臨兵王良星移則有
兵不具則津道不通王良策馬車騎滿野天下大
亂兵大起明君出不出三年王良正馬疾疢天駟
星移近閭道則有江河之變王良與馬齊則天下
大急王良向造父則馬賤王良不居漢中則有兵

管窺輯要

卷之三十七

主

王良駟馬動搖則天子欲出小動小出大動大出
駟馬若角天子自將又曰王良天駟皆明則馬吉
移徙失色則馬有災 歲星犯王良天下有兵強
臣謀主不出其年鎮星占同 熒惑入王良人主
有墜車馬之憂馬多死道不通車馬貴一曰有赦
一曰地動 熒惑守王良兵馬大動津梁不可渡
諸侯不可通火守王良二十日將亡五十日將土
俱亡郝萌曰天下大水天子馬多死一曰諸侯相
攻強臣謀主不出其年 太白入王良馬多死津

梁不通國有憂 太白守王良兵起馬多死守三
十日大將亡若主將皆亡 太白犯王良強臣謀
主辰星犯入乘守占同 客星入王良將士皆亡
若入守之天下兵車大動將死 客星出王良天
下有急關津不通馬多死 客星守王良兵馬大
動民疾病津梁不通 流星入王良天下有急兵
起馬多死津梁不通陳卓曰天下兵悉起若
兵車出 彗孛出王良天子好馳遊奉車反兵大
起馬多死天下急津梁不通犯之占同 蒼白氣

管窺輯要

卷之三十七

主

王良天子憂墜車馬奉車憂出之禍除赤氣入
王良太僕奉車誅黑氣入王良太僕奉車死黃氣
入王良奉車拜賜天子有喜諸侯有獻馬者一曰
有神馬見 赤氣出王良車騎滿野赤氣中駟馬
內亂兵起黃氣出王良奉車受命行德令天子出
車馬賜諸侯

附路

附路一星在閭道南旁別道也所以備閭道之敗
缺一曰伯樂主掃除主御風雨一曰附路太僕之

象也附路以通道備不虞星明則人主昌民不殃
亡不見則道路塞附路正馬車騎滿野正馬謂移
車駟馬之前則天下大亂 五星守犯附路太僕
以罪誅馬多死 客星犯附路天下半隔若入之
大兵起 客星出附路馬當賤若守之太僕以馬
得罪 流星抵附路太僕有憂馬多死若馬太出
彗孛犯附路天下大隔道路不通 彗孛出附
路天下大饑兵大起人主自臨兵 蒼白氣入附
路太僕憂出則禍除黑氣入附路太僕死赤氣入
入附路太僕拜賜出之有德令

閣道

閣道六星在王良前從紫微宮至河王良旗一曰
紫宮旗水官也主扞難滅咎閣道形如閣紫宮
北出至河上天子御道神所乘也主道路又爲天
子遊別宮之道其星行列正直而明則人主吉天
下安不具則御道不通動搖則官掖之內兵起移
徙則臣下有謀王者 五星犯守閣道九州異政

管窺輯要

卷之三十七

星

暈圍月或射月皆爲女主不安七日有雨不占○
月暈有非常氣色皆爲女主有謀○月不暈而抱
珥冠戴承履者皆吉數見者君安臣順后宮齊女
主昌○月四時有昏暈皆爲大水

管窺輯要卷之三十七終

管窺輯要

卷之三十七

圭

管窺輯要卷之三十八

六安黃鼎玉耳父纂定

男九命簡臣

任九錫公位

九疇倫叙

九如眉介


侄孫珮琢成

珂先鳴

桐城方兆及子詒全閱

管窺輯要

卷之三十八



婁宿論

婁三星爲天獄主苑牧犧牲郊祀南六星曰天倉米穀所藏也南三星曰天庾儲粟之所也左右更各五星在婁東西動則車騎載道北十一星曰天大將軍主武兵中央大星天子之上將也月五星客彗守犯主兵饑徐魯之分災或獄囚罪吏之兵叛

婁宿說

婁三星宋志距中星去極七十五度半赤道十一

管窺輯要卷之三十八

二

度八十分黃道十二度三十六分其下九尺爲七曜中道主苑園牧養犧牲以供給郊祀大享周宮之牧人也亦爲興兵聚衆明則天下和平動搖則有衆聚星直則執主之命者就聚則國不安金火守則宮苑之內兵起唐志日食在婁爲大臣憂日月食則宮內亂金水火土犯凶水犯吉亭入兵起月食兩軍各退鄒萌曰水守有兵起巫咸石氏曰多火災流星出沒於此主饑或星燭見奎婁間占有土功胡人犯邊城和又爲天獄

左更五星在婁東藪澤之虞官也主山林川澤竹木之事亦主仁智右更五星在婁西牧地之牧師也主牧養牛馬之官亦主禮義金火守之山澤有兵牛馬貴兩更同占左更右更秦爵名

天倉六星在婁南掌粟入之藏以待邦用周官之倉人也占黃而大相近則歲熟開則饑中多小星則穀豐星少則虛耗明潤則歲豐暗則歉不見則大饑

大庾三星在入倉東南民間積粟之所貯于小倉

管窺輯要 卷之三十八

主

詩云曾孫之庾如坻如京是也時至於秋則八穀皆登矣占與天倉同

大將軍即天大將軍亦曰天將軍周禮大司馬之職所謂本兵也在婁北中央大星天之大將外小星為吏士武兵左更右更為旗也古者兵農不分六卿皆將後世兵益重而始專其職矣大將軍星搖則兵起大將出小星不具兵發而微暗則兵將亡有星守之即兵起

又說婁宿主天獄苑牧及興兵聚眾度十二度六

十分外九尺為黃道餘見奎宿下

婁宿歌

三星不勾近一頭右更左更烏夾婁天倉六個婁下投天庾三星倉東脚婁上將軍十一候

婁宿考

兩更左更五星在婁東主山林澤藪之事右更五星在婁西掌牧養牛馬之官○天倉六星在婁南主當倉庫○天庾三星在大倉東南亦為積粟之屋場圃之所○天將軍十一星在婁北中央大星

管窺輯要 卷之三十八

如

天之六將外十星吏士將兵之占

婁三星為三獄一曰客官一曰國市一曰天廟庫主苑牧犧牲祭祀及興兵聚眾之事搖動則兵聚星直則有執主之命者就聚則國不安金火守日月食孛彗犯兵起水犯吉月暈兩軍各退唐志曰曾在婁為大臣憂

左更右更各五星在婁之東西左更山虞也主山林藪澤右更牧師也主牧養馬牛經曰左更處東而掌虞右更居西而司牧金火守山澤有兵○天

倉六星在婁南積糧之倉也色黃則歲熟○天庾三星在天倉東南積廚粟之所也經曰天庾積粟以示稔○天大將軍十一星在婁北有左右將軍之分中央大星大將也外小星吏士也主掌金鼓動搖兵起

婁宿婁三星十二度距婁中天星去極七十一度在黃道十二度水星也春夏為水秋冬為木為天獄主苑囿犧牲供給郊祀又主羣衆動則有聚聚明則郊祀有福天子行孝多子孫失色則郊祀失

管窺輯要 卷之三十八

五

禮暗而大或小臣不忠孝

月食婁中郊祀神明不享小臣不忠大臣受誅○月食婁中君上有憂

水守之天子有德有曲赦牛馬苑苑空春米貴○

火守之人多疫疾大臣亂政不憂其位○火入之

天下兵起大饑人死道路不通其國君自將兵戰

○土守之六十日國有兵三十年乃止水傷國大

臣謀反○金守之有白衣會兵起有赦更立王公

○水守之水災萬物不成王者刑罰急大亂○客

守之社稷不安人饑疾疫米貴留之不去外夷兵起○月暈婁天下有兵及水

婁宿總敘

婁三星一曰天獄一曰密官一曰國市一曰天廟庫土星色主犧牲宗廟五祀苑牧故置天倉以養之婁聚也又主興兵發衆將有聚衆之事占之于婁其下九尺為日月五星中道經曰婁天祿車色萬物之彖藏收也婁星明郊祀得禮天子有福多子孫天下臣子忠孝暗小失色流反是動搖則有

管窺輯要 卷之三十八

六

聚衆星明則有主執命者就聚則國不安又曰婁星明則六樂和東不明則反是婁又主者樂動則歡娛音樂太盛

日月變異占

日在婁食郊祀禮神明不享小臣不忠大臣受誅甘氏曰戒我飲聚之臣一曰有內亂

日暈於婁天下生金賤黜一曰大臣諫一曰宗廟

災一曰其下有兵

月在婁食人主有憂宮中有亂皇后憂民饑有軍

外罪不戰一曰有聚斂事石爲逆

月暈於婁郝萌曰大人夏垂多死帛貴一曰粟貴
月暈婁四孟曰有赦一曰宰相疑大臣出宗臣戮
米貴

月暈婁盡圖三星有赦若木暈在暈中必有大赦
期九十日

月暈婁春月期八十日有赦若一歲之中三暈婁
則有大赦

月暈婁圖及大陵則有赦外罪亦爲多死喪兩

管窺輯要 卷之三十八

七

相當而月暈婁軍解

月在婁而有變若食有聚斂有弋獵國君納女敗
遊無度民多獄怨國有大憂將軍死方軍不戰

月宿婁而霧天下多有人死復生者

月五星干犯占

月犯婁人君多淫獵海中占曰國有憂郝萌曰將
軍死民多移徙獄多冤死多聚斂外作禽荒內作
色荒

歲星守婁人多死病大臣亂政不思其職春秋籍

洽曰有赦石氏曰木守婁五十日不下天下安九

十日不下國有兵殺貴甘氏曰木守婁王者○天

得度天下安平巫咸曰天下有慶有兵自罷郝萌

曰歲大熟黃帝占曰木守婁六畜貴其分九甚一

曰天下有逆謀巫咸曰人疫有土工多獄事貴人

憂一曰有死君歲饑荊州占曰有德令牛馬多死

苑牧虛空○木守婁陰牢獄空荊州占曰木守東

有從民守此有兵西官候曰木守婁春米賤皆在

歲月中守東貴一戰守其中有白夾會有小赦玄

管窺輯要 卷之三十八

八

寅曰木守婁去之五尺守之中五尺以上至三十

日王者出祀四瀆山海百神不出九十日○木東

婁海中占曰處其東粟賤其西牛馬布帛賤郝

萌曰處東金貴處北有壽地之君○木守婁而有

暈大赦○木逆行守婁其國斷獄不時人多怨訟

○木入婁國有喪有敗人期一年荊州占曰多水

傷穀○木行之婁牛馬大賤○木犯婁牛死苑空

春米賤貴人多訟獄天子有曲赦郝萌曰大饑○

木入婁而犯之守之若成勾已有白衣聚衆三十

日不下有共九十日不下有大喪期二年

熒惑守婁天下聚謀兵起人饑道路不通國君出走石氏曰庫兵出民多歎一曰有白衣會甘氏曰大臣有損常亂政不當位者又曰有水殃巫咸曰民病金銀貴一曰旱多大災穀貴郗萌曰北夷侵邊又曰強國爭立有大赦一曰胡主歿一曰牛多歿一曰牛大貴一曰民亡歿一曰官中大歿一曰車騎發有敗軍一曰山賊起乙巳占曰火守婁兵起有歿君走相○火入婁石氏曰魯思歿八十日

管窺輯要

卷之三十八

九

相歿一曰歲熟○火入婁而守之天下有聚眾有亡君歿相天下饑一曰山林中有大盜人多歿有赦五穀不熟一國道路阻塞期不出二年○火入守婁其國坐之守三十日其國君歿○火以二月守婁婦人多亂歿山盜大起○火芒角入婁西官候曰其國有變倉庫○火逆入婁成勾己其國倉庫焚○火逆行婁至奎大兵起臣謀君將軍作亂期不出一年○火留婁荊州占曰獄多好○火中犯婁巫咸曰旱穀貴多火災宮苑內兵起○火入

留舍婁其色赤而芒胡八爲凶齊伯曰其國各土歿一曰將軍作亂道路不通○火居留南大赦守其南大饑

鎮星守奸臣謀叛守之六十日不下禾稼兵起三年乃止陳卓曰有亡國郗萌曰有白衣之會天子戒在邊疆兵不出遠有喪師之兆○土守婁六十日不下歲旱○土逆行守婁三十日不下巫咸曰女主出入不時女謁惑德五十日不下臣謀君○土入留舍婁有兵不出二年○土入婁海中占曰

管窺輯要

卷之三十八

十

五穀熟若守之不失其行天子憂買下土同心○土犯婁天子戒邊境不可遠出師○土入守婁六十日不下國有兵歲十月小旱禾稼不成多霜太白順行入婁是謂子歸其母國有喜石氏曰太白經婁四夷還去又曰太白去婁一尺爵祿貴若守之子守其母子孝將軍有德天下大頌○太白守婁有白衣之會更王侯有赦黃帝占曰天下旱萬物不成郗萌曰期四十四日又曰有大令荊州占曰有聚眾兵起三軍行天下多饑豕大貴一曰

官中兵起李筮曰將出無功○金出舍婁天下兵起乙巳占曰秦國兵起加于魯○太白出入留舍婁外兵來入齊伯曰其分受兵○太白犯婁有聚事一曰有匿謀憂多水灾有兵

辰星守婁王者刑罰急有水災萬物不成鄒萌曰有白衣會又曰外國入御中國天文志曰有匿謀有兵一曰有兵罷無兵兵起石氏曰多水荊州占曰犧牲歾○辰星守婁角動赤黑色臣有爭祿而兵起一曰爭地○水犯婁刑罰急乙巳占曰大臣

管窺輯要

卷之三十八

十一

下獄有誅者○水逆行守婁有水災蝗虫生萬物不成犧牲歾有大刑獄事起

客星流星彗孛千犯占

客星守婁社稷不安天下分別有大災人饑多疾石氏曰一民爲亂天下有聚衆事鄒萌曰天下虛大臣有感主兩奪其權者一曰布帛貴天下多獄訟一曰有從諸侯東欲其附君不成一曰其國倉廩且焚一曰有白衣會白衣自立牛馬貴王者憂賈人當之一曰魯地兵起五穀不登胡人多歾○

客犯婁乙巳占曰國有大兵四時絕祀婁主苑牧給享祀王者所以承天已遠不去三年○客星入婁有外夷兵起石氏曰有聚衆事米大貴荊州占曰旱千里有火災倉庫謂民多病鄒萌曰客星入婁三日環繞有大赦期七十日○客星出婁胡人多歾邊城荊州占曰有罷衆之令○客星出婁而守海中占曰邊有失地爭國者○客星犯婁而守之有欲謀社稷者

流星入婁有聚衆之事於國外一曰五祀官用事

管窺輯要

卷之三十八

十二

春夏出苑圃興作秋冬出犧牲災一曰有德○流星入婁有聚衆之事於國內一曰天子苑圃多禽獸若黑色苑圃禽獸多歾一曰有白衣會大亂期二年○流星守婁倉庫者黜一曰苑圃犧牲歾敬祀之人多歾○流星抵婁貴賤相謀不服食○流星入奎沒婁歲大荒饑

彗孛出婁國有大兵倉庫空先旱後水民饑荒一曰臣奪君政一曰王者絕祀有亡國一曰魯地兵起五穀大貴米無價期一年遠三年○彗孛犯婁

五穀不成倉庫虛六畜大疫國有大兵祠祀絕天下人民大亂不出三年

雲氣干犯古

青赤雲氣入婁有兵役出之則禍除白雲氣入婁人民受賜黃雲入婁貴人受賜黑雲氣入婁有水白衣之會黑雲氣入婁紛紛如轉蓬始至大人食中毒一曰大水至赤雲如劍鋒入婁宗廟苑牧中兵起氣亦如之青雲入婁有兵憂

婁宿去極度數考

管窺輯要 卷之三十八

三

按婁宿本位居戌之次魯徐州之分凡十二度四月旦在卯五月旦在辰六月旦在巳七月旦在午八月旦在未九月旦在申十月旦在酉九月昏在卯十月昏在辰十一月昏在巳十二月昏在午正月昏在未二月昏在申三月昏在酉

婁三星十二度距北中星去極七十五度入婁初度爲天獄又曰天子厨主苑牧犧牲供給郊祀苑囿也牧養也犧牲鮮見前郊祀天子祭天之所主與兵聚衆因主天獄故爲與兵聚衆

占曰婁下九尺爲日月五星中道星則郊祀豐

潔天子有福多子孫臣忠子孝失色郊祀不享動搖聚衆直則執主命就聚則國不安又曰婁明天下和樂不明天下乖戾日月食宮內有亂金火守苑囿有兵彗孛守苑囿爲陷穽人民災六畜水

左更五黑星距西南去極七十六度半入婁四度半在婁東爲山虞官主山澤林藪事書舜典云汝作朕虞言舜命益作虞官掌山澤官周禮太宰職云三曰虞衡作山澤之材也澤水所聚藪大澤藪

管窺輯要 卷之三十八

高

清考史記秦宮名有名左更者亦主仁智仁屬木主春智屬水主冬○右更五黑星距東去極七十五度入奎中一度在婁西爲牧師官主牧牛馬卽今牧馬所官主禮義禮屬火主夏義屬金主秋懣清考左更掌山林材木草茅爲虞人右更掌苑囿牛馬禽獸爲牧人官職同分管各異

占曰左更明材木不可勝用右更明牛馬蕃滋不明則牛馬多死左不明草木貴金火守虞牧災彗孛主王者廢祀不敬

天倉六星距北第三星去極一百零四度半入奎
十度在婁南主藏五穀以待邦用爲倉廩官周禮
地官小司徒云倉人掌粟人藏辨九穀之物以待
邦用廩人掌九穀之數以待國之匪須賜賜稍食
以治年之豐凶倉有屋曰廩詩小雅云我倉既盈
我庾既億以爲酒食以享以祀

占曰天倉黃潤歲穰倉廩實府庫充不見則倉
空虛天下饑饉糴貴彗守天下人相食兵荒火
守主旱主火災水守主澇主水淹倉庫水守天下

管窺輯要

卷之三十八

主

豐盈樂歲

天庾三黑畢距中大星去極一百二十五度入婁
五度在婁西南積儲粟所倉無屋曰庾粟小米

占曰天庾明天下倉廩盈溢

天大將軍十一星距南大星去極六十度半入婁
四度在婁北主武兵中央大星天之大將小星
吏士左右星爲旗淳風云中央大星乃天子大將
占曰天大將軍安靜明潤兵革不興大將安芒角
大兵起明盛大將勇不明大將弱不見將成軍亡

婁宿雜座

天大將軍

天大將軍十有一星在婁北舍管也天之將帥中
央大星大將軍也其餘星小吏士也大星動搖則
大將出小星不明則兵發天大將軍欲其安靜而
明則天下兵不興其星不明若動搖則天下兵大
起大將軍出行一曰動搖則天子自將兵其芒角
所指者敗一曰星明則大將武兵精暗小則兵弱

管窺輯要

卷之三十八

主

將怯亡則將死

歲星入天大將軍將軍吉犯之則大將軍成鎮星
占同○熒惑入天大將軍大將成軍中饑守之兵
起將軍行守之三十日天下有兵太白辰星占同
○客星守天大將軍大將憂○彗出天大將軍
將軍反兵大起若犯之將軍成兵敗
蒼白氣入天大將軍中疾疫兵將多成○赤氣入
天大將軍兵將皆凶軍在外防賊客來○赤氣出
天大將軍兵大出

左更右更

左更五星在婁東山虞也主知山澤林藪之事。右更五星在婁西牧師官也主養牧牛馬左更右更秦爵名也左更主仁右更主禮兩更不具天下道不通動搖則王者出不動而出則必道亡左更不動而右更動則天子私出左右俱動千乘萬騎由道而行。○金火犯守左右更山澤有兵

天倉

天倉六星在婁南主倉庫之藏大司農之事其星

管窺輯要

卷之三十八

七

黃大而明則倉廩豐倉中小星衆則聚集富星稀少則倉廩虛天倉戶開則歲大熟戶閉則歲不登天下饑有兵倉庫俱開主人勝客事不成星不具則道不通軍糧絕

月入天倉人主憂財寶出天下有兵亂臣在內若犯之穀粟出兵起有轉粟之事五星犯守天倉占

同

水星入天倉而守之歲惡民饑天下有轉粟事。○木星守天倉諸侯發粟兵起羅貴若當門守之將

不爲主。○火星入天倉或出其中天下粟聚一邦

火星近天倉四夷人相食大旱轉粟一曰千倉敗天下饑火經天倉去而不守其年羅大貴倉粟出若入其中守之天下轉粟給兵若逆行守犯之天下大饑人相食。○太白中犯乘守天倉四夷人相食期三年兵起西北方若當戶守之將不爲主用。○客星入天倉米大貴外夷以奇物來貢若倉粟發兵滿野。○客星守天倉倉粟出天下貧兵起道不通馬大貴當天倉戶而守之將吏食主祿而不

管窺輯要

卷之三十八

七

用主命。○流星犯天倉倉廩發穀大貴民大饑人主憂。○流星入天倉天下饑五穀散出有轉粟事流星色赤入天倉中兵起犯之旱又水災出之則倉粟以兵出流星色黃白出天倉中歲大饑。○彗字出天倉兵起歲不熟出之禍除赤氣如揚波入天倉大旱火大起赤氣入天倉以兵出粟蒼黑氣入天倉其歲凶黃白氣入天倉天下大熟

天庾

天庾三星在天倉東南主露積亦爲積粟之屋場

圖之所其占與天倉同○災惑入天庾大旱粟貴
倉廩發

管窺輯要卷之三十九

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全

管窺輯要

卷之三十八



胃宿論

胃三星天之儲藏也王倉廩五穀之府星明則和平太白守犯晝見主饑又主軍乏餉月五星客彗守犯主兵饑趙分冀州災胃南十三星曰天囷倉廩之屬也主給御糧天廩四星在胃南一曰天蓄一曰天會主蓄積黍稷以供祭祀春秋所謂御廩此之象也大陵八星在胃北亦曰積哀主大喪也積哀中星多則諸侯有喪民多病大陵中一星曰積尸明則多死亡天船九星在大陵北中一星曰積水主濟渡主水旱天船不居漢中則天下兵起有大水

管窺輯要

卷之三十九

二

胃宿說

胃三星宋志距西南星去極六十七度半赤道十五度六十分自胃三度六十三分七十八秒入酉黃道十五度八十一分自胃三度七十四分五十六秒入酉胃下九尺七曜中道也儲藏五穀之府所以會邦用者也故名天廚一曰天倉明則四時和平天下晏然五穀豐暗則上下失位小則穀歉

又曰動則有輪運之事就聚則穀貴入流暗則少穀日月食五星犯孛使並荒歲星書見兗州有兵又主誅討

天廩四星在昴南一曰天膺韻書古外切庫廩名也張衡云主積蓄黍稷以供享祀之衆盛春秋所謂御廩也古與天囷同

天囷十三星在胃南曰中貯所納之總亦倉廩之屬主給御糧也明大而黃潤則歲豐微則歉變色失常或芒角則饑中多小星則克實金火守入則

管窺輯要

卷之三十九

三

災起

大陵八星在胃北一作天陵主山林丘陵虞人所有事又盜賊所依死亡所瘞也故兵疫於此古之季春日在胃從胃歷昴故飢疫之事當此時行之也明大則兵起陵中星多則諸侯有喪芒角動搖則死人如山五岳不見於天而水位獨詳者蓋山靜而無爲水動物或通或塞利害甚大故聖王治水之政居多

天船九星在大陵北入河中一曰舟星以濟不通

亦主旱潦不在河中則津河不通明則吉大則潦
中星欲其均明則天下安暗則移徙主兵喪客星
人彗出為潦有大兵

積水一星在天船中候水災亦主旱潦均明則天
下安明而大則兵起

積尸一星在大陵中隱暗為吉陵中積尸之氣伏
則厲鬼隨之而行故季春逐疫張衡云一名積廩
明大則人死如山或傍星多則人多死或兵起火
守則大疫

管窺輯要

卷之三十九

四

胃宿主倉廩五穀度十五度六十分外九尺為黃
道初胃四度外未畢七度內於辰為酉於分為趙
於野為冀州賦星胃昂畢大梁趙冀自刑磁祈趙
定深洛恩冀之真定當漳古魏郡雁門雲中之北
紀於十二月在婁昏中東二月為太陽纏次

胃宿歌

三星鼎足河之次天廩胃下斜四星 劉十三如

乙形河中八星名大陵陵北九個天 名陵中積

尸一黑星積水船中一黑精

胃宿考

天廩四星在胃昂南主蕃黍稷以供享祀○天國
十三星在胃南北主死喪○積尸一星在大陵中
主死喪○天船九見在大陵北河中主濟渡又主
水旱○積水一星在天船中主候水災

胃三星一曰大梁一曰天中府五穀之府也主厨
廩積聚又主討捕誅殺之事明則倉廩實天下順
動移則輪運就聚則穀貴人流暗則饑荒日月食
五星犯彗孛守親臣有災月令季春日在胃○天

管窺輯要

卷之三十九

五

困十三星在胃南主儲聚之事○天廩四星在胃
東主宗廟犧牲之供經曰天廩備積以所歆○大
陵八星在胃北主天上陵寢之事經曰大陵分光
乎耀虛是也明大多死喪○積尸一星在大陵之
內明則死人如山火守天下大哭微小吉○天船
九星在大陵北主津度載物行貨經曰天船汎影
平清瀨暗則水路不通動搖客犯水兵起○積水
一星在天船內東主水災

胃三星十四度距胃西南星去極七十二度在黃

道內十三度金星也春夏爲木秋冬爲水爲天之儲藏主倉廩五穀府也明則和平廩實王者壽不明大小失位倉廩虛兵動米貴天下轉運不出半年○木守之天下自如不爾水旱人饑米貴○火守之人疾病食粟出米大貴十倍久守進退環繞成勾已凌犯經百日以上天下倉廩虛大兵起赤地千里人饑米貴○土守之米大貴有水災萬物不成金守之人饑天下亂其起流血千里有大赦入胃中其分主有食葉之者○水守之倉空米貴

管窺輯要

卷之三十九

六

兵起水災客守之五穀不登人民病饑○月暈胃中天下有兵先戰不勝○彗孛行犯之其國兵起不出一年

胃宿總敘

胃三星一曰天梁一曰天中府一曰天中庫一曰密官舍星也胃者五穀之府天之儲藏主倉廩大藏積聚萬物又主討誅殺狙獵之事其南下九天爲日月五星中道胃星明倉廩盈天下豐將小則天下米貴倉廩空上下失位亡星則軍兵大起

儲則倉廩耗散就聚則米貴民流搖動則有轉輸之事芒角則有兵其傍衆星明粟聚出米散

日月變異占

日在胃食郊祀有咎上地咸謂黃帝占曰王者食絕委輸之臣有坐罪者石氏曰大臣有誅者天文錄曰民疾病五穀不實一曰其分主亥○日暈於胃主倉庫者出一曰五穀不成人饑一曰天下有兵先戰者不勝

管窺輯要

卷之三十九

七

月食在胃食郊祀有咎皇后有惡大臣受誅黃帝占曰天下祖蚩火色主亡大將軍亡甘氏曰聚飲之臣憂卻萌曰天下饑人相食一曰主者之食轉輸者憂一曰有倉廩賦歛事○月暈於胃而國之卻萌曰國君死天多陰雨姬婦多死一曰山崩盡國三星則有赦荊州占曰兵起其國戰不勝有破軍一曰軍不戰而歸一曰穀大貴巫咸曰倉廩有敗河圖帝覽曰民多暘疾貴臣死石氏曰先動者敗卻萌曰月以四孟月暈胃或一或二四暈於胃皆有旅○月暈胃災惑在其中則有兵歲星在其中

則有德令乙巳占曰月暈胃三重歲星在其中天下有兵不戰有德令姪女多病○月在內有變其國有憂將軍或鄰國有暴兵天下穀無實有倉廩賦歛之事中國兵起不戰以去狄爲憂民多病○月犯胃五穀不成倉廩空國有憂夷狄爲患軍弱不可以戰一曰有兵在外將軍或

彗星守胃民饑疾守之二十日倉粟大出天下轉運不出百八十日巫咸曰木守胃爲兵災萬物不成黃帝占曰以無義敵不水旱郝萌曰燕兵起伐

管窺輯要

卷之三十九

八

中國一曰王者開倉廩石氏曰其國吉○木之胃不失行色歲大熟天下安上者昌

木犯胃天下穀不實其地大水魚行人道荊州占曰國有變令郝萌曰大人憂天下疾病

木在南男子憂在北女子憂○木逆行胃五穀不成甘氏曰倉廩空一曰其君不愛五穀○木入流

舍胃兵起不用大人憂十月有旱一曰民苦役役

○木舍胃處其北兵起處其中有白衣會處其南男子疾一曰午馬賤處其東米貴民多移徙不定

○水經胃昂畢趙地水湧魚行人道

熒惑守胃巫咸曰人多病穀大貴久守之大饑天文論曰其年兵起客敗陳卓曰貴人子孫有繫獄者一曰貴人或賤人賈石氏曰天下病藏多火災甘氏曰有水災海中占曰君憂郝萌曰大臣不憂百姓荊州占曰銅貴乙巳占曰火守胃火尅金也王者行仁無咎○火入胃石氏曰主或甘氏曰天下有兵倉廩出郝萌曰有更令荊州占曰國有匿謀事不成○火入胃而守之三十日不下趙地大

管窺輯要

卷之三十九

九

饑人半死一曰女疫或兵大起客軍敗主人勝期不出一年○火守胃三十日起而北出兵大起客軍大敗東出民大憂○火入胃而守之進退環繞成勾已一百日已上天下倉庫皆空一曰有大兵戰流血千里○火犯胃郝萌曰天下穀無實國以食爲憂一曰外國有暴敗兵入國中一曰其國改法令甘氏曰其分兵亂倉粟出陳卓曰貴人憂○火入胃賤人有受封爵者○火舍胃石氏曰天下大饑有轉穀之令○火逆行守犯胃天下有急兵

人饑倉庫粟空多賦歛一曰有火災

鎮星犯胃石氏曰臣爲亂一曰多水災天文錄曰
女憂一曰兵起客軍敗御萌曰天下穀無實國以
食爲憂乙巳占曰天下倉有結者必受殃罰○土
守胃石氏曰北帝金人將來獻白馬其年
穀貴巫咸曰多水災萬物不成有兵國無儲有德
令○土守胃色赤天子自將兵出其分國亡○土
守胃芒角動搖兵大起○土舍胃荊州占曰有開
倉賑恤之事御萌曰鎮守胃在其陽女主不用事

管窺輯要

卷之三十九

十

居其陰女主亂○土之胃石氏曰天下有德令有
封爵者○土出入留舍胃九十日不下客軍大敗
天下小憂兵不用○土逆行胃若守之環繞成勾
已天下爲兵六十日不下士卒饑大敗九十日不
下他國有暴兵來伐中國期不出一年○土犯胃
而守之天下以食粟帛起禍

太白守胃人饑天亂黃帝占曰守之二十日兵大
起有流血石氏曰守之五十日百姓饑餓轉輸事
急其國大饑亂巫咸曰太白守胃民疾苦流之有

兵災萬物成海中占曰有兵不用有德令御萌曰

有救○太白守胃色赤如火兵起大戰流血色青
有德令○太白出入留中人君有食藥自殺者五
十日不下天下饑國亂○太白犯胃陳卓曰將軍
爲亂兵起四夷來入倉庫空虛其國以亡○太白
犯胃色赤國大敗有亡君期不出一年○太白入
胃天文錄曰其分饑君憂一曰天下赦○太白入
胃中守之其分有喪乙巳占曰金入胃二十日不
下兵起流血五十日不下兵起流血百里後月赦

管窺輯要

卷之三十九

十一

○太白貫胃春秋文曜鉤曰倉庫虛邊兵起四夷
侵禍亂成○太白逆行胃犯守之成勾已其國君
死大臣誅者出之一尺趙燕大饑人相食期百八
十日孝經右秘曰歲將大惡加於胃

辰星守胃倉庫空虛水災穀貴有大兵起一曰其
年五穀不成有急令人主惡之黃帝占曰國以不
義敝人曰大饑有兵夷狄勝巫咸曰旱多火災海
中占曰民饑○水犯胃御萌曰天下穀不實以饑
致亂石氏曰有兵雌雄圖三光占曰水犯胃母子

同光國立侯王且有急令人主當之。○水守胃甘氏曰布帛賤。○水守胃芒角動色赤白以水起名無名而窮。○水逆行守胃荊州占曰天下有兵倉庫空虛大水災

客星流星彗孛干犯占

客星守胃五穀不成天下饑。○曰強臣凌主郗萌曰有奇令。○一曰有穀粟金銅之令。○一曰有大兵倉廩焚客星出胃倉廩出玄冥占曰王者備四夷憂強臣有大兵天下倉廩發期百八十日遠一年。

管窺輯要

卷之三十九

土

客星入胃有白衣之會天文錄曰五穀湧貴有奇令石氏曰有祿食之事入郗萌曰天下無聚物黃帝占曰有藥人主者乙巳占曰國有倉廩事郗萌曰客入胃三日環繞之期七十日有赦。○客星逆行入胃有赦天下饑。○客星犯胃五穀不成倉庫空之有軍倉粟乏王者憂。○一曰有金銅之令。○赤星乘胃倉廩焚

流星出胃倉庫官坐罪者。○一曰有祿旅於國外。○流星入胃有祿旅之事於國內。○一曰有稅穀粟之

事若出之有出粟。○流星抵胃倉庫散星色赤倉庫焚。○流星犯胃倉粟大出春犯憂粟大貴秋冬犯倉廩空五穀竭人相食

彗孛出胃五穀不成倉廩空大臣爲亂天下兵起人流期不出三年遠七年。○彗孛行犯胃其國兵起有水災五穀不成人主惡之。○彗孛出入胃昂之間狀如竹竿而倚此太白之變色出爲兵戒。○出一一年其國有兵喪。○彗孛出胃昂之間狀如竹竿有兵災大臣爲亂君弱臣強邊兵大起天子憂

管窺輯要

卷之三十九

人民驚近期一年遠三年

雲氣干犯占

蒼白雲氣入胃國以喪米粟。○青黑氣出胃兵起。○赤雲氣出胃以兵出粟。○黑氣入胃倉粟敗腐。○蒼白氣出胃以喪出粟。○黑氣入轉蓬出胃大人食中毒次且有大水。○黃白雲氣潤澤出胃大人入國倉庫克實出之有出粟賑民之事。○赤雲氣入胃以兵粟貴

胃宿去極度數考

按胃宿本位居酉次趙箕州之分凡十五度四月
且在卯五月且在辰六月且在巳七月且在午八
月且在未九月且在申十月且在酉九月昏在卯
十月昏在辰十一月昏在巳十二月昏在午正月
昏在未二月昏在申三月昏在酉
胃三星十五度距西南去極六十七度入胃初度
天之儲藏五穀倉又主討捕誅殺事胃宿有大陵
入星淳風云大陵亦曰積京積京中星衆則諸侯
有喪兵起故主討捕誅殺事

管窺輯要

卷之三十九

古

占曰胃下九尺爲日月五星中道星明則倉庫盈
天下豐昏小天下穀貴倉廩空上下失位離徙則
倉廩耗散就聚米貴動搖則有轉輸事金火守則
軍糧緊急水守水災彗守倉廩空虛人相食天
下大亂木順行於胃歲大穰

天廩四星距南去極八十五度半入胃十二度在
昂南御廩也天子倉廩詩周頌豐年篇云亦有高
原萬億及秬正謂此一曰天廩一曰庫廩廩乃芻
藁藏主積蓄九穀飼養犧牲以給祭祀然膳事厨

禮大宰職云三農生九穀舊唐書農平地農謂三
農黍稷稻粱麻麥秫苽豆爲九穀苽菰蔣也乃雕
胡米又曰黍稷稻粱麻大豆小豆大麥小麥爲九穀
占曰天廩明則享祀豐潔倉廩充盈天下含哺鼓
腹年豐歲穰彗守兵荒

管窺輯要

卷之三十九

圭

占曰天圜明歲豐失常則歲歉金火守兵荒彗守
守王者乏祀天不享德民流沒歲饑

大陵八星距大星去極五十四度入胃七度河中
主陵墓災喪事淳風云亦曰積京主大喪

占曰大陵芒角天下多災喪彗守人火如山
積尸一黑星去極五十五度入胃四度在大陵中
爲陵中墓張衡云亦名積京

占曰積尸明大動搖積死人如山不見爲吉
天船九星距大星去極四十四度入胃十度在大

陵北居河中一曰舟星主津度舟楫以濟亦主水
 早易繫詞云刻水爲舟撥水爲楫舟楫之利以濟
 不通

占曰天船居河中不在河中津梁不通洪水之溢
 中四星欲其均明則

出入主水寇兵起

積水一黑星去極四一三度入昴初度在天船中

主候水災

占曰積水居常則吉變動明大水災

管窺輯要

卷之三十九

天

胃宿雜座

天船

天船九星在大陸河中一曰舟星一曰天更主濟

渡又主水旱常居漢中大將軍之兵船也其中四

星常欲其明則天下安不明或移徙或消小不見

皆爲天下有兵喪天船下居漢中天下兵起津河

不通川水大出有沒國○月入犯天船有川流溢

天下津梁不通○歲星犯守天船舟船月有亡國

鎮星占何○熒惑入犯天船諸侯有自立者兵起

津梁不通人主憂○熒惑守天船不出三年樓船

大作五穀大貴天下有兵喪守之三十日有亡國

太白占同○辰星守天船兵大起舟船用有亡國

天下革命大水泛濫魚人人居客星入天船大水

若守之有兵一曰王船有事出之大水有舟船之

事○流星入天船天下大水舟船用津梁不通有

急事○彗孛出天船夷狄來侵有水賊兵起一曰

大水一曰大旱若犯之天下發洩水旱○赤氣入

天船不出一年有自立者不出三月水中兵戰○

管窺輯要

卷之三十九

七

蒼白氣入天船有殃天子不可行船出之禍除赤

氣入天船天子戒行船黃氣入天船天子幸船有

喜事赤黑氣入天船舟師勿行赤氣出天船水兵

起

積水

積水一星在天船中主候水災其星明大動搖則

大水○五星入守積水天下大水

大陵

大陵八星在胃北主凶喪又主陵墓其星不欲明

則天下多兵起其中小星聚則天下粟聚人死如麻月入犯大陵天下多死人天下盡喪服○五星入犯乘守大陵天下死人如山石氏曰國有喪大臣有誅死者不出其年○火星入大陵女主宗室有誅者○客星出大陵或入守皆為有山陵之役○流星入大陵有土功墳陵之役抵大陵有大喪大人當之○流星出大陵有大喪土工山陵之役犯復出之將軍反若犯之者有大兵陵廟憂○蒼白氣入大陵天下多死喪赤氣入大陵天下兵多死喪赤氣出大陵天下兵起多死喪黑氣入大陵天下大疫

管窺輯要

卷之三十九

末

積尸

積尸一星在大陵墓之尸也積尸主死喪星明則天下人多暴死不明則吉不見則天下無橫死者○月犯積尸亂臣在內有大喪貴人憂刀鉞用○五星入犯乘守積尸天下大兵大疫積尸如山○客星犯積尸國有大喪人主喪惡之○黑氣入犯積尸天下人多疫死

天廩

天廩四星在昴南主蓄黍稷供享祀一日天倉主廩藏會計之事其星齊明則年豐國足民安天子告小而不明則歲惡國虛人饑臣受君祿而不修其職色黑廩粟腐敗○五星犯天廩天下亂民饑粟散不出其年○火星守天廩兵起天下有聚粟有轉粟之事○月犯天廩天下粟貴一犯一貴○客星守天廩倉粟發馬貴○客星入天廩色青天下多憂色赤大旱多火色黃歲熟○客星出天廩

管窺輯要

卷之三十九

末

粟貴天下民流亡○客星犯天廩天下亂流星入天廩天下大饑五穀不成民死粟出○彗孛出天廩兵起倉粟出人饑流亡○彗孛犯天廩蝗虫為害歲饑民流亡○赤氣入天廩歲豐黑氣入天廩廩粟腐敗黃白氣入天廩大旱有火災蒼白氣入天廩大水傷穀赤氣出天廩天子以用兵出粟

天囷

天囷十有三星在胃南主御糧百庫之藏其星欲

明而眾實則庫藏滿不明及中稀稀則庫藏空國
有憂不見則倉庫皆竭變動失色則天下饑○五
星入天囷天下兵起國諸盡發民大饑御物出府
庫空○太白入天囷諸侯謀倉廩破大旱且大水
大饑○客星出天囷若守之大旱人饑相食○流
星出天囷兵起粟米出軍糧急期半年○彗孛出
天囷倉廩空有出粟天下饑民流亡

管窺輯要卷之三十九終

管窺輯要

卷之三十九

辛

管窺輯要卷之四十

六安黃 鼎玉耳父纂定

男九命簡臣

侄九錫公位

疇倫叙

如眉介

孫珮琢成

珂先鳴

桐城方兆及子詒全閱

管窺輯要

卷之四十

一

婁 天 船



昴宿論

昴七星天之耳目也在西方主獄事又爲旌頭胡星也昴畢之間爲銜天子出旌頭罕畢以前驅此其義也黃道之所經者昴星明則天下牢獄平大星黃主大水七星皆黃三水兵一星亡亦主兵喪星搖動有大臣下獄有白衣之會星大而數動若跳掣者胡兵大起月五星客彗守犯主兵革趙分冀州災昴北六星曰卷舌主口舌讒佞也卷舌曲吉直而動天下有口舌之害中一星曰天讒主醫

管窺輯要

卷之四十

二

昴宿說

昴七星宋志距西南星去極七十度赤道十一度三十分黃道十一度八分其下十五尺爲七曜中道天之耳也主刑獄天道秋爲殺地道西爲金皆

所以裁物之過也人之事蠻夷猾夏寇賊姦者則征之小則加以刑大則加以兵故兵刑皆列象西方張衡云明則獄訟平暗則刑罰濫六星皆明與大星等則有白衣會或大水動搖則大臣下獄彗出亦然七星皆明大而動若跳躍者兵大起明而黃亦主兵一星不見主兵喪日食則趙魏有兵金守之石氏曰兵從門闕人走郗萌曰不有謀國必有謀主者金入有兵或有大赦火入之及土星同留守主憂客星出則六十日遣使北伐又爲

管窺輯要

卷之四十

三

旄頭以其稟肅殺之氣也胡星也天子出則旄頭四星於畢以前驅此其義也崔浩曰比年月行掩昴其占三年天子大破旄頭之國按石申占月掩昴胡王死又月行昴北天下福月犯之胡將軍死胡人雖僭號而強弱常占昴不關太微紫微也昔王莽亂華專以此候禍福而三垣皆不應可以知正統之在晉矣又兌爲口舌而其屬有卷舌星故多主獄訟史記昴謂之留留者言陽氣之稽留也索隱曰留昴也毛詩傳亦留爲昴也詩云嘒彼小

星維參與昴朱子註云以爲協韻力未切是亦讀作留矣肅何應昴星而誕生

卷舌六星在昴北入河中說佞之臣其氏曰王口舌奏對若明大則君無佞臣天下安和暗小則佞臣被誅動搖則君信讒殺忠良張衡云主樞機幽而靜則賢人用直而動則讒人得志移出漢外天下多妖言傍星多則冤死者衆

天譏一言主讒佞者也在卷舌內亦主巫醫與房宿之從官同占明大則巫人構亂

管窺輯要

卷之四十

四

礪石四星在五車北主磨礪鋒刃明則大兵起如常則吉金火及客星守之主兵動

天河一黑星濁河之精發源崑崙之象故列在西不見則陰陽不和一作天阿主察山林妖變步天歌在昴西或誤作昴東

月一黑星近黃道步天歌在昴東或誤作昴西近黃道主女人災福占大而明則女主擅權又爲大臣執政月者衆陰之宗也爲兔四足爲蟾三足兔在月中爲蟾蜍之精爲星以司太陰之行度月生

於西故在是焉日精在房月精在昴畢間自司其行度而房昴畢乃黃道之所經不得而司之

太陰五星在畢柄西主女后之德明則禁言漏泄暗則吉一作天陰主從天子弋獵之臣預謀者也天苑十六星在昴南狀如環天子之苑園養禽獸之所也明則馬牛羊盈暗則瘦死雪心賊作十七星傳寫之誤耳

蕤葦六星步天歌作太陰之下乃天苑之西一作

管窺輯要

卷之四十

五

蕤葦營聚蕤之所是周禮委人之職萬物成於秋故於此爲備苑以供牛馬之食明盛則歲豐穰星希則歉張衡云不見則牛羊暴死火守則有火災一日天積天子之藏府也史記云胃爲天倉其南衆星曰膚積如淳曰蕤葦積爲膚也

昴宿主胡王喪獄度十一度三十分外五尺爲黃道餘見昴宿下

昴宿歌

七星一聚實不少河西月東各一星河下五黃天

陰名陰下六烏莠藁營營南十六天苑形河中六
星名卷舌舌中黑點天譏星彌石舌傍斜四丁

昴宿考

昴七星天之耳也主西方又主獄事主口舌奏對
又爲旄頭又爲白衣聚又曰胡聚胡星也

卷舌六星在昴北河中主樞機知佞讒○天譏一
星在卷舌中○天河一星在胃東昴西北主察山
林妖變○月一星在昴東天街西主太陰女主臣
下之象○天陰五星在畢柄西主弋獵從天子之

管窺輯要

卷之四十

六

臣○莠藁六星在天苑西主積草供牛馬之食○
天苑十六星如圖狀在昴畢南天子養禽獸之園
苑○彌石四星在卷舌東五車西主磨礪鋒刃
昴七星一曰旄頭胡星也爲天之耳主兵喪口舌
奏對獄事經曰主弋獵不知何據明大君無佞臣
暗小佞臣詐搖動則信讒殺賢又云明則獄訟平
六星與大星等水災大而盡動若跳躍之狀胡大
起一星不見血流千里火星守天子秋不利書曰
短星昴

月星一星在昴東太陰之精黃道之所經也月陰
精爲鬼兔四足兔在月中而其精爲星以司太陰
之度月生於西故在昴畢之間天陰五星在昴西
經曰天陰進謀於腹

天阿一星在昴西北經曰天阿察乎山林○卷舌
六星在昴北主寂然靜則賢人用動搖讒人行出
漢多疾言○天譏一星在卷舌之內主讒害忠良
彌石四星在昴之東北月之上主磨礪鋒刃明動
兵起○莠藁六星在天陰西南主納秭牧牛馬之

管窺輯要

卷之四十

七

物也明吉○天苑十六星在昴南主天上蓄異禽
之事經曰天苑園開而蓄異明則多滋牲暗則牛
馬死

昴宿昴七星十一度距昴西南星去極七十三度
在黃道內四度少水星也春夏爲火秋冬爲木爲
天之耳目在西方爲獄訟事又旄頭胡星也畢昴
間爲天街一名天路天子出旄頭罕畢以前驅此
其義也黃道之所經七曜之所遊昴星不欲明明
則天下受誅罰胡兵多死星皆明與大星等有大

水七星色黃兵大起一星亡爲兵喪動播有大臣
下獄及白衣之會大而數盡勘跳躍者胡兵大起
○日月食昂中邊兵起其地大殃○月入昂中大
臣憂家國破國兵伐四夷○水守之人饑米貴君
有德令王者急於刑罰又守有白衣會○火守之
有赦不出三十日兵起旱米貴○土守之后失勢
若留一年大將軍出三年止西北流血○金守之
胡兵大起天下流血將軍下獄匈奴大亂○水守
之執法之官受誅又守水災兵起○客守之臣稱

管窺輯要

卷之四十

八

王命中國必憂不出一百八十日金犯入昂中大
將軍必死

月暈昂天下亂匈奴有亂○彗孛行犯之大臣亂
國伏誅近期一年遠千日○月始生昂南向粟賊
陽國必兵利宜北伐若向北粟貴陰國兵起○月
行昂北有赤白雲氣緣月兵入北狄得地赤白雲
不緣月兵入死不出三年

昴宿總敘

昴七星曰旄頭一曰天器一曰天獄一曰天厨一

管窺輯要

卷四十

九

曰天路水星也昴爲天耳目又爲白衣聚又曰胡
聚胡星也主兵喪口舌奏對主獄事其下九尺爲
日月五星中道二星爲天街陰陽之所分昴大星
欲其明明則獄訟于國無佞臣天下安不明則刑
罰濫佞臣得君天下凶其六星不欲明明則天下
受誅罰邊兵多死星動則大臣下獄天子信讒殺
害忠良亦爲白衣會聚明而數動則用火起其
大星動若跳躍而他皆不動則胡欲侵邊期一年
不出三年一星不見爲兵喪六星皆明與火星等
則天下大水七星皆明而貫則兵大起

日月變異占

日在昴食邊兵起其分有殃感精符曰王宗謀國
同姓自害石氏曰星者有疾臣厄國圍者解甘氏
曰主獄之臣有亂天子臣者武氏曰大臣下獄有
兵亂天子走○日暈於昴陰國失地胡王死趙地
凶一曰胡大饑國亂

月在昴食邊兵起石氏曰大臣貴女失禮鄰萌曰
人相食天下聚趙地殃又曰主獄臣出天文論曰

門戶之臣有事諸侯有出者一曰貴臣誅女王憂
乙巳占曰大臣誅謀貴女失勢有白衣會獄訟煩
苛武氏曰將軍死胡不安○月暈於昴黃帝占曰
天下大饑北夷爲亂荊州占曰其國王死一曰貴
人多死有兵暴命有流言者又曰不出其年天下
有變又曰大水五穀不收人離其鄉多病股疾一
曰畜多亂巫咸曰人食絕死多死京房曰兵九月
十二月十三日暈昴畢及五東大赦郝萌日月暈
昴以甲午乙未及戊巳日必赦甲午乙未期三年

管窺輯要

卷四十

十

日戊乙期六年十日○月暈昴三重不出五十日
有赦○月一歲三暈末年大赦弓弩貴郝萌曰一
歲一暈小赦再暈中赦三暈大赦不出期年○月
在昴有變黃帝占曰軍在外絕食郝萌曰國有喪
一曰人饑流乙巳占曰有白衣會貴臣憂獄訟煩
苛無辜獲罪民離其鄉○月行一歲不出昴間早
來年有兵○月初生昴宿南向粟賤陽國兵利利
用北伐北向粟貴陰國兵強不可伐

月五星干犯占

月犯昴胡王死天子破匈奴不出五年一曰有白
衣會一曰其分民離散郝萌曰國憂將軍死一曰
有暴兵起○月分犯昴北有白雲緣月兵入匈奴
得地赤白雲不緣月兵入不得地乙巳占曰犯昴
貴臣有憂獄訟煩苛無辜獲罪○月乘昴天下法
峻水滿野不卒收黃帝占曰貴人有憂○月行觸
昴匈奴大憂一曰匈奴受兵○月入昴中大臣憂
有破家胡王死一曰理獄官凶一曰有赦一曰軍
在外絕食一曰大臣匿其罪○月食昴胡王死國

管窺輯要

卷之四十

十

受兵石氏曰貴臣誅貴女失勢一曰天下饑一曰
有赦趙地受兵國大傷○月出昴北石氏曰天下
有喜胡王死

歲星守昴米貴人饑甘氏曰昴者天之囚室○歲
星守之下獄之臣皆有解不出四十日○歲星守
昴太旱萬物不成多水災郝萌曰夷狄勝甘氏曰
王者失禮陷人於刑宜赦以解之石氏曰王者以
刑罰急久守之有白衣會棺木貴關津變憂天下
大饑國奪地○本守昴東穀大貴守其北歲中有

德令○木守昂東刀劍貴守其南米一貴一賤一

日土工興有變政守其北有別離之國奪地之君

西不占○木入昂胡兵入國有土工有赦郝萌曰

天下有白衣聚西官候曰金寶貴○木入昂而守

之天下獄空○木中犯乘凌昂大臣有坐法死者

關津吏憂人食草木郝萌曰天子伐胡兵一日近

臣爲亂巫咸曰有水災萬物不成○木乘犯守昂

其北胡王陰國憂○木守昂東行至天高復及至

五車邊兵起大赦○木之昂棺木大貴○木居昂

管窺輯要

卷之四十

主

間色亦大旱其國有大殃○木舍昂居其南男子

病歲早晚水居其北多暴雨居其東有徙民一日

居其南土工興民多口舌一日舍昂南有死君○

木逆行昂人君多殺不辜○木出入留舍昂其年

旱霜齊伯占曰胡人以用兵耗其國國空無兵米

豆布昂貴留之五十日不下郝萌曰有死將期四

月有死君期三年一日有破軍死將居其東金鐵

貴居其南有土工西米貴居其北陰國憂○木守

昂去而後有兵發有赦

熒惑守昂有赦不出三十日兵起有旱有無罪而

誅者守之九十日穀大貴河圖聖治曰政令苛擾

民苦其誅天下愁怨不出六月大怪一日天下多

獄水旱不時巫咸曰四夷兵起天下多火災萬物

不成人多病死海中占曰胡不寧多病死郝萌曰

大臣爲亂天下謀主大將反將帥有內亂又曰地

裂山崩人流亡西官候曰鬼多死春三月旱牛馬

多死一日大將出土卒病有流血一日有急令道

不通大在陽爲中國在陰爲胡一日貴人多死趙

管窺輯要

卷之四十

三

魏有兵荊州占曰木守昂東齊吳負兵守南荆越

負兵守西秦鄭負兵守北燕趙負兵昂周宗負兵

黃帝占曰火春守昂其夏旱夏守秋旱秋守冬旱

冬守來春旱郝萌曰火夏守昂秋米貴○火犯昂

而守之胡人疾病一日獄訟疑囚有赦○火守昂

環繞成勾已有赦○火犯昂若胡人聚中國匈奴

大出四夷兵起國有憂○火入昂天子有急令二

日國貴人多死有大兵大旱大飢○火入昂天

下不安其起有兵四月五月大放近期十五日遠

期三十日救又曰不可爲

入昂已去之復

還守之有臣爲天子破匈奴者期三年○火留昂牛馬多疾都萌曰王典吏多奸者○火舍昂甘氏曰天下多賊都萌曰多賦歛○火出入留舍昂有兵巫咸曰火出留舍昂赤色而光明犯之以行胡人爲亂不出三月兵起在其西八百里○火行昂畢間而留守之三十日不出春秋令誠圖曰馬躍冥走辟凶相續婦子哀哭無所抵屬民食不足行道相搶○火久守犯乘昂天子用兵伐胡天下騷

管窺輯要

卷之四十

古

動

鎮星守昂女主失勢若守之一年不出將軍出征三年乃止出流血西北石氏曰天下民大貧又多疾病一日天下旱多火災有土工巫咸曰萬物不成武氏曰天下飢○土入昂胡人爲亂胡王死兵起不出一年乙巳占曰將軍出師有大戰兵起東北○土入昂中都萌曰地動水溢趙地有兵一日廟壞○土逆行入昂女主飲食過度一日飲食過傷○土逆行昂胡王死陰國凶○上出入留舍昂

胡人爲亂有土工民疫兵大出○土逆行昂女主

干政○土中犯乘凌昂天下有喜一日中國吉陰

國凶天子用兵於胡一日爲白衣之會乘其北胡

國亡出其北爲陰爲憂○土出昂而守兵起東方

○土入昂而犯守之居其南男子多死居其北有

女喪居其東六畜死居其西兵起國有憂

太白犯昂陳氏曰兵起入其中旱大將死一日大

熱○太白守昂兵大起天下血流將軍下獄匈奴

尤甚一日兵從關門入主人出之都萌曰不有亡

管窺輯要

卷之四十

古

國必有謀主者甘氏曰久守陰國凶胡可伐○太白守昂天子有事於四夷元命包曰國政絕甘氏曰有更令若有大赦期百八十日巫咸曰國易政大人當之海中占曰將軍有聚衆石氏曰胡兵入若守其北西北夷有毒霜旱降歲有疾厲一日胡不安期六十日有來降○太白入昂石氏曰天下憂兵大起都萌曰有大赦○金星行疾其行遲期玉曆曰大憂國易政血流千里主命者惡之期不出一年一日趙地受兵○太白入昂去期犯胡

管窺輯要

卷之四十

夫

王死○太白之昴行其北陰國凶○太白舍昴黃帝占曰留之四五日不出大臣有死者○太白出昴一尺賤人貴○太白出入留舍昴在其北有女喪在其南有男喪黃帝占曰大臣憂兵起○太白逆行守昴天下擾擾多獄事一日大臣有獄死者一日大兵起流血千里○太白與昴鬪不出一年有反臣○太白中犯乘昴天子兵起伐胡一日臣有謀國易政○金在昴北胡王死胡人大敗在東六畜傷星芒角兵起大戰破軍殺將一日人多病

晝見於昴邊兵大起
辰星中犯乘昴石氏曰有亡國有亡國有謀行其北西北夷有毒霜早降歲有疾病荆辰宿犯昴夷狄兵起民受殃若出北天子起兵伐胡胡王死陰國凶○水守昴執事之官受誅久守之水災兵起石氏曰辰入昴留之二十日九十日中國開門有大客國大危易政令若有自來之王○水昴破兵散民流亡一日水災溢傷五穀郝萌曰

管窺輯要

卷四十一

七

天下失綱兵起於野石氏曰夷狄勝中國大飢一日諸侯有誅者○辰星守昴角動兵起謀在北方大將之相及外姻淚星入之曰占之期一年○水入昴居其中大水平地三文五穀不戒天下大飢一日戎狄為患邊兵大起

客星加星書李于犯占

客星守昴中亂不出百八十日臣稱天命郝萌曰臣獻主德又曰有以棄害上者又曰囚徒有聚兵攻獄者一日辦法之官誅一日天下有謀一日漁獵起○客星入昴占曰胡有殃天下亂獄郝萌曰刀劍貴荊州占曰讒臣在內有白衣聚謀○客星入昴黃帝占曰有赦石氏曰有白衣之會於國內又曰貴臣有係囚者一日天下有大喪又曰得有妄殺無辜以娛王者荊州占曰水泉大出民去其鄉西就民邑乙巳占曰貴人有急獄○客星入昴而留守之王者絕嗣同姓自外為主○客星入昴留三日必赦有外咎○客星出昴燕代間起兵一日有喪乙巳占兵滿野○客星入昴陰有走王○

客星中犯乘昴胡兵敗趙國不利○客星舍昴南
米一貫一賤居其北有奪地死君○客星舍昴不
去天下多因盜賊並起若留之十日以上不去胡
人內自相賊兵起國亂有來降

流星入昴貴人囚係者一曰胡兵起外國使來一
曰有白衣會一曰胡王死○流星入昴聚兵滿野
若他國有使至期百日遠一年有兵發有赦○流
星交對抵昴中國以夷狄交兵一曰四夷交兵○
彗孛出昴有赦邦有喪一曰大邦起王君弱臣強

管窺輯要

卷四十

本

一曰邊兵大起天子憂

雲氣干犯占

蒼白雲氣入昴人疾疫多死妖言大起出則禍除
黑雲氣入昴胡王死蒼赤氣入昴人疾疫多妖言
否則龍見赤雲氣入昴有軍令白衣會將兵一曰
天子自將民聚赤氣入昴軍在野處青黑氣出昴
有兵且有大水黃白雲氣潤澤入昴天子白衣會
罷昴星有珥兵息

昴宿去極度數考

按昴宿本位居酉之次趙冀州之分凡十一度四
月且在卯五月且在辰六月且在巳七月且在午
八月且在未九月且在申十月且在酉九月昏在
卯十月昏在辰十一月昏在巳十二月昏在午正
月昏在未二月昏在申三月昏在酉
昴七星十一度距西南去極七十度入昴初度天
之耳目主獄事又為旄頭胡星主北胡又主喪又
主口舌奏對昴在卷舌天讒故主口舌奏對又曰
昴畢之間為天銜天之衝道

管窺輯要

卷之四十

九

占曰昴下九刀為日月五星中道星明則胡兵起
主喪又為白衣之會動搖胡兵大起一星不見皆
兵憂甘氏曰主口舌奏對明太則君無佞臣天下
安搖動則君信佞讒戮忠良張衡云昴明則獄訟
平昏則刑罰濫六星與大星等主大水七星黃赤
胡兵大起動搖有大臣下獄日月食則邊兵起將
相憂五星守犯則大臣凶客入昴中國亂彗孛犯
胡王無道中國為胡兵擾亂

天阿一黑星去極六十六度入胃一十度在昴西

三泰山林妖變玉屑通政經雜占所謂山川精氣
枯木生花類

占曰天阿居常則吉色變則天下昆蟲草木爲妖
以徵國亡警君不德

月一黑星去極七十一度入昴五度在昴東爲太
陰蟾蜍爲女后大臣之象主刑及死喪又主女人
笑福蟾蜍蝦蟆屬背黑壽三千歲者頭有魚領平
丹書八字張衡靈憲云羿得不死之藥於西王母
羿妻姮娥竊之奔入月中遂託身於月是爲蟾蜍

管窺輯要

卷之四十

壬

此亦未可盡信姑存之以備一說井德日月與天
街皆在昴畢間故昴畢間爲天街黃道之所經也
月者陰宗之精也四足爲玉兔三足爲蟾蜍在月
中而蟾蜍之精爲星以司太陰之行度月生於西
故於是在焉蓋言女后大臣刑喪女人皆屬陰故
月得以主之領願下也○漱清考甸奴傳夷虜七
十餘種夷狄三十餘種惟單于朝出營拜日夕拜
月坐長左向北日上戌已舉事常隨月月屬東
南方異乃爲月窟處而月氏屬其地此虜國地也

管窺輯要

卷之四十

壬

女子稟姮娥之情氣生女人最爲佳麗絕色是月
光所鍾繇故虜人常以月盈進兵月虧退兵取太
陰之盛壯也中國欲攻虜當於月虧時萬里無雲
出兵擊之未有不勝者中國屬陽虜國屬陰午陰
消陽長之候自然取勝今之邊兵不達天時地利
浪戰烏能勝虜○昴主胡王月旁昴主月氏其星
宿有變當以虜國占之未必是中國大臣女后之
應井張二說似遠占日月不居常妃后大臣有災
是虜國妃后大臣災彗孛犯守是虜妃凶咎中國
臣妃不得與焉

天陰五黃星去極七十五度半入胃七度在天阿
下主天子弋獵臣周制天子諸侯無事則歲行蒐
苗獮狩之禮古者四時獵不同春日蒐言搜索取
不孕者夏日苗言爲苗稼除害也秋曰獮言順殺
氣也冬曰狩言得禽獸取之無所擇也曰陰司潛
謀之事淳風曰主預密謀

占曰天陰明大則天子好弋獵不明則禁言洩漏
客入則奸細潛探國謀

蕩葉六黑星距西去極一百零八度人妻十一度

在天陰下主供牛馬之食蕩葉黍稷之積穰一日

天積天子藏府解見前

占曰蕩葉明大則積穰多不見則牛馬多死火守

則火災

天苑十六星距東北去極一百零七度中入昴七

度在昴南如環狀天子苑圍養禽獸所又主牛羊

馬官養禽獸之官如漢之上林苑是也今時亦有

此官

管窺輯要

卷之四十

五

占曰天苑明大馬牛羊繁殖昏暗則牛羊獸畜多

死

卷舌六星距東南去極六十二度入昴一度在昴

北主口舌語以知讒佞讒佞言讒面諛有口才

人又曰主樞機事解見前

占曰曲靜則賢入用直動讒人得志移出天漢天

下多妄佞彗孛守則讒佞計禍忠良金火守則讒

佞有諺戮

天總一黑星去極六十一度半入卯初度在卷舌

中主讒佞詩云無罪無辜讒言囂囂又青蠅篇云

愷悌君子無信讒言書云讒說殄行主巫覡解見前

占曰天讒播動則讒人高張賢士無名受翹浸而

含冤者衆亦曰帝不安醫巫用事

礪石四黑星距南去極六十五度入昴六度在五

車北主磨礪鋒刃為礪器礪石乃磨刀石鋒刃刀

劍屬百工技藝之總孔子謂子貢曰工欲善其事

必先利其器漱清考礪石必非專為百工設是為

兵器欲其鋒利以殺敵蓋兵尚精器尚利也

管窺輯要

卷之四十

五

占曰礪石居常則兵器銷為農器天下安逸金宇

兵起器械精銳

昴宿雜座

卷舌

卷舌六星在昴北主利口舌主樞機其星曲而靜

中星稀則國安賢人進用直則天下多口舌之害

明大則利口用事讒言大行動搖助兵起其中星

衆則兵大起卷舌星蕃盛則天下民多口舌多病

死有兵起若不居漢中多妄言○月犯卷舌天下

多死喪○五星入犯乘守卷舌天下多死喪有佞臣謀誤其君以口舌主事人主憂一日人君以口舌起寇○火星守卷舌大旱兵起金星守卷舌兵起○客星入卷舌若守之天下有妄言惑主信之罪及無辜○流星出卷舌亂國○彗孛出卷舌人君信讒誅殺忠臣一日民多訟大臣反有咒詛近臣憂期半年

天讒

天讒一星在卷舌口中其星不見則吉明大動搖

管窺輯要

卷之四十

舌

則佞臣得志國有大憂○客星守天讒天下妄言

天阿

天阿一星在胃東昴西主察山林妖變動搖則國有妖○五星客星彗孛干犯天阿妖言滿國

礪石

礪石四星在五車北主磨礪鋒刃星明則兵起○火星犯礪石邊兵起火星舍礪石三十日諸侯開庫發兵○金星犯守礪石兵起以入日古國○客星守礪石遠兵動百工用○彗孛出礪石兵大起

月星

月一星在星東女主大臣之象主大陰亦主死喪之事其星明大則女主專政大臣用事○金火星犯守月星天下兵起○客星彗孛出月星國易政○客星彗孛犯月星女主死大臣誅

天陰

天陰五星在畢西主密謀一日天陰主從天子遊獵之臣其星不明則吉明則王漏洩

芻藁

管窺輯要

卷之四十

舌

芻藁六星在天苑西主積草供牛馬之食一日天積天子之藏府也其星明而中星多則歲豐稔不明及中星稀則歲不登庫藏耗無星則庫藏悉空不見芻藁貴牛馬暴死○月入天積則寶出亂臣在內人主憂○五星入犯天積財寶出亂臣在內○火星犯守天積府藏憂火災○赤雲氣入天積天積中火起出天積天子以火出財貨○黃白氣入天積天子自喜多貨財出之天子以喜出貨財

天苑

天苑十六星在昴畢南如環狀天子畜牧之苑金
官也主畜牧犧牲其星行列齊明其中小星眾則
畜牧蕃息細微不見及中星稀則畜牧不孳牛羊
多死天苑星不具吏誅○五星入天苑禽獸多疫
死若守之兵起馬多死○火星入天苑天下將以
馬起兵太白占同○客星入天苑畜多死傷赤星
出天苑牛馬以兵事出○客星守天苑畜不孳禽
獸多死邊兵入境天子以馬起兵○流星入天苑
兵起馬出行多死禽獸多死○黃星入天苑畜獸
蕃息○赤星入天苑馬牛多死傷○蒼白黑氣入
天苑牛馬大出入天苑牛馬畜獸疫○流星入天
苑名馬出使臣有馬事來出天苑名馬出有使出
以四足蟲為幣者○彗孛出天苑都護反兵大起
馬出畜多死○赤氣入天苑牛馬多死傷○黃白
氣入天苑牛馬禽獸蕃息○黑氣入天苑牛馬多
死出之禍除赤氣入牛馬以兵事出

管窺輯要

卷之四十

天

管窺輯要卷之四十終

管窺輯要卷之四十一

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子諱同闕

管窺輯要

卷之四十一

一



畢宿論

畢七星主邊兵弋獵其大星曰天高主邊將爲邊夷之尉也星明則遠夷來賓天下安星失色則邊亂大星旁小星曰附耳在大星之下主察邪別佞星搖動主有讒亂之臣在側星盛主中國微盜賊起邊候警外國起兵月犯畢多雨五星容慧寸犯天下兵亂王者惡之犯左角則中國兵起犯右角則胡兵亂趙冀北胡災天節八星主使之所持者也九州殊口九星曉方俗之言通重譯者也五車

管窺輯要

卷之四十一

二

五星三柱九星在畢宿北五車五帝車舍也又帝座也主天子五兵一曰主五穀豐耗火犯之主旱金犯之主兵水犯之主大水三柱之星一不具兵起西北大星曰天庫主太白金主秦分東北曰天獄主辰星主燕趙東南曰天倉主歲星主魯魏次東南一星曰司空主楚主鎮星西南曰卿主韓魏主熒惑三柱一曰三泉天子得靈臺之禮則五車三柱明其中五星曰天潢南三星曰咸池主魚圖也月五星入天潢兵起道不通五車南六星曰諸王

察候存亡天關一星在五車南亦曰天門日月之所行也主邊將關塞亡所有兵起五星守之貴人多死天高四星爲臺榭主遠望氣象天街二星三光之道主伺候關梁中外之境也九旂九星天子之旗也參旗九星有弓弩之象以禦難也旂南十三星曰天園菜菓之所也

畢宿說

畢八星去極七十六度赤道十七度四十分自七度十七分五十九秒入申黃道十六度五十六分

管窺輯要

卷之四十一

三

六度八十八分五秒入申畢左角七曜中道也史記云畢爲四千車爲邊兵主弋獵一曰邊將主四夷之尉也其大星亦曰天高占明大則四夷來貢天下安失色則邊亂動搖則邊兵起有讒臣一星亡爲兵喪離徙天下亂就聚法令酷金晝見兵喪月犯大星邊兵入下犯上日月食邊兵與將軍衰又主刑罰熒惑犯距星主邊兵刑罰用月犯畢大星主大將死若七日有風雨可解石氏曰金守則國任刑金入畢口大兵黃帝經曰近十五日遠四

十日金犯左股將相當之金守則五旬有急今張衡云畢爲天馬甘氏曰主街巷陰雨天之雨師也詩云月離於畢俾滂沱矣正義云畢屬金氣爲陰克東方之木妃木氣爲雨而畢好雨是尚妻之所好也明而移動則潦及街壅塞亦有月躔畢而不雨者以南北不同道也月犯畢大星五口內雨五星躔此多雨木犯有軍功爾雅云濁謂之畢孫炎謂掩兎之畢或呼爲濁因以名星也史記云濁者觸也言萬物皆觸死也

管窺輯要

卷之四十一

四

天街二星史記云昴畢間爲天街夾黃道三光之所由也張衡云主國界街南爲華街北爲夷天所以限華夷也主伺候關梁不見及移徙則關梁斷亂暗則兵起明則王道正直金火守胡人兵起附耳一星在畢口大星之下天高之東南隅天之耳也主聽得失伺愆咎察不祥盛大則中國有盜賊邊埃驚外國及鬪兵連年史記云附耳搖動有謬亂臣在側附耳入畢中兵起邊城尤甚郝萌曰入畢馬駟人走

天節八星在附耳南使臣所持以傳命宣威德於四方者也明吉暗凶有星守之凶

天高四星在參旗西北近畢左角舊在黃道下唐志測當黃道占驗必登高遠眺在外之事畢主邊兵尤當觀天文氣候故有天高乃臺之高者主望雲物觀氣象占邊警也不見則官失其守陰陽不和

天關一星在五車南畢西北亦曰天門舊在黃道南唐志測當黃道三光所行之道也主邊防關塞

管窺輯要

卷之四十一

五

之啓閉芒角有兵五星守貴人多死客星守國絕嗣移徙與五車合則大將軍受誅諸王六星在五車南入漢中宗臣藩屏王室在周爲同姓之國漢以後則爲侯王察諸侯存亡明則諸侯奉上暗則藩臣事不見則宗社傾危變色搖動則四方兵起

五車五大星在諸王上乃五帝座主天子五兵旁九小星曰三柱共十四星在畢東北軍器兵車所藏故以柱之出入車內外知兵之出入也張衡云

管窺輯要

卷之四十一

本

天子兵車舍也西北大星曰天庫主太白泰也次東北星曰天獄主辰星燕趙也次東南曰天倉主歲星魯衛也中央星曰司空主鎮星楚也次西南星曰卿主火星魏也明則吉暗則凶國懼絕搖動及五星有變各以其所主之國占之五車角若益眾及不具無處車馬三柱在五車乃車之柱也然不附五車自爲一座星或曰三泉或曰三淵或曰旗或曰騎或曰休三柱皆具天下倉廩實柱不具兵起五車與三柱均明天子得靈臺之禮三柱出

車外則兵出三柱入車內則兵入柱出一月米貴三倍飢一年出兩月米貴六倍飢二年出三月米貴十倍飢三年柱出不與次東南星相近則米穀運出千里若例立尤甚火入守主旱金入守主兵水三月量有赦
天潢五星在五車口中不附五車自爲一座主河梁濟渡之處可通車輿者不見則河梁不通天下亂易政火入旱金入兵水入水史記云王良旁有八星絕漢曰天潢當作九星曰天津

管窺輯要

卷之四十一

七

咸池三星在五車中天潢之上主陂澤池沼魚之圉也亦鱗介害人之物所萃也不附五車火犯則旱金水犯則兵隋志云咸池明有龍墮死虎狼害人兵起索隱曰咸池主五穀言穀生於水含秀含實故一名五帝車舍言以車載穀而取也
參旗九星在參北五車南大將所以指麾遠近也明而稀邊寇不動芒角而怒則兵大起直則兵起曲不如常則王者斬伐不當於理隋志云一曰天旗一曰天弓如主弓弩之張候變禦難

九存於玉田西南天子之旗大將所持以發縱者也主邊軍進退動則九州分散人民失業信命不通金火守則兵起
徐廣曰旂音流

九州殊口在天節南九星圓環主傳譯曉夜俗之官象胥之屬也王應電作九州殊口

天園十三星在天苑南主毓草木蔬菜之所周官之所謂園遊也曲而鉤則菜菓熟直則饑

畢宿主弋獵邊兵度十七度右角爲黃道餘見胃宿下

畢宿歌

恰似了又八星出附耳畢辰一星光天街南星畢
觜旁天節耳下八烏幢畢上橫列六諸王王下四
星天高星節下團圓九州城畢口斜對五車口車
有三柱任縱橫車口五個天潢精潢畔咸池三黑
星天關一星半脚邊參旗九個參車間旗下直建
九旂連旂下十三烏天團九旂天團參脚邊

畢宿考

附耳一星附畢大星之下次天高東南隅主伺鬼

管窺輯要

卷之四十一

八

方之動靜察奸謀以備外患以爲胡夷之候○五
車五星在畢東北爲五帝車舍王天子五兵又主
五穀○三柱九星在五車中一曰三泉車之柱也
○天潢五星在五車中天池也主渡神人通四方
亦主關梁濟渡之處○咸池三星在五車中天潢
南曰天淵水臣之圃也○天街二星在畢畢間街
南爲華夏街北爲夷狄街北昂以西也街南畢以
東也○天關一星在五車南王關塞○天節八星
在附耳南使臣之所持也○諸王六星在五車南

天漢中主藩屏王室○天高四星在諸王南參旗
西北主齋戒之門○九州殊口九星在天節南主
曉方俗之語○參旗九星在參西畢東天旗指揮
遠近西從命者也○九旂九星在玉田西南天子
之兵旗也所以導軍進退○天團十三星起天苑
之南屈曲西橫列養花菓之處

畢八宿一曰天耳一曰天目一曰虎口一曰天都

一曰天空又爲天獄主伺鬼方之動靜察奸謀以
備外患故立附耳以稽不祥又曰罕畢爲邊兵主

管窺輯要

卷之四十一

九

弋獵黃道所經天子出旄頭罕畢以先驅是也明
大則夷貢移徙則獄亂甘氏云畢主街市陰雨天
之雨師也明動則潦災張衡云畢爲天馬日月食
兵起木犯有軍功天街二星在畢北主日月五星
之出入又主國界街南爲華夏街北爲夷狄經曰
天街畫乎戎野金火守胡兵起

天高四星在畢口之北主望氣之事又曰天高爲
邊將主掃奸宄通外域不見則失守○諸王六星
在天高北○五車五星在諸王北○三柱各三星

管窺輯要

卷之四十一

十一

上花卉之事

畢八星附耳一星十六度距畢右股西南第一星去極七十七度在黃道外一度少水星也春夏爲水秋冬爲火一曰罕星天子出象畢前驅畢昂爲天街三光之正道街南爲中國畢主之街北胡邊夷畢主之爲邊兵弋獵巡狩之事其大星在左股曰天高亦曰邊將四夷之尉也明大遠夷狄貢天下安失色邊方自亂中國不安赤色動搖則胡人叛中國國不安

附耳一星在畢口傍主聽得失伺愆邪察不吉主邊兵動則邊兵起移動則倭謗行侯臣在君左右星威則中國微有盜則邊堠驚外國反

日食畢中邊主死軍自沒不出一年○月食畢中有赦大風雨一云右星爲右主邊將主胡國○月食畢中將軍有以家犯罪者主奔走○水守之有赦王者賞賜夷狄人三十日已上有兵發客軍敗人反鄉○火入之邊主降軍人驚駭守三十日以上兵起貴人當之守六十日貴人反伏誅相有憂

管窺輯要

卷之四十一

十二

及早荒○火守畢昂問天下不通人飢米貴有赦○金守之大臣出使兵火起守之口國亂易政○金犯右星大將軍死○水守之有水災萬物不成飢五星及客守之邊兵起國稱王外臣謀反近臣爲奸客守附耳兵起天下多獄米貴人飢○彗孛行犯之北夷爲寇亂中國其分流血期一年○月暈之邊兵大起○月犯之謀邊流血多敗戈先起兵凶太子惡之

畢宿摠叙

管窺輯要

卷之四十一

十二

畢八星附耳星曰罕車主邊兵弋獵曰狩之事一曰天耳一曰天口一曰虎口一曰濁一曰天都星主制候四方一曰天空水星也又為天獄伺鬼方之動靜察奸謀以備外患故直嚮地之陽以為故夷之候故主附耳以譏不祥又主街巷主陰雨天之雨師也其北上七尺為日月五星之中道必主山河以南中國也中國於四海內則在東為陽昂北之街為之天街陰陽兩界之所分畢為陽國昂為陰國畢左股大星也天高為邊將主掃邊奸凶

日月變異古

日在畢食將相有以家坐罪者感情符曰邊兵自

管窺輯要

卷之四十一

十三

殺其將軍尉誅遠國謀亂石氏曰天下主獄之臣黜一曰天子好弋獵有謀君者○日暈於畢胡主病亦為風雨一曰邊兵趙魏之君有憂月在畢食甘氏曰邊使君一曰邊臣誅京房曰占小有兵鄉萌曰人相食一曰胡人大憂矣○月暈於畢邊兵起鄉萌曰無德令則民憂荊州占曰大赦期三十日一曰女主惡之一曰邊囚將一曰獄官出其分飢有兵喪○月入畢中而暈人主伐乙巳占曰人主空乏○月暈三重邊兵急○月一

月五星干犯占

月犯畢天子誅罰急貴人有死者京房曰天子有變令天文論曰春多雨夏多風邊兵起黃帝占曰犯畢出其北陰國憂出其南陽國憂○月犯畢大星下犯土臣弑主大將死邊兵起○月入畢中大

風起有赦。鄒萌曰：其國君有大憂，兵起期一年。先起兵者破亡，與兩股齊將死。劉向法範傳曰：月入畢中，將相有家坐罪。右近期百二十日，遠十月一日有叛臣。一曰：賊臣誅死。鄒萌曰：有物主遠期一年。一曰：小人自立。一曰：小人罔上，將相驚有大赦。月在畢口期六十日，赦在踵期三十日。一曰：有土工又曰：有以弋獵惑上者。○月居畢中不下期一年。女君死，天文錄曰：多雨。○月食畢，賊臣誅貴人多死。兵起一曰：使邊國者。函一曰：諸侯相謀。○月

管窺輯要

卷之四十一

古

飢畢，趙有亂，其君當之。○月與畢合，有舍合其陰風雨，水爲災，合其陽大風。○月穿畢過之，有兵起。飢賊起。○月犯附耳，兵起，將相有死者。

歲星守畢，邊兵起，外國謀反，稱王，謀反近臣爲佞。一曰：其分飢有赦。春秋合誠圖曰：王者出遊獵，不出四十日。兵東行，石氏曰：王者有使于夷狄，米大貴。巫咸曰：大旱多災。鄒萌曰：萬物不成，國以飢亡。乙巳占曰：木守畢口，國大赦。王賜夷狄者，有德令。○木入畢中，邊兵起居之八十日。臣謀君兵大

起。巫咸曰：木入畢中，伺其出日數之期二十日。兵

發又伺入日數之率，一日期十日。兵罷五星同然。一曰：木入畢口中，邊有兵，將相憂。大臣災。一曰：大人當之一曰：民飢大赦。○木出入賀舍畢二日，其國以武致天下。又曰：絲棉布帛貴十倍。荊州占曰：三十日不下，人民流之，不又其鄉。○木出畢陽爲旱陰爲水。不行金木處北，其年有赦，有別離之國奪地之君，且有洪水處畢南，有土工男子多疾。歲早晚水處畢東，多暴雨，兵器金錢貴。○木逆行

管窺輯要

卷之四十一

主

畢入君敗獵不時。一曰：兵起。○木居畢間，色赤。大旱，國有大殃。在君一曰：在民。○木入畢遂守之。中國大亂，人主當守三十日，不下人君起兵有攻戰。客軍敗，民流亡期一年。○木流守畢，出其北陰國憂，出其南陽國憂，有兵則客敗，主人獲勝。○木犯乘畢，中國有亂。○木犯附耳，乙巳占曰：兵起，將相憂死，不免退。

熒惑守畢，其分飢有德令。甘氏曰：胡王死。又曰：男子有賜爵之命。又曰：邊地大驚，夷狄入中國，倉粟

出一曰將相憂有白衣之會一曰天下多盜有害國石氏曰天子虐多枉刑一曰大師將兵肆驅掠君憂一曰走君守之王十日有苛令百日餉奴有降王一曰天下道不通海中占曰人君以吹獵廢政○火守畢踵荊州占曰人民駭走去家千里子母無所付留一月大兵戰留二月二年戰三月三年戰三年以上國易政亡守大星有赦錫夷狄○火守畢昂之間天下道路不通○火犯畢有邊兵刑罰用海中占曰吹獵之事○火犯畢左角小戰

管窺輯要

卷之四十一

共

右肉大戰○火犯畢若留守之出其北陰國憂出其南陽國憂○火入畢黃帝占曰中國之君以兵自衛巫咸曰將相憂一曰國相亂郝萌曰有主喪一曰大赦有白衣會一曰為憂兵國易政一曰相國死○火入畢口甘氏曰邊王降兵大駭留之六十日貴臣反伏誅又曰人飢亡一曰入畢門留三十日以兵起乙巳占曰火入畢口有大赦期五十日若三十日將相憂有白衣衆聚期不出一年○火逆行畢至昂有死喪寇亂○火逆行守畢荊州

占曰兵大起馬頓其足牛折其角歸而逐逐無所亡耗民若喜粟道路相食留二十日在上貴人有被掠者期七十日趙地大殃○火入畢以去之後復守之有臣為天子破匈奴者期三年郝萌曰諸侯女子貴人有誅○火在畢行疾無妨行遲有憂其中主也出其旁臣石氏曰出畢陽為旱陰為水○火在畢為天空不可為客為客者有殃○火與畢合光其主亡一曰女主憂舍畢其國多枉刑有淫獵○火合畢口貴人有掠死者舍之六十日有

管窺輯要

卷之四十一

七

夷族者其國滅無後一曰有邊兵一曰臣有輔太子奉籙國之事○火出入留舍畢在左右明年大旱一曰有失地之君期在冲齊伯曰兵起其野大不利○火入遂留守之六十日不下女主死大臣諸侯相謀兵起大戰期一年○火犯附耳邊兵大起將相有死若出敗者鎮星守畢王侯廢久守之兵起荊州占曰有赦石氏曰天子政令不行人君受制于下有土工陳卓曰賦重後頃民不堪命天文錄曰邊降○土守畢

口軍急禦守一曰土合畢口諸侯有廢者又曰大
臣憂兵起不戰○土入畢中地震水溢大人當之
郝萌曰其國易政亡人犯畢人君謀兵二曰兵起
四夷不戰有赦黃帝占曰四出其北陰國憂出其
南陽國憂○土犯畢爲邊趙代有憂○土出入留
舍畢有軍在野不勝舍畢中八十日不下兵起客
軍不戰而散○土逆行畢若守之女王出入不時
人君獵廢政○土犯附耳兵起將相有死黜者
太白守畢兵起大臣出使石氏曰天子虐用多枉

管窺輯要

卷之四十一

大

刑甘氏曰大將有功巫咸曰諸侯有兵一歲罷又
曰水災萬物不成郝萌曰有急令邊不安相有憂
○金守畢國有兵危益觸旱旁兵亂又曰國易
政○太白入畢中國危大人當之石氏曰有女喪
西官候曰將相有憂人主惡之石氏曰太白入畢
近陽星大將出兵有功又曰太白入畢占與兩股
齊兵起期四十日守之五十日期三十日○太白
入畢口馬馳人走戒夷狄謀奪中國大赦星行疾
相近行遲期遠一曰有以弋獵惑人主者○太白

在東方入畢口兵大起國易政○太白入畢口而
守之有叛臣大將出征有功國易政玄冥占曰將
軍爲亂國君守衛大臣當之○太白冲犯乘凌有
大兵民多死郝萌曰有急令相死一曰邊兵敗巫
咸曰有災五穀不成一曰刑罰急黃帝占曰太白
犯畢出其北陰國憂○太白犯畢股左右大星石
氏曰大將戰死右星爲右將軍左星爲左將軍○
太白乘畢若凌之邊兵將戰死○太白出人留舍
畢兵起北方天下有憂兆一國七十日不下天下

管窺輯要

卷之四十一

九

有立主百日不下有大喪不出四年○金出畢離
之一尺國豐出陰水出陽旱○金貫畢倉廩空虛
四夷交侵邊地大擾北官候曰太白抵畢出入天
下兵驚民離○金犯附耳國有讎臣在主側以敗
獵惑主君相皆喜兵起國憂
辰星守畢邊兵起有水災萬物不成臣謀反近臣
爲佞外國稱王黃帝占曰山崩民流巫咸曰邊有
以水起兵者甘氏曰多病死郝萌曰野人爲亂○
水犯畢出其北陰國憂出其南陽國憂荊州書曰

水犯畢邊兵起郝萌曰水犯畢若入之兵起王外
北狄有憂○水入畢有兵國易政伺其出日數之
占○水犯附耳兵起將相憂

客星流星彗孛千犯占

客星犯畢人民流亡不及其鄉一曰斧鉞用大臣
憂一曰無兵兵起有兵兵罷○客星入畢石氏曰
邊兵大起羊貴又曰有以弋獵惑人主者一曰邊
兵亂天下有赦郝萌曰多獄事貴人有係囚者荆
州占曰四夷並起為盜賊或曰有兵謀一曰女主

管窺輯要

卷之四十一

壬

憂諸侯憂一曰先起亡○客星入畢口與兩股有
走齊王又曰五十日兵發其去也視其東西南北
所往及所主近宿或受兵○客星入畢留不去牛
馬貴一曰天子絕嗣○黃星入畢三夜常見相死
九十日后死百二十日大人當之○客星出畢國
人為亂有失君巫咸曰邊軍亂夷兵起胡寇入天
下飢有正國近一年遠三年郝萌曰車馬急行荆
州占曰君以獵廢政○客星入畢歲大飢石氏曰
謬臣蔽主德甘氏曰外國稱王有詐使不可信一

曰內臣與外臣通謀郝萌曰大臣憂有陰謀事不
成一曰工役興風雨不時穀貴一曰天子無後一
曰霜天下溝水溢民流亡大將出師視星所指命
所伐○客星犯附耳邊兵起

流星入畢先起兵者敗一曰貴臣囚繫一曰有謀
兵一曰邊兵大戰天文錄曰其分君憂有逐相○
流星入畢中而復出其星小有小赦大有大赦乙
巳占曰流星入畢國有流民○流星出畢君有敗
獵事於外○流星犯畢邊兵大起無憂犯有戰流

管窺輯要

卷之四十一

壬

血秋久犯之大水魚行人道○流星色黃潤入畢
句奴入貢出畢天子遣使安邊一曰有赦令○流
星色赤貫畢胡兵大入彗孛行犯畢胡人為寇野
外血流期年○彗孛掃畢邊兵大戰積尸千里○
彗孛出畢馬貴爵祿亂芒內指中國兵敗外指夷
狄敗○彗出北口石氏曰相為亂國易政兵起工
役興天下大動○蒼彗出畢五穀不成有破軍亡
國○赤彗出畢其分主憂○白彗出畢有易喪○
黑彗出畢山水溢江河決○彗出畢參之聞而長

壯如竹竿其星壘壘然○黃彗出畢女主為亂○
鎮星之見以為兵戒不出一年兵起宮中女主受
殃

彗李守畢柄族邑益士○彗出附耳庶雄起羣臣
反

雲氣于犯占

蒼白雲氣入畢歲不收出則禍除○赤雲氣入畢
兵起○赤氣如波揚大旱有大災○黃白雲入畢
其歲善出畢則投民田一曰黃白氣入畢天子有

管窺輯要

卷之四十一

三

太子喜兵在外者解其歲有大人人生○黃白氣入
畢有拜相將○赤氣出畢將軍出兵○黑氣入畢
相改將死○白氣入畢相死出則禍除○赤氣出
附耳兵起出之將軍兵出○蒼白氣入附耳將軍
死○黃白氣出附耳有拜將○黃白氣入附耳天
下安無兵○黑氣入附耳將死

畢宿去極度數考

按畢宿本位居申之次晉魏梁州之分凡十七度
主山河國界也中國於四海內則在東南為陽易

管窺輯要

卷之四十一

三

畢之間曰天街陰陽兩界所分畢為陽國昂為陰
國○五月旦在昂六月旦在辰七月旦在巳八月
旦在午九月旦在未十月旦在申十一月旦在酉
十月昏在卯十一月昏在辰十二月昏在巳正月
昏在午二月昏在未三月昏在申四月昏在酉
畢八星十七度距左股第一星去極七十五度入
畢四度為天子之行車天子乘輿所前驅有九旂
雲漢乃天旗之名主弋獵解見前主邊兵所以備夷
狄也其大星曰天高一曰邊將主四夷之辟夷
一曰玄菟二樂浪三高麗四滿飾五鳧更六
索家七東屠八倭人九天鄙又曰吠夷於夷方夷
黃夷白夷赤夷玄夷風夷陽夷白虎通曰夷者踣
也言無禮儀也西戎有六一僬夷二戎夷三 夷
張衡云畢為天馬一曰日月食則邊境兵凶將危
木星守將有軍功詩云月離於畢俾滂沱矣主連
綿風雨土日月行畢東北入箕則多風月行西南
入畢則多雨所謂日之從星以為風雨也大陰在
畢之左主大雨月左畢失行舍陽道則旱風舍陰

管窺輯要

卷之四十一

五

道則陰雨又日月入畢中有大風起金火守則胡夷兵起彗孛出入畢宿芒指畢內則中國兵敗芒指畢外則夷狄兵敗日暈於畢胡王有死者亦爲風雨月犯畢則春多雨夏多風在其北則陰國憂在其南則陽國憂月與畢合則有邊釁合其陰則雨水爲災合其陽則大風傷物水入畢在陽道爲旱在陰道爲暴雨火入畢行疾無事爲吉行遲有憂入其畢中君憂入其畢旁臣憂又曰在陽爲旱在陰爲水土入畢口則地震水溢金入畢則邊兵

大起五穀不成在陽道爲旱在陰道爲澇水星入守邊兵起水災

附耳一星去極七十八度入畢三度在畢下主聽得失伺愆邪察不祥書康誥云惟命不于常道善則得之不善則失之矣又云時人不則有愆又禹謨云去邪勿疑又無逸篇云其終其於不祥激清考天下國家非屬軍務事事皆當顯明聲言惟軍務中機事最密不可以昭彰人耳目一昭彰語洩則謀成者以謀敗害事最大故易曰機事不密則

害成漢高有陳平躡足附耳所以常王天下也附耳星在畢旁當主此說爲是君以聽得失伺愆邪察不祥則說寬矣似不是

占曰附耳如常則邊謀密動搖則謀邊二三機泄客守則奸細入探邊謀者金火守則謠言害邊臣彗孛守則國無謀而邊兵大亂

天街二黑星距南去極七十一度入昴十度在昴畢間三光之道三光日月星主伺候關梁張衡曰主國界爲天門外街陰陽之所分街南爲華夏街

管窺輯要

卷之四十一

五

北爲夷狄天官書云自河山以南者中國中國於四海內則在東南爲陽國占於街南畢主之自河山以北者四夷四夷在四海以外則在西北爲陰國占於街北昴主之蓋言河者黃河山者華山天地分界處

占曰天街如常則華夷兩太平不見則華夷不分兵交起客入則夷狄侵中國彗孛守則邊臣私通夷狄兵大起五星守街南則中國兵勝五星守街北則夷國兵勝

天節八黑星距北去極八十度入畢三度在畢南
主使臣持節宣威德以布四方節毛節以毛爲之
上下重重似竹節周禮秋官小行人并地官掌節
之職云凡通達於天下必有節皆有期以反節守
邦國者用玉節守都鄙者用角節又如邦國之使
節山國用虎節玉國用人節澤國用龍節之類又
如門關用符節貨賄用璽節道路用旌節之類漢
蘇武以使胡者是也

占曰天節如常則吉反常則國不安流星出入則

管窺輯要

卷之四十一

天

華夷使臣交相往來金火守使臣凶彗孛守使臣
有賣國之奸

諸王六黑星距西去極六十度入畢一度在五車
南天漢中主宗社所以藩屏王室審察諸侯存亡
宗社廟堂也藩恒牆也屏屏障也率由典章以藩
王室又蔡仲之命云睦乃四隣以藩王室漱清考
宗子維城邦國以寧此之謂也

占曰諸王明而如常則諸王恪恭奉上天下安不
見則諸王微弱動搖離徙則諸王僭越不奉上命

示社危四夷兵起彗孛犯守諸王有叛逆者○漱
清考諸王六星橫列畢內者是正應虜王夷王狄
王蠻王戎王貊王如酋奴單于白屋月氏滅獯犬
戎之類是爲外藩若天市垣宗正宗人宗星皆腹
內郡王乃親王是爲內藩不可不辨

天高四黑星距東北去極七十四度入畢六度在
諸王下近畢主望八方有雲氣觀臺之象八方東
西南北東北東南西南西北也觀臺卽今觀象臺
漱清考天高乃九邊烟墩堡壘敵樓觀望敵寇虛

管窺輯要

卷之四十一

毛

實者必非觀象臺若是觀象臺必是古名將如廉
頗李牧孫臏吳起趙奢諸人皆能善知天文後漢
諸葛亮司馬懿皆能善知天文而後用戰故設一
觀臺望雲氣據天時察地形然後進戰未可知是
臺乃九邊所建者必非王畿都內之觀象臺焉識
者詳之蓋九邊若果有觀象臺亦必有善天文者
卽今亦不浪戰至此矣

占曰天高居常則風雨時陰陽和量敵而進慮勝
而會天時地利人和師出以律兵起將勇有不戰

戰必勝焉失常不見則四時失序將敗軍憂金火
守將軍謀亂彗孛守邊將有失律之凶

九州殊口九黑星距西北去極一百零半度入昴

十度在天節南主遠方通俗傳譯通事通俗傳譯

者言通達外國之風俗重譯遠方之言語如史記

所謂越裳氏重譯獻白狼白雉於周是也

占曰殊口居常天下貢獻亦照常吉移徙不見則

外國不臣貢獻絕往來若彗孛守犯則邊事有賣

國之奸兵大起

管窺輯要

卷之四十一

天

五車五星三柱九星共十四星距五車大星去極

四十七度入畢八度在畢東北五車主天子五兵

五兵五軍都督也五軍中軍左軍右軍前軍後軍

乃五軍都督府也又曰天子兵車之舍又曰五帝

座解見前又主五穀以候豐耗即下文五穀○西北

柱去極四十九度入畢五度○東南柱去極五十

五度半入畢十五度半○東北柱去極五十三度

半入畢十六度半三柱解見後古者氛宰視年之豐耗

以通制國用豐者盈也耗者虛也其西北大星為

天庫神曰令尉主太白金星主秦雍主豆東北一星曰

天獄神曰風伯主辰星主燕趙主稻東南一星曰

天倉神曰雨師主歲星主徐魯衛并徐解見前魯今山

東兗州府屬地衛今河南衛輝屬地并今山西太

原屬地主廣麻廣亦作黃泉屬又曰麻屬亦曰泉

實也無子四直有子曰泉北麻也書禹貢云厥貢

漆泉絲竹是也中央大星曰司空神曰雷公主鎮

星主楚荆解見前漱清考廣東雷州用葛布張鼓燒

祭雷神至今有之雷公主廣東亦近是有之主禾

管窺輯要

卷之四十一

天

黍西南一星曰卿星神曰豐隆雲師也主炎惑主

魏益魏解見前益州今四川成都府是按括地志云漢

武帝置十三州改梁州為益州主度五星有變各

以所主占之五者五車星三柱一曰天泉一曰天

休一曰天旗淳風云三柱明天子得靈臺之禮

占曰五車均明三柱皆俱則倉庫實一星不具一

方之災五星俱不具五方之災其國乏食兵荒大

起三柱外出則兵出入則兵入柱出一月米貴三

倍期一年出兩月米貴六倍期二年出三月米貴

九倍期三年枉外出不與五車相近軍出米穀
運出千里也枉倒災允甚火入天下旱水入天下
湧金入兵起土入土功興木入主豐福不爲災彗
孛入犯邊臣通謀亮虜爲奸兵起五車搖動變色
則國有兵穀貴人飢三枉搖動則期三十日車騎
兵興一枉不見三分之一二枉不見三分之二三
枉不見車騎滿野天子自將兵

天潢五黑星距西北去極五十八度入畢十一度
在五車中又曰五潢天池春秋元命包云天潢天

管窺輯要

卷之四十一

三

津也津者湊也主濟度也又曰天潢主河溝渠所
以度神靈通四方主河梁津度處河河梁橋津渡
處

占曰天潢不見則河梁不通水星入犯則江河池
溢

咸池三黑星距南去極五十一度半入畢十一度
在五車中天潢南魚圍也主陂澤池沼魚鱉鳬鴈
類春秋元命包云咸池主五穀其三星各有所職
咸池言穀主有水舍秀舍實至秋乃垂故一名五

帝車舍以車載穀而販也孟子曰樂其有麋鹿魚
鰾詩云將翱將翔弋鳬與鴈圍園圍也陂壅水陂
澤水聚也池池沼也園園池也是野鴨也

占曰咸池居常年歲豐稔明大動搖則有蛟龍死
虎狼害人四野兵起彗孛守天子有令獸之荒池
湖之驚

天關一星距極七十一度半入觜初度在五事門
亦曰天門日月五星所行之道主關防邊境道路
事淳風云主邊事

管窺輯要

卷之四十一

三

占曰天關芒角則有兵客星守奸細入寇金火中
關防不密兵起彗孛守則夷兵出入無禁大兵起
參旗九星距南第二星去極八十七度入畢六度
半在參西天旗也又曰天子兵旗主指揮遠近以
從命又曰天弓主司弓弩之張以候變禦難釋名
云弓者穹也黃帝之臣揮始作弓又曰羿作弓又
曰倕作弓弓有六材一曰幹幹之本強所及必遠
二曰角角之勢順所發必疾三曰筋筋之力銳所
中必深四曰膠合之以膠則和五曰絲纏之以絲

則固六日濛濛之以膠漆則冒霜雪不爲之損古史云黃帝作弩弩生於弓蓋比弓加之以力也周禮夏官司馬弓矢之職掌六弓四矢弓曰王弓弧矢夾弓庾矢庾弓唐弓大弓弩曰夾弩庾弩唐弩大弩易云弧矢之利以威天下

占曰參旗明而稀則邊寇不動金火守則弓弩大用兵起

九旂九黑星距南去極一百一十三度入畢一十二度在參旗下天子兵旗主導軍進退導引導也

管窺輯要

卷之四十一

垂

又曰司弓弩張變事象以戒不虞易萃卦象云君子以除戎器戒不虞

占曰九旂乃領州部列邦兵旗動搖則兵旗大起人民失業

天園十三星距東北去極一百二十四度入畢五度在九旂下爲植菓菜所菓桃李類菜蔬菜亦主掌蔬茹官茹根芽漢書云不茹葵園

占曰天園曲而鉤則菓菜熟直則菓菜稀少人守主旱水守主勞客守有吏食

畢宿雜座

五車

五車五星三柱共九星合十四星在畢東北五神之外座也一曰天庫一曰天倉其西北端一大星一曰天庫爲天大將軍主秦主太白其神名曰令尉次東星曰天獄主燕趙主辰星其神名曰風伯次東星曰天倉主魯衛主歲星其神名曰雨師次東南星曰司空主楚主鎮星其神名曰雷公次西南星曰卿主韓魏主熒惑其神名曰豐隆星變則

管窺輯要

卷之四十一

垂

各以所主言之三柱鼎足而居一曰休格一曰旗一曰三泉五車者天子之兵車舍也主天子五兵郝萌曰五東一曰咸池一曰五漢一名重華巫咸曰五車天子水官主五兵又主輕車石氏曰五車天庫星五天獄星主稻天倉星主麻正南司空星主黍粟西南卿星主麥占歲之豐凶必候之五車星動搖或變色則國有兵五穀大貴人飢亡隨星所主占之三柱動期三十日直騎發一柱不見三分之一車行二柱二分之一車行三柱皆不見車

盡行天子自將兵柱外出不與五車相近者軍出穀貴轉輸千里柱出一月穀貴三倍期一年出二月不入穀貴十倍五車柱外出不居兩星之間天下大水大貴柱列立者戰車行土大貴轉土于里五車星欲其均明潤狹有常五車庫星不明或中河而居則天下有積死人河不可渡五車中小星繁多則兵大起五車休出車甲兵強輕車騎出休出倉大車出婦女輓糧休輅所指車送之五軍倉星不見軍絕食大窮而亡五車旗不見天下大

管窺輯要

卷之四十一

星

風發屋折水五車休旗動四夷叛五車移徙五穀不成兵起五車休輅反抵火星天下兵起先起者勝五車星俱明五穀豐一星不明一穀不成五車失色赤地野草不生月犯五車兵起道路阻一曰臣踰主月犯五車兵起促駕貴人死月暈五車一星赦小罪暈五星并見大陵有大赦月暈一柱兵少出暈二柱兵半出暈三柱兵盡出有兵在外暈一柱兵少罷暈二柱兵半罷暈三柱兵盡罷○五星犯五車大早有喪犯庫星北方西方犯倉星

穀貴

歲星入五車兵大起五穀不成民飢軍絕糧向其旁耀貴三倍入其中貴十倍當其門貴五倍木中犯乘守五車大水大飢兵起○熒惑入五車大旱兵大起五穀不成民飢絕食天下亂以所入星占其方一曰有放火入五車中犯乘守天庫星貴臣溺死兵亂十年乃止中犯乘守天倉穀太貴以食起兵火星過畢口直五車留一月兵連戰一歲留二月連戰二歲留三月連戰三歲若留土居兵在

管窺輯要

卷之四十一

星

外有小功得地百五十里留水居當以水運爲執○火星守五車五穀大貴人相食易帝王天下有以車名爲官者大敗一曰有軍器之敗火星守五車休輅留十日有大喪以入日占國火星守五車東留二十日已上卿死去之而復還其國君死有大赦火星舍五車西南瓠民多死鎖星入五車兵大起車騎行五穀不成天下飢軍絕糧以喪起兵國中土星舍五車中央大旱多虫在燕代尤甚土舍五車東北六畜蕃息縉布大賤

舍東南高田收下田澇民多疾而不死舍西南布帛貴棺木貴舍西北天下無事○土星逆行至五車邊兵發有赦令

太白入五車不留金玉數十萬人兵起以人日古國太白入五車舍西北天下多死人馬多疾酒泉以西爲甚舍東北糴貴五倍太白守五車夷國亂人相食其國三歲不復一曰四夷兵起中國兵所向無不勝有自來王者兵民入中國有大喜一曰蠻夷王有死者太白乘守五車有大兵不出力

管窺輯要

卷之四十一

三

十日至中國兵戰勝太白犯守庫星兵起北方若西方太白入經五車四滑起

辰星入五車乘犯守之兵起庫以潦開水入五車天下大水水乘守五車國以水起兵犯倉星穀貴犯庫星兵起

客星犯五車兵起滿野天下半傾百姓徙居去其鄉土○客星入五車車倍價所守穀貴有赦人相食大水星色黃主受賀大喪色白大人當之色赤有兵客星出五車兵出將相憂五穀大貴守五車

大喪兵起將相出令國易政○客星出入五車中近天庫兵起天岳水泛濫近天倉棺木貴近司空民流亡近卿大旱○客星入五車有外使來以色占之天下兵車騎發先起者昌

流星入五車以甲子日中爲粟車期二十日粟貴丙午日中爲麥車期二十日麥貴戊午日中爲豆車期二十七日爲豆貴庚申日中爲麻車期二十日麻貴壬戌日中爲黍車期十日黍貴以其日所見流星之處占其地○流星出五車色白諸侯以車爲憂色黃受賀色赤言兵車騎出色青黑人多死各以日占○流星犯冲五車水旱不調人君有憂

管窺輯要

卷之四十一

三

彗孛犯五車兵車滿野天下半傾百姓徙去不居其鄉○彗孛出五車兵大起有戰糴貴人飢一日主貴位穀霜災一日臣伐君○彗孛守五車先起兵者昌後起兵者亡蒼白氣入五車兵起民流亡○赤氣入五車兵起大戰赤氣出五車兵車大出

天潢

天潢五星在五車中天池也一日天潢主疾人神
通四方一主津梁濟渡之處其星明則主壽昌津
梁通民無災疾不見則津梁不通

月犯天潢二十日不出兵起道路阻天下亂國易
政人多死○五星入五車犯守天潢兵大起天下
擾亂國易政貴人死運不通

水星入天潢人主以水爲害○火星守天潢牛馬
病死腐爛道傍賊兵起水中一日有字雨天下大
旱大亂大賊以其所近車星占中央四方人死不

管窺輯要

卷之四十一

彗

葬易世立王○土星入天潢大旱大亂人死不葬
有立王○金星犯守天潢大水五穀不成糴大貴
一日人主以水爲害若以井爲害以入日古國○
水星犯守天潢大水五穀不成水兵起客星入犯
天潢兵起車道不通天下大亂易政貴人死守之
大水以入日占國○流星入天潢大水蒼白氣入
天潢有死喪憂出之則禍除○赤氣入天潢兵內
起赤氣出天潢兵出戰○黃氣入天潢若出之天
子有喜有兵則兵罷○赤氣出入天潢如揚波兵

咸池

咸池

咸池三星在五車天潢南一曰潢龍一曰潢池一
曰天淵一曰天井水魚之圖也主吸池又主五穀
其星明大則龍墜死虎狼害人兵大起移徙失常
則早不具則津梁不通

月入咸池暴兵起一曰天下亂人君死易政津梁
不通○五星犯入咸池有兵喪旱且大水道不通
貴人死以入日占國天子且以火爲敗失忠臣天

管窺輯要

卷之四十一

彗

下亂易政人主惡之

水星犯守咸池處南旱處北水○火星犯守咸池
天下大旱一曰地動山崩火入咸池行其中是謂
致師諸侯並起天下大亂○土星守咸池天下大
早有女子迷惑天子而爲亂者○金星入犯咸池
糴貴左右近臣有迷惑人主者一曰兵大起數十
萬人戰君死以入日占國一曰大臣爲亂易政令
○水星入犯守咸池天下大水兵起五穀大貴
客星入守咸池人君憂天下大水君死以入日占

國○流星出咸池兵起從星所之流星入咸池有
喪○蒼白氣入咸池水重多死魚多死黑氣入咸
池大水黃白氣入咸池天子有喜出則有神魚見
赤氣入咸池大旱

天街

天街二星在昴畢間黃道所經陰陽之所分也主
國界街南爲華夏之國街北爲夷狄之國街北昴
以西也街南畢以東也天街中處爲日月五星出
入之道水管也星明則王道正暗則兵起

管窺輯要

卷之四十一

罕

月行天街中天下寧百姓順月行不由天街王者
政令不行不出其年有兵○五星犯天街諸侯自
立爲王一日大水○五星留止天街中兵起五星
犯守天街徘徊亂行主弱臣強道路隔絕天下不
通五星逆行天街中皆爲兵起

火星舍天街中有大赦犯守之政塞奸臣出上下
相疑四方隔絕無有通時國絕祀以入日占國火
星守天街狄兵起歲飢

客星犯天街有內賊○彗孛出天街諸侯並起天

子自將兵有內賊

天關

天關一星在五車南畢星北天門也主關塞在黃
道之中日月五星之所聚由其星明大則天下平
星亡則大兵起芒角則天下有兵移徙與五車合
則國門盡閉大將被甲

月五星不由天關行有不朝之國有叛臣君命不
行一日主失道臣謀君兵起月掩天關有亂臣更
天子之法主關津者有罪人主有憂○五星守天

管窺輯要

卷之四十一

罕

關大臣有不道者有兵起貴人多死天下相疑有
關梁之令木星守天關大水大飢火星守天關多
盜賊道路不通弟攻兄臣攻君子攻父有不朝之
國不臣之臣兵起守二十日至四十日有大赦一
日二月十月守之二十日至三十日必大赦不出
其年

火星出入天關置立關塞之事一日有逆兵○火
星逆行天關車馬有急行兵大起士卒滿野期九
十日兵起東方天下兵悉起有大戰○土星行天

關中當去不去徘徊亂行光色甚怒天下隔絕○
 主星守天關中當去不去王者壅蔽信使不達關
 梁阻塞○金星入天關中萬人戰死太白徘徊亂
 行天關中當去不去光色盛怒天下隔絕道路不
 通太白提天關出入貴人多死萬物夭傷太白守
 大關臣謀主大水守之二十日水兵大起有大赦
 一曰大臣叛臣相驚道不通

客星入天關天下有急關閉塞人多病疾多盜賊
 諸侯不相通民相攻子攻父弟伐兄臣伐君各去

管窺輯要

卷之四十一

星

其鄉其戰不勝出之天下兵起不戰守之天下不
 通牛馬大貴民飢有自賣者不出三年有德令○
 流星入抵天關天下多盜賊有急兵關梁不通大
 人憂○彗孛出天關兵大起道不通多盜賊○彗
 孛入犯守天關天下道絕人主憂○黃氣入天關
 四方來貢玉帛

天節

天節八星在附耳之南大臣之所持也主宣德威
 以行四方其星明則節使忠直天子令行不明則

奉使失職不見則四方不奉王命○火金水守天
 節持節好臣謀君使臣死旱入犯天節狄王死使
 臣憂○彗孛犯天節主令不行

諸王

諸王六星在五車南潢中主藩屏王室又主朝會
 存亡其星明列正則諸侯奉法上下安寧不明則
 臣有叛者宗社傾危四方兵起○月犯諸王貴戚
 諸侯有憂○火金水犯守諸王宗戚受誅○火星
 入犯守諸王天下不信上王者憂○彗孛客星犯
 諸王諸侯稱帝在南為吳越楚在東為齊在西為
 秦晉在北為燕趙

天高

天高四星在諸王南參旗南北近畢主齋戒之門
 一曰天高為望氣之臺土視稷其星不見則官失
 其守陰陽不和移近并餓則大臣誅不具則高為
 下下為高

月乘犯天高外臣有誅者一曰將死○五星犯主
 天高其君齋戒不謹水旱不時有赦

管窺輯要

卷之四十一

星

火星逆行天高中必有破軍死將亡國○火星守天高有反者守天高反者勝守左高反者不勝○太白入天高勾已之國有大憂

客星入天高有奇令成勾已有贖罪之令○客星從天高陰出有兵有亡國從陽入有客兵入客星守天高火神從天下妖祥自地出天子宮中驚火○彗孛出天高廟臣反有改號若犯之赤地千里○月暈天高不出半年必有大疫月暈天高三重天下道絕○白氣出天高旱霜傷稼

管窺輯要

卷之四十一

星

九州殊口

九州九星在天節東主九州重譚殊方異俗主聚議一星不見一州有凶二星以上不見則天下亂以十一月候之○金火星守九州九州兵起○客星犯九州其民憂水若守負海爲國不安兵起天下凶

參旗

參旗九星在參西一曰天官一曰天旗金官也主弓弩之用以候變禦難星不欲其大明明大則有

白衣會邊兵起微小而直則天下息兵明而曲如張弓則兵大起九星不具則天下爲兵而放

五星守參旗兵大起弓弩用大將出行弓矢貴火犯之邊兵起天下亂民驚國憂守之三十日有亡國一曰下謀上○太白犯參旗九州騷動天下皆兵弓不下弦天下憂○客星入參旗天下有變弓弩皆張客星出入天弓有削主客星出參旗天下兵起大將出人主憂客星守參旗負海國不安兵起○使星出天弓匈奴兵起

管窺輯要

卷之四十一

星

九旂

流星入參旗兵大起弓弩貴若出之將軍出○彗孛出參旗有流血暴骨將軍死天下亂弓矢大貴赤氣出參旗其年西戎來欲盜中國若侵地不出三年天下煩擾百姓多憂青氣出入占同

九旂九星在井西南天子之旗也一曰天旗一

曰司曲主司五星之過主統九州主軍進退其星明靜則九州之牧得人微暗則小人臨州光芒盛大或動搖則兵起○熒惑守九旂日食星墜天下

大亂○太白犯九旂兵起○客星守九旂諸侯兵起禽獸多死○彗孛出九旂大亂兵起

天園

天園十三星起天苑之南屈曲而橫列植菓菜之所也其星中小勾曲而明則菓實成牛馬皆吉不見則反是○白氣出天園兵起

附耳

附耳一星在畢下主聽得失伺僭邪察不祥星盛則中國安微有盜賊邊境驚外國反移動則侯諺

管窺輯要

卷之四十一

星

行○月五星犯附耳皆為兵起將相有憂不則退黜○客星守附耳兵飢多訟獄○蒼白氣入附耳將憂赤氣入附耳內兵起黃白氣入附耳無兵兵起黑氣入附耳將死黃白氣出附耳拜將赤氣出附耳將出

管窺輯要卷之四十二

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珖先鳴

桐城方兆及子詒全閱

管窺輯要

卷之四十二



虛族



天

觜宿論

觜三星白獸之體也爲行軍之藏府司怪四星主候變怪座旗九星主別尊卑星明則國有禮

觜宿說

觜三星宋志距西南星去極八十二度半黃赤道皆止五分西域歷空分在參之右角如鼎足形其上八尺七曜之中道也主天之闢明大則天下安五穀熟移動則君臣失位天下旱史記云三星隅置曰觜觿爲虎首乃三軍之候行軍之藏府主葆

管窺輯要

卷之四十二

二

旅事收斂萬物明則軍儲盈將勢得動而變色則盜賊羣行大兵起動移則將有逐者張衡云葆旅野生之可食者晉灼曰葆菜也野生曰旅今之飢民采旅生也如淳曰關中俗謂桑榆葉生爲葆宋均云葆守也旅猶軍旅也言佐參伐以斬除凶也金火守國易政兵起日食臣不忠月食君害辰五星犯災生孛及客星犯兵起彗見不五載梁有破國亂軍金木合爲白衣會

座旗九星一作坐旗在司怪西北大將之旌主別

尊卑之序亦君臣設位之表也明則君臣有禮暗則上下無章

司怪四星在井鉞之後主候天地日月星辰禽獸草木之變軍中望氣司卜者也與天高同占不見則官失守陰陽不和

觜宿主行軍葆旅度初度五分內八尺爲黃道初畢七度外末井九度內於辰爲申於分爲晉於野爲益州賦觜觿參伐實沈晉益自龍門以東西太行已西當雲中之南而洛邑之北正月在參昏中

管窺輯要

卷之四十二

三

西八月爲旦中四月爲太陽躔次

觜宿歌

三星相近作參葦觜上座旗直指天尊卑之位九相連司怪曲立座旗邊四鳥太近井鉞前

觜宿考

座旗九星在司怪西北主別尊卑君臣之位○司怪四星在井鉞前主候天地日月星辰草木禽獸之變

觜三星爲虎首爲三軍之候行軍之藏府主葆旅

收藏刀斧斬殺之事明則軍儲盈將得勢動而國盜賊羣行金火守國易政日食臣不忠月食君殺臣五星狄災生彗孛客犯兵起月令仲秋旦觜觿中

座旗九星在觜東北主別君臣尊卑之位明則上下有禮經曰司座肅穆以昭禮

司怪四星在觜西北候天地日月星辰禽獸蟲蛇草木之變經曰司怪幽求而發冥

觜三星一度一云三度距參左足距八十三度太

管窺輯要

卷之四十二

四

在黃觜西星去極道外十二度金星也春夏爲水秋冬爲土爲三軍之斥候軍之藏府也葆旅收斂萬物軍儲盈將得勢則星明不明軍乏食不可出軍征伐觜又爲白虎頭謂居參前故爲頭也日蝕并觜中臣下謀君○月蝕參中有臣子被枉死○木守之人飢守三十日以上主將兵在道五穀傷米貴父守人飢丁壯暴死○火守之百物不生天下東方吉守三十日有賜爵祿封王土守之其分野凶地○金守之國易政兵起臣下謀反水守之

天下火災兵起○客守之臣下有謀君國者○客星入之果貴百倍○彗孛行犯之國中兵起臣子移動不過一年○流星色青觜中北流交文而滅爲庫藏一曰官士亂又月犯之小將凶○月暈觜女主多死

觜宿總叙

觜三星曰觿白虎之首也爲一軍之候行軍之藏府金星也主葆旅收斂萬物亦爲刀鉞剗刈之事一曰天貨主葆貨其北上三尺爲日月五星中道

管窺輯要

卷之四十二

五

內主梁外主已漢星明天下安五穀熟軍有儲將得勢不則不可出師動則葆旅起天下旱君臣失位明而動搖則天下盜賊羣行移徙則將有逐者而近參左肩則臣謀君近右肩則大臣伐主若有大命

日月變異占

日在觜食有爲臣逆一曰大將謀議一曰戒在將兵之臣一曰夷狄兵起將戮○日暈觜陰國弱一曰夷狄國多疾疫一曰臣有大災且旱●日暈三

重其五穀登人疫五重有大赦不出六十日
月在背食早有臣被枉殺者一日貴臣大將有憂
一日主兵之當黜一日刑罰濫○月暈於背女主
多死郗萌曰有德令荊州占曰大赦河圖帝覽曰
大將死道上多死人弓弩貴一日其分有叛者一
曰貴人多兵死○月宿背有變將相有憂殃一日
有刑罰之事

月五星十犯占

月犯背將有叛者一日小戰更多死道路亦有叛

管窺輯要

卷之四十二

六

者一日兵大起有赦荊州占曰其分民災
歲星守背人飢守之三日主自將兵在五穀傷米
貴久守之丁壯暴死石氏曰民疾疫國有反者又
曰西方兵動侵地欲爭為君荊州古曰多妖大臣
凶一日民病癘乙巳占曰木守背君臣和又曰不
出一旬必有覘候之事天子憂期甲辰日○木犯
背海中占曰有具候之事民不得耕君后俱忌之
一日五穀不成國大飢天下災疫石氏曰國兵起
天下動移一日天下多盜○木入背郗萌曰五穀

忽貴忽賤歲一旱一水天守不和多盜賊○木出
入留舍背六十日不下豆半傷九十日不下侯王
建功二百日不下客軍入敗一日山林空○木行
之背兵器大貴○木逆行背人君誅罰不當○木
來舍背有白衣之會

災惑守背一物不成天下亂守之三十日有賜爵
祿之事黃帝占曰將軍反入之兵破牛馬有急行
一日國有喪米貴文耀鉤曰功臣逐石氏曰西戎
兵起巫咸曰旱五穀不成天子不可舉又曰富有

管窺輯要

卷之四十二

七

石墜以日占何國一日法律壞小民多傷一日國
易政多不孝父子相奪兵器貴六畜疫山林空荆
州占曰誅罰不行一日多火災○火犯背其分兵
起天下動移黃帝占曰野有反鉄鉞用巫咸曰大
旱多水災米貴○火入背萬物不生其下有兵巫
咸曰伺其出日而焚之期三十日兵發又以始入
日數之率一日期十日兵期罷○火出背間甘氏
曰天下亂出其東方大失西大得南北同之一日
出東西方吉東方凶○火行之背大臣有憂○火

與精合光石氏曰趙相死一日其地守臣憂○火出入雷舍精天子自將兵○火犯精而守之六十日不去國有大喪大臣誅五穀大貴兵大起

鎮星守精其野凶地石氏曰國有叛者巫咸曰有兵水災萬物不成民去其國不房其室一日西方客動侵地君王崇禮制儀則庶可以減咎乙巳占曰土守精守出之吉國凶地所入之宿國得地○土犯精兵起天子不安其言黃帝占曰國有土王事石氏曰天下動移都萌曰人民叛凶○土入精

管輅輯要

卷之四十二

八

其國兵起天子國中有兵○土逆行女主自恣太白守精甘氏曰天下安寧巫咸曰其分守臣叛萬物不成人疫石氏曰有急令西方有客兵來爭國黃帝占曰下臣謀上國易政兵起鉄鉞用大臣當之期九十日乙巳占曰當寒反溫當溫反寒陰陽交錯風雨失節四方兵動又曰天下兵起民人相謀一日不出三十日大將反天子軍破牛馬有急行○金犯精甘氏曰其國大臣爲亂兵鉄鉞用一日萬物不成天下兵起○金入精一日大臣亂

大人當之國易政○金出入雷舍精兵起有戰貴人受其下有山崩地裂大人當之○金與精在其陽爲風在其陰爲水一日有德令

辰星入精甘氏曰子歸其母君臣和同巫咸曰水入精中伺其出日而數之期二十日兵發又以其始入之日率一日期十日兵罷○水守精巫咸曰旱萬物不成多大災大人憂不出百日天下飢鄰萌曰天子不可動衆行師一日其地大飢石氏曰其下水災趙國尤甚有反臣不出百日兵起先動

管輅輯要

卷之四十二

九

者敗○水犯精不可動衆行師有水災兵起大飢有反天下亂亂

客星流星彗孛干犯占

客星犯精其分破凶○客星出精內臣與外交通謀其主星明而行則事覺不成星不明則不行事覺成期一月石氏曰客星出精魏有良臣在西國西南二千里荊州占曰客星出精色青爲憂赤爲兵白爲喪黑爲水黃爲土工黃白爲吉○客星守精西域有欲爲王而侵土者黃帝占曰下臣謀君

巫咸曰有大喪又曰有水災人多餓死期不出三年○黑星守觜穀貴○客星入觜黃帝占曰西戎侵邊軍馬急行郗萌曰有火喪功臣爲逆一日有葆旅之事於國內荊州占曰客星入觜青色憂赤爲兵喪黃白吉黑爲水災穀大貴黃帝占曰赤入黑入二星入觜内外臣合謀爲逆其星行動則覺不動則事成期一月

流星入觜中有反臣大兵聚其下車馬急行人主憂期百八十日遠一年出之則兵罷乙巳占曰流

管窺輯要

卷之四十二

十

星入觜口中者天子使也外宿中來者外使也三十丈至百丈將軍使也十丈至二十丈小使也視其所起之處吉皆不出一年○流星出觜有葆旅之事於外國○流星犯觜國兵敗一日軍政欲行斬殺事春夏多雨秋冬犯大風雨民人多病

彗字出觜大臣出戰米大貴天子多殺事有失地王有破國期三年遠五年一日彗見觜人流公有破國亂軍伏死其事○彗字犯觜國兵起天下動提期一年遠三年一日有破軍易位

雲氣干犯占

蒼白雲氣入觜天子有葆旅之事出之則禍除○赤雲氣入觜兵起○赤氣揚波入觜中兵入國火隨之出○黃白雲氣入觜潤澤有神寶入一日有負寶玉來獻天子者○白氣入觜民葆旅○白氣出觜大人憂邊將戮起地有災出之禍除○黃氣出觜國兵隨之出入觜國兵入

觜宿去極度數考

按觜宿本位居申次晉魏之分凡一度在參之兩

管窺輯要

卷之四十二

十

肩如鼎足形五月旦在卯六月旦在辰七月旦在巳八月旦在午九月旦在未十月旦在申十一月旦在酉十月昏在卯十一月昏在辰十二月昏在巳正月昏在午二月昏在未三月昏在申四月昏在酉

觜三星一度距西南去極八十二度半入觜初度一日觜觶正義云觜觶如虎首尖且銳言如角尖銳在參右角如鼎足形爲三軍候三軍中軍前而後軍行軍藏府主葆旅收斂萬物張衡云葆旅辟

生菜之可食者晉灼曰蓀菜也野生曰旅遇飢之民常採取生食背佐參伐以斬刈除凶

占曰背上三尺爲日月五星中道星明天下安五穀熟軍有備餉將有紀律不見不可出師動搖兵起君臣失位芒角天下盜賊羣行移徙則將有逐者近參左肩臣謀君近參右肩臣弑主金火守國易政日食於背君無道月食於背臣不忠彗孛守人君虐殺不辜與無名之師天下亂

座旗九黑星距南去極六十一度入參八度在司

管窺輯要

卷之四十二

三

惟西北主別君臣尊卑易繫詞云天尊地卑乾坤定矣卑高以成貴賤位矣

占曰座旗居常尊卑有序不見上下僭亂

司惟四黑星距南去極七十一度入參六度半在座旗邊主天地日月星辰禽獸草木之變惟玉曆通政經云天以輕清爲德或色變昏黑或赤如屠血或慘慘昏濛或久陰不雨此天變也日乃太陽之精人君之象顯麗中天以光明無所不照有變色薄蝕背珥暈珥此日變也月爲太陰之精以配

日女主之象諸侯大臣之位亦有晦明薄蝕背珥暈珥陵犯掩食此月變也金星應於秋令主言主

義司刑殺其光芒盛餘星故曰太白金主乎上公爲大司馬大司寇火星應於夏令主法主禮主乎司馬執法鴻臚火處心爲神神應無方其體不測故名曰熒惑土星應於夏季季夏主信主思土德方而靜靜而不動故名曰鎮星木星應於春令主仁主怒化生萬物如太歲之生成故名曰歲星水星應於冬令主智謀以天一生水爲五緯之先其體

管窺輯要

卷之四十二

三

合散無方無定如龍之變故名曰辰星若五星色變或陵犯列宿及諸雜座及列宿及雜座星變或疎折就聚或生光芒此星變也又稊占云鴉集鳴飛蟠於宮室殿堂或喜鵲羣鳴於政事廟庭或馬生角或牛一身二足或魚失水在陸或蝗蟲生發或蛇鼠相闘此禽獸變也昆蟲變也枯木生花或伐木見血死樹自立或大旱不種穉生禾麥此草木變也又曰主伺災變而候祥異祥順祥異皆異也

占曰司恠失常則昆蟲草木爲妖彗孛守則妖孽橫行中外國將亡○漱清考中庸云國家將興必有祲祥國家將亡必有妖孽此之謂也

背宿雜座

座旗

座旗九星在司恠西北主別君臣尊卑之位其星明正則國有禮暗則反是

司恠

司恠四星在井鉞前主候天地日月星辰山川草

管窺輯要

卷之四十二

酉

木龍蛇之變星不具則官中有恠天下多恠物○彗孛出司恠多妖祥僞起諸侯大臣伐主○客星出司恠天下多妖

管窺輯要卷之四十三

六安黃鼎玉耳父纂定

男九命簡歷

佳九錫公位

九壽倫叙

九如眉介

侄孫珮琢成


珮先鳴

桐城方兆及子詒全閱

管窺輯要

卷之四十三

九府



參宿論

參七星一曰參伐一曰大辰一曰天市一曰鉄鉞主斬刈爲天獄主殺伐又主邊城九驛故不欲其動也參白獸之體也其中三星橫列三將也東北曰左足主左將西北曰右肩主右將東北曰左足主後將軍西南曰右肩主偏將軍中央三小星曰伐天之都尉也主胡鮮卑戎狄之國故不欲其明七星皆明天下兵精暗則將弱伐星與參等大臣有謀兵起參星失色軍散敗亡角動搖有急兵起

管窺輯要

卷之四十三

二

有斬伐之事參星移客伐主也參左足入玉井兵起主大水主喪山石爲旌參星差戾主臣有謀月五星客彗守犯大兵起國有喪將軍惡之災在魏益之分玉井四星在參星足下主水漿以給厨玉井東南四星曰軍井行軍之井屏二星在軍井下天之屏障也天厠四星在屏東亡則貴人多病其下一星曰天尿常以春分日候之明潤則人無疾

參宿說

參七星宋志距中星西第一星去極九十二度半

其上十三尺七曜之中道宋志以爲十星者兼伐

三小星而言之也赤道十一度十分黃道十度二十八分其中三大星爲中軍正中一星是大將旁貳星參謀也命名爲參以此俗傳參星其二肩爲左右將軍二足爲前後將軍合左右前後中五軍有命將出師之象東北曰左肩主左將西北曰右肩主右將東南曰左足主後將軍西南曰右足主偏將軍史記東南左足主上將軍大同小異黃帝經曰參應七將又曰七將皆明天下兵精也中三

管窺輯要

卷之四十三

三

大星東西橫列如衡故史記云三星直者是爲衡石所以平理也爲天獄甘氏曰參爲忠良孝謹之子明大則臣忠子孝安則吉移動則殺忠臣若戾則王臣二心一曰天鉄主斬刈殺伐一曰天市又主邊城爲九譯故不欲動若亡角張邊候有急失色則軍散敗一曰參伐一曰大辰公羊傳曰大火爲大辰北辰爲大辰參亦爲大辰蓋心與參伐天所以示民時早晚天下所正故皆謂之大辰參左右肩股四星爲實沉之神左足入玉井中兵大起

秦地大水及喪參足若突出玉井則虎狼暴害參星搖主風伐乃參下中央斜列三小星大將之柄主大司馬九伐之法以正邦國者也史記云三星銳曰罰天之都尉孟康云上小下大故曰銳晉灼曰三星小斜列無銳形主斬刈又主胡貊鮮卑之國故不欲明若伐星明與參等則大臣謀亂夷狄內戰

斗牛爲河之首參畢爲河之尾首在北方若夏則河首轉在南而畢參及在北矣正月初八夜看參

管窺輯要

卷之四十三

四

星下一歲之水旱若參過月西多旱太白晝見魏有兵喪金火合魏地君死金火守國易政兵起日月食田菽米貴石氏曰鎮守國多土功巫咸曰火守多火海中占曰多旱金火守之國有叛臣郗萌曰以攻戰伐國又曰歲守之皇后災

玉井四星在參西右足下主水泉給厨用乃水象也

軍井四星在玉井東下乃行軍之井所以給司馬也故曰軍井未達將不言渴取此義也不見則軍

中無水又主軍營之事

屏二星在軍井南爲屏風所以蔽廟不見則國內寢疾客星入之四足蟲大疾人亦多死

天廟四星在屏東北參左足下主溷也其占黃色吉青赤白皆凶不見則國內寢疾

天尿一星在天廟南史記云廟下一星曰天矢矢黃則吉青白黑凶

參宿主殺伐度十一度一十分內三尺爲黃道餘見皆宿下

管窺輯要

卷之四十三

五

參宿歌

總有七星背相侵兩肩雙足三爲心伐有二星足裏深玉井四星右足陰屏星兩肩井南襟軍井四星屏上吟左足四星天廟名廟下一星天尿沉

參宿考

伐三星居參腹爲斬刈之事天之神尉也主胡鮮畢戎狄之國○玉井四星在參右足下主水泉給厨○屏二星在玉井南爲屏以障廟主疾病○軍井四星在玉井東南軍中之井也主給軍用又七

水旱○天厨四星在屏星東溷也主疾病也○天屎一星在厠南主司吉凶

參七星一曰參伐一曰大辰一曰天市一曰鈇鉞主斬殺布威嚴又爲忠良孝謹之子明大則臣忠子孝移動殺忠臣又主權衡所以平理中三星橫列三將東北左肩主左將右肩主右將左足主後將軍右足主偏將軍故占曰參應七將皆明則兵精

伐三星斜列在參之中天之都尉主胡鮮卑戎狄

管範輯要

卷之四十二

大

之國故不欲其明明則大臣謀起兵詩曰蒙伐有苑主蔽矢石之事玩占曰伐爲參尾主金革斬伐之事

玉井四星在參西南主水泉經曰玉井通於水經移動有水災

軍井四星在玉井南主征戰汲飲之事移動兵起屏星二星在軍井南經曰厠咎於圖豫讓入厠以昭忠也

屎一星在厠下大玄糞以肥兵主資五穀經曰康

頗遺屎以取謗也

參十星九度距參日西端第一星去極九十四度少在黃道外一十三度半木星也春夏爲火秋冬爲水一曰參伐一曰大辰一曰天市鎮主斬劉爲天獄主殺伐又主權衡所以平理也又主邊城爲九譯故不欲其動也參者白虎之體其三星橫列三將也東北肩主左將西北肩主右將東南曰左足主偏將軍西南曰右足主後將軍故黃帝占參應七將中三小星曰代天之都尉也主胡鮮卑戎

管範輯要

卷之四十二

七

敵之國故不欲明七將皆明大天下兵精王道缺則亢角張伐星明與參等大臣皆誅兵起參星失色軍敗散參亢角動擺有急兵起人主斬伐之事參星移客伐主參左足入玉井中兵起泰大水若有喪山石爲咎出玉井中國失地小暗凶參星無戾王臣一心左肩一名大人星蒼色亢角天下兵起并若遠足虎狼害人星暗國君欲敗一云軍敗散亢角張赤耀橫射三軍騷動亢自射甲兵將出○日食參中大臣相謀殺而兵起○木守之歲大

疫人流亾○火守之兵起四方不安有赦○火入之百日天子以火爲憂○土守之大臣出國有急兵臣謀逆○金守之大臣亂軍大戰○水守之國內兵起大水沒城郭○彗孛行犯兵起大破敗○日月食參中主兵之將凶

參宿總叙

參七星伐三星參七星爲虎身伐爲虎尾觜爲首共爲白虎主西方參一曰大辰一曰天市一曰中龍金星也一曰鉞鉞主斬刈乘威刑罰又爲天獄

管窺輯要

卷之四十三

八

主殺伐又主邊城九譯及鮮卑夷狄之國參七星爲七將軍其中三星橫列爲領主平理前二大星曰左右股爲之左右肩爲左右前將軍後大二星曰左右足爲偏將軍左右足爲後將軍中三星爲三將軍也七星皆主邊兵其左肩北三尺爲日月五星中道七星皆明則天下兵精暗小則暗弱色角大張赤輝旁射則三軍駭動天子躬甲自將出征搖動則邊地有急無光則國欲改君參差不常則君任不忠臣有外謀明大而動則大將執權天

下易政就聚則天下大將有誅細微則天下精少離徒則大將逐伯從則天下刑急參左足應在玉井中虎性暴怒左足下有井動則陷之以節其勢故爲之陷足虎不得妄動以天下無兵若足出井外便得縱逸則天下之兵大起

參七星不具則國亾地失色則軍敗散中星差而南則胡入塞復正則胡人退星移則客伐主人參兩肩外明而大則兵內強左股亾則東南方不可舉兵右股亾則西北方不可舉兵參左足入玉井

管窺輯要

卷之四十三

九

則兵大起天下大水若有喪山石爲怪若突出玉井則狼爲暴害其中星差南北胡人北參四足有進者則將出有功有退者無功進者移而北退者移而南也甘氏曰參爲忠良孝順之星明大則臣忠子孝移動改常則忠臣受枉伐主斬刈星不明又與參等則大臣謀君星大則兵起疎折則法令施就聚則刑罰急動則有斬伐之事移南則胡人入塞移北則胡人出塞角則諸侯之官排門閤角動則黃芑則天下滅常以夏三月視參四足進前

則兵起退後則兵罷又視參前兩星搖動則兵起天子有憂守常則吉

日月變異占

日在參食大臣憂殺其子兵起感精符曰大臣憂近臣自相戮以外勝內遠國強甘氏曰戒之在將帥師之臣一曰大旱人食草木巫咸曰晉國有其君凶其分有拔城大戰又曰田荒米貴○日暈於參青畢國邊兵出將軍憂一曰大飢○日暈在參如鼎蓋外國有來和親者

管窺輯要

卷之四十三

十

月在參食其分大飢臣有謀天文錄曰兵在外大將死其國憂天下更令一曰其分大兵田荒米貴石氏曰大旱赤地千里乙巳占曰主兵之臣當黜○月暈參伐郝萌曰不出歲中天下亂其國兵弱戰不勝地震人主有殃荊州占曰其國客軍大恐郝萌曰有赦暈二星小赦暈三星大赦衡爲期石氏曰將軍死貴人多誅者○月暈正之有兵潰暈兵大起軍在則大戰月以十一十二月正月暈參其歲虎狼羣出爲害甘氏曰月以正月暈參伐不

出三旬兵起以憂四月暈參及井凌霜至日以十二月正月暈伐十四日暈參爲大人憂月以正月暈伐二夜不出二旬兵起○月在參有變邊兵急百姓食橡旅○月宿參伐有風雨

月五星干犯占

月犯參伐有兵事驚城堡海中占曰國有憂郝萌曰軍在外將死武氏曰貴臣憂大旱飢人相食○月乘犯參左肩左將軍戰死犯右肩右將軍戰死犯中星大將戰死犯伐小將戰死○月食參伐星

管窺輯要

卷之四十三

十一

兵起有戰將死黃帝占曰月食參貴人誅天下大飢大旱人相食兵大起○月犯乘參右肩石氏曰五穀熟歲星守參大疫王者有疾人民流散改立國君石氏曰國有反者五穀更貴一曰王后惡之一曰有大兵天下農不耕荊州占曰多雨歲惡巫咸曰萬物不成民大飢海中占曰多盜賊高田貴下田賤其年草木多腐一曰晚稼不成○木犯參石氏曰水不時早有兵喪甘氏曰歲大疫巫咸曰大飢○

木入參犯守之其國以兵致天下一曰天下有兵驚追而守之士卒離散五穀貴一曰木火爲交○木守參爲赤星出參中邊大兵起○木入參守伐天下有兵○木入守參荆州占曰七日以上至七十日天子欲出他國不出百八十日○木逆行參其君誅伐不當郝萌曰木逆行參畱心衡中兵起○木金參若守之黃帝占曰水居參東君伐東天下多走民多暴雨處參北若伐北多冲水處參西若伐南爲易君一曰大人有寒疾之憂參北國易

管窺輯要

卷之四十三

三

相處參東若伐東晚稼不成處參西若伐西產婦多死老人多死荆州占曰木處參所道者是王者所欲封期一年木金參處若伐有反臣中兵起○參惑守參外兵入一曰四方不安有赦期三十日若久守之五十日不下天下必大有憂有改政秦地大凶一曰財物貴大旱猪羊並死巫咸曰火守參星五穀不成黃帝占曰多霜多雹荆州占曰鉄鉞用石氏曰天下兵起秦地疾布帛貴守五日米暴貴守之滿六十日宮中有戰一曰兵有千里之

行牛馬多死石氏曰大軍反天子之破軍五穀大貴人相食○火以夏四月守參金錢乏王者徙居五月守之大臣有下獄者郝萌曰火守參足下五日米貴暴賤二十日以上大賤三十日有赦天下金貴○火犯參黃帝占曰大將及四方相射王者轉徙宮室兵大相連石氏曰兵起大戰○火入參主威廢郝萌曰畱之一日相死二日后死三日入主死一曰君國失市○火入參而守之二十日以上兵起於野將軍出戰死一曰有石隕於野石所

管窺輯要

卷之四十二

三

墜有反者○火守伐陳卓曰天下更政朔海中占曰守五日人主忌之一曰火入伐有兵戰守之五日大將死○火舍伐不出三旬有大赦○火逆行至參將軍有下獄者○火逆行至參而畱守之正衡中兵起○火逆行入參成勾已天失度天下大亂若環繞之有大喪主命者惡之期一年遠三年○火逆入參中又有餓死國君若戮死者○火與參同出有戮臣○火與客星同見參中天子更改大國之君爲臣所謀

管輅輯要

卷之四十二

占

鎮星守參大臣出國使好人爲逆一曰有邊兵天下治城石氏曰天下有大喪海中占曰其下君破國凶一曰后夫人當之一曰大臣出使有外兵○土守參若入之行陰爲水災五穀不成民流亡○土星角動赤黑色觸參中星臣殺其君○土犯參石氏曰國有反者郝萌曰奸臣謀上○土逆行留止參衡中主大兵○土舍參出入留止西官候曰天下治城郭修文備武郝萌曰高田賤下田貴太白守參大臣爲亂石氏曰有反兵天子兵破牛

管輅輯要

卷之四十二

占

白出入留舍參名將死天下大飢亂兵起而不崩人民流亡不居其鄉不出其年穀皆空○太白入參外兵起流之三十日天子有喪○太白犯守伐大臣爲亂兵東大伐有急令○太白宿伐有反臣中兵起辰星守參國易政更法令邊兵起大戰有水災五穀不成有反臣石氏曰天下不可舉兵動衆一曰有赦○水星守犯有內亂中兵起尉當之有反臣一曰后夫人當之一曰邊兵起○水星移而南胡入塞移而北胡出塞○水入伐兵起出其南胡入出其北胡出○水犯參若乘之甘氏曰貴臣黜一曰國有水兵○水出參天子不可用兵動衆必有反臣○水出參中邊地有兵○水與參出西方天文志曰爲旱大臣誅○水逆行留止參兵起外夷狄侵入邊將憂○水入參而起之兵起有叛邑先起者亡後起者昌○水入參色青黑不出其年兵起○水宿伐有反臣

客星流星彗孛干犯占

客星守參邊州山地石氏曰敗國歲飢郝萌曰有兵臣執主令有奸臣女色惑天子老人多死馬貴一曰有易君白爲死赤爲兵青黑爲憂疾黃以善伐一曰旱米貴石氏曰客星守參魏地多君子○客星出參外邊入兵城圍有戰不出二年甘氏曰有山地馬貴郝萌曰大臣憂星多則以數言人數赤星出參石氏曰武卒用若守之嫡勝相距○客星入參邊有暴兵圍城夏氏曰穀貴一曰諸侯國當之一曰有衡石事郝萌曰宮有自殺者入其陽

管窺輯要

卷之四十三

七

男子陰爲女子○客星入伐有兵人傷色青黑縣令有賜一曰入伐有斬刈之事於外○客星守伐大臣有誅者○客星合伐色黑爲水白喪赤兵青憂黃爲土工○客星入參銖銖兵出入流星入參兵起國亂

飛星入參外悉發一曰蠻夷使來郝萌曰邊城破圍天文錄曰先起者凶一曰有衡石事於國內已占曰色青黑不出期年兵起○流星入參左五穀貴入右五穀熟○流星入參兵大出一曰有衡

石事於外國○流星出南門利參不出十年若六年有一國無天下南門井也○赤星抵參至伐而止有外兵來伐客軍勝○流星犯參邊兵大起春夏犯各將死秋冬犯猛將用○流星犯主井天下流血成川

彗孛出參伐甘氏曰大臣反敵地天子躬甲弓督恒張皇后憂銖銖用天子改政期三年遠五年○彗孛犯伐國主凶邊兵大散

雲氣干犯占

管窺輯要

卷之四十三

七

蒼白雲氣入參臣爲亂○蒼白雲氣出參而環繞參天子自將兵巡方○蒼白雲氣入參伐大將憂有斬刈之事○蒼白氣入參邊境有憂○赤雲氣入參內兵起將軍爲亂誅○赤雲氣如波揚入參邊城倉庫焚○赤氣出參中央邊兵大起○赤氣入伐有斬刈將軍憂○黑氣入參大水將軍死氣銳如鋒大人當之○黑氣出參有兵有水災將軍○黑氣出伐以水伐國○白氣入參天下困兵一曰天子○黃氣入參大將受賜○黃氣出

伐將軍

參宿去極度數考

按參宿本位居申次晉魏之分并十一度○五月旦在卯六月旦在辰七月旦在巳八月旦在午九月旦在未十月旦在申十一月旦在酉十月昏在卯十一月昏在辰十二月昏在巳正月昏在午二月昏在未三月昏在申四月昏在酉

參七星十一度距西中心第一星去極九十二度
半入參初度甘德云參爲忠良孝謹子一曰參伐

管窺輯要

卷之四十三

大

一曰大辰一曰天市一曰鉞鉞主斬刈鐵鉞

前解見

刈殺也又爲天獄主殺伐又主權衡以平準

前解見

又主邊城爲九譯譯知四方言者又曰譯傳言也

周禮秋官司寇有象胥傳四夷言東方曰寄南方

日象西方曰狄韞北方曰譯越裳氏重九譯來貢

於周北譯重九國之言也象爲百獸王體其中三

星橫列三將也東北左肩主左將西北右肩主右

將東南曰左足主後將軍西南曰右足主偏將軍

故黃帝占參以應七將黃帝軒轅氏也凡用兵必

古參七將卽上文所謂左將右將前將後將中將
偏將先鋒將

占曰參七星皆主邊將也左肩三尺乃日月五星中道七星皆明則天下兵強將勇昏暗則將怯兵弱芒角赤灼則三軍騷動天子躬環甲冑自將兵搖動邊臣緊急不見國易政參差奸臣謀外就聚則大將憂移徙則大將黜參左足應在玉井中虎性暴急足下有井動則陷以節其勢謂之陷足虎不得妄動是以天下無兵若足在井外使掠縱逸

管窺輯要

卷之四十三

尤

天下兵起參星不具則兵失變色軍敗散中星差
明兵入塞復正胡人退參兩肩外明外兵強內明
內兵強左股凸則南方東方不可舉兵右股凸則
西方北方不可舉兵參左足入井兵起出井虎狼
爲害中星差胡人寇塞參四星有進者將出有功
有退者將出無功進者北移退者南移甘德云參
爲忠孝子星明大則臣忠子孝移徙則忠良受枉
伐主斯刈星不欲明明則臣謀奸主兵起踈折法
令弛就聚刑法急移南則胡人出塞伐星芒角則

諸侯排闥三月朔參四足進前則兵起退則兵罷
又視參前兩星動搖兵起日食在參大臣憂日食
在參臣下有謀后妃憂大飢米貴月宿參有風雨
月犯參有兵金火守兵凶戰危土守邊地土功水
守狄侵邊彗守奸臣謀叛天子躬甲冑

伐三小星距中星去極九十五度入參三度半在
參中天之都尉主胡鮮卑戎狄國天官書云參下
有三星銳曰罰孟康曰罰在參間上小下大故曰
銳晉灼曰三星少斜列無銳形爲斬刈事正義云

管窺輯要

卷之四十二

辛

罰亦作伐漢武帝元鼎三年初置三都尉以象之
一奉車都尉掌乘輿車二附馬都尉掌車駕副馬
曰附馬近也疾也三都尉本監羽林騎

古曰伐星不欲明明天下苦兵王道有缺亡角搖
動兵起金火守有征討事

玉井四星距西北去極九十八度入畢十一度在
參西右足下水象主水泉給厨用淳風云主水漿

給厨

占曰玉井明水清潔

屏星二星距西去極一百一十五度入畢十三度
半在玉井南爲屏風蔽厠星一曰天屏障壅天厠
解見前

占曰屏星居常吉入客守國不安不見國內寢疾
軍并四黑星距西南去極一百零五度半入畢十
四度在屏星上行軍之并以給軍師水漿古語云
軍井未達將不言渴正謂此漱清考耿恭守疏鄯
城被圍穿井十五丈無水恭乃向井拜飛泉湧出
是行兵軍井不可少者所以應天星

管窺輯要

卷之四十二

壬

占缺

厠四星距西北去極一百一十度半入參二度在
屏星東爲圓溺主天下疾病一曰天厠濁汚處

占曰厠如常吉赤白天下多疾疫彗守防刺客
屎星一曰去極一百一十度入參二度在厠下主

糞穢一曰天尿漱清考天尿二字覺謬尿則尿何
曰天尿加天字爲謬甚

占缺

參宿雜座

玉井

玉井四星在參右足下水宮也主水泉給厨其星微小如常則陰陽和五穀成明大動搖則大水天下飢五星入玉井強國失地出之強國復得地一曰天下大水國有水憂若水敗水物不成○客星入玉井強國失地天下有喪入守之三日其歲大水○客星出玉井強國得地將軍出軍出爲憂有水敗○流星入井中強國失地出之強國得地有大水○流星入玉井其年大水以星小大遲速言之○流星入玉井國以水爲憂出之大水溢或曰出之將出○彗星出玉井兵大出強國失地○彗星守玉井天下大水河海溢民多死於水○赤氣從參下入玉井中不出三年井水不可飲○黃氣入玉井三日不出軍在外絕水○白氣入玉井兵起○赤黃潤澤入玉井有軍來降

軍井

軍井四星在玉井南軍之井也主給軍饗又主水旱軍井星動搖則大水○月入軍井兵起○五星

管輅輯要

卷之四十二

三

入軍井其年大水國多土功○客星守軍井以水爲憂客星入守軍井天下水

屏星

屏星二星在玉井南爲屏風以障厠主疾病星不明則天子寢疾不具則天下人多疾病○五星守天屏臣謀君貴人有誅死者○火星守天屏三日民疾疫守二十日國移○客星守天屏四足蟲大疫民多病○客星出天屏民多病輔臣有憂出入守犯天屏皆爲疾病○流星入天屏若犯之皆爲疫

管輅輯要

卷之四十三

三

天厠

天厠四星在天屏東潤也主天下疾病其星色黃而明則吉蒼黑色則人主有腰下之疾不具則貴人多病若有陷厠之憂亡不見天子有病天下人疫○五星入守天厠天下大飢人相食死者大半○水星入守天厠大臣有戮者○火星入守天厠

廁中有賊國移○客星入守天廁天下大飢人相
食民去其鄉君子賣衣小人賣兒主病帶下病起
一曰水大出○黃白星入天廁天子喜奇物見○
青星入天廁人主死黑星入天廁人主死○蒼白
星入天廁天子有陰病赤星入天廁有囚兵○流
星入天廁大飢人相食大水有兵○客星入天廁
若守之王者憂廁中有謀天子防陷廁○周伯星
入天廁糴賤有餘粟○老子星入天廁天下大飢
○彗孛出天廁大人有憂若廁中有伏兵欲害主

管窺輯要

卷之四十三

音

者青雲氣出入天廁內兵起彗孛出天廁天子有
陰病○黑氣入天廁天子憂白氣入天廁天子陰
病赤氣入天廁有兵起雲氣出天廁則禍除○黃
白氣入天廁皆有喜

天尿

天尿一星在天廁南主候吉凶色黃則吉色青白
黑皆有憂天尿明萬物有命星微則萬物不昌不
見則人多死一曰天尿黑大人死常以春分日候
之色黃潤而明則人無疾天子憂若青黑色則國

飢人病腹疾多死○五星守天尿大人有疾天下
飢人多死○火星守天尿天下旱○客星彗孛出
天尿若守犯之大人病腹死天下人流多死○流
星入天尿若抵之天下飢民多病死

伐星

伐三星在參中天之都尉也不欲明明則有斬伐
之事伐星疎法令縱明與參等大臣有謀兵起○
月犯伐星貴臣憂○木星犯伐星兵起○火星犯
伐星有赦○金星犯守伐星大臣爲亂車騎困○

管窺輯要

卷之四十三

音

客星犯守伐星大臣誅邊兵敗

西方七宿稷座

附路乃閭道之便路天淵乃養養之穢所外屏所
以遮天淵而障臭穢天倉所以待邦用而藏五穀
土司空乃功利之官鈇鑕乃芟刈之具左更主仁
智而爲山虞右更主禮義而爲師牧軍之南門禁
出入以防奸天大將軍爲用軍兵而主武御廩之
處爲天廩積穀之所爲天慶陰密潛謀乎天陰陵
墓死喪今大陵積尸陵中之墓天阿察候山林積

水候水之災異天船主舟楫之津芻藁主積芻藁
天園以給桑盛天苑令收養禽獸天園今園圍疏
珍月星后臣之別天街夷夏之分礪石礪百工之
器天譏主讒諛之人言語樞機分卷舌持節奉使
今天節參旗天子之兵旗天高觀雲之臺榭諸王
爲王室之簪屏車柱乃天子之車舍天潢津渡河
梁咸池陂澤魚鱉殊口傳譯也遠方通俗九旂威
旗也不虞乃滅玉井主水泉而及厨用軍井及師
旅而奉軍營天屏障壅天厠天厠積穢溷園子孫
管窺輯要 卷之四十二 天

天

主孝愛而侍老者丈人主壽考而哀孤窮座旗爲
旌表尊卑天闢主闢防邊境司恆史臣也言語災
變水府水官也隄防波湧

管窺輯要卷之四十四

六安黃 鼎玉耳父纂定

男九命簡臣

九錫公位

九疇倫叙

九如眉介

侄孫珮琢成

珂先鳴


桐城方兆及子詒全閱

管窺輯要

卷之四十四

一

紫微垣內階



南方七宿總論

南方七星共五十九星其屬連太尊四十座共一百八十七星其精朱鳥井爲首鬼爲目柳爲喙星爲頸張爲喙翼爲翮軫爲尾王奕曰朱鳥其以羽蟲之長稱而曰鵠首鵠火鵠尾何也師曠禽經鵠鳳也青鳳謂之鵠赤鳳謂之鵠白鳳謂之鵠紫鳳謂之鵠蓋鳳生於丹穴鵠又鳳之赤者故南方七宿取象焉吳興沈氏以朱鳥爲丹鵠豈知四獸皆蟲之長也鵠之微何與焉俗傳井爲天井鬼爲天

管窺輯要

卷之四十四

二

井宿論

東井八星天之南門也黃道所經天之亭候主水衡事法令所以和平也王者用法平則星明而端列月五星守彗守犯主兵主水泰分災鉞一星不欲其明明與井同主大臣用鉞月宿東井有風雨南四星曰水府主水官也井南垣四星四瀆江淮河濟之精也狼一星在井南狼爲野將主侵掠色有常不欲其動動則野有侵掠兵起狼角變色多

賊盜張矢九星在狼東南天弓也主備盜賊常向

於狼張星動搖不如常者盜賊胡兵起張星張則

胡兵靖天下定亂故曰天弓張天下無兵老人一

星在張南一曰南極以秋分朝見於丙春分夕沒

於丁主壽昌常以秋分日候之於南郊見則治安

不見則兵起子孫各二星在老人之西丈人二星

在子星西國之老臣也南河北河各三星分夾東

井一曰天高天之關門也主關梁南河曰南戒一

曰南宮一曰陽門一曰越門一曰權星主火北河

管窺輯要

卷之四十四

三

曰北戒一曰北宮一曰陰關一曰胡門一曰衡星主水兩河戒間五星日月之常道也南戒動搖則中國與越兵起北則胡兵起兩戒無動兩國兵寧月五星各彗守犯並主兵起五諸侯五星在東井北主刺舉不虞理陰陽察得失主帝心一曰帝師二曰帝友三曰三公四曰博十五曰太史此五者爲帝之謀議星明大潤澤平治天下芒角則禍在其中五諸侯南二星曰天罍主盛飲食以給貧餒也積水一星在北河之東北水聚也所以供酒食

之正也積薪一星在積水兩庖厨之正也水位四星在積水東南水衡也客星水火犯之百川流溢闕丘二星在河西南變動則主宮闕之警軍市十三星如錢狀市中星多則軍食足野雞一星在軍市中知變怪又曰野雞野將也主兵

井宿說

井八星宋志距西扇北第一星去極六十九度赤道三十三度三十分自九度十八分四十二秒入赤道三十一度三分自八度三十四分九十四

管窺輯要

卷之四十四

四

秒入未日月五星貫之爲中道石氏謂之東井以其在玉井之東也亦曰天井入河中主水衡法令中平之事物之平莫如水故營國制城畫野分州皆取象焉王者用法平則井明而端列月離于井有風雨之應中有六星不欲大明明即水災井爲朱鳥之冠故盧仝詩云頭戴井冠晉灼東井主水事火入一星遶其傍天子且以火敗故曰禍成井郝萌曰流星入度所主之國火水木金水聚則中外兵連彗見七旬王者當之五旬相當之三旬兵

當之木守有土工一曰大水或兵起鎮在井下則

水出流人太白守五穀不成客星犯則大臣誅五星及客星守皆主水石氏云主旱太白晝見臣強秦有兵太白入一日以上占應在五年太白逆行入之國失政大臣亂鎮入大臣憂鎮近距星主水月犯距星有兵有赦一曰將死月掩南扇西頭第二星秦有兵將死又主諸侯帝戚三公之位故明大則封侯張衡云天之南門也黃道所經爲天之亭環又主酒食又爲女主象芒角日月食五星逆

管窺輯要

卷之四十四

五

犯大臣謀亂兵起

鉞一星在井之前不附于井自爲一座星王應電作附於井主伺奢淫而斬之故不欲明大若明大與井齊或動搖則天子用鉞於大臣故史記曰傷成鉞

五諸侯在井東北近北河主刺舉戒不虞亦曰主帝心一曰帝師二曰帝友三曰三公四曰博士五曰太史又曰五大夫此五者常爲帝定疑議張衡曰治陰陽察得失明而潤澤大小齊等則天下大

治不明則上下相猜忠臣不用芒角則禍在中國
又曰赤則豐暗則荒王應電云畿外諸侯皆聖王
建國以養民者也故列井之上一作帝戚搖動失
色則貴戚廢三公受殃諸侯戮

南河北河各三星分夾東井天之闕門南河曰南
戒一曰南宮一曰越門一曰陽戶自弘農函谷絕
江漢達嶺循漳東抵越雋東甌以爲南紀爲陽國
主禮樂之政北河曰北戒一曰北宮一曰胡門一
曰陰戶自壺口北負微垣東抵穢貉朝鮮以爲北
管窺輯要 卷之四十四 木

紀爲陰國主攻伐之政地理有南北二絡于此微
矣南界限蠻夷北界限戎狄兩界門三星之常道
也又曰南河曰權星主火北河曰衡星主水星經
云兩河六星知逆邪謂其知關梁之限故知邪偽
也南星不見則南道不通北星不見則北道阻遏
河戒動搖中國兵起史記火守南北河兵起穀不
登

天樽三星在五諸侯南王盛饘粥以給酒食之正
也張衡云盛饘粥以給貧餒則亦養民之事明則

豐暗則荒或謂暗吉後天卦位坤居西南萬物皆
致養焉故曰井養而不窮也養莫大於愛老恤孤
則貧者皆有所養矣

積水一星在河北以給烹飪供酒食之用不見爲
災又主候水旱

積薪在積水東以備庖厨之用明則人主康徵則
灾火守則大旱

水府四星在井西南水官也主隄防溝洫之事占
與水位同動搖有大水

管窺輯要

卷之四十四

七

水位四星在井東主水衡巫咸曰水位四星瀉溢
流若移動近北河則國沒爲江河大水及客星犯
守則百川盈溢

四瀆四星在井南軒轅東北江淮河濟之精明大
則水泛溢六府之中水居其先王政之所至重也
故周禮川則有衡澤則有虞溝洫則有匠人故凡
麗于天者若四瀆咸池之類皆虞衡之所職水府
羅堰九坎天淵之類皆匠人之所職歟

軍市十三星在參東南如錢狀行軍貿易之市使

有無通也動搖或變色及客星或金火守皆主軍大飢

野雞精一星在軍市中主知物價察奸慝賈人也野雞不附軍市雞自守其所司也芒角搖動爲兵

災移出軍市諸侯兵起一曰主察變恠

關丘二星在南河東主宮門外象魏天子之雙闕諸侯之兩觀也金火守之兵戰闕下

丈人二星在軍市西南主壽考而哀孤窮不見則臣下之情不得上達

管輅輯要

卷之四十四

人

子二星在丈人東主孝愛以侍丈人之側相扶而居不見爲災守常則無咎明則子孫昌

孫二星在子之東占與子同

狼一星在井東南爲野將主殺掠相侵若芒角變色多盜賊作胡兵起人相食躁則人主不靜不居其宮馳騁天下張衡云居非其處則人相食色黃白而明則吉黑凶赤芒角則兵起金火守亦然弧矢九星在狼東天弓也矢得以附弧矢一人執之耳常擬射狼正義曰矢不直狼則多盜張衡云

黑暗則天下兵起動移則多盜賊明則兵火起狼星犯天下盡兵主與臣相謀芒角張則兵起

老人一星在弧南宋志云去極一百四十三度入井宿三度所以占大人壽考者也南極常以秋分之旦見於丙春分之夕没于丁常以秋分時候之于南郊明大則人主有壽天下治安不見則兵起蓋北極在丑艮故南極在未坤南極入地三十六度不可得而見也故其精神出以見乎南謂之南郊老人然其出地亦不甚遠故隱見不常見則治

管輅輯要

卷之四十四

九

安其勢位等威蓋與中斗相埒以輔上帝故在井分井不得而司之也唐志開元十二年測影使者大相元太云交州望極纔出地二十餘度以八月自海中南望老人星味高老人星下環星燦然其明大者甚衆圖所不載莫辨其名大約去南極二十度以上其星皆見乃古渾天家以爲常沒地中伏而不見之所也馬一龍云今南海之濱爛爛煌煌森列上下皆三家之所未明者

井宿主水府度三十五度三十分中間爲黃道初

井九度外未柳四度內於辰爲未於辰爲泰於野
雍雍州賦鵜首泰雍井之與鬼東井當浴之西北
郊西西夏之邦與鬼當浴之西南盡巴蜀漢中之
地二月在張昏中西五月爲太陽躔次

井宿歌

八星橫列河中靜一星名鉞井邊安兩河各三南
北正天鐔二星井上頭鐔上橫列五諸侯侯土北
河西積水頭覓積薪東畔是鉞下四星名水府水
位東邊四星序四瀆橫列南河裏南河下頭是軍

管窺輯要

卷之四十四

十

市軍市圍圖十三星中有一個野雞精孫子丈人
市下列各立兩星從東說闕丘兩個南河東丘王
一狼光蓬葦左邊九個彎張弓一矢擬射頑狐膽
有個老人南極中春秋出入壽無窮

井宿考

鉞一星附於井足前第一星邊去二寸主司滯盜
而行斬斷南河各三星分夾東井天之關門主關
梁南河曰南界北河曰北界南界以限蠻夷北界
以限戎狄○天鐔三星在井北五諸侯南主盛饒

粥以給貧餒○諸侯五星在東井東北近北河主

刺舉戒不虞理陰陽余得失又主扶顛持危發奸

摘伏○積水一星在北河西主聚美水以給天子

酒官○積薪一星在北河東主聚薪以給享祭供

庖厨○水府四星在東井西南鉞星下主後隄防

以備水○水位四星在井東南主水衡以洩滯溢

○四瀆四星在東井南軒轅之西江淮河濟之精

也○軍市十三星如錢狀在參東南天軍貿易之

市○野雞一星在軍市中主知怪變伏奸虞又曰

管窺輯要

卷之四十四

十

野雞太將主屯營號令警急防備○丈人二星在
軍市南國家之老臣○子二星在丈人東○孫二
星在子星東所以侍丈人而扶持之○闕丘二星
在南河南天子之象魏○天狼一星在南河東南
主侵掠一曰夷將主南夷主盜賊○弧矢九星在
狼東南天子之弧矢也以備盜賊狼爲奸寇弧司
其非故常淫矢以向○老人

老人主壽考秋分之

星主水泉亦爲天之

令之所取平也石氏謂

歲三公之位明大則封侯

月臨主雨五星犯大臣謀亂火

又曰用法平則井星明而端列

星一星在井西主征討驕奢之事明大與井齊

國臣誅兵起

水府四星在鉞南經曰水府司乎百川移動則百

川盈溢

管輅輯要

卷之四十四

三

四漬四星江淮河漢也在井南主天上疏櫺積遠

之事明動則泛濫

水位四星在天鐔之南主防浸溢與水府同占

南河三星在水位南北河三星在五諸侯北俱天

大腸也經曰天河瀉流而迅奔又云南河主火北

河注水動則旱澇不均

關丘二星在四漬南經曰關丘擬於兩觀

軍市十三星在關丘西南主天軍貨易之事經曰

軍市通貨易聚主將失守大亂

野雞一星在軍市之內經曰野雞俟兵而據市主
變恠亡動兵起

狼一星在軍市東經曰狼援戈而野戰又云狼爲
野將主侵掠也移動胡兵起

張矢九星在狼星東南天之弓矢也主備盜賊經
曰張矢屬矢而承天移動盜賊盛

老人一星在狼星南一曰南極主長命之事常以
秋分之旦見於丙春分之夕沒於丁經曰老人作

主明大人主有壽

管輅輯要

卷之四十四

三

子二星在孫之西主天帝及天神之胤子

孫二星在狼之西南主天帝及天神之雲仍子孫

二星侍丈人之側不見爲災

丈人二星在子之西主壽經曰丈人督農而夜懸

天鐔三星在井東經曰天尊莫饌而翁集

積薪一星在天鐔東經曰積薪備牲庖之給明吉

久守旱

五諸侯五星在井北經曰五諸侯擬議而衡立主

理陰陽察得失明吉

積水一星在北河之北經曰積水醞燕酌之勞主供酒用不見爲殃

井八星鉞一星三十度距井南股西第一星去極六十五度半在黃道內少水星也春夏爲火秋冬爲水南方之宿爲朱雀天之南門黃道之所經也天之庭候主水衡事法令所取平也主用法平則井星明而端列動則火起一曰有水災明大有風雨海決不明差戾國弱亂政○鉞一星附井之前伺搖者而斬之故不欲明其明與井齊則用鉞於

管窺輯要

卷之四十四

古

大臣井宿之有風雨日月五星皆應其中過不應畱之守之畱守皆凶○日食井中大臣有謀月行逆北北夷亂大飢兵起水災行近東南南變大亂旱○水守之王者急多獄事若守二十日已上天下更改有土工水災人飢火守之貴臣相戮守二十日已上宮憂火五月六月有水災魚行人道火入井國大亂人飢道上多死土守之大旱不熟出入之畱三十日已上有亂兵起東北若久畱不出天下無主水守之王法相尅水入之大水爲災金

入之二十日已上天子易政兵起天下大亂○客入之有水旱泰地災

水火木金於井入內有兵喪期一年○五星凌犯及乘守芒角相連環繞成勾已三軍大破國憂兵明君出狩大荒人飢死○彗孛行犯之其分兵起易政○鉞星不欲明明則大臣犯罪去井二寸若遠則兵起斧鉞動大亂鉞星大或動有兵小則兵罷○月暈井大凶

井宿總叙

管窺輯要

卷之四十四

主

東井八星一曰天府一曰東陵一曰天井一曰天關一曰天門一曰天梁一曰天亭一曰天候一曰天齊一曰天平井星也主水泉亦爲天之南門日月五星貫之爲中道又主酒食女主之象主諸侯帝戚三公之位爲天之亭候主水衡法令之所取平也三光行不由其中道爲天下無道經之不得畱之王者心正則井星正井星正而明則法度正今明明大盛則多風雨有大水暗小不正則國弱正亂搖動變色則諸侯帝戚有廢戮三公受殃

徙則國亂憂洪水爲災鉞一星附井口第一星邊二寸主伺淫奢而斬之不欲其大明大明則鉞鉞用兵起動搖甚角則大臣多死于法者星亾則天下大水

日月變異占

日在井食雍州大旱人流千里甘氏曰泰邪不臣食盡則謀成不盡則謀不成戒之在供養之臣陳卓曰女主憂國內亂苛政行武氏曰陽弱失地食盡則天下大旱○日暈於井多陰雨大風

管窺輯要

卷之四十四

未

月食于井大臣有謀皇后憂五穀傷陳卓曰國內亂有兵張乙巳占曰水衡五祀之官有憂大臣誅食盡兵起○月食在井鉞中人流千里○月暈於井海中占曰胡兵起郝萌曰天下有兵又曰王者出遊來年旱後六個月丙辰大赦荊州占曰陰陽不和一曰國有憂事兵起人流○月暈圍井四月四夷不和一曰國有憂事兵起人流○月暈一重四夷不和二重三重陰陽不和○月以三月暈井井大水月以丑月壬辰日暈有內赦月暈井及鬼

其年旱禾不收○月行至井變色而青國有憂赤爲兵旱白有喪黑大水黃有風○月失行入井大風雨水爲災○月宿井而霧有水患○月宿井行北北夷大飢國亂○月行井南南夷國亂

月五星干犯占

月犯井刑政不平兵起人主憂乙巳占曰將軍死一曰多風雨大水爲災一曰歲荒人飢一曰水官有出者○月犯井左右星女主憂○月水火入井諸侯貴人死荊州占曰有兵○月食在井內亂以

管窺輯要

卷之四十四

未

日占國○月鉞鉞大臣誅斧鉞用內亂兵起有拔城流血破軍殺將歲星守井法令多獄事守之七日天下和平至二十日天下更改有水災五穀傷有土工一曰秦亂國守其北多暴雨石氏曰本守井河水溢黃帝占曰大飢人疾病郝萌曰大人多病有喪一曰將相死人爲大旱荊州占曰道上多死人一曰萬物不成久守之金錢易天文志曰禍成○井五星守之皆爲有兵喪乙巳占曰水守雷井其國以兵致天

下○木守井環繞成勾已有赦木入井黃帝占曰有軍在外○歲星進則兵退星退則兵進郝萌曰歲星入東井一南一北侯王憂一曰害黍稷又曰天下有土工川瀆之事雷之二十日已上易政朔一曰木入井歲飢人病乙巳占曰木入井秦國亡武氏曰易治天下○木犯井中乘之陳氏曰三者法令急多獄事其年大水人飢天下改令郝萌曰其國內外有兵起乙巳占曰人主有泥水之事大將惡之有內亂○木乘井而守之人主有法令水

管窺輯要

卷之四十四

太

中之事逐臣為亂將軍死人主憂○木犯凌井甚角相連環繞成勾已兵大起國君出走人民十死其九五星同占○木舍井若居東五穀不成居南國君病諸侯多死居西小兒多死居北有改令○木出入雷舍井三十日天下有水井一國○木逆行井石氏曰有兵陳卓曰刑壅塞郝萌曰人君出入不時木犯一同○木犯中乘凌井守井鉄鉞用大臣誅一曰賢相死近臣為亂兵起

熒惑守井三日貴臣相戮守二十日已上中宮有

大災滿六十日有大水魚行人道貴相死郝萌曰火守井百出皆溢石氏曰米貴天下名水有絕者大旱大魚死巫咸曰有逐王郝萌曰萬物不成一曰天下以軍自守一曰火守井南王后死守其西太子死守其北諸侯有死者久死守之其分民多死○火守井已上成勾已角動色赤黑貴人死北川溢兵起替環繞成勾已之起兵者事成○火中犯乘井有兵陳氏曰有以家事巫罪者天文錄曰天子以水敗荊州占曰先起兵者殃後起兵者昌

管窺輯要

卷之四十四

太

李筌曰將死郝萌曰火犯井南后死○火入井石氏曰旱其國亂有兵兵止無兵兵起大臣當之甘氏曰有疾令黃帝占曰牛大疫兵器貴一曰山水海水溢國失火有逃亡先起兵者戰不勝○火入井有赦○火入井中國守之天子宫中失火大甚角疾行入井十日將死三十日君死○火入井太白隨之成勾已天下兵起天子坐之黃帝占曰火出北河界至井于一二星將軍有野死者十二星內臣有市死者○火逆行井貴人死傷有火災○

火經井中而南出天下易主海中占曰火行井上
二丈將軍死○火行井上曜常行之道而雷守之
其國內亂一曰辰占何國○火出入雷舍井三十
日不下有破國死主○火犯守井大旱五穀不成
黃帝占曰有水石氏曰不出一年

鎮星守井大旱五穀不成黃帝占曰有水石氏曰
不出九十日有赦郗萌曰有土王甘氏曰有水人
多病一曰民飢久守之金錢易守其陽旱守其陰
水國君死以日入占國守之二十日兵起六十日

管窺輯要

卷之四十四

手

國破○土舍井黃帝占曰有賜爵祿者雷之三十
日不行人災○土入井石氏曰大臣憂荊州占曰
天下無主天文錄曰兵起東北○土入井居其中
旱土星出乃雨○土入井衍陰爲大水五穀不成
○土逆行井女主不能奉祭祀○土出入雷舍井
三十日不下石氏曰水大出人流死六十日不下
兵起有破國死君○土守犯井鐵王者惡之一曰
大臣誅兵起

太白犯井海中占曰人主浮船石氏曰將軍惡之

乙巳占曰金犯乘井皆爲國內亂兵起○太白入

井石氏曰國失破大臣爲亂兵大起天子以兵自
守郗萌曰先起兵者敗天下大水荊州占曰將軍
有戮死又曰政急民流諸侯有卒兵一曰臣有謀
上者大臣常有災○太白入井中二十日以上天
下易政一曰六畜暴興大起○太白守井黃帝占
曰水災一曰米貴將相死兵起石氏曰旱巫咸曰
君失政大臣爲盜有誅大人忌之一曰萬物不成
有大災郗萌曰兵起東南石氏曰太白守井十日

管窺輯要

卷之四十四

手

不下大人坐之三十日不下神水出歲多土工部
萌曰太白守井一東一西一南一北男不得耕女
不得織○太白犯凌乘井而守之太將誅兵起○
太白逆行井有反臣國易政兵大起秦地大歿○
金犯守井鉄鉞用大臣誅內亂兵起

辰星入井天下水災春秋文曜鉤曰蠻夷君有死
者邊兵起期一年一曰有亂臣馬貴星進則兵進
星退則兵退○水入井中守之天下易政○水犯
井馬暴貴有大臣憂石氏曰刑法不平成大惡紂

明曰胡兵起天文錄曰辰星進則兵進星退則兵退○水犯守井角動色赤黑爲水起兵色黃禍天子有喜令色惡大人憂○水守井黃帝占曰大水百州皆溢石氏曰歲早早晚水又曰法臣相戮○曰胡兵起感精符曰辰星守井去之七寸守七日已上至十五日天子殺大臣郗萌曰五穀萬物不成金錢易一曰五穀霜死歲大惡其分尤甚一曰其國大人惡之○水出入東井有亂臣○水逆行天下名水有絕者水受期不朝東井五穀不登○

管窺輯要

卷之四十四

至

水犯守井鉞用大臣誅兵起水災穀不成收

井宿去極度數考

按井宿本位居未次秦雍州之分凡三十四度六月旦在卯七月旦在辰八月旦在巳九月旦在午十月旦在未十一月旦在申十二月旦在酉十一月昏在卯十二月昏在辰正月昏在巳二月昏在午三月昏在未四月昏在申五月昏在酉井八星三十四度距西扇北去極六十九度半又井初度天之南門黃道所經爲天子亭

主水衡

法令水衡卽今工部都水虞衡司又爲天子府甘德曰井在河中主泉水日月五星貫行中道石申謂之東井亦曰天井主諸侯帝戚○井在南河北河分夾之故井位居東謂之東井今井屬南方者以舍次言如南斗名曰南斗而屬北方箕亦曰南箕而屬東方類諸侯列國君帝戚王者外親又王三公位

解見前

占曰井明大則封侯建國搖動諸侯憂貴戚廢三公帝師黜天官書云井有風雨之變王者用法平

管窺輯要

卷之四十四

至

則井明而端列月宿井有風雨又曰日月食五星犯大臣謀亂中有六星不欲其明明則水災彗孛守諸侯國謀叛兵起

鉞一星去極六十七度入參八度附井之前爲附座主伺奢淫法禁鉞者斧也伺候也奢華侈也淫荒佚也

占曰鉞星微小吉明大搖動與井同大則天子用鉞誅大臣金火守大臣因兵事受誅

南北兩河各三星南河距東大星去極八十三度

入井二十一度北河距東大星去極六十一度半
入井二十度分夾井宿夾持護也○曰天高天之
關門主關梁南河曰南戒一曰南宮曰陽門一曰
越門一曰權星主火北河曰北戒一曰北宮一曰
陰門一曰胡門一曰水衡主水越門主南越胡門
主北胡澈清考漢書越不止南又有北越胡不止
北又有東胡既曰越門胡門總一出入東西南北
俱有胡越查胡虜有八十餘種夷狄有三十餘種
胡越特總名耳○兩戒之間三光常道是謂帝闕

管窺輯要

卷之四十四

書

亦曰天街兩戒乃南界北界唐一行云天下山河
之象存乎兩界觀兩界之象與雲漢之所始終而
分野可知南戒自弘農弘農縣名漢武帝置弘農
縣於函谷關即今陝西靈寶縣也荀卿所謂秦有
松柏之塞是也唐爲虢州弘農郡函谷關名其谷
似函故以爲名道狹車不得方軌號曰天險在弘
農縣衡領山今屬陝州○絕江漢絕斷也言斷自
江漢也江水始出岷山岷禹貢云三江既人震澤
底定岷爲大江至九江爲中江至徐陵爲北江所

謂三江常璩曰漢水有兩源書禹貢所謂嶓冢導
漾東流爲漢者此東源今西縣是也其西源出隴
西嶓冢山會泉始源也曰沔經葭萌入漢者爲西
源今三泉縣是也酈道元謂東西南源俱出嶓冢
而同爲漢水者○南達五嶺達通也五嶺說不同
一曰白茫在道州汪華縣西亦名茫渚二曰永明
在道州三曰大庾在南安府大庾縣四曰監源在
源州五曰獵嶺在桂陽郡又曰一大庾二始安在
昭州平樂縣三監賀在賀州四桂陽在彬州五揭

管窺輯要

卷之四十四

書

陽在潮州揭陽縣又南康記云一大庾二桂陽甲
盼嶺三九真都龍嶺四監賀葫續嶺五始安越嶺
又文獻通考云一大庾嶺即塞上嶺也二騎田嶺
今桂陽郡獵嶺也三都龍嶺今江華縣永明嶺也
四毗洛嶺亦江華縣白茫嶺也五嶺越嶺今始安
郡北零陵郡南監源嶺也西自衡山之南窮于海
一山之限也今並錄以備考○循漳西循遵也言
遵漳水之西今福建漳州府之西屬地○東抵嶠
越抵當也嶠越唐劍南道嶠越郡今廷平府是也

東甌古有東甌城今建寧府是也○以爲南紀爲陽國主禮樂之政禮有五禮樂有六樂禮者習於度數之節文所以教之中也樂者明於聲音之高下所以教之和也備在禮經不及錄○北戒自首陽首陽山名在山西河中府一曰在遼州壺口今山西吉州有壺口山書禹貢謂既載壺口○絕上紀絕斷也上紀成紀也今秦州屬地或曰上紀卽上郡今綏德州地屬是○北負微垣負背也言背微垣崔豹古今註云塞者所以擁塞夷狄也西北

管窺輯要

卷之四十四

宋

曰塞東南曰微○東抵濊貊抵當也濊貊本東胡地屬朝鮮亦曰薺州南按辰韓北按高句驪東窮大海西至樂浪漢武帝元朔元年濊君南閭等叛朝鮮率二十八萬口詣遼東內屬地帝以其地爲滄海郡朝鮮箕子封朝鮮今遼東分野邊界屬○以爲北紀爲陰國主攻伐之政孫子曰用兵之法十則圍之五則攻之言以十敵一則圍之以五敵一則攻之又曰火攻有五火人火積火輜火庫火隊也激清考自古火攻不止五若孫臏之滅甯田

單之火牛皆誘兵以奇勝非以正用也若後漢諸葛亮之火攻最有節制紀律者是通奇門六壬太乙加以善翻禽倒將之術料敵不爽也非若今之神棍巧烟火侑食侑酒之具以愚當事當事竟信其愚誠爲可笑

占曰南主蠻夷北主胡夷兩河動搖則中國兵起兩河不動華夷兩寧南星不具則南道不通北星不具則北道不通金火守中國兵起又云動則胡夷爲變彗孛犯守兩河則蠻夷胡夷大亂中國

管窺輯要

卷之四十四

宋

天罇三黑星距西去極六十八度入井十六度在五諸侯南主盛饘粥給酒食之正孟子曰三年之喪齊疏之服飢粥之食周禮天官冢宰有酒正掌酒之政令一曰主給貧餒餒飢餓也乃賑濟之食占曰天罇居常明大動搖則旱澇飢荒賑濟行不見則國無賑濟人民飢死道路相望居常吉五諸侯五星距西北去極五十六度半入井六度在東井北近北河一曰帝師漢張良以三寸舌爲帝者師周文武師呂望○二曰帝友舜有七友並

爲歷山雷澤之遊一雄陶二方面三續牙四伯陽

五東不訾亦曰東不識六秦不虛亦曰秦不空七

靈甫漢光武有嚴光之友○三曰三公解見前○四

曰博士古者有五經博士十五人旗儲孟喜梁丘

賀京房歐陽生夏侯勝夏侯建齊后倉魯申公韓

嬰毛萇戴德戴聖顏彭祖顏安樂○五太史曲禮

云天子建天官先六太典司六典一太宰二太宗

三太史四太祝五太士六太卜周有太史佚○又

大夫漢爵二十級內有大夫官大夫公大夫五大

管窺輯要 卷之四十四 夫

大唐文官散官有二十九階內有光祿大夫金紫

光祿大夫銀青光祿大夫正議大夫通議大夫中

大夫奉中大夫中散大夫朝議大夫朝請大夫朝

散大夫此五者常爲帝定疑議又曰主刺舉戒不

虞解見前又曰主治陰陽察得失三公調理陰陽太

史審究得失

占曰五諸侯明大潤澤大小齊等則國福主天下

大治苾角天下相猜忠良不用彗孛守國亂兵起

積水一星去極五十四度半入井一十八度在北

河北水官所以供酒用一曰給酒食官又主水災

水官卽今光祿寺官因有天鑄故主酒官也星名

積水故主水災

占曰積水不見主水災彗孛犯酒有醜毒

積薪一星去極六十五度半入井二十七度在積

水東主備庖厨用烹飪事飪者烹調生熟之節

占曰積薪明人主安享火守積薪庖厨中有火災

水府四星去極七十六度入參七度在井西南

水官主隄防溝洫事水官卽今工部都水司官周

管窺輯要 卷之四十四 夫

禮地官之職凡治野夫間有遂人之職九夫爲井

井間有溝百夫爲成成方十里成間有溝洫深廣

各八尺

占曰水府明大則江河泛溢不見則塞壅關梁不

通土犯則水道阻

水位四星距西去極七十三度半入井一十八度

在井東主水衡又主水瀉溢瀉注也溢滿也言水

注滿而溢流

占曰水位移入北河則國沒爲江河水土守百川

益溢

四瀆四黑星距西南去極八十六度入井二度在井南南河裏爲江河淮濟之積江瀆源出岷山今松州廟在益州建寧縣河瀆源出崑崙今西域廟在河中府龍門縣淮瀆源出桐松山今唐州廟在唐州桐栢山濟瀆源出王屋山今孟州又曰出玉聖山廟在河陽濟源縣益瀆者獨也言皆獨源注于海者

古曰四瀆明大則水泛溢

管窺輯要

卷之四十四

手

軍市十三星如錢狀距西去極一百零七度半入井初度在南河下參南乃天軍貿易之市貿易言交相換易處

占曰軍市居常吉客守有好聽軍情者金火守則軍大飢彗守則天下盜賊侵行標掠亂市兵起野雞一星去極一百零九度半入井四度在軍市中知變怪虞伏姦格物論云山雞鵠也亦名曰錦雞漢呂后名雉因改名曰野雞左傳昭公十七年剡子曰雉有五雉曰鵠雉曰鵠雉曰鷺雉曰鷺

雉虞憂也伏潛

憂防潛伏姦邪人

古曰野鷄如常天下寧芒刺奸邪狗盜擾亂市民客守奸邪伏市潛營探聽軍情爲奸金火守兵起彗守盜賊滿野天下不寧○漱清考野雞乃野外寇盜侵掠百姓禦奪人財物者乃竊鉤類非竊國類至秋八九月觀野雞狼星凶角動搖每每有驗

孫星二黑星距西去極一百二十五度入井六度

在子星東主孝愛侍丈人相持而居孝經云愛敬

管窺輯要

卷之四十四

手

盡於事親又曰因親而敬大學云孝者所以事君也孟子曰事孰爲大事親爲大又曰班白者不負戴於道路矣俱孝愛相持意

古曰孫星如常吉不見則有灾

子二黑星距西去極一百二十五度入參九度在

丈人東古主與孫同

丈人二黑星距西去極一百二十八度入參四度

在軍市西南主壽考而哀孤惇老人之象又曰主

壽考之老臣丈人老人之通稱書洪範云九五福

一曰壽言人有壽而後能享福五曰考終命言順受其正也

古曰丈人星明則老臣多壽天下老人亦有壽不見則天下老人多死

關丘二黑星距東去極九十一度半入井十五度在南河東主象魏天子之雙闕諸侯之兩觀所以別尊卑象魏解見前雙闕乃左右闕兩觀東西觀易云上古穴居而野處後世聖人易之以宮室上棟下宇以待風雨自漢以來天子獨稱為宮闕諸

管窺輯要

卷之四十四

三

侯稱為宮所以別尊卑觀者樓上也

古曰闕丘居常吉土木中有修作事金火守有火灾客守奸細入闕門葺宇守兵戰闕下大亂宮中張矢九星距西南去極一百二十三度入井一十二度在狼星東南天弓也外一星矢也常向狼主備盜賊行陰謀易繫詞云弦木為弧剡木為矢張矢之利以威天下弦直也剡利也又曰主伐叛懷遠言征伐反叛之國懷柔四遠之人

古曰張矢大而齊明潤則天下寧失常盜賊蜂起

屈曲則夷狄來服青黑國憂張矢引滿君臣相謀天下兵起芒角海內兵起張矢不直盜賊橫行狼張害及胡天下乖亂又曰張矢張天下盡兵張矢擬射頑狼胸僅對狼星者天下無盜賊不劉盜賊滋繁

狼一星去極一百零七度半入井一十度在井東南為野寇盜賊主殺掠野寇言盜賊潛隱山林出沒不時標掠人財禦奪人貨者澈清考野寇盜賊者如梁山宋江類非穿窬小賊

管窺輯要

卷之四十四

三

古曰狼星色欲黃白無光芒不動搖則天下寧居光芒四張動搖變色天下盜賊滿野標掠百姓明盛則海內兵起動搖胡兵大起躁怒則盜賊出入無禁忌白芒則白衣之徒聚天下有兵赤則尤甚金犯赤芒四野兵起狼移徙則人相食狼為盜賊奸寇張司其非故注矢以對之矢直則狼不敢動盜賊不起若張矢不直則賊盜橫行張矢動搖則盜賊多

老人一星去極一百四十三度入井一十三度在

張矢南主天下壽嘗以秋分之際候之南郊見則治安天子壽一日南極此言極者非樞機也蓋以其所處在於極南近地故也宋中興天文志云南極老人司天下人壽蓋北極在艮丑南極在未坤南極入坤地三十六度不可見故其精神出地以見乎南謂之南極老人然其出地亦不甚遠故隱不常見則爲祥其勢位等威與中斗相埒以轉上帝故雖在井分井不得而司埒環也愚按中斗諸書不載考之北斗卽中斗引天官書曰斗爲帝車

管窺輯要

卷之四十四

壽

運於中央監制四方居極之南自北而觀之故曰北斗

占曰老人星常以秋分後五日旦見丙方春分前五日夕見於丁方明大潤澤天子壽昌天下人亦壽不見主天下多疾疫

井宿雜座

南河北河

南河北河各三星分夾東井一日天高一曰天亨天之關門也主關梁南河曰南城一日南宮一日

南紀一日陽門一日南門一日越門北河曰北成一日北宮一日北紀一日陰門一日北關一日胡門南河成爲權主火一日南成北河成爲衡主水一日北成南成間爲天中道七曜之所常行行而過之則吉不得久畱則殃咎生焉南河星明則天下安不明則四夷交侵動搖則邊兵大起星不具則有大道不通南星不具則南道不通北星不具北道不通

管窺輯要

卷之四十四

星

月入南北河成門天下人疫南成爲中國北成夷狄之國月行南河成中若犯之兵起中國凶大旱人疫男子多死月行北河成中若犯之兵起夷狄凶大水人疫女子多死○月出天門中道之南大臣憂天子惡之○月出天門中道之北狄王死月暈南北河有土工月行南河成南刑法峻急誅罰不當兵起且大旱月出天門中道之北而行北河成北入君失道奢侈貪淫自恣兵起大旱近期三年遠九年灾禍至○月入北河冠帶之國兵盡起歲星行南河成中四方兵起百姓疾病○歲星乘

南河戍若出其南中國起兵○歲星乘南河夷狄兵起邊界有憂有旱災人飢○木星留守南河戍中爲喪人病男子多喪出北河若乘北河戍爲女子喪乘北河戍若出其北狄王死○木星守北河狄兵動若守三十日不下狄王死狄人敗天下大水人飢不出二年○木星守北河邊臣有以罪死者○木星守兩河天下離隔道路不通○木星入北河戍天下有覆囚移繫一曰大臣誅

熒惑行南河戍中大旱四方兵起民疾病○火星

管輅轉要

卷之四十四

彗

中犯乘守南河戍天下兵盡起大旱大疫男子多死守之二十日至三十日國有男喪荊州占曰火星守南河兵起守之三十日以上百川皆溢五穀不成大旱災邠萌曰火星守南河戍大國主重不吉子伐父有旱火之灾石氏曰火星守南河蠻夷兵起邊戍有憂人飢玉曆曰以火爲害火星守南河之西星水菓不實蝕其西星有兵蝕其東星天下大戰○火星逆行犯守南河國有喪人主當之火星逆行犯守北河國有喪人主當之○火星入

北戍中去臣有盜職者若留止之天下兵悉出○火星入北河戍從西入六十日有喪從東入九十日有兵○火星守北河戍狄兵大起人境若守之二十日狄兵敗○火星守北河戍大國女主重不吉天下大水人飢不出其年○火星守北河環繞之成勾已狄王死○火星守天闕日月之門入主絕祀以入日占國大喪內亂○火星舍北河戍二十日國有女喪○火星舍北河戍天下有覆獄移繫一曰大臣誅○火星舍兩河間留二十日河關

管輅轉要

卷之四十四

彗

不通諸侯逆命留三十日百川皆溢兵起天下困穀不登天下中隔不通○火星舍南闕下爲飢○火星出北河戍守北河若環繞之邊將有不請命而伐夷狄者勝火星行北河戍北去北戍三丈當復發千人以上去北戍二丈復發萬人以主去北戍一丈城閉道無行人○火星蝕北河西星人相食蝕其東星五穀不實兵起

鎮星守南河兵起道不通蠻夷兵起邊戍有憂旱災人飢○土星守北河戍西五穀不實○土星守

天門天下道路不通○土星守北河夷狄兵動若
守三十日不下狄王死狄人敗天下大水人飢不
出二年○土星守兩河戌有賜爵祿不出六十日
有赦有土工事○土星乘南河出其南中國旱民
災出其北北狄災○土星行南河戌中爲旱人疾
疫有男子之喪○土星出北河戌北若乘之狄人
死有女喪有大水

太白守南河天下難起道不通蠻夷兵起邊戌有

憂旱災人飢一曰邊臣有謀諸侯兵起君憂敗公

管窺輯要

卷之四十四

元

太白守北河戌邊戌有謀兵起關梁不通主憂期
一年鄒萌曰有內謀有白衣之會四夷相伐狄兵
動守之三十日不出狄人敗狄王死天下大水大
飢不出其年○太白畱止南河戌中旱人疾疫
有男喪畱之三十日有奸謀太白舍南河戌三
日百川皆溢太白乘南河戌若出南河中國兵起
○太白乘北河戌若出北河北皆爲狄土死若畱
北河戌中三十日必有自來之王將其民降中國
畱之過三十日四夷大亂太白從南來南夷當之

東西北亦然○太白行南河戌中若畱止之爲
方兵起大疫○太白犯南河臣有謀若兵起夷狄
君憂○太白舍北河戌三十日國有女喪太白畱
止北河戌下中國之兵所向皆勝太白入北河戌
中而畱止不出百日天下之兵悉起並戰金火俱
在天關中有大事有分國○太白行兩河中道不
去而守之天下離隔不通出陽門中爲旱爲疾出
陰門中爲水爲兵

辰星守南河戌兵起蠻夷亂邊城憂有旱災人飢

管窺輯要

卷之四十四

元

○水星畱南河戌中爲兵起西方水行南戌中若
畱南戌爲旱爲飢爲疾水星守北河夷兵起邊臣
有謀若畱止天下兵大起○水星出北河戌間而
畱守之狄兵人以敗去○水行兩河天門中不去
而畱守之天下有難道不通天下乖離○水星乘
犯南河戌出其南中國有兵

客星出南河戌有男子喪於外入南河戌有男子
殺於內客星出南河蠻夷兵起道不通○客星人
南河大旱人飢○客星出北河戌狄兵動關河塞

有憂北河成多星民不治將失職狄爲暴○客星守南河民多瘟病○客星入北河有大喪於外有水災人飢從東入九十日有兵從西入六十日有喪客星入北河諸侯有奸謀有狄兵○客星守北河大水狄爲暴奸臣在中后有乳疾○客星守南河成若犯之天子出走大臣執成天下有難客星見兩成間奸臣在內○赤星守北河成臣賊主大臣誅

流星犯南河蠻夷兵起防成有憂一曰有喪旱○

管輅轉要

卷之四十四

四

流星入南河兵起人飢客星抵兩河間天下大飢○流星入北河爲水爲飢一曰狄兵入中國關梁不通○流星絕兩河間天下有難道路不通

彗孛出南河蠻夷起兵邊成有憂若關吏有罪者○彗孛出北河成狄兵起邊城憂○彗孛守南河大旱○彗孛守北河大水狄兵入中國以敗去蒼白氣入兩河成間兵大起道不通出之則禍除○蒼白氣入北河邊兵動又爲疾病狄王死○黃白氣入河成間隨河行天子出德令逆河行客來

和親○赤氣入南北成間天下有難道路不通○赤氣出兩河間天子用兵於諸侯

積水

積水一星在北河北一名聚水主聚美水以給天子酒官其星明則天子安宴享禮行不明則五穀不登宴享禮廢徭役繁多人民憂明大動搖則河海決溢津梁不通一曰星明則水大出則涸邑五星犯守積水有水災水動不成水兵起魚鹽糴貴人飢○火星入積水若守之旱且水至咸曰大

管輅轉要

卷之四十四

五

臣誅

客星犯積水兵起天子宮門宗廟不祀大臣憂○客星出積水天下水溝爲災有土工隄防之事不出一年

星抵積水若入之有大水舟楫用人大飢○彗孛犯積水兵起宮門宗廟毀絕大臣憂○蒼白氣八積水天下水災

五諸侯

五諸侯五星在東井東北近北河一曰帝師二曰

帝友三曰三公四曰博士五曰太史主爲天子定疑土官也主中舉戒不虞又主扶顛持危發奸摘伏察陰私隱匿之事星欲其均明明大潤澤大小齊等則王者吉昌輔臣忠正差戾不明則忠良屏斥上下相猜動搖則王者不安天下憂五諸侯生角則禍從中起移徙則外牧傷天子避公卿逃五諸侯不見貴人有謀主者五諸侯亦則歲豐暗則歉

月犯五諸侯諸侯有誅死者

管窺輯要

卷之四十四

星

五星中犯乘守五諸侯諸侯死以所中命之期三年○五星入五諸侯兵起伺其出日數之期二十日發兵又以始入日數之率一日期十日兵罷凡入列宿皆如此期之

歲星犯五諸侯兵大起將士出諸侯有憂○歲星守五諸侯臣有謀主者議臣不忠若以罪黜木星中犯乘守五諸侯諸侯有以兵死者

熒惑守五諸侯人主愚弱諸侯有奪地誅死者○

火星犯五諸侯若守之兵大起諸侯憂有兵死者

期三年○火星逆行犯五諸侯秦國不可與兵先起者凶後起者昌火星犯五諸侯大臣誅反事不成

鎮星犯五諸侯若守之兵大起將士出諸侯有死者土星中犯乘守五諸侯所中者殃

太白辰星中犯乘守五諸侯兵大起諸侯有死於兵者金星犯五諸侯先舉兵者敗

客星犯五諸侯王室亂天下兵大起宗廟不祀○

客星出五諸侯大臣有憂執政者有罪議臣有黜

管窺輯要

卷之四十四

四十三

者○客星守五諸侯天子親屬失位大水五穀大貴民路死秦地尤甚荊州占曰諸侯亡地秦地天殃○赤星守五諸侯天下大亂

流星入五諸侯有大喪以星入日占其國○流星出五諸侯諸侯有反者其星中散絕諸侯坐其殃

咎

彗星犯五諸侯兵起王室大亂天子宗廟不祀

曰州牧及西方諸侯失土執政臣誅若有被誅者

貴人當之入主有憂遠不出五年○彗星出五諸

侯兵起廟廊之中一日九合諸侯牧守皆反

蒼白氣入五諸侯諸侯有黜死者

天鐸

天鐸三星在井北五諸侯南主盛饘粥以給貧病其星明則吉暗則凶○五星犯守天鐸民飢

積薪

積薪一曰在積水東聚薪也以給享祀供庖厨其星欲明明則五穀熟享祀修庖厨足不明則庖厨空虛天下旱歲不登入飢國憂積薪不明君臣不

管輅轉要

卷之四十四

樂宗廟不享積水積薪相去五尺以內

平五穀豐相去一丈以外天下飢荒

下和

五穀犯積薪若守之五穀不成民飢流亡○水星

守犯積薪大旱人飢金水守犯積薪兵起○火星

守犯積薪大旱川易道庖官以火爲憂五穀早傷

客星守犯積薪有亂臣在宗廟○流星抵積薪厨

官憂之天下以薪蒿爲憂○客星出積薪有以薪

蒿之事致罪者

彗孛犯積薪有奸在宗廟赤星入積薪火焚積聚

水府

水府四星在東井西南水官也主設隄以備水其星明大異常則有水災他星犯之占同水位

水位

水位四星在東井北西南列主水衡以洩滯溢水官也星贊曰水位四星瀉溢流石氏曰衡平尚水水平而後流其星微小如常則雨澤時天下平安明大則大水橫流五穀不登民以水飢變色失常則兵水俱起水位土近北戌則國沒爲河以變起

管輅轉要

卷之四十四

日占國

五星犯守水位天下以水爲害津梁阻塞一日大

水入城郭傷人民期二年○五星守水位出其北

大水出其南大旱○火星守水位下田不位

客星守水位百川泛溢客犯水位大水河決水道

不通水賊兵起水官憂一曰臣下有謀兵起期三

年○客星犯水位水道阻塞有伏兵在水中以水

爲害若在水位臣下有謀兵起

流星入水位天下有水河溢流五穀不成天下大

飢人流亡○流星出水位色青黑所之國大水色青黃所之地大旱

彗孛出水位天下大水五穀不登人民飢兵起○彗孛犯水位水道不通有大賊以水爲害天下大水大飢流亡○黑氣入水位大水赤氣入水位大旱

四瀆

四瀆四星在東井南軒轅之東江河淮濟之積也其星明大搖則大水泛溢

管窺輯要

卷之四十四

星

闕丘

闕丘二星在南河京天子之象魏其星動搖宮闕間有變○金火守闕丘兵戰闕下○客星出闕丘宮闕之間有奸臣有賊○彗孛出闕丘天子離其宮闕一曰宮闕之中有兵大起彗孛犯闕丘帝王滅○赤氣入闕丘宮中火災天子不安其居

軍市

軍市十三星如錢狀在參南天軍貿易之市水官也軍市中小星眾則軍食足少則軍乏糧市空則

士卒離叛

月入軍市兵起人主憂○五星入軍市天下以飢起兵若守之軍飢士卒逃散

客星入軍市軍中有刺客○客星出軍市軍中大飢將走士卒逃亡無軍在外客星出入軍市兵起○流星入軍市大將亡○流星入軍市軍無糧食○一曰有客使軍中以五色占其所從來○彗孛出軍市大兵起大飢兵乏糧士卒離散軍民多死赤氣入軍市軍中大驚

管窺輯要

卷之四十四

星

野雞

野雞一星布軍市中主知變怪熯伏奸又曰野雞大將也主屯營軍之號令警急設備其星明大則將勇兵強不明則將弱士卒離散亡角動搖則兵起野雞野將也主兵野雞出市則天下兵相攻

以下至老人于犯市中屬抄本闕失

客星犯老人天下老人火災兵起○客星入老人爲政不和入守之天下人疫兵起老人行客星出老人兵起老人不安○客星色黃潤光澤守老人是

證扶老其國昌老人安

流星出入老人老人憂疾流星抵老人大兵起老
者行○流星冲南極老人天下大安風雨順時天
子昌壽

尋字出老人人主受殃老人不康○白氣掩入老
人王國絕

天狼

狼一星在井東南主殺掠一曰天陵主南夷主盜
賊金官也其星色欲黃白無光芒不動搖則天中

管輅輯要

卷之四十四

星

寧色赤而大光芒四張動搖動變則天下亂兵大
起盜賊橫行百姓憂危狼爲盜賊弧爲弓以備盜
賊故弧常射狼矢端直則狼不敢動而盜賊不起
狼星搖動則狄兵大動人主不居其宮操怒則人
主好馳騁狼又主羊犬狼星易處則天下大飢兵
滿野狼星白芒則白徒聚天下芒角則多盜賊色
赤則兵大起色黑則國有憂

月犯天狼有兵陣而不戰一曰兵起小戰有水事
月犯天狼外夷相謀月暈狼張兵起○五星

天狼兵車滿野盜賊塞路一曰狄兵入中國一曰
野獸大多死大將出行其國有兵以入日占之一
曰有死將多盜賊人主憂

火星守犯天狼諸侯相攻夷狄將死狄有自反其
主者○火星守天狼天下發兵將軍有千里之行
若○己環繞之大人憂太白占同

客星守天狼夷狄來降鄰萌曰邦失大臣色赤者
得色青黑者凶若犯狗大貴荊州占曰有圍城以
入日占其何國客星出天狼若守之天下兵起多

管輅輯要

卷之四十四

星

盜賊將相有千里之行遠不出三年
流星抵天狼兵大起大將有千里之行將軍有死
者○流星抵天狼破之秦國有殃先起者凶期二
年

彗星出天狼國有急兵大將軍有憂若守之有千
里之行有大戰流血軍半死一曰天下盜賊起有
白衣之會○赤星入天狼狄兵入塞民大恐憂

張矢

張矢九星在天狼東南天弓也以備盜賊狼爲奸

寇張司其非常故注矢以向狼張不張矢不直則天下盜賊橫行張矢主備非常其星大而齊明色黃潤澤則天下息兵變色非常則天下兵起張主武官張張迎戰者不勝張動先用兵者吉後起者凶狼旗七星屈曲則夷狄可攻狼旗者張也洛書曰狼張張害及胡又曰黑帝之亡也狼張張張色青黑國有大憂張矢引滿則君臣相謀天下兵悉起亡怒則天下交兵矢不直則盜賊不禁

月行入張矢臣踰其主○月暈張矢及狼星兵大

管窺輯要

卷之四十四

五

起狗多暴死人相食○五星守犯張矢貴人多死大將有千里之行守之兵大起多盜賊以入日占國郊萌曰羅大貴人飢有兵戰國大驚

客星入張矢南夷有來降者亦爲蜀○客星守張矢野將死石氏曰主將弱外夷大飢有兵若張星張則先起兵者利後起者不利○客星出張矢兵出入張矢兵入巫咸曰客星出張矢若入之其國有兵大人驚貴人多死士卒出行不出其年○客星舍張矢秋雨五穀不收舍張矢左右臣有伺其

君者

流星入張矢天下兵起諸侯相攻弓矢貴秦負兵期一年流星入張矢有屠城殺將○流星犯冲張矢夷狄大起兵大動大戰流血

彗孛出張矢弓矢大用國亂民驚盜賊橫縱○彗孛出狼張間人主以侵欲起怨外夷反叛赤氣入張矢天下驚恐一曰狄入中國○黑氣入張矢狄中疫作

鉞星

管窺輯要

卷之四十四

五

鉞一星附井之前不欲其明明與井齊則鉞加大臣○月五星犯守鉞星爲斧鉞用客星犯鉞星將卒死彗孛犯鉞星主易地一曰秦受殃

管窺輯要卷之四十五

大安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

呵先鳴


桐城方兆及子詒全閱

管窺輯要

卷之四十五

一

星 軒 轅



鬼宿論

輿鬼四星天目也主視明察奸謀東北星主積粟
 東南星主積兵西南星主積布帛西北星主積金
 玉中央白氣爲積尸主死喪祠祭一曰鉄鉞主誅
 戮鬼星明大五穀成不明百姓散兵起大臣誅月
 五星客彗守犯歲不成犯積尸人死如山秦蜀分
 災其北四星曰耀主烽火南六星曰外厨享燕之
 厨也天狗六星在鬼西南變常天下有大盜天社
 六星主社稷東北一小星曰天紀彗孛犯則禽獸

管窺輯要

卷之四十五

二

鬼宿說

鬼四星宋志距西南星去極六十九度半赤道二
 度二十分黃道二度二十一分鬼下四尺爲七曜
 中道主視明察奸謀天之目也東北星主積馬東
 南星主積兵西南星主積布帛西北星主積金玉
 隨其變占之明大則五穀成暗則人離散動而有
 光則賦歛重徭役多移徙人愁政令急歲守五旬
 不下民有大喪百日不下民半死亡若歲犯東南

星兵起火入賊在夫人側忠賢戮死國多蝗金入有兵將軍死又曰亂臣在內又曰病在女主太白晝見泰有兵土入或逆行而入有土功又主斬殺故鬼一名鉞鑽月犯五星入皆王大臣誅一作人多疫又主犯事祖考之象故主死亡月犯西南星有錢令主賜羣臣錢有差水守十日金帛散於諸侯一作穀貴民饑中央一星名積尸者亦曰積尸氣謂之氣者但見其氣而已謂之尸所以象神者也晉灼曰鬼五星其中白者爲質火入與鬼天質

管窺輯要

卷之四十五

三

占曰大臣有誅故史記謂誅成質飲其忽忽不明則安木食積尸則天下有妖言小人在位君失權人多死火入犯積尸大人憂其氏曰積尸搖動失色則疾病金火合於東北星五寸許則地動民多疫若災惑犯鉞而土犯鬼則大臣憂而宗廟改積尸明兵起漢桓帝建和元年八月壬寅夜火犯鬼質星二年二月辛卯火行在鬼中更詳之
燿四星在軒轅尾西亦曰烽燿主烽火備警急邊城之候暗則安明大甚則邊警急動搖芒角亦然

一作主變國火供明水燧人司火之官故明吉暗凶

天社六星在弧南老人之東乃天社之神其位坤其氣未明直則社稷安暗小則危若動則臣謀上隋志云共工氏之子句龍能平水土故祀之以配社其精爲星焉

外厨六星在柳南天子之外庖主烹宰以給宗廟明吉暗凶與天厨同占

天記一星在外厨南主知禽獸之年齒所謂獸人

管窺輯要

卷之四十五

四

也不見及金火守則禽獸多死或作天紀天狗七星在鬼西南狼之北橫於河中以備盜也移則兵起金火守犯則盜多人相食
鬼宿主祠祀死喪誅斬度二度二十分內四尺爲黃道餘見井宿下

鬼宿歌

四星冊方似水櫃中央白者積尸氣鬼土四星是燿位天狗七星鬼下是外厨六星机星次天社六星弧東倚社東一星是天紀

鬼宿考

耀四星在軒轅尾西亦曰燁耀主烽火備警急○天狗七星在狼北鬼宿西南橫河中以守賊也○天社六星在弧東南社神也○外厨六星在柳南祭祀宴享之厨○天紀一星在外厨南主知禽獸齒歲

鬼四星一曰天目主察奸偽又主疾病死亡又主祠祀忽忽不明則五穀不成人多死亡搖動則賦歛重政令急妖魔出現兵起東南一星主積

管輅轉要

卷之四十五

五

兵東北一星主積馬主斬殺西南一星主積布帛西北一星主積金玉其中央色白如粉絮者謂之積尸氣

積尸一星在鬼宿之內一曰天尸主葬埋祠祀之事○耀四星在鬼之西北軒轅之西亦曰燁耀主烽火以備倣急星不欲明亦不欲隱小而不明則天下安○天狗七星在鬼宿西南以備賊也經曰天狗吠盜而映漣移徙則多盜○外厨六星在鬼宿東南祭祀宴享之厨也占與天厨同○天記一

星在外厨東南主知禽獸齒歲凡有烹宰不天勿不殺孕故處外厨之門金火守則禽獸多死○天社六星在天記西南社神也明直則社稷安

鬼五星中為積尸氣三度距鬼西南星去極六十九度在黃道內太土星也春夏為水秋冬為火天目也主窺視奸謀東北星主積馬東南主積兵西南主積布帛西北主積金玉隨變占之中為積尸主死喪祠祀一曰鉄鑕主斬誅天積尸能變中星如粉絮一言天尸又名鎖星鬼又為朱雀頭以為

管輅轉要

卷之四十五

六

天廟尸星不欲明明則兵起大臣謀鬼害人民多疾疫人死如丘山見明大各成不明百姓散鉄鑕用飲其忽忽不明則安明兵起大臣誅一曰大臣叛動則視聽不正人多死有祭祀事

日月食鬼中貴臣有憂天下不安○木入守犯積尸國有大喪久守五十日天下人死半火入守天尸若十二月從七方來入守則人多死大臣被誅餘月災輕○火環繞成勾已有大喪天子皇后忌之有兵起有赦一曰旱災○土入守天尸皇后有

憂大臣謀主土入守之一曰將軍有憂兵起國有大喪臣叛○水入守貴臣反執法官被誅又主水災兵旱○客入守大尸男夫多死守西老人多死居東丁壯多死守南布帛貴守西金玉米貴○彗孛行犯之國內兵起亂天下人多死君王不安之象

鬼宿總敘

鬼宿四星曰輿鬼一曰天目主視明察奸爲朱雀頭眼一曰天廟主祀事一曰天訟一曰天樞一曰

管窺輯要

卷之四十五

七

天壙主疾病死喪土星也其中爲日月五星中道東北星主積馬東南星主積兵西南星主積布帛西北星主積金玉井有變則占其所主其中央色白如粉絮者謂之積尸氣一曰天尸主死喪祠祀一曰鉄鑕主刑罰主誅斬天尸如雲飛如星飛見氣而已不欲其明明則鬼害人多病死其分外四星甚明明則五穀不收民離散穰徙則政急動搖則役煩賦重其殃爲君死國亡連年水害鬼質明則兵起臣謀主民流亡動搖則疾疫兵水之災並

起人死如麻

日月變異占

日在鬼食國有大喪天下不安一曰皇后貴人憂一曰泰國君當之○日暈於鬼其分有兵武密占曰大臣誅不則有廢黜一曰有大喪○日在鬼食貴人憂一曰后有憂不出一年武密曰大臣有誅者天下不安

月暈於鬼石氏曰秦粟貴三倍海中占曰大旱荆州占曰有兵不戰一曰其分旱五穀大貴一曰歲

管窺輯要

卷之四十五

八

惡多霧霜雪多死蟲○月以夏三月暈鬼大雨五穀不成皆在月初○月以正月上旬暈有赦期三十日卻萌日月以一月兩暈鬼病多死人○月以夏三月暈鬼多大霧多雹多雨水有蟲災一曰一暈爲寒再暈爲小水三暈爲大水五穀不成○月以四月七月十月暈鬼中出氣皆爲人死東行爲老公南行爲丁壯西行爲老嫗北行爲少年皆期九十日一曰月以正月上旬暈鬼有大赦一歲再暈鬼亦赦期百八十日○月宿鬼而霧有兵戰主

人不利

月五星干犯占

月犯鬼民疾疫祲萌曰兵在外將死一曰大臣誅國有憂武密占曰貴臣女主憂天下人民不安諸臣有憂○月犯天尸亂臣在內陳卓曰內亂大臣有誅一曰秦邦君憂○月入鬼人主憂寶物出一曰人多病死從南入爲男從北入爲女從西入爲老人棺木大貴○月食鬼女主憂貴臣死有大喪謀臣憂糾彈之官有凶○月食天尸其分兵喪土

管窺輯要

卷之四十五

九

工起鉄鎖用○月犯鬼西南星布帛貴有錢令犯西北星金玉出犯東北星馬多死犯東南星兵大起
歲星守鬼巫咸曰天子賜諸侯金王錢布帛石氏曰人主有祭祀事祲萌曰五穀傷民饑死人主以命終人多病枉死天文論曰外邦諸侯有來朝者○木守鬼十日以上金錢大出水守鬼西南五日以上秦漢之地必有反臣海中占曰木守鬼出其北早出其南多雨水五穀不熟出其左右貴親坐

之又曰木守鬼角動有謀逆者色黑謀不成伏誅

石氏曰木守鬼五十日不下民有大喪百日不下

民半死○木守鬼居東北麻豆成若東南豆麥熟

居西北黍稷不成居中央歲凶乙巳占曰木守鬼

入之十日以上金散於諸侯期六十日○木入鬼

相出或敗死石氏曰木入鬼十日以上金錢散石

氏曰木入鬼大臣誅一曰亂臣在內國有喪有妖

言小人在位天子失御○木入鬼食天尸石氏曰

天下死者大半王者疾病有兵又曰諸侯大臣有

管窺輯要

卷之四十五

十

戮死者其國有大喪荊州占曰亂臣有亂兵起有屠城一曰在丑月則災甚○木逆鬼其君不聰明用度無窮石氏曰木逆行鬼出其陽男子災出其北女子災出其左右貴人災出其中天子當之若逆行鬼犯食天尸則有大兵鉄鉞用大臣誅天下有積尸若十二月其災尤甚一曰木逆行守鬼其色怒者先憂後喜○木犯鬼穀傷人饑王者以疾終近布帛發布帛近金玉發金玉近馬發馬近兵發兵犯約七寸守約三日他準此○木去鬼諸侯

憂入鬼諸侯世子有死者期六十日去天高入鬼
大人死不出百二十日○木留舍鬼處其東北麻
豆成稻不成舍其東南豆麥成人有渴死者舍其
西南天下多死喪舍其西北黍稷成麥不成早蠶
惡晚蠶成黃帝占曰木處鬼南有易君處北易相
處西老人死一曰姪婦多死

災惑犯鬼黃帝占曰女王失勢一曰國有大喪大
臣誅其氏曰執法有戮荊州占曰忠臣戮死不出
一年石氏曰旱多火災大臣憂一曰有女喪大將

管窺輯要

卷之四十五

主

死兵起火入鬼大賊在成人側一曰有兵喪金玉
用有大赦黃帝占曰財寶出物貴天下大疫○火
入鬼犯天尸其氏曰兵起天下大戰流血有沒軍
死喪三十日不下有大喪人溺亡死者大半期三
年黃帝占曰火入鬼中留三十日以上兵起大戰
多死者人有火喪石氏曰火入鬼中五日后死七
日相死四月國君死巫咸曰火入鬼將相有誅死
者一曰有內亂兵大起有屠城白骨滿野○火舍
鬼君疾疫人疫應在冲郁萌曰風雨不時多霜雪

管窺輯要

卷之四十五

主

舍西北姪婦多死舍其中小兒多死人多頭病目
痛舍東北長年多死有大水舍東南老人多死○
火出入留舍鬼五十日不下國水傷有空邑○火
守鬼黃帝占曰女王病留十日諸侯大人當之留
二十日太子當之又曰火守鬼東南七日少年病
守十日老人病守其中君憂郁萌曰火守鬼東北
男女兵相殺守東南民多死守西北夷狄叛有反
軍守西南人主惡之秦地有反者一曰火守鬼天
下男子疾荊州占曰火守鬼東北星宿木貴守東
南星主穀貴守西南星金錢貴守西北星鐵器魚
鹽皆貴百倍石氏曰火守鬼貴相戮一曰國有祭
祀之事一曰天下大疫物貨皆貴巫咸曰有兵兵
罷多水災五穀皆不成一曰火災一曰執法令有
坐罪者一曰出其南旱出其北水○火舍鬼已去
之復還居之大國之君必凶殃○火出入留舍鬼
成勾已至尊失宗廟期六十日若百八十日○火
逆行鬼有火災自柳還至鬼人相食一曰女王不
印○火經鬼中還守西北角外角有逐王來降者

○火逆行守鬼成勾已王者惡之兵起金錢玉帛散出將軍有戰死者期不出其年○火入鬼而守其中天下白衣聚土工興○火中犯乘守天尸皆爲國有大喪兵在西北有殃軍死將苦以十二月從西來入守之則人多死大臣被誅他月則災輕若環繞之成勾已國有大喪天子皇后皆凶兵起有赦且有土工

鎮星犯鬼井氏曰人君必有所戮天文論曰其分有喪一曰人主惡之一曰宗廟敗○土逆行犯鬼

管輅轉要

卷之四十五

主

女主奢淫用財過度若女貴戚有憂○土入鬼黃帝占曰有兵石氏曰大臣有誅者郗萌曰天下大疫一曰有戮王南官侯曰主謀其臣坐咸曰有土工○土入鬼守之王者有憂財寶出亂臣在內民饑乙巳占曰南入爲男北入爲女西入爲老人東入爲丁壯棺木貴○土入鬼犯天尸王者惡之井氏曰皇后憂謀君有誅死者留之五十日不去天下大旱大疫多死人棺木貴乙巳占曰不出七十日有大喪在陽爲君在陰爲后左爲太子右爲貴

臣○土守鬼石氏曰大凶憂宗廟改巫咸曰后宮有憂天下旱物不成則土工大起郗萌曰天下受賜財寶出又曰土守鬼大疫守西南星西南病守西北星西北病守東北東北病守東南星東南病守其中天下皆病巫咸曰土舍鬼中有赦○土出入留舍鬼大旱大疫布帛貴天下人多死來視其所從入去視其所從出以言其人及其所受之方土守天尸其分有積尸以所入之日占何國之吉凶

管輅轉要

卷之四十五

四

太白犯鬼財寶出各以其星所主之○太白犯天尸將軍戮一曰執法者誅○太白入鬼荆州占曰將軍戮死陳卓曰兵起郗萌曰歲惡婦人多懷子死者一曰亂臣在內兵起有屠城南官侯曰國有大喪有兵大戰有死白骨滿野無有葬者一曰天子以罪斬大臣天下旱一曰女主憂○太白守鬼石氏曰有兵旱多火災萬物五穀不成郗萌曰太白守鬼傍女主病國有祀事民災留二十日以上女主死海中占曰太白出其南爲水出其北爲大

旱○太白行守鬼成勾已若環繞之國有死王大臣有戮死者五十日不下民疫死○太白入鬼守天尸兵起將軍憂國有喪下臣謀逆石氏曰近臣叛有廢主一曰殺大臣多死喪○太白舍鬼西北石氏曰婦人多病死舍東北郝萌曰天下多梟死者舍鬼中左右臣有伏誅吞藥死者○太白與鬼鬪其下有反臣○太白出入留舍鬼久不下人多病死國兵起

辰星犯鬼五穀不登兵起隨星所主一曰爲天子

管窺輯要

卷之四十五

十五

所發○水犯天尸貴臣有罪死兵起○水入鬼貴臣憂執法者誅有火災郝萌曰兵起將軍憂人多死大人卒荊州占曰亂臣在內兵起有屠城陳卓曰兵起將軍憂誅一曰大臣憂人主憂財寶出○水入鬼食天尸君與貴臣俱憂民大疫視其出入與土同金占○辰星之鬼天下有瘟病者○辰星守鬼天子不恭祭祀五穀不成人多疾疫民饑流亡國多誅殺一曰人多耳目疾大人有殃天下多兵死者海中占曰水守鬼出其南爲水出其北爲

旱郝萌曰水守鬼三月后夫人病二十日太子妃病十日諸王夫人病○辰星守鬼西南秦蜀有反臣兵起

客星流星彗孛干犯占

客星出鬼巫咸曰其國有喪出其南爲君出其北爲女主左爲太子右爲少女石氏曰有盟詛鬼神祠祀之事於其國之外○客星守鬼石氏曰有盟詛鬼神祠祀之事於國內夏氏曰王者亡天下人多疾郝萌曰多死喪人多相食一曰鈇鉞用大臣

管窺輯要

卷之四十五

十六

誅人主有大憂巫咸曰客星入鬼居天尸南男子多疾居其西老人多死居其東丁壯多死居其北婦女多死居其中兵起天下人多死兵器馬魚鹽價貴百倍○客星犯鬼甘氏曰君有非次自立者必敗亡天文論曰其分君憂郝萌曰多土工男不得耕女不得織凶一曰牛貴犯天尸國君憂金玉貴天下大疫人民多死犯四星隨其所主爲天子發○客星守鬼石氏曰秦有奸臣欲爲其主巫咸曰人君憂甘氏曰國有大喪守之五十日不去兵

大起將軍戰於野有死者期不出一年鄒萌曰客星守鬼多工役牛馬貴有更改之事民不得耕織荆州占曰守東南星穀貴守西南星金鐵貴守西北星魚鹽貴一日客星守鬼陽爲君陰爲后左爲太子右爲貴臣又曰客星守鬼西從西入老人死守鬼東若從東入少壯死○客星守鬼中天下棺本貴人王惡之

流星入鬼國有宗廟祠祀之事若外邦來貢○流星入鬼大人憂一日臣有戮死者視星大小言其

管輅轉要

卷之四十五

七

人○流星犯鬼天下威政斬奸春夏犯政不平秋冬犯天子多疾病○流星出鬼天子使出外有宗廟祠祀喪事○流星入鬼所之國多病人一日秦地之人多病○流星交抵鬼中國與西南夷交兵奔星有光如火散行鬼上下大臣受賜期六月○彗孛星出鬼名曰喪機有大兵大疫積尸暴貴不出三年○彗孛犯鬼國有內亂天下兵行有大疫大喪

雲氣干犯古

黑氣入鬼大人皇后皆有憂白氣入鬼人疾病赤雲氣入鬼大早有火災黃氣入鬼有土工漢景帝四年七月癸未火入東井行陰又以九月己巳入鬼戊寅出占曰有誅伐又爲火災後二年有暹氏事其應也

武帝建元六年熒惑守鬼占曰爲火災有喪是歲高圉火災竇太后崩

永平十三年閏月丁亥火犯輿鬼質星占曰爲大喪質星爲大臣誅其年十二月楚王英作謀逆自

管輅轉要

卷之四十五

十一

殺

和帝永元十六年七月庚午辰星在輿鬼中占曰爲喪後一年帝崩

安帝永初三年六月癸酉太曰入輿鬼中占曰將凶其後中郎將任尚乃坐贓棄市

順帝永和三年辰星入輿鬼是歲征西將軍馬賢擊西戎父子俱戰歿

桓帝延熹七年八月庚戌熒惑犯鬼質星八年二月大僕南鄉侯左勝以罪賜死其年中常侍上蔡

侯愴北鄉侯黨皆自殺

鬼宿去極度數考

按鬼宿本位居午次周營州分凡二度六月旦在卯七月旦在辰八月旦在巳九月旦在午十月旦在未十一月旦在申十二月旦在酉十一月昏在卯十二月昏在辰正月昏在巳二月昏在午三月昏在未四月昏在申五月昏在酉

鬼四星二度距西南去極六十七度入鬼初度亦曰輿鬼爲日月五星中道主死亡疾病輿鬼輿乃

管窺輯要

卷之四十五

左

車屬車形方鬼星之形狀亦方人死必以輿載屍是爲輿鬼易云輿屍凶正謂此澈清考易云載鬼一車亦輿鬼意張衡云主祠事天目也又主明視察奸因天目所以至觀看明遠審考同邪東北星主積馬東南星亦積兵西南星主積布帛西北星主積金玉四星有變各以所主占

占曰鬼星居常吉芒角則賦斂重徭役繁移徙人愁令酷金火守大臣凶彗孛守國有死喪

積尸一星去極六十七度入鬼初度在鬼中央亦

曰積尸氣一名質但見氣而已主祠祀死喪晉灼

曰輿鬼五星其中白者爲質澈清考鬼在天地間原有氣無形不然日月五星風雨雷電運行天地何者非鬼神之氣故中庸云鬼亦氣之良能造化之迹今積尸有見者氣正此謂一曰鉄鑽主誅斬

前解見

占曰積尸不欲明明則死喪至芒角動搖則饑荒鬼哭神號

耀四黑星距西去極二十度○半入井二十九度

管窺輯要

卷之四十五

手

在鬼上亦曰烽燧主烽燧備警急說文云燿舉火烽燧候表也言邊有警則舉火又曰主四時變火主司火官周禮夏官司權掌行火政令四時變火以救時四時之火春榆柳夏棗杏季夏桑柘秋柞猶冬槐檀因時任木取火

占曰燿星居常天下安芒角動搖有邊警

天狗七黑星距西去極一百零二度入井二十二度在鬼西南橫河中主防奸禦寇吠則凡犬皆應之山海經云天門山有赤大名天狗其所下處有

兵天狗之光飛天流而為星長數十丈其疾如風
聲如雷光如電激清考漢時有七國陰謀約叛時
天狗過梁野軍兵死亡甚多此天狗重是赤犬之
妖不過一星此為天狗有七黑星乃經星不動者
正是守禦良畜非赤犬比

占曰天狗移徙則兵出四方金火守人相食彗孛
守羣盜滿山野天下大盜作亂

外厨六黑星距大去極九十二度半八柳初度在
柳南天子外厨王烹宰奉矣廟即今太常光祿烹

管輅轉要 卷之四十五

煮也宰殺也 占同天厨

天社六黑星距西南去極一百三十四度入井一
十二度在弧矢南王禱祀事隋志云共工氏之子
勾芒能平水土故祀以配社為后土其精為星未
可盡信姑存之 占闕

天記一黑星去極一百零一度半入井初度在外
厨南王知禽獸之齒歲乃獸賢人

占曰天記不見禽獸多死

鬼宿雜座

天狗 一日在井北

天狗七星在狼北鬼宿西南橫河中以守賊也失
色變常則天下有大盜動搖移徙兵起○月暈天
狗多暴風金火守天狗人相食○五星入天狗荆
州占曰北夷大饑來歸國多上工守之為兵謀一
曰大饑人相食○客星入天狗有暴風急雨黃帝
占曰北夷饑來降荆州占曰多土工守之守御臣
作亂○彗出天狗羣盜起虎狼害人犯之盜賊起
守禦之臣憂

管輅轉要 卷之四十五

天社

天社六星在弧東南社神也其星明直則社稷安
動搖失常則下謀反○金火守天社社稷不安○
客星入天社有犯神於國內出天社有犯神於國
外犯之社稷危國易主○彗孛出天社若犯入之
除舊更新社稷再造

天稷

大稷五星在七星南農正也取百穀之長以為其
號主百穀其星溫溫而明則百穀成歲大豐不明

則穀不成星不具則歲饑亡不見則大饑入相食
○五星犯守天稷海中占曰有大旱穀不成大饑
○客星入天稷有祀事於國內出天稷有祀事於
國外海中占曰客星守天稷五穀散若出之歲凶
人饑久守之社稷不安○流星入天稷五穀散出
之五穀不成天下饑民流亡○彗孛出天稷歲太
饑五穀不成人流亡社稷不安犯之入社稷易主

外厨

外厨六星在柳南祭祀享燕之厨也占與天厨同
管窺輯要 卷之四十五

天記

○五星犯守外厨天官有憂太白犯之有誅死者
天記一星在外厨南主禽獸歲凶荒○金火守犯
天下禽獸多死○客星守天記國政廢亂○彗孛
犯天記人不安居六畜禽獸不育多死者○黑氣
入掩天記禽獸大疫六畜死耗

耀星

耀四星在軒轅西亦曰烽耀主烽火備警急其星
明而不欲亡小而不明則天下安靜大明則邊庭

有急動搖則外兵大入若不見則城在守候之臣
○金火守耀星邊庭有急赤氣入之天下烽火大
動起

管窺輯要

卷之四十五

五

管窺輯要卷之四十六

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城方兆及子詒全閱

管窺輯要

卷之四十六

星 軒 東



柳宿論

柳八星天之厨宰也主尚食和滋味又主雷雨月五星客主犯掃主兵機國有喪憂秦蜀分災近上三星曰酒旗酒官之旗主宴饗飲食五星守酒旗天下大饗歲豐稔

柳宿說

柳八星舊取第四星爲距唐取第四星爲距宋志云距西第三星去極八十二度半赤道十三度三十分自四度二十一秒入午黃道十二度自二度

管窺輯要

卷之四十六

二

八十六分八十秒入午其上乃天之中道也主草木雷雨時至於夏雲行雨施品物流行左傳味爲鶉火南方柳星也疏曰柳謂之味味鳥口也亦作囑建辰之月柳星昏在南方則令民放火是謂出火張衡云柳爲朱鳥之喙天之厨宰也主尚食和滋味甘氏云主飲食倉庫酒醋明大則酒食豐動搖則大人酒死或曰女主驕奢陽氣極盛故天子飲酺於是時也外近外厨失色則饑饉三年必應一曰天庫一曰具住金火守則兵起又主木功星

明大則厨食具注若舉首則主師興輔佐出星直則天下謀伐其主就聚則兵闢國門月及五星犯則兵在秦地

酒旗三星在軒轅右角之南宴享之所用酒官之旗也占明則多歡娛之晏五星守則天下大酺故曰享晏大酺五星守武悞謂大酺之星有五若明則有酒食之賜及宗室

柳宿主庖厨晏祭度十三度三十分內五尺爲黃道初柳四度外未張十五度內於辰爲午於分爲

管窺輯要

卷之四十六

三

周於野爲三河賦柳星張鶉火之次周三河爲地之心自武牢之右而抵函谷之左負北河之南而當躔水之陰三月在星昏中西九月爲旦中六月爲太陽躔次

柳宿歌

八星曲頭垂似柳近上三星號爲酒享晏大酺五星守

柳宿考

酒旗三星在軒轅右角南酒官之旗主享晏飲

食

柳八星天之厨宰也主飲食倉庫酒醋之位明則酒食豐搖動則大人酒死失色則天下饑饉又主祭祀工匠草木之事明吉就聚兵起星直謀伐其主又主雷雨味鳥之口故曰鳥獸爾雅味謂之柳左傳味爲鶉火天官書爲鳥喙主草木又季夏月在柳季秋旦柳中○酒旗三星在柳之北酒官之旗也主晏享飲食明則天下多酒財

柳八星十三度距柳西頭第一星去極七十九度

管窺輯要

卷之四十六

四

在黃道外一十二度火星也春夏爲水秋冬爲金一名大臣主天厨御膳動則有祭享或天子有飲食事又主草木典事封功臣爲上食又主雷雨一爲天相大將軍天庫明則大臣主順王者養國老開張則饑及暗米貴人饑漂散都邑振湯○日食柳中王者不安宮室○月食柳中大臣憂○木守之天下五穀登○火守之大臣不從王命守經一百二十日以上其分失地大饑旱荒○土守之君臣和尚天下大喜○金守之將軍有喜國王益地

○水守之人多憂死兵起水災○客守之周分兵起布帛魚鹽等大貴○彗孛守犯之有兵喪起大臣慶曜○月暈柳及星宿人饑死○流星起柳回北誅寇赤色怒也天下大醺以酒食害財宗室爵絕○彗孛出酒旗王以酒過爲相臣所害○赤氣入酒旗天子以酒喪身

柳宿總敘

柳八星爲朱鳥喙一曰天相一曰桂亦作味一曰天大將軍一曰八臣一曰天廚主御膳酒食倉庫

管輅轉要

卷之四十六

五

和昇實以奉宗廟又主雷雨主匠主草木一曰土星其北六尺爲日月五星中道其星欲明明則大臣重人豐酒王者安厨膳俱不明則王者失政宮中不安注舉首則主命行賢佐出直天下謀伐主聚就則兵滿野動搖則大人以酒色荒天下饑饉開張人流亡

日月變異占

日在柳食王者有病不安石氏曰厨官憂甘氏曰戒之在門戶橋道之臣若今衛尉是也一曰暈於

柳厨宰之亡黜石氏曰五穀不成人饑蜚鳥多死月在柳食大臣有憂甘氏曰虞水官黜郗萌曰人饑相食一曰天子有疾不安其官乙巳占曰貴人百姓有以言坐罪者一曰其地凶○月暈於柳人饑無食一曰天下土功興郗萌曰有獄事其地旱一曰林苑有兵石氏曰秋木茂有兵戰人多死又曰穀貴蜚虫多死○月暈圍柳不出三十日有野兵圍城巫咸曰日月暈柳三重大臣有死者兵起不戰有水災民流徙一曰有赦一曰三暈柳大臣

管輅轉要

卷之四十六

十六

死有大水民愁○月以寅亥月暈柳有赦月宿柳而霧人多陰病

月五星于犯占

月犯柳土功興各木伐一曰大臣憂黜郗萌曰有軍在野則將死無軍則其國憂若乘柳其下有建祠宇起土木者

歲星守柳石氏曰天下歡娛五穀豐熟久守之則人饑巫咸曰有水災五穀萬物不成郗萌曰多獄事中兵有反者乙巳占曰木守柳貴一得令一曰

有得令民安○木逆行守柳有反臣中外起兵○
木入柳石氏曰天下大安諸侯有慶五穀蕃熟百
姓安寧歌舞以行若失行有變色則天下以饑兵
起○木居柳海中占曰五穀熟○木與柳同光其
國大強○木出入留舍柳九十日不下國有兵戰
將死○木犯柳多火災穀不成一日易相又曰木
犯柳處其南地動處其西大水一日大人憂○木
逆行柳爲疾病死亡行其陰爲女子災行其陽男
子災行其左右貴戚災行其中君當之○木與火

管窺輯要

卷之四十六

七

同守柳水星色赤白交內起兵黃五穀傷黑水災
赤角兵起近期三十日遠六十日

熒惑守柳黃帝占曰王侯不寧石氏曰中外有兵
有逆臣在君側巫咸曰天下旱多水災萬物不成
五穀大貴羊貴一日臣有不奉王命者一日王者
治宮室民多病一日宮中失火守之二百一十日
以上民大饑君失國守之三十日以上君憂一日
讒臣亂國外兵來攻萬家邑拔千家邑虜荊州占
曰熒惑迫守柳天子宮闕都萌曰熒惑守柳有聖

人在南國火以夏六月守柳國失地民饑流亡○
火犯柳石氏曰有土功事多伐木黃帝占曰有尊
王爲非以亂國者又曰天子以飲食爲事不安社
稷都萌曰熒惑犯角色赤天下有亡君死將火入
柳黃帝占曰大人禦守巫咸曰諸侯有慶賀事都
萌曰國有觸客事南官候曰麻貴在後年一日天
子戒在飲食○火入柳而順去之天下有兵止若
留之二十日以上有負海之客火之柳天下四夷
爲憂○火逆行柳侯王不寧天下多火災○火留

管窺輯要

卷之四十六

八

柳荊州占曰併養者非其人○火以建辰月舍柳
下芒色怒赤左右倚兩傍其冬地大動民大恐兵
大起三年乃止○火出入留舍柳有妖言國敗三
十日不下天下有急令天子大憂土王大作大將
死國亡

鎮星守柳天下和同君臣大喜久守之天子慎飲
食都萌曰萬物不成天下大饑多疾病一日中兵
作亂海中占曰宮中大亂相驚土功事一日女主
不敬祭祀多水災乙巳占曰防食官爲逆○土入

柳天下喜若不由正道而入國有旱多火災○上逆行入柳地動山崩色怒芒角四十日不下天子宮中有兵○土犯柳耳氏曰其國有火災石氏曰土功興多伐木一曰周地有兵○土出入留舍柳有急令石氏曰鎮星宿柳不早即水

太白守柳石氏曰大將出戰勝有喜國益地○太白去柳一尺臣專命作忠以利社稷忽患迫而守之入若失行變色小旱傷五穀海中占曰兵大起一歲罷南官候曰有反臣中外有兵齊伯曰秦兵

管鏡轉要

卷之四十六

九

且至巫咸曰有急兵變令下凌上君弱臣強賊臣謀主郗萌曰人多病疫又曰胡不安○太白犯柳南官候曰有土功事多伐木一曰有急令有強臣有變更人君惡之○太白入柳郗萌曰兵起西北方大臣守禦南官候曰兵大起有得地者○太白逆行入柳咸亨已下利上臣謀主民相敵警多暴死者文曜鉤曰人君殘百姓戮良臣死○太白提柳出入荊州占曰有陰謀

辰星守柳黃帝占曰歲不收耳氏曰王者賜寶

國有貴客郗萌曰人主慎飲食防毒藥又曰有反臣中外兵一曰有旱穀貴人多死一曰舟船相望在北方若處其陽則爲大旱爲死喪處其陰則爲大水災傷乙巳占曰火守柳貴臣多地后有德令期九十日○水犯柳石氏曰有水土事主伐木一曰馬貴天文錄曰君慎飲食一曰民相仇怨○水入柳海中占曰以水起兵乙巳占曰天下先潦後旱米貴馬貴荊州占曰下刑上子訟父

客星流星彗孛干犯占

管鏡轉要

卷之四十六

十

客星犯柳周地有災期九十日○客星出柳兵大起大水人主浮舟天下饑人流亡不出其年遠二年一曰臣蔽主明各木出諸侯有誅者○赤星出柳執法遇賊

蒼星出柳殺邊地諸臣客星入柳兵大起天下大恐布帛繒絮貴郗萌曰兵從澤起道路不通又曰大師有喪南官候曰客星赤色芒角入柳地大動○客星守柳兵大發天下有爲王者郗萌曰南宮有變一曰牛馬貴羌胡爲亂天下多弓弩魚鹽貴

荊州占曰絲麻羊貴一曰大人棄其根○客星經
 柳山木盡伐○客星舍柳兵出得地既得之還失
 之○客星犯柳乙巳占曰天子有賜於邊臣○流
 星出柳天子惡之天文錄曰周地有憂土工用乙
 巳占曰名木有出者一曰天子有宗廟事武密占
 曰多雨水○流星犯柳周國亡期九十日春夏犯
 天子發急事秋冬犯后室口舌起內有奸私之事
 ○流星守柳名木伐一曰王宮水災天廚之官憂
 乙巳占曰名木有伐進者屬同分○彗字犯柳乙

管窺輯要

卷之四十六

十一

雲氣干犯占

赤氣入柳有火災大旱○黃氣入柳期五十日有
 赦一曰黃氣入柳天子宮廟腐敗○黑氣入鋒刃
 刺柳三夜不散大人有憂○白氣入柳國君有憂
 ○黃白氣出柳天子出美木作室入柳乃得美木

柳宿去極度數考

按柳宿本位居牛次周營州之分凡十三度七月
 旦在卯八月旦在晨九月旦在巳十月旦在午十
 一月旦在未十二月旦在申正月旦在酉十二月
 昏在卯正月昏在晨二月昏在巳三月昏在午四
 月昏在未五月昏在申六月昏在酉

柳八星十三度距西去極八十二度半入柳初度
 一曰鳥衡一曰天相一曰天庫一曰鳥柱主草木
 漢天文志云注作喙爾雅云鳥喙謂之柳故主草
 木孫炎云喙朱雀之口又主庖廚烹調晏飲事耳

管窺輯要

卷之四十六

十一

德曰為飲食倉庫酒醕事又主土功張衡云柳為
 朱雀喙天之廚宰主尚食和滋味味鳥口左傳襄
 公九年宋災晉侯問士弱曰吾聞宋災於是乎知
 有天道何故對曰古之火是謂味為鶉火心為大
 火陶唐氏之火鄭關伯居商丘祀大火而火紀時
 焉相土因之故商主大火商人閱其禍敗之釁必
 始於火是以其知天道也註云宋商之後相土契
 之孫商之祖故代關伯主大火屬心分野

占曰柳上五尺為日月五星中道明大酒食豐潔

動搖則人君沉溺於酒彗守酒有醜毒

酒旗三星在軒轅右角南酒官之旗也主燕享飲食其星明則多歡娛之事昏暗則天子以酒失禮

柳星雜座

酒旗

酒旗三星在軒轅右角南酒官之旗也主燕享飲食其星明則多歡娛之事昏暗則天子以酒失禮

管窺輯要

卷之四十六

主

酒亡則天子沉溺天下以亡

五星守酒旗天下大酺賜爵宗室有酒食財帛之賜天子飲食有度則災惑徘徊於酒旗○太白犯涇旗文曜鈞曰三公九卿有謀○辰星犯酒旗天下以酒傷害財物○客星守酒旗天子飲食失度

管窺輯要卷之四十六終

管窺輯要卷之四十七

六安黃 鼎玉耳父纂定

男九命簡臣

侄九錫公位

九疇倫叙

九如眉介


侄孫珮琢

珂先鳴

桐城方兆及子詒全閱

管窺輯要

卷之四十七



星宿論

星七星一名天都文繡衣裳主并急兵盜賊星明王道昌星暗賢臣退天下空月五星客彗守犯爲兵王者惡之三河周分兵飢軒轅十七星在星宿北軒轅五帝之神龍之體也主乎雷雨后妃之職星南太星女主也次北一星夫人也屏也上將也次北一星妃也次將也其次諸星皆次妃之屬女主南小星女御也左一星少民少后之宗也右一星太民太后之宗也一曰東凌一曰權星欲其小

管窺輯要

卷之四十七

二

星宿說

色黃而明吉水火月客彗土木守犯女主憂主兵將軍憂大雨爲災權北四星曰內平刑平罰之官柳南五星曰天稷百穀之長也亡則歲飢天相三星在柳東主爵位其星明則臣忠

七星宋志距大星去極九十六度赤道六度三十分黃道六度三十一分其上十五尺七曜之中道也張衡云七星爲朱雀之頸漢書作員宮喉嚨也物有喉嚨終不久留故史記云王急事隋志云王

急兵鴉火文明之會羽儀之所益物盛則有文故至衣裳文繡右七星爲馬於辰在午故馬爲火畜以午爲火也鸞與馬首同龍星之精故馬鸞同氣周人禁原鸞恐奪馬之氣也亦爲賢士暗則賢良隱天下空虛失色芒角及搖動皆主賢士誅明大則王道昌國勢強離則易政日食則天子有疾水犯人不安主飢火犯旱人主當災金土水犯皆主災月暈女主災孛犯兵起一名天都又主蠻夷客史記云七星爲水廟原始要終而有幽明之說

管窺輯要

卷之四十七

三

軒轅十七星形如騰蛇后妃立政之地士女職也其南大星女主象也次北一星夫人也屏也上將也次北一星妃也次將也其次諸星皆次妃之屬也女主南小星御女也左一星爲少夫人少民后宗也右一星爲太夫人太民太后宗也色明潤賈則吉小星若明而大則后妃爭競后宗屬憂移徙則國人流亡東西兩角張大而振則后族以強敗又主雷雨之時張衡云陰陽交合盛爲雷激爲電爲霧凝爲霜散爲露變爲雲立

爲虹霓離爲背齒分爲抱珥十四變皆軒轅主之
月五星守犯者如衡水火金守則女主惡之一曰
東陵宋志云孟康曰軒轅爲權太微爲衡以軒轅
一作權星故爲權太微垣主理法平詞如衡之平
故曰衡史記正義乃謂權四星在軒轅尾西非也
軒轅西四星曰耀主烽火也不曰權也耀字從悞
爲權字張守節不審指以釋此殊爲疎謬王應電
云自午而一陰生陰陽相遇故爲后妃嬪御之宮
庭軒轅曰權太微曰衡主內政以弼太微者也宋

管窺輯要

卷之四十七

四

中與天文志云中宮黃帝其精黃龍爲軒轅首枕
星張星掛柳井體映三台司四季司中岳司中土
司黃河江漢淮濟之水司黃帝之子孫司保虫三
百六十按張衡靈憲蒼龍連總於左白虎猛據於
右朱雀奮翼於前靈龜圈脊於後黃龍軒轅於中
則是軒轅一星與蒼龍朱雀玄武四獸爲五矣世
之言星者惟知四獸而不知黃龍是求之未盡也
馬端臨曰軒轅本天市垣之星而在星張之分野
則南方朱鳥七星之所司也三垣中外官諸星雖

所掌有大小其位有尊卑而末有不隸於二十八
宿者蓋二十八宿分布周天之理躔度分野不可
外也宋志據石氏星書以黃龍軒轅配四方二十
八宿所謂青龍朱鳥玄武白虎者分而爲五而以
爲土德寄王鶉火夫五行之不可缺土上之寄王
固然矣遂以爲耀積水積薪五諸侯天樽闕丘北
河南河四瀆水位諸星皆爲軒轅之屬按耀以下
諸星與軒轅亦俱寄躔於二十八宿者也今欲尊
軒轅而以諸星屬之則軒轅豈能外二十八宿而

管窺輯要

卷之四十七

五

自爲躔度分野以處諸星乎宋志又曰或謂自有
乾象便有此星軒轅果黃帝之神也有黃帝而後
有之乎呂氏曰軒轅之星黃龍也西角有軒轅之
象故各之曰軒轅軒轅降神而生黃帝知之故自
號曰軒轅云爾號軒轅非各也且如主良奚仲造
父皆星名亦其神降而爲人人去而復爲星也何
獨於軒轅疑之○保音裸赤身也
內平四星在中台南執法平罪之官周禮所謂內
宰也明言暗凶

天相三星在酒旗南星之東主朝服之制佐后禮事世婦之職也一作丞相之象其占明而小則相賢芒角而大則相專權與相一例更詳之

天稷五星在星之南天廟西南主豐王也取百穀之長以爲號明則歲豐暗則飢不見則人相食蓋生民之功起於后稷力農以配天故景星見而耳露重生

星宿主后妃御女賢士及文綉爲衣度六度二十分內十五尺爲黃道餘見柳宿下

管窺輯要

卷之四十七

太

星宿歌

七星如鈎柳下主星上十七軒轅形上頭四個各內平平下二星名天相星下天稷橫五靈

星宿考

軒轅十有七星在七星北黃帝之神黃龍之體主雲雨又爲后宮后妃之舍○內平四星在中台之南軒轅之東北執法平罪之官也○天相三星在酒旗南大臣冢主爵位及五色作服之事○天稷五星在七南農正也主百穀

星七星一名天都主章服女御津梁兵防之事亦

爲賢士失色芒動則后妃死賢人誅明大則道化成又主急事○天稷五星在星之南農正之官也取百穀之長以爲號主百穀明則刑罰平○天相三星在星之東大臣之象也主爵位又五采作服之事明吉○軒轅十七星在星之北黃帝之神黃龍之體也主雷雨之神爲后宮后妃之舍與六宮之內政以弼大微宣化者也其南端明星女主也母也女主北六尺一星大人也屏也上將也又北

管窺輯要

卷之四十七

七

六尺一星次夫人也妃也次將也又北六尺一星次妃也其次皆重妃也女主南三尺一小星女御也西南去次一星曰大民大后宗也東南去次一星曰少民皇后宗也軒轅爲女主之庭又主陰陽雷霆之事色欲黃潤有序○內平四星在中台之南軒轅之北執法平罪之官也明大法平星七星七度距大星去極九十三度在黃道外二十一度少水星也春夏爲火秋冬爲水一名天都之御府也爲圓宮辰星廟也主衣裳文綉及穀又

至急兵守盜賊又急事一曰赤帝一曰天庫爲朱雀頭故欲明明則王道昌暗則賢良不處天下空動則衣裳貴兵起

日食七星中鸕王者不安其宮闕○月食星中后惡之周地災

水守之天下平久留不去五穀傷耗○火春守之太陽虧憂旱久守兵火之災○土守之天下治其野有福久守不去五穀損○水守之水災貴臣有犯罪○金守之其國有亡國主必薨

管輅輯要

卷之四十七

八

客守之有水災久守有同姓王欲傷者道不開通○日月五星守之兵在外戰亡○彗孛行犯之邦亂國兵起爲兵旱喪

星宿總敘

星七星一曰天都一曰員官一曰天廷實爲赤帝府於午主衣裳黼黻文綉是爲朱鳥之頸周禮鳥襖七旒以象鵷火謂七星色一曰天御一曰注候一曰津橋后妃御之位亦爲賢主又爲烽亭主急兵主盜賊水星也一曰火星其右星北上十尺爲

日月五星中道七星明大則王道行人主昌暗小則賢良不用天下空虛吉士遁藏動搖則兵起不明則執政不平天子疾病離徙則天下易政室來殊計芒角動則后妃死賢人憂

日月變異占

日在星食虧太陽王者不安其國一曰爲兵飢婦人災井氏曰戒在橋門之臣石氏曰天下賢士不用大臣亂國人主惡之兵起期五月○日暈於星皇后廢其分君愛鳥獸多死○日在星食虧太陽

管輅輯要

卷之四十七

九

皇后憂冀州大飢一曰大臣誅又曰主祀之官憂黜海中占曰其國更改兵在外戰

月暈於星巫咸曰女主黜大臣憂一曰有獄事其分旱天文論曰主獄凶有兵小戰蜚虫多死一曰民多火傷草木再榮○月宿七星而霧民分

月五星干犯占

月犯七星有兵在外戰海中占曰經車而戰鄒萌曰掌食臣有誅者國有憂將軍死一曰臣爲亂一曰皇后大臣有憂國大飢一曰易相○月入七星

其國兵戰破軍死將

歲星守七星黃帝占曰天下安王道昌五穀熟又
守之不去五穀傷有反臣巫咸曰旱多火災萬物
不成有兵飢鄰萌曰中兵起天下有大變○歲星
與七星同光五穀大熟○木入星荊州占曰五穀
多傷天下有盜起甘氏曰君有置太子者武密占
曰木入星守之兵起○木舍七星甘氏曰王者獲
福○木入留舍七星鄰萌曰年豐處其西有大水
陳卓曰以其義治天下○木犯七星陳卓曰天子

管窺輯要

卷之四十七

十

變兵功臣受封海中占曰臣下謀上○水逆行七
星王者衣服非度鄰萌曰地動又曰歲星在七星
天下和同○水逆行犯七星若守之處其西大人
坐之處其北貴人徙黃帝占曰木犯守七星逆行
臣為亂

榮惑守七星春夏為太陽若十月入之守七日以
上大人愁守二十日以土水災人飢大亂黃帝占
曰火守七星天下有兵若社稷傾亡宮中荆棘守
之四十日人主惡之河圖曰火守七星二陽同居

其歲枯旱五穀不成守之百日三年不雨鄰萌曰

憂中兵起一曰國有大禍民大苦南官侯曰有水
咎○火犯七星臣為亂荊州占曰民苦徭役津梁
不通石氏曰地動津梁不通天下有變○火入七
星甘氏曰有君置太子者巫咸曰天下有賜客事
一曰大人有疾國有禍○火留七星鄰萌曰天下
大憂憂在中央○火出入留舍七星鄰萌曰國失
地天下亂臣不服法度齊伯曰其地多喪有水土
工○火與七星合人疾疫石氏曰人君惡之○火

管窺輯要

卷之四十七

土

入七星而犯守之惑精符曰人主憂大臣有謀者
有大獄貴臣有繫者五十日不下民大死人主有
急令不出其年荊州占曰火以十日犯守七星民
多死者入之其君沉溺於酒有易主○火逆行七
星地動有火災

鎮星守七星天下安王道行其分有福久守不去
則五穀貴人主出不還石氏曰土入守七星有還
王有立后鄰萌曰有反臣中分起有赦一曰旱○
火出入留舍七星五穀大貴留之五十日不下兵

起負海國大敗郝萌曰天下多憂在中央上人七星井氏曰有君置太子者○土逆行七星官中衣服非度○火失行宿七星大旱又爲有水災

太白犯七星二十日以上黃帝占曰有急令一曰有死君有亡國一曰兵度津橋者凶王咸曰有水災萬物不成郝萌曰國失政大人當之南官候曰有反臣中外有兵○太白守七星去之一尺守之三十日若五日順軌道而去之將軍出戰勝益地以入日占國○太白犯七星臣作亂郝萌曰兵大

管窺輯要

卷之四十七

主

起有暴病一曰國失政大臣當之巫咸曰五穀不成天文錄曰其分暴兵○太白犯星有君置太子者○太白提七星出入旱歲惡○太白經七星過之民非吾民當有詐爲王者○太白出入留舍七星三十日不下兵且起六十日不下必有破國亡王死將八十日不下三年不止有急令期不出其年

辰星守七星三十日若二十日以上大水大臣囚法官有坐罪者郝萌曰有反臣中外有兵以守不

出有同姓謀爲王者石氏曰民多病一曰民流千里一曰兵內起○水犯七星臣爲亂一曰賊臣在君側一曰民疾病多流亡○辰星之七星天下大勞百姓多流亡○水犯七星郝萌曰天下大憂憂在中央○水守星芒角動搖井氏曰天下有兵三年乃解又曰萬物不成

客星流星彗孛干犯占

客星出七星君以急事遣使以色占其吉凶以星所往占其國○客星出星而守之石氏曰王者不

管窺輯要

卷之四十七

主

親其子天文錄曰河水溢民流徙○客星入七星石氏曰客有以急事來使者以色及其所從來占之郝萌曰有君置太子者有奇令一曰色赤宮中憂火色黑貴人憂○客星犯七星國有大兵不出百八十日○客星守七星布帛麻帛貴津梁絕南官候曰山水會河水決人流千里輕去其鄉或曰天下變更石氏曰周地有大賢守之三十日不土天子廷中有賊國易政土工興麻貴鹽貴麻豆不收又曰青黑色爲人疾病白死爲死喪乙巳占曰

客星犯七星兵大起多水潦道路阻滯溝渠不通

○客星合七星五穀不成留舍不去宮中憂水

流星出七星內庫金帛出一曰王者以急事遣使

期百八十日若一年○流星入七星有急事來一

曰內庫官有喜錦繡進女工用乙巳占曰天下更

令有使人期三年乙巳○流星雙入七星五穀

熟春夏犯第三星兵大起秋冬犯之水災王者憂

○流星犯七星國有兵不出百八十日天文錄曰

其邦有憂口舌之事○七星爲天都凡流星出入

管窺輯要

卷之四十七

酉

皆爲財帛之事

彗孛出星其氏曰國有反臣人主不安兵起宮中

大臣戮死國有大水一曰星守七星期三年聖人

出○彗孛犯七星邦有亂臣主不寧宮中兵起大

臣死非其罪近期七十日遠倍之○彗出星張之

間狀如布從風而靡爲兵戎災惑之變也其占爲

君失政臣弄權兵起

雲氣干犯占

黃白雲氣八七星大人憂○蒼白雲氣出星天子

有急使出其氣回曲而不正有亡臣○赤雲氣入

七星中兵起若有客來必有兵隨之○赤雲氣如

波揚入七星中火氣也宮中有火災四曲五曲后

妃惡之○赤氣出七星天子使出亦有兵隨之出

○黃氣彷彿入七星外有貢獻○黃氣出七星天

子有賜於諸侯○黃白潤澤入七星遠人來貢○

黑氣入七星賢人多民出之禍除○白氣守七星

國有死喪○黑雲如蜚鳥隊七星大人憂

星宿去極度數考

管窺輯要

卷之四十七

丑

按星宿本位居下次周營州之分凡七度七月旦

在卯八月旦在辰九月旦在巳十月旦在午十一

月旦在未十二月旦在申正月旦在西十二月昏

在卯正月昏在辰二月昏在巳三月昏在午四月

昏在未五月昏在申六月昏在西

星七星七度距大星去極九十六度入星初度主

后妃御女亦爲賢士又曰爲朱頸之鳥一名天都

乃文明之粹羽儀之長至衣裳文綉朱鳥鳳也鳳

火精有五采者亦多謂之朱鳥所以爲文明之粹

主衣裳文綉羽虫三百六十而鳳為長故曰羽儀之長書益稷云蕭韶九成鳳皇來儀隋志云主急事守盜賊七星為朱鳥頭頭為員官主急事員官喉嚨也宋均曰星朱鳥頭頭為喉嚨終不火留故主急事

曰星明大則道化成國家盛后妃有序不明凶隋志云星欲明明則王道昌不明則賢人不出天下空虛移徙則國易政日食兵亂后妃災火入主旱水入主澇金入主兵彗孛入兵大起

管窺輯要

卷之四十七

主

軒轅十七星距大星去極七十度入張二度在星北一曰東陵一曰權星主雷雨之神后宮之象

前

占曰軒轅色小黃潤吉明大則女謁盛移徙則后族散沒小星大星等明則后宮爭寵妃妾上擬金火守后妃凶彗孛守后妃逆上內宮淫亂

內平四黑星距西去極五十四度入張六度在軒轅東中台南主執法平罪官即今大理寺

占曰內平居常法刑明允金火守則刑酷執法有

憂

天相三黃星距北去極九十五度入星六度在酒旗南丞相之象亦曰御府官主朝服之制御府今尚衣監

占曰天相明則相道得金火守相凶彗孛守則相臣謀叛

天稷五星距大星去極一百三十七度入柳一十三度在星南農正也農正大司農之職九卿之一也按左傳昭公十七年九扈為九農正扈者獲也

管窺輯要

卷之四十七

主

言扈苗者也一春扈鳩鵬相五土之宜趣民耕種者也二夏扈竊玄趣民孕字者也三秋扈竊白趣民收斂者也四冬扈竊黃趣民蓋藏者也五棘扈竊丹為巢驅鳥者也六行扈竊嗜嗜畫為民驅鳥者也七宵扈竊噴噴為農驅獸者也八桑扈竊脂為蠶驅雀者也九老扈鸚鵡聚民收麥不得晏起者也蓋取平百穀之長以為號爾雅云梁者黍稷之總名稱者溉種之總名菽者眾豆之總名三穀各二十種共為六十疏菓之屬助穀者各二十共四

十是爲百穀詩云徹載南極播厥百穀書云黎民阻飢汝后稷播時百穀易曰百穀草木麗乎土占曰天稷居常明潤歲豐不見人相食水火守旱澇彗孛守則變置社稷

星宿雜座

軒轅

軒轅十有七星在七星北黃帝之神黃龍之體一曰天陵一曰耀星昏昌宮主雷雨之神又爲後宮后妃之舍典宮之內政以弼大微石氏曰軒轅中

管窺輯要

卷之四十七

天

史士神黃帝之舍也其星色黃潤澤大小有序則時和歲豐后宮多子其小星明與大星等則后宮乖爭妃妾上僭移徙出外則民流亡從胡移徙入內則民大飢胡人來動搖就聚皆爲后妃喪死女御去大星遠則女使有賊心迫近大明則有賞賜若東西徙至大小民則王者奪佚以賤爲正東西角張而振則后妃有敗消小不見則后妃不安星色變黑則后宮多死者

月入軒轅女主失勢中犯乘之有逆賊女主憂宮

管窺輯要

卷之四十七

天

中大六〇月犯軒轅大星女主有災亦爲人飢瘧食之則女主亡郁萌日月乘軒轅端臣子反叛一曰后有亂亡石氏日月犯乘軒轅大星民大飢大流犯乘小星民小飢小流月犯軒轅左右角大臣有誅死者犯女御有憂御僕死乙巳占曰犯太民太后宗有誅者若有罪犯少民皇后宗有誅者若有罪入爲民飢犯其端臣子反有亂臣臣失勢〇月暈軒轅有女喪有小赦〇五星犯守軒轅有逆賊有大失下飢犯大星女主憂犯妃夫人憂亦爲將軍有憂犯女御女御憂犯太民太后宗憂犯少民皇后宗憂一曰犯左右角大臣當之歲星犯軒轅有以女子謀者一曰水行犯守軒轅女主失勢一曰大臣當之若有黜者期二年〇木犯太民星太后宗有誅者民大飢大流犯少民星皇后有宗誅者民小飢小流郁萌曰木出軒轅有宵龍出宮中〇歲星勾巳守犯軒轅天下大旱飢歲星王歲事軒轅風雨之神也

入軒轅用事女子當之又曰兵五月兵起〇

火行軒轅中荊州占曰女主失勢○火中犯乘守
 軒轅所中者死不則有大憂○火守軒轅黃帝占
 曰兵起期五月元命包曰主亂於色嬪妾爭石氏
 曰宮中有赦者郗萌曰女主惡之荊州占曰地動
 文曜釣曰主以女子而亡一曰宮中有誅者期百
 二十日○火留軒轅中石氏曰女子有謀君者守
 之十五日宮中兵起天下亂國易政期三年郗萌
 曰火留軒轅中十日以上爲旱若留之久宮中有
 誅死者○火經軒轅勾已環繞之后妃內亂一曰
 管輅輯要
 卷之四十七
 壬
 人主惑於后妃則災惑展轉軒轅中一曰火逆行
 守軒轅大星而環繞之成勾已天下大亂后妃誅
 牝宮破主亡天下易主期百八十日遠則一年
 鎮星入軒轅中干犯之女主失勢有憂喪地裂大
 夫有故者五官有不治者色瘁爲憂爲病其所在
 干犯乘守者有誅若有罪○土居軒轅中石氏曰
 有以女子誅人君者○土守軒轅石氏曰大赦天
 下并氏曰天下大亂后宮散破改正易主期三年
 ○太白入軒轅文曜釣曰四夷起石氏曰有逆賊

勢
 出軒轅黃帝占曰必有白龍出宮中犯軒轅后失

管輅輯要卷之四十七
 管輅輯要
 卷之四十七

壬

管窺輯要卷之四十八

六安黃 鼎玉耳父纂定

男九令簡臣

侄九錫公位

九疇倫叙

九如眉介

侄孫珮琢成

珂光鳴

桐城方兆及子詒全間

管窺輯要

卷之四十八

一



張宿論

張六星主珍寶御用之物及衣服又主天厨飲食之事星明則主道行禮得月五星客星守犯王者惡之主三河中國災張南十四星曰天廟天子之主祖廟也客星守之祠官有憂直上一星在中台之北曰太尊主貴戚也

張宿說

張六星宋志距西第二星去極一百二度半 志云中四星為朱鳥咻外二星為翼比來不取膺前

管窺輯要

卷之四十八

二

為距錯取翼為距即加張二度半星宿缺二度半今依本經為定赤道十七度二十五分自十四度八十四分二秒入已黃道十七度七十九分自十五度二十六分六秒入已其上十八尺七曜之中道也主天厨飲食賞賚之事甘氏云為朱鳥之喙鳥受食之處故史記為厨主觴客主太廟明堂之位隋志云主珍寶宗廟服用掌次之官明則王道昌王者行五禮得天地之中明大則國勢強失色則宗廟不安明堂廢棄動則賞賚移徙則天下有

逆者就聚則兵起金火守亦然火守犯兵起土水犯國不寧或云主貢物色細而無光王者少子孫日食則虧禮王者修禮以應之月食主潦魚行人路彗出其地有君死晉志云朱張爲鳥星故爲羽

天廟十四星在張南乃天子之祖廟客星守之祀官有憂占與虛梁同

長垣四星少微四星本太微垣之星而屬張之分野詳見前

管範輯要

卷之四十八

三

太尊一星或作天尊非也本紫微垣之星而屬張之分野詳見前

張宿太廟明堂御史之位又主珍寶衣物天厨賞資飲食度十七度二十五分內十八尺爲黃道餘見柳宿下

張宿歌

六星似軫在星傍張下只有天廟光十四之星冊四方長垣少微雖向上數星倚在太微傍太尊一星直上黃

張宿考

天廟十四星在張南天子之祖廟○太尊一星一曰天尊在中台北貴戚也

張六星爲嘯鳥受食虔經曰張嘯爲厨主於觴客玩占曰主天廟明堂宗廟珍寶天子內宮之衣服遠方貢物及飲食賞賚之事明大則國盛強失色則宗廟不安就聚金火守兵起暗大則王者少子日食虧禮月食之湧

天廟十四星在張南天子之祖廟也微暗失常則

管範輯要

卷之四十八

四

有白衣之會客守則祀官憂○張垣四星在張北移動則蠻夷入中國○少微四星在長垣北乃士大夫之位南一星爲度士三國士二議士四大夫五星犯女主憂宰相易大尊一星在少微北張六星十八度距張西端第一星去極九十八度少在黃道外二十六度少水星也春夏爲水秋冬爲金爲天府主珍寶金玉貴物之藏又主賞賜事寶器宗廟所用衣服之主天厨飲食賞賚之事朱雀素厨膳膳宴賓客星明則王者行五禮得天之

中一為大將動則有賜王明王者少子孫

日月食張中王者失禮一曰大水魚行人道○木守之三十日以上至一百二十日國大豐陰陽和君臣同心天下太平○火守之歲熟欠守國亂公有兵飢○土守之名陰陽盡者必有災變不害五穀則害人民○金守之臣謀君天下更政有亂臣兵起將軍敗○水守之大水災兵起人多疫死○月暈張大水大兵起○彗孛犯之有兵半死

張宿總序

管窺輯要

卷之四十八

五

張六星為天府一曰御府一曰天昌寶為朱鳥之隙火牛也主天廟明堂御史之位金玉珠寶宗廟所用之物天子內官之服遠方貢物之庫主天厨飲食賞賚之事又主長養萬物其北十三尺為日月五星中道張宿明大則人主昌天下治民物阜蕃五禮修厨養具暗小不則政五禮失天子多疾病少子孫移徙則天下有逆民就聚則兵起失色則宗廟不安明堂禮廢動搖則有賜與之令

日月變異占

日在張食王者失禮於宗廟甘氏曰或在山澤汗池之若水令冲也石氏曰后失勢貴臣憂期七十日荊州占曰庫官黜武密曰掌御膳者憂○日暈於張財寶大出將相憂其分君凶在張食大水魚行人道甘氏曰后失勢大臣凶郝萌曰地旱入相食石氏曰虞人有黜者

月暈於張大水黃帝占曰蜚鳥多死郝萌曰其地旱陳卓曰五穀官鹽貴一曰守法無定巫咸曰官中疾疫官妃惡之一曰海鳥大出○月變於張天

管窺輯要

卷之四十八

六

子慎飲食○月宿而霧王者惡之

月五星干犯占

月犯張郝萌曰將相憂一曰貴人失勢后有憂一曰其分君憂武密占曰大人有坐罪者一曰有嚮客蜚虫多死

歲星守張三十日以上百日陰陽和歲大豐君臣同心天下太平武密曰木守張十年豐三十日不去天下安寧甘氏曰木守張一年天下和平七年石氏曰木守張人多疾疫郝萌曰木守張南地

管窺輯要

卷之四十八

七

動六畜貴守其西大水守其東大旱又曰國政急民有千里之行一曰貴人死○木入張石氏曰歲豐天子有慶賀事巫咸曰旱萬物不成多水災○木出入留舍張三十日不下有兵六十日不下更立侯王○木居張歲和大熟○木逆行張人君衣服非度好樂淫佚郗萌曰有反臣中兵起○木逆行守張人疾疫多腹心病○木守張王者政急有千里之行○木與土合於張荊州占曰歲不和貴人多內喪一曰大水六年郗萌曰天下有變民憂

益賊起大旱一曰天下易令民流千里

熒惑守張石氏曰天下有歸兵一曰國治宗廟封功臣久守之國亂其分有兵水貴黃帝占曰大將有千里之行大水五穀且貴一曰土功作役不時百姓多怨誹異郵曰諸侯謀反一曰政不平民多訟兩暘失時穀水不通歲凶一曰君不恤政事急民飢有千里之行郗萌曰有反臣中兵起石氏曰女主用事兵起官中主荆棘又曰國倉空巫咸曰有大客遠來○火入張石氏曰大亂兵起若以六

管窺輯要

卷之四十八

八

國舉兵從之得其次者無咎

月人之國空巫咸曰火入張君有賜客之事南官候曰火入張而守之國有急弓甲聚大人憂將軍亡○火逆行張郗萌曰地動有火災陳卓曰功臣憂逆行犯乘張大亂兵起中犯乘張黃帝占曰有水災穀貴○火與張合其國不可舉事用兵若有受其殃○火犯張而守之天下兵起宮門閉有急五穀不成人大飢故曰火居張人絕糧○火出張中又為穀貴火流張臣下衣服失度石氏曰熒惑失次守張當不去而去未當來而來其地大旱其

鎮星守張石氏曰天下大通不用關梁一曰天下

和平官中有喜一曰土守張天下道路不通婦人多死一曰多盜賊人民交惡兵喪並起巫咸曰土守張三日其事微三十日其事大諸侯有謀大臣伏法死石氏曰五穀不實人多病郗萌曰有反臣中兵起南官候曰土功興土出張兵起北方東國失地土入張天文錄曰兵起一曰梁宋之間有凶乙巳占曰天下大亂關梁阻宗室惶惶○上出入

留舍張爲陰陽失民流千里石氏曰魚驚死於道民憂盜賊郝萌曰甲兵盡出上功大作在秋冬月一日處其陽大旱處其陰盜起人疫○上逆行張石氏曰女主執朝郝萌曰女主飢食不度逆行犯守之女主荒晏宮中無禮

太白守張石氏曰國易政天下騷動巫咸曰多水災五穀不成一曰其國有兵謀不成天下以空發甘氏曰兵起不行一曰先旱後水人民大飢南官侯曰爲反臣中外有兵一曰下凌上君弱臣強奸

管窺輯要

卷之四十八

九

臣賊子謀弑其君一曰人多病狂○太白乘犯張而守之三日以上至七日將軍反巫咸曰賊在君側○太白中犯乘張石氏曰兵起滿野有亡國天下易政○太白出入留舍張兵起於國○太白提張出入臣擅權謀主

辰星守張天下大水有兵人多病死甘氏曰貴臣專政天下不寧巫咸曰五穀萬物不成郝萌曰有反臣中外兵起又曰夏麥不收大飢民多爭訟一曰有更令石氏曰辰星

壬午角有臣傷其君

色黑防飲食中有置毒者○火逆行守張人飢且病

辰星入張春秋合誠圖曰有賢臣在側可爲卿相者○辰星出張中有反臣入張有火災○辰星入張守之郝萌曰爲水災火逆理犯上天下謀主一曰有關訟若多病

客星流星彗字于犯占

客星守張天下飢國更令人民散走一曰糴貴○

客星在張中穀百倍貴天下人流亡石氏曰山林

管窺輯要

卷之四十八

十

間有隱士或曰外邑多變海中占曰客星守張滿三十日有亡國死王臣謀逆小人謀貴禍及嗣子期三年郝萌曰先起兵者利後起兵者不利一曰倉中有毒一曰來獻食物者天子酒大出一曰天子以憂敗弓矢貴國人憂食○客星出張中其色黃有自立者天下更令有徙民君使人於諸侯○客星出張中色黃君好畋獵色黑君死一曰客星出入張兵起國飢○客星入張君有刺客之事一曰有使客來以五色占石氏曰有憂男子急巫咸

曰米貴人徙鄉萌曰諸侯有使來賂君荊州占曰政急人民苦犯張天子以酒爲憂○客星合張前不去將軍有陰謀兵起人民疾疫

流星入張諸侯有使者一曰天下更令有徙民天文錄曰有犯上者近臣憂○流星出張諸侯有受賜者○流星出入張天子有宗廟社稷事一曰有赦○流星犯張厨官有事一曰病春夏四季犯之五穀不登秋冬犯大水鹽大貴○流星抵張巫咸曰厨宰受賜

管輅輯要

卷之四十八

士

彗孛出張石氏曰天下大亂王者徙宮天下半亡人民惶惶不能聊生甘氏曰其國內外用兵有水災乙巳占曰彗出張大旱穀石三千○彗孛犯張天下民半死○彗出星張間狀如炊火熒惑之變爲兵起火災

雲氣于犯占

蒼白雲氣入張庭中觴客有憂變出之則禍除○赤雲氣入張天子用兵賜物之事若出張亦同其占白氣入張大客有有○黃氣潤澤出張天子內

喜賜客一曰天下五穀大收○黃白氣出張天子使使賜於諸侯○赤黃雲氣入張天子用兵○黑氣入張徘徊而散其分有水災○赤雲氣如波揚入張天子官中火災○黑氣入張而環繞之成勾已如刀劍刺之天子防客

張宿去極度數考

管輅輯要

卷之四十八

士

按張宿居已次楚荊州之分凡十七度七月旦在卯八月旦在辰九月旦在巳十月旦在午十一月旦在未十二月旦在申正月旦在酉十二月旦在戌卯正月昏在辰二月昏在巳三月昏在午四月昏在未五月昏在申六月昏在酉

張六星十七度距西第二星去極一百零二史午主天廟明堂御史位天廟天子祖廟明堂解身前御史掌邦國都鄙及萬民之治令以贊冢宰又曰主珍寶宗廟所用及衣服又王飲食賞賚事珍寶如瑚璉圭璜門琰玉几類爲宗廟之用衣服如大裘冕章弁服類皆王者吉服賚予也詩云錫予燕入書云大予四海堯曰周有大賚漱清考珍寶即

如論語註夏曰瑚商曰琚周曰簠簋皆宗廟盛黍稷之器故中庸云春秋修其祖廟陳其宗器設其裳衣薦其時食祭畢飲食牲胙不留神惠自然頒賜大宗小宗同姓異姓羣臣即其賞賚若曰錫予善人則宗子宗孫倘有未善未必不無神惠之頒賜若曰周有大賚是武王克商天造草昧之初散鹿臺之財發鉅橋之粟大賚貧人不可以再與宗廟祭祀何相干況宗廟春秋每祭有賞賚是當賜之神惠不謂之大賚又曰張六星爲朱者之嚟主

管窺輯要

卷之四十八

主

天厨飲食賞賚賜客天官書云張素爲厨素者嚟也爾雅云嚟鳥受食處又曰中四星主輔臣或曰王貢物色言內而諸侯外而四夷各貢土物土物方物也一方所產之物爲貢獻

占曰張上十八尺爲日月五星中道明大則宗廟享天子福失色則宗廟不安子孫希少火守主火災土木守主土功彗孛犯守主兵喪

天廟十四星距北去極一百一十二度半八柳十二度在張南天子祖宗宗余祀祖廟天子有七廟七

廟備載禮經不及錄漱清考商紂時天子有九廟九廟不享微子抱祭器奔周周立始祖而以始祖配亦不止七廟

占曰天廟居當吉客星守祖廟不享火守火彗守守主兵喪土木守土功興

太尊一黃星去極九十七度半八張七度在張上主貴戚貴戚天子內外宗親按紫微垣有言無星至張宿有言則有星矣若太尊旣爲貴戚原當附紫微垣今分屬張宿

管窺輯要

卷之四十八

十四

占曰大尊主天道明洞天子重親戚金火守則貴戚有憂彗孛守則貴戚后族有謀叛者天子危

張宿雜座

大尊

太尊一星亦名天尊在中台之北貴戚也守常則吉細微失色則貴戚有憂芒角動搖則貴戚恣橫星亡不見則貴戚有誅死者○客星流星犯太尊貴客有憂彗孛犯太尊貴戚賊黃白氣入大尊貴戚受賜青黑氣入太尊貴戚有死者赤氣入太尊

貴戚有以罪受戮者

天廟

天廟十四星在張南天子之祖廟也其星均明則吉微暗失常有白衣之會有兵軍食不足又曰天廟星色黃潤則吉蒼白有憂青黑則憂在官中○金火入守天廟宗廟有殃○火星犯天廟軍道不通有兵馬多死若中犯乘守之有白衣之會諫官有憂○彗孛出天廟宗廟改彗孛犯天廟宗廟絕嗣

管窺輯要

卷之四十八

星

管窺輯要卷之四十九

六安黃 鼎玉耳父黨定

男九命簡臣

侄九錫公位

九疇倫叙

九如眉介

侄孫珮琢成

珂先鳴


桐城方兆及子詒全閱

管窺輯要

卷之四十九

張

垣 微 太



軫

翼宿論

翼二十二星天之樂府也主俳優又主夷狄負海
星明大則禮樂興四夷賓服動則變蠻夷使來雖
徙則天子主兵月五星客彗守犯南蠻災兵起吳
越不寧翼南五星東甌蠻夷星也

翼宿說

翼二十二星宋志距中央西第二星去極一百四
度赤道十八度七十五分黃道二十度九分朱子
云鶉无尾故以翼爲尾甘氏云主太微三公化道

管窺輯要

卷之四十九

二

文籍失色則民流日月食及芒動五星逆入則文
籍壞滅移動則三公廢明大則化成禮樂興四夷
來賓又主夷狄史記主遠客負海之賓也動則蠻
夷使來貢離徙則天子舉兵伐四夷又爲天子之
樂府樂乃陽氣之盛故係于已天子所以大合樂
于夏也亦主俳優戲樂日食臣僭上月食女主憂
客流犯之並凶火犯木星占旱巫咸曰水
石氏曰多旱東甌五星在翼之南蠻夷星
仙云主東越穿胸穿骨越裳諸夷之國在夫

涯聖人謹華夷之辨有以也金火守則夷地有兵
角移動則夷兵內叛

又說翼宿主天子樂府及夷狄遠客負海之賓度
十八度七十五分四十六尺爲黃道初張十五度
外木軫十度於內內於辰爲已於分爲楚於野爲
荊州賦翼軫爲尾楚之與荆自襄陽南盡鬱林之
夷貊濱彭蠡西抵白帝之夷陵四月爲昏中十二
月在軫旦中七月爲太陽躔次

翼宿歌

管窺輯要

卷之四十九

三

二十二星大難識上五下五橫著行中心六個恰
似張更有六星在河處三三相連張畔附五個黑
星翼下游欲知名字是東甌

翼宿考

東甌五星在翼南主東越穿胸越裳諸國蠻夷之
星金火守芒動兵至

翼二十二星十八度距翼中西第一星去極九十
度少在黃道外二十二度半土星也春夏爲金秋
冬爲上天之樂府也俳優也又主夷狄遠客負海

之賓一云天都市又八佾樂也近太微宮五帝座
故以八佾和樂也明大則聖主得臣樂與四夷賓
搖動則蠻夷使來一云天下舉兵離徙則天子舉
兵

日食翼中大臣見譖正言者亡不出一年○月食
翼中皇后失禮寵衰○木守之王道大興文士進
用○火守之王者弱臣下不用五穀不熟○火若
久守之人飢米貴兵聚人多死及疾病○土守之
王者明哲六合同風三年不去三年大熟○金守
管窺輯要

卷之四十九

四

之兵起臣子逆命魚鹽貴○客守之大水災有權
臣亡兵大起邊方有急將軍逆謀○水守之貴人
有憂人飢亡國有亂○五星守之國無嗣○彗孛
行犯有兵若芒角主有降兵

翼宿總序

翼二有二星曰化宮一曰天都市一曰天徐一曰
天旗土星也是為朱鳥之翼為天之樂府主和五
音調六律五樂八佾以御天宮實為南宮之羽儀
文物之所豐茂主三公化道文籍及蠻夷遠客負

海之賓俳優狄鞮戲娛之事其北土十有三尺為
日月五星中道其星光明有叙則君明臣賢禮樂
興天下平四夷服星暗小失次則帝王失禮王道
衰微動搖則有蠻夷之使來就聚則天下相伐移
徙則三公廢離徙則民流失色則日月五星亂行
星亡則化道不行文籍壞明滅大芒動王者用兵
征伐四方

日月變異占

在翼食大臣相譖正言者亡不出其年黃帝占

管窺輯要

卷之四十九

五

一歲旱石氏曰天子失禮宗廟不親奸臣得志化
道不行文籍壞廢○日暈於翼禮樂壞弛人主惡
之

月在翼食忠臣誅一曰正言者殃北夷有兵女主
亂化道不行文籍廢壞一曰婦人多死一曰后失
寵蜚蜚多死一曰將軍亡○月暈於翼部萌曰大
旱大風女主惡之黃帝占曰士卒多遁失荊州占
兵悉出一曰有軍軍罷巫咸曰土

室車馳馬走貴人多死京

房曰軍在外失偏將天文錄曰多風霧郝萌曰月以正月暈則五月有赦○月行宿翼而霧女主惡之

月五星干犯占

月犯翼太常官憂一曰其分兵起有喪郝萌曰有兵大將戰死女主惡之一曰蠻夷兵起黃重多死黃帝占曰忠臣見諸言正事者凶

威星守翼王者大興賢臣進用久守之五穀不成民流亡石氏曰有兵若大水一曰用枯不通一曰

管窺輯要

卷之四十九

六

木守翼有賢臣佐主一曰聖人起伐無道荊州占曰文術用天下安乙巳占曰歲和穀熟郝萌曰木守翼南六畜貴守東魚鹽貴守西不占守北五穀有災海中占曰木處翼東瓦器貴處南車貴○木逆行翼其君好淫樂決游致患○木出入流舍翼荆楚有急多虎豹六十日不下小人失功郝萌曰其國亡地六千里○木守翼石氏曰穀以風傷期一年犯之則人流亡期在歲中

炎惑守翼天子懦弱臣下不用命五穀不登久守

之人飢魚鹽貴兵甲大用人民多死石氏曰大旱

萬物不成天下修兵一曰先水後旱布縷大貴雨暢不時入病頭目陳卓曰多盜賊川谷不通人民

交惡一曰有大風有急事郝萌曰有反臣南官候

曰穀貴民飢蛇龍見有亡國一曰佞臣亂政車騎

大集歲多風雨一曰負海國來寄屬○火入翼荆

州占曰魚海大兵民飢無食車急行民無所息郝

萌曰天下有急國憂陳卓曰將軍為亂南官候曰

魚鹽倍貴一曰國有大災民勞苦石氏曰火入翼

管窺輯要

卷之四十九

七

而守之四月楚君死十日相死○火逆行翼不出其年兵起天下大擾荊州占曰和臣專政忠臣不進一曰有火災留之二十日以上國有大喪○火留翼南官候曰臣下淫佚○火出入留舍翼郝萌曰使者有急事兵用不行用於外地逆行成勾已不出九十日兵起國亡○火犯翼兵大起犯而守之臣下逆命天下亂亡大飢大疫大兵大戰四海洶洶有亡國死王

鎮星守翼君明臣良六合同風天下和平禮樂大

興守之一歲歲豐十年若失行變已則有土功有反臣中兵起多火災萬物不成乙巳占曰土守翼后夫人有喜與火乃同其占○主逆行翼女主亂朝若逆行守翼有反臣中外兵起

太白守翼石氏曰萬物不成人流亡巫咸曰有反臣中外兵起一曰臣子有懷逆者石氏曰太白守翼三曰以上臣不臣郝萌曰四夷兵起五穀風傷民多疾一曰魚鹽貴玉曆曰有急事有大兵齊伯占太白入翼天下兵起○太白出入留舍翼大風

管輅輯要

卷之四十九

八

起大水郝萌曰君不平○太白舍翼郝萌曰有客舍左旱舍右兵大起○太白去翼一尺海中占曰太白陰也翼陽也陰來附陽泰當朝楚○太白犯翼四夷兵起民疾疫有大風傷五穀若勾已環繞之臣奪主國

辰星守翼魚鹽貴守其南六畜貴守其西金玉貴守其北五穀災一曰貴臣憂失國民流亡石氏曰辰星守翼水入火逆理必有水災或旱災天子大臣俱憂又曰萬物不成鹽鉄大貴牛馬行甘氏曰

大水兵起○辰星色白京師兵起色黃事成色黑事不成海中占曰大水災在北方郝萌曰多火災在北方荊州占曰近臣爲亂有亡國民流千里蛇龍出見陳卓曰王者有疾期不出權臣在下歲多太風乙巳占曰大人憂入其度若當位者宜退之○水入翼中兵大起○水犯翼臣作亂陳卓曰其地荒○辰星不出一年而出于翼軫主死○辰星之翼有賢人在其間○水與翼辰見東方夕見西方臣有誅者一曰同出西方大人憂

管輅輯要

卷之四十九

九

客星流星彗孛于犯占

客星出翼石氏曰君遣使人于負海之國巫咸曰將軍反兵起大戰同姓諸侯有自立者又曰兵有急天下大水傷五穀人流亡去其卿期三年○蒼星出翼五穀風調○客星犯翼乙巳占曰國有兵大臣憂遠期百八十日與流星同占○客星入翼負海之國有使來荊州占曰大臣憂○客星出入翼多風雨河水決且道路不通五穀不成人流亡○客星守翼君弱臣強四夷不王郝萌曰將軍反

一曰國更紀一曰邊城有大急有戰一曰兩傷五穀有大風名山崩荊州占曰大飢南官候曰權臣亡羽毛旗幟貴乙巳占曰大星守翼大水江河決溢道路阻塞魚鱉枯死于道路

流星犯翼國用大兵大臣憂遠期百八十日秋冬犯之主功用○流星入翼負海之國有使貢奇禽者色黃卽至色青道病色黑道死一曰流星入翼有賢士入見一曰貴臣有繫囚者○流星抵翼天下尊諸侯八十日○流星出翼有兵出一曰天子

管窺輯要

卷之四十九

十

使使出求賢才乙巳占曰滿國受恩○流星經翼聲如雷禁中兵起軍破將死民流亡彗孛出翼禮樂崩壞國以兵亡乙巳占曰其國以水飢入流亡有兵若有喪所指有降者期五年○彗孛犯翼有兵人主出降期一年一曰天下皆謀上國有大喪人主亡○彗出翼軫之間國有大喪人主死天下謀上有大兵期不出三年

雲氣干犯占

赤雲氣入翼有暴兵入國境○赤氣出翼其國兵

出隨氣所之○蒼白氣入翼太常之官有災○黃氣潤澤入翼諸侯來貢物○黃氣出翼天子使使于諸侯○黃白氣入翼外國來貢物一曰白氣黑氣入翼正抵其星一夜不去宗廟有災大人憂兵大起

翼宿去極度數考

翼爲舞樂伶賢詳前說中

東甌五黑星距西南去極一百二十九度入張七度在翼南主南越蠻夷張衡曰主東越南越閩廣

管窺輯要

卷之四十九

十一

屬地東越紹興屬地

占曰東甌明大則東越猖獗金火守東越兵起

翼宿雜座

東甌

東甌五星在翼南主東越及穿胸越裳諸國蠻夷之星也動則蠻夷有變芒角張則蠻夷叛○金火守東甌其地有兵客星入東甌其君以金玉來○彗星犯東甌蠻夷相攻有亡國若出之蠻夷有反

卷之四十九終

管窺輯要卷之五十

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成


珂先鳴

桐城方兆及子詒全閱

管窺輯要

卷之五十

翼



軫宿論

軫四星冢宰輔弼也主載任有軍出入皆占于軫又主風主死喪軫星明則車駕備星動則車駕用軫兩傍二星曰左右轄主王侯左轄為王者同姓右轄為異姓明大兵起遠軫九星轄星主南夷侵中國星無轄國有憂兵大起長沙一星在軫中主壽命明則王者壽子孫昌月五星客彗守犯南轸吳越災憂有兵喪又主荆楚之分災軫南三十二星曰器府樂器之府也青丘七星在軫南主蠻夷

管窺輯要

卷之五十

二

之國青丘西四星曰土司空主界域亦曰司徒司空北二星曰軍門主營侯威旗也

軫宿說

軫四星宋志距西北去極一百零三度半赤道十七度三十分自九度二十七分八十三秒入辰黃道十八度七十五分自十度七分九十七秒入辰其上升三尺七曜所經也軫所以造車隋志云主載任有軍出入皆占于軫故主車騎明大則車駕備移動則車駕用就聚則兵大起史記五星入軫星

中兵大起春秋緯曰太白入軫兵大起火守則南方有不用命之國當發兵伐之郝萌曰太白守軫必有死王鎮星出入留舍六十日不下必有大喪故又主死喪水星火守之徐泗有戮之者石氏曰辰星守軫歲水五星犯失位亡國女子主政人民失業賊黨掠人禍生于百日之內若明大則天下昌萬民康四海歸王太白守之天下學校散文儒失業張衡云軫爲冢宰輔臣也一曰鳥帑左傳襄公二十八年歲在星紀而淫于玄枵裨竈曰歲棄

管窺輯要

卷之五十

三

其次而旅于明年之次以害鳥帑周楚惡之主歲星所在其國有福失次于此禍衝在南故周王楚子受其咎軫與巽同位爲風車動行疾似之也一月與水星躔軫主風起左轄爲王者同姓右轄爲王者異姓兩轄輔軫傍主王侯占以不明爲吉明則兵起又曰車無轄國有憂張衡云轄不見國有大憂轄遠軫國大喪兩轄舉南蠻叛外兵侵蓋軫主夷狄遠客也五星入軫同其出日而數之期三日皆爲兵喪司始入處之卒一日期十日軍罷

管窺輯要

卷之五十

四

長沙一星在軫中不附軫自爲一座則以屬吏白爲官故也一名長沙子主三軍壽命明則壽長而子孫多或曰長沙不欲盛明若明與軫同則兵起軍門二星色黃在青丘之西天子六軍之門主營侯豹尾威旗其占者若移易其處則道路不通土司空四黃星在軍門南主土功蓋工有大小不同室星下之土司空主工師匠氏土木大役若軫之土司空但梓人輿人之事而已司空掌邦工翼軫器府皆其所掌故土司空係焉百工之事當及

溫和之候故月令季春而百工咸理孟冬而效工此翼軫所以麗於翼也占明吉暗凶巫咸曰金火犯之天下男不得耕女不得織隋志云一曰司徒主界域更詳之

青丘七黑星在軫東南主閭蠻三韓等國與東隣同占

器府三十二星在土司空南主樂器之府明則樂音調理暗則淫聲進雅樂不和甘氏曰主將軍樂府歌歡之事百工居肆以成其事故列于土司空

掌之

又說軫宿主車騎風雨度十七度三十分內十三尺爲黃道餘見翼宿下

軫宿歌

四星恰與翼相近中間一個長沙子左轄右轄附兩星軍門兩黃近翼是門西四個土司空門東七烏青丘子青丘之下各器府器府之星三十二以上便是太微官黃道向上看取是

軫宿考

管窺輯要

卷之五十

五

長沙子一星在軫中○二轄附於軫傍左轄爲同姓右轄爲異姓○軍門二星在青丘西天子六軍之門主管侯○土司空四星在軍門南主土功主九土地界正疆界辨風土均貢賦來遠人○青丘七星在軫東南主東方三韓之國○器府三十二星在軫南樂器之府也主音律

軫四星一名天車主任載征伐之事一名喪車主死喪又主冢宰輔臣亦曰烏帑烏尾又主風又主

人民失業賊黨掠人明大吉又取軫義爲車騎明

則車騎備離徙天子憂就聚兵起○右轄一小星

在軫西南左轄一小星在軫東北遠軫凶移動兵

起○長沙一小星在軫之中主壽命明大王者有

壽○軍門二星在軫宿之西右轄之上天子六軍

之門也主管侯明正吉移徙則軍道不通○土司

空四星在右轄之南主土功正疆理辨風土均職

貢來遠人均明吉金火守犯天下田不得耕○青

丘七星在軫之東南主東方三韓之國南夷蠻貊

管窺輯要

卷之五十

六

之邦不宜明大○器府三十二星在軫南樂器之舍也主音樂律呂經曰器府總于琴笙是也明正明臣不亂暗則僭亂

軫四星長沙一星轄二星十七度距軫西北星去

極九十九度在黃道外十五度水星也春夏爲金

秋冬爲水土冢宰輔臣也主車騎載任有軍出皆

占於軫又主風主死喪軫星明車騎備動則車騎

用○轄星輔軫兩傍星明兵大起遠轄則凶轄與

璧夾侵○長沙一星在軫內主壽命明則主壽長

溪壑之中者龍所爲也不占

雷而後電執法之人貪刻電如聚火而徙人君絕命霧而電人君默行不得實而任情天下多冤

電光晝夜爍地三日以上不正其所發處兵起電從日邊向月人多恐怖

電

電者盛陽雨水濕熱陰氣脅之而成電也五行傳以爲聽不聰其占爲臣制君亦爲陰慘無恩之象

管窺輯要

卷之五十

七

故凡雨電所起必有愁怨不平之事在國都則在君相在外則其方長吏當之一曰臣擅法則雨電電殺飛鳥君信讒言刑罰於人也電下毀瓦破軍電下殺馬君任小人爲政作威福也電下剝木枝五穀者上以酷政賦歛而殺人也

電下如積雪者臣殺其君也如積水者邊將臣爲逆也電下生芒狀如霜雪者人君欲害人也電下而大風者君罰過度也天鏡曰夏多雨電民饑兩軍相持而天雨電者視風雨之所發順者勝師

行而遇雨電天不順也不避必敗

正月雨電臣逆君命大臣有暴死者二月雨電大臣專政三月雨電君威大猛四月雨電民不安秋禾傷臣專命五月六月雨電殺雞犬君任小人臣不用命民不安七月八月雨電殺物臣不忠九月雨電不利牛馬至地不化臣爲奸冬雨電臣逆命一曰大臣有殃

霜

天氣下降而爲露清風薄之成霜霜所以肅萬物

管窺輯要

卷之五十

八

消殺沴當降而不降與當殺物而不殺者政弛而慢不當降而降與不當殺物而殺物者政急而殘故隕霜隕霜不殺草春秋以記異在國都則戒在君相在外則戒在守土之官京房曰人君誅殺無辜則非時隕霜霜所以成萬物刑罰所以誅不仁人君刑罰妄行誅殺不當則天應之以隕霜於春夏臣依公結私誅殺無罪則霜下附土依公結私以緩有罪則霜附木殺罰不由其上則霜見風雨而飛此皆刑罰不法之所致也

亡不見則人主惡之

日月變異占

日在軫食費臣亡后妃不安巫咸曰天子憂不則諸侯戮海中占曰諸侯將相有殃甘氏曰戒在主車駕之臣一曰國有喪○日暈于軫王者惡之一曰內兵大起太子憂

月在軫食貴臣死后不安一曰其國有不從令者都萌曰車騎發又曰主車駕之臣必有黜者○月暈軫宿黃帝古曰大將戰死一曰兵起歲旱大風

管輅輯要

卷之五十

九

傷物都萌曰先起兵者不能勝武密占曰大臣黜一曰諸侯益兵夷狄入境○月暈圓軫三重戎狄滿野庫無留兵廐無繫馬○月暈軫及角大赦或飢○月以二月暈軫及角五月大赦月以正月暈軫都萌曰大飢公子死車馬貴月以四月暈軫天子有德令月以十二月暈軫內兵盡出有兵在外則罷○月宿軫爲風起

月五星干犯占

月犯軫兵車用都萌曰其國有憂有大喪乙巳占

曰車騎出期一年○月入軫中大風爲敗

歲星守軫國有疾及喪甘氏曰國君有疾天子修宗廟海中占曰主車者有罪都萌曰有土功萬物不成人飢一曰舟楫不通一曰木守軫處其南六畜貴處其北穀貴處其西水災有女喪處其東羅貴石氏曰木守軫吉久守之則有大喪都萌曰木守七日不移則有赦○木守軫中天下多死喪兵大起荊州古曰其分將死○木守軫巫咸曰民多病憂火災天文錄曰人主惡之宜修宗廟發赦金

管輅輯要

卷之五十

十

以解之海中古曰天子不恤孤老大臣背叛師旅大起海中古曰主車者有罪○木在軫王者憂疾病國有喪不出九十日居其東水貴居其西有水居其北多疾病居其南車貴○木逆行軫多火災都萌曰木逆行軫人君服喪不謹貴戚坐之若逆行至軫而守之國有喪君憂守之七日不移有弑逆之事逆行入軫中若守之兵大起有大水大旱人疾疫天下更主期三年

熒惑守軫兵起將軍憂天子代位石氏曰有兵天

子車駕凶若有病大臣戮死鄒萌曰有反臣中外
兵起荊州占曰有戰夫子軍死巫咸曰旱川枯不
通萬物不成一曰有火災守軫居南人多病居其
北人多死○火以十月守軫三十日以上兵大起
車騎悉發若入居軫中天下人盡供軍事害居家
者若芒角赤怒天下大囚○火入軫兵大起石氏
曰楚之君死甘氏曰有負客至鄒萌曰大水車貴
陳卓曰國有大喪將軍死南官候曰水旱并作天
下動擾妖言無實國政數敗士卒役勞將有凶天

管窺輯要

卷之五十

十一

文錄曰將軍爲亂一曰邊兵起○火出軫南民多
病出其北人多死鄒萌曰火出軫陰兵起出其陽
乍南乍西遠去之其國小愛去之而復還國有大
喪期一年遠三年○火行軫左負海國有殃行軫
右其中國有憂○火逆行軫多火災○火逆行入
軫曰經天國敗人亡哭聲滿野其分尤甚○火
自兩角逆行至軫天下道絕不通行出其南人多
病死出其北人多死出其陰陰國勝出其陽陽國
勝○火在軫不可爲人客者有殃罰當死○火犯

軫大臣戮死○火犯守軫環繞之天下兵起王者
惡之一曰大臣欲謀君大人憂不出其年若入軫
中有亡國

鎮星守軫甘氏曰土功興有白衣之會國亡地不
出其年石氏曰兵大起久守之五穀傷荊州占曰
后憂○土入軫中守之兵大起國憂川水竭禾稼
死人飢流亡期二年一曰土入軫中有兵起者自
敗○土逆行軫石氏曰女主持喪不謹其貴親坐
之○土起角逆行至軫其下國戰不勝○土出入

管窺輯要

卷之五十

十二

舍軫大旱五穀傷六十日不下江河皆決不出三
年又曰大喪○土出軫而留舍之大旱大飢大兵
○土中犯乘軫國多死喪有土功兵起人主惡之
太白守軫黃帝占曰將軍爲亂車騎大發甘氏曰
將軍憂海中占曰四夷兵大起南官候曰亡地千
里有大喪臣有謀伐上者鄒萌曰有死王吳楚有
憂○金犯軫將軍爲亂臣謀君貴人死千兵去之
一尺天下大飢期不出百八十日一曰兵起四方
○金入軫兵大起國易政士卒遠征將軍受封乙

已占曰有自來侯王受命于王者○太白出入留舍軫秦兵入楚楚國亡地有死君○太白逆行軫其國亡地逆行入之亦曰兵起積尸如山

辰星守軫水傷五穀黃帝占曰天下大疫人多死國有喪石氏曰物不成一曰有反臣中外兵起一曰車騎用執法臣玉曆曰天下人多疫死北方尤甚○水入軫中而犯守之兵大戰破軍殺將天下驚駭守之二十日以上赤芒角數十萬人戰有流血積骨其餘殃不盡大水大飢山崩河決期三年

管窺輯要

卷之五十

三

客星流星彗孛于犯占

客星出軫輕車出石氏曰天子使人以車賜諸侯一曰白衣自立大國有喪兵起有亡君期不出一年遠三年○赤星出軫國兵亂入軫輕車入石氏曰諸侯有使來以車爲幣者都鄙曰土功興五穀大貴或曰無息處車留馬客星守軫天下人災兵起車馬有急行一曰車馬貴石氏曰川谷不通甘氏曰國有自立者一曰小國自立大國多害一曰天下有名山崩大川溢出地有土功糴大貴邊地

有兵軍吏憂色赤黃有外憂蒼黑內有讒臣○星犯軫車馬貴海中占曰有兵喪一曰邊兵起○客星入軫犯長沙天下無處士有逃亡出之則兵散

流星犯軫有大喪兵起庫藏空春夏犯之皮革貴秋冬犯之水旱不調○流星出軫內使出入軫外使入以五色占之流星入軫兵起赤黑大臣憂色自相死近期半年遠一年流星入長沙天下有兵逃亡無地

管窺輯要

卷之五十

四

彗孛出軫天子崩兵滿空關一曰大臣犯上天下兵起三公有與主共死者一曰天下有走士平咸曰民無定期近三年中五年遠九年○彗孛犯軫天下兵起有喪近期百二十日遠一年又人主以無禮失國

雲氣于犯占

蒼白氣入軫王者不可幸官觀出之其禍出○蒼白雲氣圍軫亡國之戒○黃白雲氣潤澤入軫諸侯入貢以車爲幣出軫天子車賜諸侯○赤氣入

軫兵起中國○赤雲氣如波揚入軫車庫火災兵起且有喪○赤雲氣出軫將出兵行白雲氣入軫有大喪黑氣入軫大人憂○黑雲氣如鼠入軫中天子有墜車墜馬落牀之厄○黑雲氣四散入軫若迴繞之天下大水車不用

軫宿去極度數考

按軫宿本位居辰次鄭克州之分凡十七度八月旦在卯九月旦在辰十月旦在巳十一月旦在午十二月旦在未正月旦在申二月旦在酉正月昏

管窺輯要

卷之五十

五

在卯二月昏在辰三月昏在巳四月昏在午五月昏在未六月昏在申七月昏在酉

軫四星十七度距西北去極一百零三度半入軫初度主將軍樂府歌樂又曰軫為冢宰輔臣主車騎又主風雨宋均曰軫與箕同位故主風又曰車動行疾如風正義云軫四星長沙一星轄二星為朱鳥尾以形象言也漢志云軫好風亦好雨變則雨

古曰軫星明大天子昌四海平金火守主兵起

守主兵喪

長沙一星去極一百零一度半入軫五度在軫中主輔相主壽命激清考史漢二書軫為喪車長沙居喪車之中決非如南極老人司人長壽者長沙在軫正中正是短壽者謂之曰沙古今人常用沙和土殉葬取其堅硬長遠謂之長沙是長沙乃殉葬之具的非司人長壽者若司長壽決不居喪主壽命以延期此星似註差矣諺云命染黃沙即此沙也

管窺輯要

卷之五十

六

占曰長沙居常則吉一變色則有喪

左右二轄星左轄去極一百零三度入翼二度右轄去極一百一十度半入翼十度附軫兩傍為座車主王侯右轄為王者同姓親左轄為王者異姓親激清考右轄何以屬同姓左轄右何以屬異姓細思古人尚右故右先儘同姓親次及左為異姓親不然終似難辨別

古曰左右轄居常吉左不見則異姓凶右不見則同姓凶彗孛犯左左喪犯右右喪

軍門二黃星距西南去極一百一十二度半入翼一十三度在青丘西天子六軍之門百官志云六軍左右龍武左右神武左右神策唐置六軍左右羽林左右龍武左右神武萬二千五百人為一軍六軍七萬五千人

占曰軍門王營侯豹尾威旗移徙為道路軍管不通金火守兵起

土司空四黃星距南去極一百二十度入翼十四度在軍門南主土功一曰司徒主界域人民事言

管窺輯要

卷之五十

七

封界邦域内外人民

占曰土司空主界域金火守則男不得耕女不得織兵飢大起土木守則徭役煩興彗孛守則國亡氏流

青丘七黑星距西北去極一百二十四度半入軫

五度在軫東南方三韓之國又主南方之國言閩廣交趾地 占同東區

器府三十二黑星距西北去極一百三十七度入翼一十度在軫南主樂器即今太常寺是漱清考

器府主樂器乃上古五音六律皆有器如鈔鐘簫箏鼓管簫笙簫琴瑟之器不止三十二樂從古各咸英韶濩自季札聽各國之樂樂名亦不止三十二惟韶樂武樂為盡善盡美

占曰器府知常則天下和平禮樂興失常則天子好淫樂棄雅樂彗孛犯則伶官樂人有借樂音以謀上者

軫宿雜座

左轄右轄

管窺輯要

卷之五十

六

左右轄解見

○月入轄星將相庶子死客星守轄星主車吏憂五星客彗守犯轄星南蠻吳越荆楚之分主憂兵喪

長沙

長沙一星在軫中微暗細小乍見乍不見王侯有喜○客星流星入長沙天下動搖

軍門

軍門二星在青丘西天子六軍之門也主營侯其星移徙則君道不通○客星守軍門軍道不通

土司空

土司空四星在軍門南主土功九成地界主疆里辨風土均職貢來遠人其星均明則天下大同暗小則德政不修遠人離叛○金火犯守土司空男女不得耕織天下大飢兵大起客星犯守土司空兵大起土功大興人民失業百姓愁怨國有大咎

青丘

青丘七星在軫東南主東方三韓之國南夷蠻貊之星也其星明大則四夷有兵動搖芒角則蠻夷

管窺輯要

卷之五十

九

叛○流星入青丘蠻夷來歸中國

器府

器府三十二星在軫南樂器之舍也主音樂律呂其星明則樂和微暗不具則樂廢○彗孛犯器府樂官誅黜○赤氣掩入器府天下樂廢

南方七宿維座

四瀆江河淮濟水位主水災疑積水供酒食之正積薪給烹飪之爲南北二河所以分諸夏而定蠻貊關丘兩觀所以布象魏而別尊卑曜星烽火也

四時變火天罇醴粥也以給貧賤五諸侯決疑斷

獄弧與矢備盜陰謀軍主天軍之貨易野鷄知變怪以虞伏天狗守禦之良畜天狼侵掠之凶徒天社土地之主老人壽考之符三台星列抵太微爲三公宜符開德主烹宰者各外厨爲農正者號天稷天記知禽獸之齒歲酒旂主享宴之酒食天相宰相也朝服之制天廟祖廟也祭祀之儀軒轅爲權后妃雷電長垣城邑也無界不防少微師保也無微不諫内平平罪之官太尊貴戚之宦東甌爲

管窺輯要

卷之五十

南越蠻夷之區軍門乃夫子軍門之辨明堂玉堂也布政垂裳靈臺觀臺也仰觀候變土司空九土之界域亦人民風土之所宜器府主八音之樂伎長沙主壽命以延期青丘爲南方之國進賢舉賢卿相之爲

管窺輯要卷之五十一

六安黃 鼎玉耳父纂定

男九命簡臣

侄九錫公位

九疇倫叙

九如眉介

侄孫珮琢成

珂先鳴

桐城左兆及子詒全閣

管窺輯要

卷之五十一

雲氣犯角宿星

雲氣犯庫樓星




管窺輯要

卷之五十一

雲氣犯九宿星

雲氣犯

二



晉書曰角宿二星為天關左角為理三刑右角為將主兵有蒼白氣入左角兵敗出右角戰有憂○宋志曰雲氣黃白入右角得地赤入左有兵入右戰勝黑白氣入于右兵將敗天文錄曰庫樓十星六大星庫也南四星樓也在角宿南天庫兵車之府也有紫氣千尋天子自將兵○宋志曰赤雲氣入内外不安天庫生角有兵

晉書曰亢宿四星為天子內朝有雲氣入主民饑疾○宋志曰雲氣犯之色蒼民疫白為土工黑水赤兵一云白民瘡疾黃土工

天文錄曰招搖一星在梗河北至北兵蒼白氣入相死赤則兵亂黃則兵罷白氣入大人憂 宋志同

天文錄曰折威七星在亢南至斬殺斷獄黃白氣入有和親天子喜蒼白氣入大臣為亂黑則天子惡之○宋志曰雲氣犯蒼白兵亂赤臣叛主黃白為和親出則有赦黑氣入人主惡之

管窺輯要


卷之五十一

三


天文錄曰攝提六星左右各三在斗杓南其星為盾擁夾帝座黃氣入公卿受賜青則九卿憂赤則盾戈用黑則大臣死○宋志曰雲氣入赤為兵九卿憂色黃喜黑大臣戮

天文錄曰大角一星在攝提間天王座也青氣入千尋如槍冲過者殿梁折青氣拊之君憂白拊有喪黃氣出君有喜○宋志曰雲氣青主憂白為喪黃氣出有喜

雲氣犯民宿星



雲氣犯騎官星



雲氣犯梗河星



雲氣犯心宿星



管窺輯要

卷之五十一

四

晉書曰氐宿四星為后妃前二星嫡也後二星妾也蒼白雲入疾疫流星黑氣入大水○宋志曰雲氣入黃為土工黑主水亦為兵蒼白為疾疫白后宮憂

天文錄曰騎官二十七星在氐南天子宿衛之士蒼白氣入騎死

天文錄曰梗河三星在帝座北主矛鋒備不虞一曰天鋒赤氣入有大戰蒼白氣入將死 宋志同

晉書曰心宿三星為天王正位青氣入天子使諸


侯○宋志曰雲氣入色黃子孫喜白亂臣在側黑太子有罪

管窺輯要


卷之五十一

五

雲氣犯房宿星



雲氣犯積卒星



晉書曰房宿四星為明堂布政之宮亦四輔也黃雲如人入者后妃有娠赤氣入兵起○宋志曰雲氣入赤黃吉如人形后有子色赤後宮亂蒼白氣出將相憂

天文錄曰積卒十二星在房西南為五營軍士之象主掃除青赤氣入大臣持政欲論兵事 宋志同 天文錄曰魚一星在尾後河中主理陰陽知雨雲之期赤氣入兵起將憂氣出兵罷黃則天子用事氣出兵起 宋志同

管窺輯要

卷之五十一

六

雲氣犯尾星




疫赤則有兵攻城○宋志曰雲氣蒼白橫貫布
喪赤亦為兵黃白氣入牛藩思黑則牛死
天文錄曰九坎九星在牽牛南主溝渠導泉疏瀉
青氣入天下旱黑則百川涸

管窺輯要

卷之五十一

九



天文錄曰河鼓三星在牽牛西北天鼓也主天子
軍鼓黃白氣入天子喜赤入兵起出則戰勝黑則
將死青入將憂出則禍除 宋志同

天文錄曰織女三星在天市垣東天女也主瓜果
絲帛珍寶蒼白氣入女子有疾黑則有憂赤女子
多死于兵黃則女有進者 宋志同

晉書曰須女四星天之少府賤妾之稱婦職之卑
者也赤氣入婦女多以兵死白則婦多疾疫○宋
志曰雲氣入黃白有嫁女事白為女多病黑為女

管窺輯要

卷之五十一

十

多死赤則婦人多兵死者

天文錄曰瓢瓜五星在離珠北至天子果園蒼白
氣入果多不實赤則果多實黃則天子以果賜諸
侯黑則天子食果而致疾○宋志曰青為天子攻
城邑 餘占同


天文錄曰敗白四星在虛危南兩兩相對主散災
害黑氣入主憂 宋志同

管窺輯要

卷之五十一

十一

天文錄曰天津九星在虛宿北橫河中一曰天漢
 一曰天江主四瀆津梁黃白氣入天子有德令蒼
 白主大水○宋志曰赤雲氣入為旱黃白天子有
 德令黑為大水色蒼為水為憂出則禍除
 晉書曰虛宿二星家宰之官也主祭祀哭泣黃氣
 入天子喜起廟祠赤氣入有土工○宋志曰雲氣
 黃入為喜蒼為哭赤火黑水白有幣客來
 天文錄曰天壘城十三星在泣南園如大錢形若
 貫索主鬼方北夷之事赤黃揜之北夷滅有疾疫



管窺輯要

卷之五十一

十二

晉書曰危宿三星在天津東南至天府天市營造
 受藏之事蒼白氣入風雨損屋○宋志曰雲氣入
 蒼白為土工青為國憂黑為水為喪赤為火白為
 憂為兵黃出入為喜
 天文錄曰土司空一星在奎南一曰天倉掌水土
 事黃氣入土工興主移京邑
 天文錄曰羽林軍四十五星三三而聚散出壘壁
 之南至天兵翊衛蒼白氣入後宮憂黃則後宮喜
 或受太子所獻黑氣入諸侯惡之○宋志曰雲氣



蒼白入南后有憂入北諸侯憂黑太子諸侯忌之
出則禍除黃白吉

管窺輯要

卷之五十一

三

雲氣犯宮室星

雲氣犯北落師門星

雲氣犯
治氣星




晉書曰營室二星天子之宮也又為軍糧之府黃
氣入光潤如日月天子有男子女子之祥白氣入有喪
赤則兵起○宋志曰雲氣入黃為土工蒼白大人
惡之赤為兵民疫黑則大人憂

天文錄曰北落師門一星在羽林西南主北方藩
落蒼白氣憂疾病黑氣入主憂黃白氣入天子喜
○宋志曰雲氣入蒼白為疾疫赤為兵黃白喜黑
入邊將死

天文錄曰酒旗三星在軒轅右角主宴會赤氣入
管窺輯要
卷之五十一
君以酒失

古

雲氣犯東轸星



雲氣犯奎星

管窺輯要


卷之五十一

主

晉書曰東壁二星主文章天下圖書之祕府赤氣如日月潤澤入男子之祥白氣入大人憂○宋志曰赤雲氣入之為兵黑入其下國破黃則外國貢獻一曰天下有烈士立

晉書曰奎宿十六星為天武庫一曰天豕一曰封豕主以兵禁暴蒼白氣入天子宮中有喜黑氣入有憂蒼赤氣入有受命來降者○宋志曰赤雲氣入犯為兵黃為天子喜黑則大人有憂

雲氣犯開道星



管窺輯要

卷之五十一

其

天文錄曰閣道六星在王良前主輦閣之道黃氣入天子喜白氣入有急事黑氣入主有疾

天文錄曰王良五星在奎北居河中乃天子主車御之官也青氣入奉御官憂陸車赤氣入奉御官有鉄鐵之憂黃氣入奉御受賜

天文錄曰附路一星在閣道南主便閣道徑也蒼白黑氣入太僕死赤入太僕受誅黃白入太僕受賜

宋志同


晉書曰婁宿三星主施牧犧牲供給郊祀黃氣入

貴人受賜白氣入人民受賞赤氣入主兵○宋志
曰青赤雲氣入為兵喪黑為大水

管輅輯要

卷之五十一

十七



天文錄曰天倉六星在婁宿南至五穀所藏待國
之用黃白氣入歲大熟蒼白氣入歲饑赤為兵旱
倉庫有火災

天文錄曰胃宿三星為天子厨藏主倉廩蒼白氣
出入有喪糴粟事黑為倉敗穀腐○宋志曰青黑
為兵黃白倉實

天文錄曰大陵八星在胃北一曰積京主丘陵墓

墳死喪蒼白氣入有大兵喪赤氣入多戰死

宋志同

天文錄曰天船九星在大陵北一曰舟星主通濟

管輅輯要

卷之五十一

十八

利涉青氣入天子不可乘御黃白天子有喜○宋
志曰赤為兵船用

雲氣犯天

雲氣犯天

雲氣犯天

雲氣犯天

管窺輯要

卷之五十一

十九

晉書曰昴宿七星天之耳也又為旄頭胡星有蒼赤氣入民多疾疫妖言起胡兵入○宋志曰蒼赤雲氣犯之民疫黑則北王憂青為水為兵青白人

天文錄曰天廩四星在昴宿南一曰天庾王積黍稷以享神青赤氣入蝗蟲大旱黃氣入歲多黍粟赤氣多水

天文錄曰芻蕘六星在天苑西王積蕘之事一曰天積赤氣入有大憂天子因火散財黃氣天子財

指出○宋志曰赤雲氣犯之為火黃為吉

天文錄曰積尸一星在天陸中主死喪蒼白氣入人多死黑多疾疫

管窺輯要

卷之五十一


二十

雲氣犯天

雲氣犯天

雲氣犯天

雲氣犯天



天文錄曰天苑十六星在昴畢南如團狀天子養禽獸之所蒼白氣入戰多病黃白氣入牛馬蒼黑則多死 宋志同

天文錄曰天囷十三星如乙形在胃南主給御廩
 秦盛青白氣入歲饑人流亡 宋志同
 晉書曰畢宿八星主邊兵弋獵白氣入畢口其歲必生大人赤氣入必有兵起旱火災蒼白氣入歲多收○宋志曰蒼白雲入歲不收赤為兵為旱為火黃白天

管窺輯要


卷之五十一

主

天文錄曰積水一星在天船中候水災蒼白氣入有水井度亦有積水一星主供給酒食占與此同

雲氣犯五車星

雲氣犯天潢星



管窺輯要

卷之五十一

主

天文錄曰五車五星在畢宿北天子之兵車舍也蒼白氣入民不安多流亡赤氣入兵起 宋志同

天文錄曰天高四星在坐旗西主望八方雲氣今觀星臺之象蒼白氣入旱霜害禾稼 宋志同

天文錄曰天潢五星在五車中主河梁津渡黃氣入天子喜安和兵罷蒼白氣入有喪赤氣入兵起庫有火○宋志曰蒼白或黑雲氣入為喪赤為兵白則天子有喜

天文錄曰天關一星在五車南亦曰天門主邊防

天文錄曰咸池三星在天潢南主陂澤池沼黃氣入有喜事黑入大水蒼白入魚多死赤入主旱曰為神魚兒 宋志同

天文錄曰參旗九星一曰天旗一曰天弓主弓弩之事赤氣入西夷來侵○宋志曰雲氣犯之色青入自西北兵來期三年

天文錄曰天園十三星在天苑南主蔬菜之所有白氣入兵起 宋志同

晉書曰背觜三星為三軍之候黃氣入兵起黑氣

管窺輯要

卷之五十一

三

入大人憂○宋志曰雲氣犯之赤為兵蒼白為兵憂黑趙地大人有憂色黃有神寶主入


道路黃氣入四方來貢 宋志同

晉書曰大將軍十一星在婁北主武兵蒼白氣入軍多疾亦有兵出 宋志同

管窺輯要

卷之五十一

三



管窺輯要

卷之五十一

五

天文錄曰玉井四星在參左足下主水泉以給庖

厨青氣入井水不可食 宋志同

晉書參宿十星內七大星應七將主斬刈有蒼白

雲入憂災赤氣入兵起○宋志曰青雲氣入天子


起邊城蒼白為臣亂赤為內兵黃色入澤大將受

賜黑為水災大臣憂白雲氣出貫之將死天子疾

天文錄曰積薪一星在積水東北厨赤氣入憂火

晉書曰東井八星主水衡法令黃白氣入有水澤

事興赤氣入有大水成疾病○宋志曰蒼黑雲氣




入民有疾疫黃白潤澤有客來言水澤事黑入為大水常以正月朔日入時候之井宿上有雲歲多水潦

管窺輯要

卷之五十一

五


雲氣犯天廚星



雲氣犯老人星



雲氣犯天廚星



雲氣犯老人星



天文錄曰天厠四星在屏星東主溷隱腰下疾青赤氣入兵起黑入大人憂黃入天子有喜宋志同

天文錄曰孤矢九星在狼星東南天弓也主行陰謀以備盜赤氣入民驚一曰胡兵入中國黑氣入胡人多病死宋志同

管窺輯要

卷之五十一

三

雲氣犯南河星



雲氣犯狼星



雲氣犯水位星



雲氣犯諸星



天文錄曰南河三星主火青氣入河道不通赤入天子用兵黃入有德令黑入水傷人○宋志曰蒼白雲氣入河道不通出而色赤天子兵向諸侯黃氣入之有德令出為災

天文錄曰水位四星在積薪東主水衡渴溢赤氣入大人憂歲旱荒宋志同

天文錄曰狼一星在東井東南為野將主侵掠赤氣入有兵革胡人侵掠民驚宋志同

晉書曰輿思立星主視明察奸白氣入有疾病黑

管窺輯要

卷之五十一

三

氣入大人憂○宋志曰白雲氣入有疾疫黑后有疾憂赤為旱黃為土工入犯積尸貴人有憂青為病

露氣犯柳宿星



管窺輯要

卷之五十一

三九

晉書曰柳宿入星天之厨宰也主尚食和滋味赤雲入火災黃入有赦黃白爲天子有喜起宮室

志同

天文錄曰耀四星在鬼宿西北主烽火備警急赤

氣入天下烽動

宋志同


晉書曰七星七星一名天都主衣裳文綉蒼白氣入大人憂赤雲入四曲五曲不止者臣亡○宋志曰蒼白雲氣入貴人憂出則天子用急使赤人爲兵黑爲賢士死黃則遠人來貢白爲天子遣使賜

諸侯帛

管窺輯要

卷之五十一

丰



天文錄曰北河三星主水蒼白氣入邊境有兵疾疫又主胡王死 宋志同


天文錄曰南河三星主火青氣入河道不通赤入天子用兵黃入有德令黑入水傷人

天文錄曰水位四星在積薪東主水衡瀉溢赤氣入大人憂歲旱荒 宋志同

管窺輯要

卷之五十一

主



卷之五十一終

管窺輯要總目錄

第一冊	序等至卷二十一	卷之三十八	二〇六
第二冊	卷二十二至卷五十一	卷之三十九	二一五
第三冊	卷五十二至卷八十	卷之四十	二二五
		卷之四十一	二三八
		卷之四十二	二六一
		卷之四十三	二六八
		卷之四十四	二八一
		卷之四十五	三〇七
		卷之四十六	三一九
		卷之四十七	三二五
		卷之四十八	三三六
		卷之四十九	三四三
		卷之五十	三四九
		卷之五十一	三五九

管窺輯要第二冊目錄

卷之二十二	一
卷之二十三	九
卷之二十四	二九
卷之二十五	三八
卷之二十六	五四
卷之二十七	七二
卷之二十八	八三
卷之二十九	九六
卷之三十	一〇五
卷之三十一	一二二
卷之三十二	一三七
卷之三十三	一四八
卷之三十四	一五九
卷之三十五	一七〇
卷之三十六	一八五
卷之三十七	一九三

1996-2000 年(“九五”)國家重點圖書出版規劃



元吳郡庠刻本《通鑑總類》扉頁背面所鈐「五福五代堂古稀天子寶」，方8.1cmx8.1cm，「八徵耄念之寶」，方8.2cmx8.2cm，「太上皇帝之寶」，方8.1cmx8.1cm。

ISBN 7-80645-741-0

9 787806 457412 >

[General Information]

丛书名=故宫珍本丛刊

书名=管窥辑要 第2册

作者=故宫博物院

出版社=海口市：海南出版社，2000.10

出版日期=2000.10

页数=374

原书定价=625.00（全4册）

DX号=000007477106

SS号=12294611

ISBN=7-80645-741-0

中图法分类号=B992.2

分类号=0215090202

主题词=数学-应用-占候-中国-古代

参考文献格式=故宫博物院编.管窥辑要 第2册.海口市：海南出版社,2000.10.

简介=